



LIPOTI I LE PALEMENE

**Galuega a le Ofisa Su'etusi
Iulai 2012 – Iuni 2013**

Telefoni: 27751
Fesi: 24167
Imeli: info@audit.gov.ws

**P.O.Box 13
APIA, SAMOA**

*Ia faatuatusi tusitusiga uma i le:
Pule ma Suetusi Sili*



OFISA SUETUSI

16 Tesema 2016

Afioga Toleafoa Fa'afisi,
Afioga i le Fofoga Fetalai,
Fono Aoao Faitulafono,
Malo Tutoatasi o Samoa

Lau Afioga i le Fofoga Fetalai,

Lipoti i le Palemene i luga o Galuega a le Ofisa Suetusi mo Iulai 2012 – Iuni 2013.

I le usitaia ai o le Mataupu 98 o le Faavae o le Malo Tutoatasi o Samoa 1960, ma le Vaega 42 o le Tulafono o le Sueina o Tusi 2013, ua ou tuuina atu nei ma le faaaloalo tele i lau Afioga, mo le faataatiaina i luga o le laulau a fono a le Palemene i lana fonotaga o lumanai nei, la'u Lipoti i luga o Galuega a le Ofisa Suetusi, mo le vaitaimi o Iulai 2012 e oo atu ia Iuni 2013.

Ma le faaaloalo,

Fuimaono Papalii C. G. Afele
PULE MA SUETUSI SILI

FUA FAASOLO O MATAUPU

FAAPUUPUUGA MA UPU FAAAOGA I TOTONU O LE LIPOTI

UPU TOMUA

OTOOTOGA A LE PULEGA MA ITU AUPITO TAUUA O LE LIPOTI.....	1
SUIGA O LE FAATULAGAGA O LE FAALAPOTOPOTOGA MA TAGATA FAIGALUEGA.....	3
FA'AMATALAGA O TUPE FA'ALETASAGA.....	3
SINI O FAATINOGA A LE OFISA MA TAUNUUGA.....	4
SUESUEGA FAASUETUSI MA ISI GALUEGA.....	8
FAAMATALAGA O TUPE FAALETASAGA A LE MALO.....	9

FAAMATALAGA O TUPE A LE MALO, FAAMATALAGA FAA LE-KUATA, LIPOTI ULUAI SUESUEGA & FAATAU TU'I

Faamatalaga o Tupe a le Malo.....	11
Faamatalaga Faale-Kuata o Tupe Maua ma Tupe Totogi.....	16
Lipoti o Uluai Suega Faasuetusi.....	21
Faatau-Tu'i.....	23

SUESUEGA O MATAGALUEGA

Faatoaga ma Faiga Faiva.....	29
Loia Sili.....	32
Mataupu Tau le Va i Fafo ma Fefaatauaiga.....	33
Soifua Maloloina.....	34
Faamasinoga ma Pulega Tau Faamasinoga.....	37
Fono Aoao Faitulafono.....	41
Punaoa Faalenatura ma Siosiomaga.....	45
Komesina o Sulufaiga.....	48
Leoleo ma Falepuipui.....	49
Palemia ma le Kapeneta.....	55
Komisi e Pulea Tagata Faigaluega o Galuega a le Malo.....	57
Tupe Maua.....	62
Tina ma Tamaitai, Atinae o Nu'u ma Afioaga ma Agafesootai.....	68
Galuega, Felauaiga ma Atinae Eeseese.....	72

SUESUEGA O FAALAPOTOPOTOGA A LE MALO

Faalapotopotoga o Tau'i mo Faalavelave Tutupu Faafuasei.....	76
Faletupe o Atinae o Samoa.....	78
Faalapotopotoga Malosi Faa-Eletise.....	83
Pulega o Galuega Tinei Mu ma Faalavelave Tutupu Faafuasei.....	84
Pulega o Felauaiga i le Laueleele.....	95

Auaunaga Faa-Soifua Maloloina.....	98
Faalapotopotoga Faavae Tau Fatuga’o	102
Iunivesite Aoao o Samoa	105
Penisione mo Sui o le Palemene.....	107
Kamupani Vaalele o le Polenisia	108
Ofisa o le Tausi Mavaega.....	109
Faalapotopotoga o Mea Tau Fale a Samoa	112
Faalapotopotoga o Eleele a Samoa	114
Faalapotopotoga Inisiua Tau Soifua a Samoa	117
Faaputugatupe mo le Lumanai Manuia o Tagata Samoa	119
Falemeli o Samoa	124
Pulega o Faailoga ma Tusi Pasi Tauaoloa a Samoa	126
Oloa Tau Vilimaa a Samoa	128
Faalapotopotoga o Vaa a Samoa	129
Auaunaga i Luga o Vaa a Samoa.....	131
Pulega o Fale ma Malae Taalo a Samoa	135
Ofisa o le Sports Lotto a Samoa	140
Pulega o Tagata Tafafao Maimoa mai Fafo	141
Faalapotopotoga o Esetete Tausi o Samoa	143
Pulega o le Suavai	144
Faalapotopotoga o Suesuega Faasaienisi a Samoa.....	147
Pulega o Petipetiga.....	149
Faaputugatupe Teufaafigaluega o Mavaega Tausi a Samoa.....	151

SUESUEGA O GALUEGA TAU ATINAE

Faalapotopotoga o Malosiaga Faa-Eletise ADB Atinae o le Faalauteleina o le Malosiaga Faa-Eletise	153
Faalapotopotoga o le Malosiaga Faa-Eletise 400KWP Solar Project	154
Poloketi a le Vaega o Aoga Laasaga II	155
Gaoioiga Faataatitia o le Poloketi o le Pulega o Vailaau Faava o Malo (SAICM)	156
Fesootaiga i le Va o Tagata Ofisa Faaletulafono o Atumotu o le Pasefika	157
Polokalame Lagolago o le Sosaiete Tau le Va o Tagata	158
Polokalame o le Toe Faaleleia ina ua Maea le Tsunami 2012.....	159
Vaega o Tulafono ma Faamasinoga	160
Toe faaleleia o fesootaiga i aoga o Samoa(Samoa School Net) ma Avanoa o le Atunuu	161
Laasaga II (SIAM) o le Pulega o Aseta Eseeese a Samoa	162
Polokalame Tau Aoaoga i Totonu o Samoa	163

Poloketi Lautele a le Vaega o le Soifua Maloloina.....	164
Polokalame a Talavou	165
Polokalame Fa’aleleia o Auaunaga o le Vaega a le Malo.....	166
Nofoaga ma Fale o Auaunaga Lagolago a le Vaega Tumaoti.....	167

SUESUEGA O GALUEGA FAATINO

Pulega o Taulaga a Samoa.....	168
Matagaluega o Punaoa Faalenatura & Siosiomaga - Ofisa Tau Faafoga o Faalavelave Tutupu Faafuasei Matuia – Lipoti o le Tufatufaga o Fesoasoani o le Afā o Eveni.....	172

SUESUEGA FAAPITOA

Lipoti o le iloiloga o tupe totogi mo le konekarate na fuafuaina ma vaaia le faafoga o le Polokalame o Vai Tumaoti e Valu (8).....	176
Lipoti e Faatatau i le Tagofiaina o Tupe Lautele ua Taulimaina e le Vaega o le Ofisa o Femalagaaiga	178
Lipoti e Uiga i Tupe Totogi mo Aso Malolo ona o le Umi ona Galue.....	180
O se Suesuega Faapitoa o le Iunivesite Faafomai i le Pasefika (OUM).....	182

FAAPUUPUUGA MA UPU FAAAOGA I TOTONU O LE LIPOTI

ADB	Faletupe o Atina'e o Asia
Finance One	Polokalame faakomipiuta mo le faamauina o tupe o loo faaogaina e le Malo
MOF	Matagauega o Tupe
PFMA 2001	Tulafono mo le Pulega o Tupe a le Malo 2001
PSC	Komisi o le Aufaigaluega o Galuega a le Malo
SAI	Supreme Audit Institution
SAO	Ofisa Suetusi o Samoa
TY1	Pepa faapitoa e totogi ai tupe (manual)
TY11	Pepa faapitoa mo le faatauina mai o oloa
TY15	Pepa faapitoa mo totogi
TY76	Pepa faapitoa mo penisini

UPU TOMUA

O lau lipoti lona ono nei i le Palemene talu mai ona faafaigaluegaina muamua au i le faaiuga o Setema 2010. O lenei lipoti o se ata o faagaioiga o le Ofisa Suetusi ma faaiuga o ana suesuega ma isi galuega na maea i le vaitaimiti o Iulai 2012 ia Iuni 2013. O isi tulaga faaletonu sa mǎua e le Ofisa Suetusi, pe sa lipotia mai, o lo o faapea ona lipoti ese.

Ua tuai ona faamautu lenei lipoti i le palemene mo le faaliliuina i le Gagana Samoa ma le lolomiina ona o le naunautauga e muamua ona taumafai e tuulata mai faamatalaga tau tupe, sueina faasuetusi ma lipoti a Matagaluega, Ofisa o le Palemene, Ofisa Faavae ma Faalapopototoga Tumaoti a le Malo. Ua matou talitonu ua ausia faagasologa agai i luma.

O le tapenaga o le Lipoti Autu 2013 ma le Lipoti o Tulaga Faaletonu ma le Faamatalaga o Tupe a le Malo mo le tausaga 2012 ma le 2013, na maua ai foi le avanoa e faaleleia atili ai le tuufaatasia o lipoti ma faamautinoa o lo o iai se leo o e o aofia i nei faamatalaga ma talia le tali mai o Ofisa Sili. O lea tulaga e mo le faamalieina o aiaiga ma taiala faavaomalo i le sueina o tusi ma taiala faavaomalo o Vaega Suetusi Maua (SAI) o lo o maioio mai le Ofisa Suetusi ina ia faailoa suesuega na maua mai sueina o tusi, faaiuga ma ni auala e faaleleia ai ni tulaga o lo o manaomia mai pulega aloaia. O lo o faasino tonu lea i le Palemene ma le Kapeneta ona o latou o le aotelega o le pulega aloaia a le Malo e tataua ona fa'ailoa ai faamatalaga talafeagai mai le lipoti mo le Palemene a'o talia faamatalaga mai Pule Sili. O lenei tulaga o le a faaauauina mo lipoti uma faasuetusi mo le Palemene.

Atonu foi e lelei lenei avanoa e faailoa atu ai i pulega aloaia, o lipoti a le suetusi i le Palemene e faamalositia ma faaleleia ai pulega ma le taualumaga o le fegaoioiga, aemaise i le tali manino atu o le Pulega (Kapeneta ma le Faiga Malo) o le Itutino o lo'o sueina tusi, o le Ofisa Suetusi, o le Suetusi Tofia Fa'alelulafono a le Malo o Samoa, o le Itutino o lo'o puleaina (Tagata a Nu'u ma Tagata Lautele) ma le Fono Faitulafono (Sui o Tagata Nu'u ma Tagata Lautele o le Atunuu).

O lipoti a le Suetusi Sili i le Palemene e leai se faamoemoe e faitioina pe suesue masei pe faaagaina e faalapopototoga mo ni manaoga faapisinisi, faiga faapolokiki poo ni penifiti e patino i se tagata se toatasi. E mafai e faalapopototoga tumaoti ona faaagaina lesone ma fautuaga mai lipoti a le Pule ma Suetusi sili i le Palemene e faaleleia ai pulega ma manino fa'aiuga i totonu o a latou faalapopototoga. O lipoti a le Pule ma Suetusi Sili e avea lea ma taiala e lima taitaiina ai faalapopototoga tumaoti faapea foi ma le Malo i luga o faiga lelei ma pulega manino.

Ua faaopopo i le matafaioi ua faatulafonoina a le Ofisa Suetusi le faiga o suega faapitoa poo suesuega o solitulafono tau tupe ma isi tulaga faaletonu. O le matafaioi faatulafonoina lenei e ese mai ai i galuega faatino masani a le Pule ma Suetusi Sili ma lipoti i le Palemene e taumafai e faaleleia ma iai se aoga fa'aopopo i le pulega, faamaumauga o tupe ma le fegaoioiga o le faatinoga ma faamaumauga o tupe, faapea le faamaninoina o tulaga o le pulega. O le suega faapitoa o tusi o loo aiaia i lalo o le tulafono ua faasee i lalo o le vaavaaiga a le Ofisa Suetusi e amatalia ai ma faavae mai ai agavaa talafeagai. O loo tapena le matou Fuafuaga Alualu Mamao mo Iulai 2014 agai ia Iuni 2024 mo le isi sefulu (10) tausaga, ina ia avea ai lenei vaega ma le Ofisa o Suesuega Faapitoa e lagolagoiina galuega a le Ofisa o Moliaga po o ofisa o moliaga tutoatasi i suesuega ma moliaga o soli tulafono e pei o le faiga fa'agaoi, fa'aaoga le tataua, tupe taufaasese ma faiga pi'opi'o i lalo o le Tulafono Suetusi 2013, Tulafono o Soligatulafono 2013 ma isi tulafono talafeagai.


Fuimaono Papalii C. G. Afele
PULE MA SUETUSI SILI

OTOOTOGA A LE PULEGA MA ITU AUPITO TAU A O LE LIPOTI

O galuega sa faatino i lenei vaitaimi o taumafaiga faaauau pea a le Ofisa Suetusi e faamaea galuega tuua ma ia tulai mai lipoti i se tulaga tuu lata mai. I le faaiuga o le tausaga faaletupe na faaiuina i le 30 o Iuni 2013, e iva sefulu ma le fitu (97) galuega sa faamaeaina ma ua lipotia pe a faatusatusa i le ono sefulu (60) i le amataga o galuega maea mo galuega tuua i tausaga faaletupe na faaiuina i le 30 Iuni 2009 ma le 30 Iuni 2010.

O le Polokalame Faaleleia a le Ofisa Suetusi sa faatautaia mai le 2006 i le 2011. Ina ua maea le faatinoina i le 2011, sa iai tulafono a le Ofisa Suetusi sa iloiloia pea i lea taimi. O se tasi o vaega o lenei Polokalame Faaleleia o le tuufaatasia lea o le Fuafuaga Faataatitia Alualu Mamao mo le vaitaimi o Iulai 2009 ia Iuni 2012. Mai ia Iulai 2011, sa faapea ona unaia ai le Ofisa e faauma vaega o le Polokalame Faaleleia sa tataua ona faamaea i le taimi lea e pei o tulafono a le Ofisa Suetusi faapea foi faatinoga ma fetuunaiga sa atagia i Fuafuaga Faataatitia Alualu Mamao i le vaitaimi o Iulai 2009 ia Iuni 2012.

I le tausaga na faaiuina i le 30 Iuni 2013, sa faaauau pea galuega i luga o tulafono faasuetusi ma fuafuaga alualu mamao ma sa vaavaa lua foi ma galuega ua uma ona faagasolo e tusa ai ma le Polokalame Fa'aleleia o le Pulega o Tupe a le Malo o Samoa Vaega 2 ma fuafuaga a le Faalapotopotoga a Ofisa Suetusi a le Pasefika (PASAI) ma le Faalapotopotoga o Ofisa Suetusi o le Lalolagi (INTOSAI) e pei ole fa'atalatalanoaga ma le tu'u aloaia atu ole Lipoti a le PASAI i lana iloiloga ole mafai ona tali atu o Malo ile 2012.

O isi galuega taua i totonu o le tausaga faaletupe e aofia ai:

1. Le tuuina atu o le Tulafono Taufaaofi o le Suega o Tusi ma le Tulafono Taufaaofi o Teuteuga o le Faavae mo le faamalositia o le tutoatasi o le Suetusi Sili ma le Ofisa Suetusi i le Kapeneta e faamaonia mai mo le tuuina atu i le Palemene.
2. O le tuuina atu o le Tulafono Taufaaofi Suetusi ma le Tulafono Taufaaofi o Teuteuga o le Faavae i taualumaga a le Palemene mo faitauga masani.
3. Mataituina ma le auai atu i le tufatufaina o fesoasoani mo le afa o Eveni, galuega faatausi tusi ma le faasoaina po o le sueina o fesoasoani maua mai.
4. Tali malo mo le a'oa'oga a le Faletupe o Atina'e o Asia mo le faamaoni ma le foia o gaioiga taufaasese mo Suetusi a Fa'alapotopotoga ole Malo ma Suetusi a Fa'alapotopotoga Tumaoti.
5. Talosagaina ma le amataga o le Laasaga II mo le Toe Fuataiga o Pulega o Tupe a le Malo o Samoa i lalo o le poloketi mo le mafai gafatia ma le siitia i tulaga maua luga.
6. O le tuuina atu o le tapenaga ma le folasaga a le Faalapotopotoga a Ofisa Suetusi a le Pasefika (PASAI) i le Fonotaga lona lua sefulu ma le lua a le INTOSAI i Vienna e fai ma sui o le Ofisa Suetusi Sili a Niu Sila sa fuafua e momolia lenei folasaga.
7. O le auai atu i le Fonotaga lona sefulu ma le lima o le Vaega Faatino o le INTOSAI i le sueina o le a'afiaga ole siosiomaga i atinae ma faaogaina ma taliaina o le valaaulia e avea ai ma sui o lenei komiti mo suesuega o le a'afiaga ole siosiomaga i atinae.
8. Fa'amae'aina o le tolu tausaga muamua a le Suetusi Sili ma le toe faasalalauina o le tulaga mai ia Me 2013 seia oo ia Iulai 2013.

9. Faatinoga o aoaoga mo le toa fitu o Ofisa Sinia o le Ofisa Suetusi e galulue faatasi ma le Ofisa Suetusi i Niu Sila i lalo o le Poloketi o Tau Fuafuaga o le toe Fuataiga o le Pulega o Tupe a le Malo o Samoa mo le mafai, gafatia ma le siitia i tulaga maua luga.
10. Taliaina o le valaaulia a le Ofisa o le Suetusi Sili (SAI) i Netherlands e tapenaina se folasaga i le fonotaga i paaga mo tagata lautele ma faalapotopotoga tumaoti.

SUIGA O LE FAATULAGAGA O LE FAALAPOTOPOTOGA MA TAGATA FAIGALUEGA

O lenei tausaga sa vaaia ai i le amataga ni suiga i le faatulagaina o le Ofisa Suetusi i le mae'a ai o Polokalame Faaleleia ma le fa'aaogaina ole Fuafuaga Alualu Mamao mai ia Iulai 2009 se ia oo atu ia Iuni 2012.

Sa faaauau pea le faafaigaluegaina o tulaga fou e tusa ai ma le faatulagaga fou e autasi ai ma le va o le faatulagaga o le faalapotopotoga ma faatulagaga o galuega faatino.

FA'AMATALAGA O TUPE FA'ALETASAGA

Ofisa Suetusi

Galuega Faatino	Tupe Fa'aalu	Tupe Fuafuaina	Tupe Totoe mai Tupe Fuafuaina Totoe	Pasene o le Faaogaina %
Auaunaga Autū ma Auaunaga Faa-Palemene.	856,959	894,914	37,955	96%
Suega ma Auaunaga Tau Faamaoniga i le Matagaluega o Tupe, Matagaluega uma a le Malo ma Polokalame Fa'atupe mai Fafo	1,060,253	1,156,917	66,664	92%
Auaunaga Faasuetusi i Faalapotopotoga Tumaoti a le Malo	785,738	882,291	96,554	89%
AOFAIGA	2,732,950	2,934,121	201,173	93%

Feuiaiga Tau Tupe e fai ma Sui o le Malo

Galuega Faatino	Tupe Fa'aalu	Tupe Fuafuaina	Tupe Totoe mai Tupe Fuafuaina	Pasene o le Faaogaina %
Fono Tele a le Faalapotopotoga Ofisa Suetusi a le Lalolagi	-	5,000	5,000	0%
Faalapotopotoga a Suetusi o le Pasefika	-	600	600	0%
Faalapotopotoga a Ofisa Suetusi a le Lalolagi	1,414	1,584	170	89%
Asosi o Suetusi Aloaia o Atumotu a le Pasefika ma malo e i lalo o Pulega a Amerika	881	1,200	319	73%
Totogi o Lisi	164,532	179,575	15,043	92%
Lafoga Totogi VAGST	115,048	91,478	(23,570)	126
AOFA'IGA O TUPE ALU	281,875	279,437	2,438	101%

Tupe Maua/Toe Faaola Mai

Galuega Faatino	Vaega Tupe Moni	Tupe Fuafuaina	Tupe Maua Fuafuaina Faasili	Pasene Ausia %
Suega ma Auaunaga Tau Faamaoniga i le Matagaluega o Tupe, Matagaluega uma a le Malo, Polokalame Fa'atupe mai Fafo ma Fa'alapotopotoga a le Malo.	602,129	500,000	435,653	120%
AOFAIGA	602,129	500,000	435,653	120%

SINI O FAATINOGA A LE OFISA MA TAUNUUGA

Ua aofia i pepa o le tala faatatau o tupe faaletausaga se aofaiga o faiga tau faatinoga mo galuega faatino a le Ofisa. O nei faiga tau faatinoga ma faatinoga moni mo le 2012/13 ua auiliili atu i lalo e faapea:

Galuega Faatino 1: AUAUNAGA AUTŪ MA AUAUNAGA FAA-PALEMENE

Tulaga lautele o le Faatatauina:

O lenei tulaga faatatauina e mo le faaooina atu o auaunaga e faapea:

- Tuuina atu lipoti faaletausaga i le Palemene;
- Auai i Fonotaga a le Palemene ma Fonotaga a Komiti Faa-Palemene
- Asiasia o Poloketi mo Atinae a le Malo
- Faatino Suega o Faamatalaga Faatekonolosi
- Faatino Suega o Faatinoga
- Faatino Suega / Suesuega Faapitoa.

Faiga tau Faatinoga

Galuega:	Aofaiga:	Taunuuga:
1. Saunia le lipoti faaletausaga a le Ofisa Suetusi ma tuuina atu i le Palemene i le aso 30 Iuni 2013.	Tasi le Lipoti	Sa faataatia i luma o le laulauafono a le Palemene le lipoti e tasi a le OCAG/SAO ao faagasolo le vaitaimi o Iulai 2012 - Iuni 2013. O lenei lipoti e faasino i suega ma isi galuega sa faatinoina mo le vaitau Iulai 2010 ia Iuni 2011
2. Auai i Fonotaga a le Palemene ma Fonotaga a Komiti Faa-Palemene pe a oo ina faataatia i luma o le laulauafono a le Palemene le Tala Faatatau o le Tupe, Tulafono Tau Faaofi ma lipoti faaletausaga.	O Fonotaga uma a le Palemene 100%, 100% o fonotagata uma a le Komiti o Faamatalaga Tau Tupe a le Malo, ma isi Fonotaga a Komiti Faa-Palemene pe afai e manaomia.	100% le auai ai i fonotaga ma felafolafoaiga o le Ofisa o le OCAG/SAO, ao faagasolo le vaitaimi o le lipoti.
3. Faatino suega o faamatalaga	E lua suega o faamatalaga	O le Vaega a le OCAG/SAO sa faia

faatekonolosi i tulaga lautele tau faafoega faapitoa ma le faaaogaina o puipuiga tau suega faasuetusi.	faatekonolosi.	o suega faakomepiuta sa fesoasoani i auala mo le suega tau tupe o faamatalaga tau tupe a le Malo, o faalapopotoga ma Matagaluega a le Malo e lua. O le lipoti e Faatatau i le Ofisa o Femalagaaiga o le Matagaluega a le Palemia ma le Kapeneta ao o leisi lipoti e uiga I aso malolo ona o le umi ona galue e pei ona faatinoina e le Komisi a le Auaigaluega o Galuega o le Malo ma le Matagaluega o Tupe.
4. Faia suega o galuega faatino ma suega po o suesuega faapitoa	Lua suega o galuega faatino ma suega faapitoa e lua po o suesuega faapitoa.	O le Vaega a le OCAG/SAO sa gafa ma le faia o suega o galuega faatino e lua ma suesuega / suega faapitoa e lua. Vaega o aofia ai i nei suega e fa o lo o i totonu o le lipoti

Galuega Faatino2: SUEGA MA AUAUNAGA TAU FAAMAONIGA I LE MATAGALUEGA O TUPE, MATAGALUEGA UMA A LE MALO MA OFISA FAALE-FAAVAE

Tulaga lautele o le Faatatauina:

O lenei tulaga faatatauina e mo le faaooina atu o auaunaga e faapea:

- Suega o faamatalaga o tupe maua ma tupe alu faale-kuata.
- Suega o faamatalaga o tupe faaletausaga a le Malo.
- Suega ma le pasiaina o siaki i aso taitasi
- Suega o faamatalaga o tupe o polokalame ma poloketi faatupe mai meaalofo ma nonoga tupe mai fafo
- Suega o Matagaluega, Vaega ma Ofisa o le Pulega Malo
- Suega o Ofisa o le Malo i Atunuu i Fafo
- Faamaoniga o pepa mo le saina a Le Ao o le Malo e faamatu ai vaega tupe
- Siaki faavaitaimi ma siaki faapitoa / suega o Matagaluega.
- Faatau tu'i ma isi tulaga faaaogaina

Faiga tau Faatinoga

Galuega:	Aofaiga:	Taunuuga:
1. Suega o faamatalaga o Tupe Maua ma Tupe Alu faale-kuata a le Ofisa o Tupe	Tolu faamatalaga o Tupe Maua ma Tupe Alu faalekuata a le Ofisa o Tupe e ao ona sueina ile tausaga	Sa faamaeaina e le OCAG/SAO suega e fa o faamatalaga o tupe faale-kuata mo le vaitaimi sa faaiuina i le aso 31 Tesema 2011, 31 Mati 2012, 30 Setema 2012 ma le 31 Tesema 2012. Vaega o aofia ai i nei suega o lo o i totonu o le lipoti
2. Suega o faamatalaga o tupe faaletausaga a le Malo	Tasi le Seti o Faamatalaga o Tupe Faaletausaga a le Malo mai le 2010/11 e ao ona sueina i le noatia ma le fai	Sa faamaeaina e le OCAG/SAO le suega o Faamatalaga o Tupe faaletausaga a le Malo mo le 2010/2011.

	fuafula i le tuuina atu o le atatusia e le Matagaluega o Tupe	Vaega o aofia ai i nei suega o lo o i totonu o le lipoti
3. Suega ma le pasiaina o siaki i aso taitasi a le Ofisa o Tupe	100% o siaki i aso taitasi ua maua mo suega o lo o lelei.	Sa ausia faatinoga fuafuaina po o sini tulimataia e 100% siaki e sueina ma pasia i aso taitasi. O lo o faatino galuega i lalo o le Polokalame Faaleleia a le Ofisa mo le faamalositia o lea vaega o le galuega ma le lipotia ai o lenei Galuega Faatino a le Ofisa Suetusi.
4. Suega o Matagaluega a le Malo.	Fuafuaina le 70% o Matagaluega e 20 e ao ona sueina ao faagasolo le tausaga 2012/13 ina ia ogatasi ai ma le numera o le aufaigaluega	Sa faamaeaina e le OCAG/SAO le suega o Matagaluega e 14 po o le 70% lea e itiiti ifo ai i lo le faatinoga sa fuafuaina. Sa aofia ai i suega nei le sueina o tusi mo le tolu tausaga o galuega tuua mai le 2008.
5. Suega o Ofisa o le Malo i Atunuu i Fafo faaletausaga	Fuafuaina le 70% o Ofisa e 7 e ao ona sueina ao faagasolo le tausaga 2012/13 ina ia ogatasi ai ma le numera o le aufaigaluega	E leai gi suega o ofisa o le malo i atunuu i fafo a le OCAG/SAO talu ai le naunautaiga e kilia galuega tuua mo matagaluega, faalapotopotoga tumaoti, lipoti faa-lekuata ma lipoti a le malo faaletausaga sa faaogaina uma ai le aufaigaluega e aofia ai ma le Suetusi Sili ma le aupulega.
6. Suega o Polokalame ma Poloketi faatupe mai meaalofo ma nonoga tupe mai fafo faaletausaga	Fuafuaina le 80% o Poloketi e ao ona sueina ao faagasolo le tausaga 2012/13 ina ia ogatasi ai ma le numera o le aufaigaluega O se aofaiga lelei lenei e tusa ai o le eseese o manaoga tau Poloketi i tausaga taitasi uma.	Sa faamaeaina e le OCAG/SAO suega e 15 o Poloketi ao faagasolo le tausaga 2012/13. O se fuainumera maua lenei ua faapea ona faatinoina.
7. Siaki faavaitaimi ma siaki faapitoa o Matagaluega	Fuafuaina le 50% Matagaluega e 20 e ao ona siakiina faavaitaimi / siaki faapitoa po o le sueina ao faagasolo le tausaga 2012/13 ina ia ogatasi ai ma le numera o le aufaigaluega.	Sa le i ausia lenei tulaga talu ai le naunautaiga e kilia galuega tuua mo matagaluega, faalapotopotoga tumaoti, lipoti faa-lekuata ma lipoti a le malo faaletausaga sa faaogaina uma ai le aufaigaluega e aofia ai ma le Suetusi Sili ma le aupulega.
8. Faatautui ma isi tulaga faaogaina	Fuafuaina le 50% o talosaga po o tulaga manaomia i luga o tulaga o faatautui ma isi	Sa tali atu le OCAG/SAO i talosaga uma po o tulaga manaomia - 100%

	tulaga faaaogaina	
--	-------------------	--

Galuega Faatino 3: AUAUNAGA FAASUETUSI I FAALAPOTOPOTOGA TUMAOTI A LE MALO

Faiga tau Faatinoga:

Tulaga lautele o le Faatatauina:

O lenei tulaga faatatauina e mo le faaooina atu o auaunaga e faapea:

- Suega o faamatalaga tau tupe faaletausaga a faalapotopotoga tumaoti a le Malo, e faatino po o le faia i totonu lava o le faalapotopotoga e le Ofisa Suetusi
- Suega o faamatalaga tau tupe faaletausaga a faalapotopotoga tumaoti a le Malo, e faatino e Suetusi Tumaoti
- Siaki / suega faavaitaimi ma faapitoa o Faalapotopotoga Tumaoti a le Malo.

Faiga tau Faatinoga

Galuega:	Aofaiga:	Taunuuga:
1. Suega o Faalapotopotoga Tumaoti (tau faamanuiaga ma fefaatauaiga) - Faatino e le Ofisa Suetusi	Fuafuaina le 80% o Faalapotopotoga Tumaoti e ao ona sueina, i le tausaga 2012/13 fuafua ile le fuainumera o le afaigaluega a Suetusi Tumaoti o lo'o fa'atino a suega o tusi fa'apea le vaega ale Ofisa Suetusi o lo'o gafa ma le su'eina o Fa'alapotopotoga a le Malo.	E 85% o suega faakonekarate sa faamaeaina i totonu o le tausaga faaletupe 2012/13
2. Suega o Faalapotopotoga Tumaoti (tau faamanuiaga ma fefaatauaiga) – Fa'atino e SuetusiTumaotii		O lo o aofia nei suega i totonu o le lipoti
3. Suega faateitei po o le faavaitaimi e taulai lava i luga o le puipuiga ma tulaga le manaomia o ni faaletonu ma le leiloloa o punaoa a le Malo.	Fuafuaina le 50% esueina faavaitaimi/ faapitoa po le sueina ao faagasolo le tausaga 2012/13 fuafua ile fuainumera o le afaigaluega a le vaega ale Ofisa Suetusi o lo'o gafa ma le su'eina o Fa'alapotopotoga a le Malo.	E 69% o suega faateitei po o le faavaitaimi sa faamaeaina i totonu o le tausaga faaletupe 2012/13
		O lo o aofia nei suega i totonu o le lipoti
4. Faatautui ma isi tulaga faaaogaina	Fuafuaina le 50% o talosaga po o tulaga manaomia i luga o tulaga o faatautui ma isi tulaga faaaogaina	Sa tali atu le OCAG/SAO i talosaga uma po o tulaga manaomia - 100%

O mafuaaga mo eseese i le va o faatinoga moni ma sini na faamoemoe i ai e aofia ai le:

- Tuai ona saunia o faamatalaga tautupe e faalapotopotoga e patino tonu ma lea tulaga faaletulafono o le saunia ma le tuuina mai o ia faamatalaga tau tupe.
- O le lē atoatoa ma le lē saosao o ata o faamatalaga tau tupe na tuuina mai mo le sueina.
- O nisi poloketi faatoa manaomia lava e sue pe a sili atu ni tupe faaalu mai se tapulaa na faatulagaina.

- Tuulata mai po o le faamamaina o galuega tuua e agai atu i tua i le 2008

I le avea ai o se vaega o suiga ua faia nei i le Ofisa, ua fuafuaina ai ina ia faaulufale mai ni faiga tau faatinoga faaopoopo e fesoasoani ai i le puleaina ma le mataituina o galuega a le Ofisa. Ua i ai le faamoemoe e faapea o nei faiga tau o faatinoga o le a aafia i Lipoti i le Palemene e saunia e le Ofisa i le lumanai.

SUESUEGA FAASUETUSI MA ISI GALUEGA

I lalo o Tulafono talafegai ua manaomia ai le Pule ma Suetusi Sili ina ia faia suega faasuetusi o:

- Faamatalaga o Tupe Faaletausaga a le Malo.
- Faamatalaga Faale-kuata o Tupe Maua ma Tupe Faaalu.
- Matagaluega.
- Faamatalaga Tau Tupe a Faalapotopotoga a le Malo.
- Ofisa o le Malo i Atunuu i Fafo.
- Polokalame ma Poloketi faatupe mai Meaalofa ma Nonoga Tupe mai Fafo e faafoe e le Matagaluega o Tupe.

O le faamoemoe o nei suega tusi o le aumai lea o tulaga mautinoa i luga o le pulega faaletupe a nei faalapotopotoga ma ofisa, ma pe afai e talafeagai ai, ia tuuina atu se manatu faasuetusi e faapea ai o nei faamatalaga tau tupe o lo o aumai ai le tulaga tonu o gaoioiga tau tupe a ia faalapotopotoga talafeagai.

O taunuuga o nei suega tusi e lipotia uma i le Palemene e le itiiti ifo i le faatasi i le tausaga.

E mafai fo'i e le Ofisa ona faatino suega faapitoa po o suesuega o galuega maoti, e faia i lalo o le pule faitalia a le Pule ma Suetusi Sili. O nei suega po o suesuega faapitoa e mafai ona afua mai i talosaga mai Matagaluega, isi Sui Faipule o le Palemene, Pulega o Matagaluega po o Faalapotopotoga a le Malo po o isi paaga a le Ofisa Suetusi

O lo o ootoo atu i lalo le aofiga o suega ma isi galuega sa faatino ao faagasolo ile tausaga faaletupe sa faaiuina ia 30 Iuni 2013.

Suega faaiuina i le tausaga 2012-2013

<i>Ituaiga Suega</i>	<i>Aofaiga suega maea o ua</i>
Faamatalaga o Tupe faaletausaga a le Malo	1
Faamatalaga o Tupe Maua ma Tupe Alu Faalekuata	4
Suega Faaletausaga mo Matagaluega	14
Suega Muamua mo Matagaluega	1
Suega faaletausaga o Faalapotopotoga Tumaoti a le Malo	33
Suega faavaitaimi o Faalapotopotoga Tumaoti a le Malo	17
Poloketi faatupe i Tupe Nono ma Faameaalofa mai Fafo	15
Suega o Galuega Faatino/ Suega Faapitoa	6
Lipoti i le Palemene	1
Faatau tu'i	5
AOFAIGA	97

FAAMATALAGA O TUPE FAALETAUSAGA A LE MALO

O le Tulafono o le Pulega o Tupe a le Malo 2001 ua manaomia ai le Matagaluega o Tupe ia faapea ona faataatia i luma o le laulauafono a le Palemene se lipoti faaletausaga i luga o gaoioiga tau tupe a le Malo o Samoa. O lenei lipoti ua tuufaatasia ai gaoioiga tau tupe a Matagaluega uma.

I lalo o le Tulafono, ua manaomia ai le Matagaluega o Tupe ina ia tuuina atu se ata faatulagaina o faamatalaga tau tupe i le Pule ma Suetusi Sili i totonu o masina e fa, ao le i oo i le faaiuga o le tausaga faaletupe. Ua faapea foi ona manaomia le Pule ma Suetusi Sili ina ia tuuina atu se manatu faasuetusi i luga o nei faamatalaga i totonu o masina e ono, ao le i oo i le faaiuga o le tausaga faaletupe.

Ao faagasolo le tausaga sa faamaea ai suega o tusi ma tuuina atu ai manatu i luga o Faamatalaga o Tupe Faaletausaga mo le tausaga faaletupe sa faaiuina 30 Iuni 2011.

Sa tu'uina manatu fa'asuetusi le tautaulia fa'apea ai ma le mataupu fa'amamafa i luga o le lē mafai e le Matagaluega o Tupe ona saunia nisi Faamatalaga sa manaomia e le Tulafono o Pulega o Tupe a le Malo 2001, e faapea foi isi puipuiga faalotoifale ma vaivaiga sa maitauina i le lipoti tau pulega i le Matagaluega o Tupe.

E taua le saunia ma sueina Faamatalaga o Tupe Faaletausaga i luga o se taimi fuafuaina ina ia faapea ona tuuina atu ai le tulaga o le mafai ona tali manino atu mo gaoioiga tau tupe a le Malo ma ana Matagaluega.

Ua otooto atu i lalo le taimi fuafuaina o tapenaga ma le sueina o Faamatalaga o Tupe faaletausaga a le Malo lea ua faamaeaina ma / po o sa faagasolo e oo mai i le aso na fa'ai'uina ai lenei lipoti.

Tausaga Faaletupe	Aso sa tuuina atu ai ata mo le suega		Aso o manatu faasuetusi	
	Manaoga Faaletulafono	Faatinoga	Manaoga Faaletulafono	Faatinoga
2005/06	1 Novema 2006	10 Oketopa 2007	1 Ianuari 2007	25 Setema 2008
2006/07	1 Novema 2007	11 Setema 2008	1 Ianuari 2008	16 Novema 2009
2007/08	1 Novema 2008	24 Setema 2009	1 Ianuari 2009	24 Iuni 2010
2008/09	1 Novema 2009	19 Tesema2009	1 Ianuari 2010	4 Me 2012
2009/10	1 Novema 2010	29 Oketopa 2010	1 Ianuari 2011	4 Me 2012
2010/11	1 Novema 2011	26 Oketopa 2011	1 Ianuari 2012	20 Iuni 2013
2011/12	1 Novema 2012	31 Oketopa 2012	1 Ianuari 2013	24 Ianuari 2014
2012/13	1 Novema 2013	31 Oketopa 2013	1 Ianuari 2014	7 Mati 2014

O le faatuai i le faamautuina o le Faamatalaga o Tupe Faaletausaga a le Malo o se mataupu tupu soo lea mo le tele o tausaga. Ua faaalua i le fua faasolo e faapea e ui lava i le saunia ma le tuuina atu o faamatalaga o tupe i le taimi tonu e pei ona i ai i le 2006, 2007, 2008, 2010, 2011, 2012 ma le 2013 talu ai nei, o le tulaga le maea lelei o faamatalaga o tupe sa tuuina atu ua faaumiumi ai le tau faamaeaina o le sueina e mafua i faasaoga ma fetuunaiga lea sa manaomia ona faia.

O otootoga ua taua i lalo o sailiiliga o suega o lo o aofia ai i totonu o tusi tau pulega i luga o suega o Faamatalaga o Tupe a le Malo mo tausaga e faaiuina i le 30 Iuni 2011.

Faamatalaga o Tupe a le Malo

Tausaga Faaletupe na sueina faasuetusi: 1 Iulai 2010– 30 Iuni 2011

Sailiiliga Faasuetusi

1. E \$78.9 miliona tala le tupe faasili na faamauina a le Malo o Samoa mo Tupe Maua ma Tupe Totogi mo le tausaga faaletupe na faaiuina i le aso 30 Iuni 2011. O se taimi muamua leni talu mai le tausaga 2008 ua faamauina ai se tupe faasili. Na matauina e le Ofisa Suetusi, o leni tupe faasili o lo o ua aofia ai le tupe pa'ū na fuafuaina e \$11 miliona tala. O le tupe faasili e aveesea ai le tupe pa'ū a le Malo o Samoa e \$11.8 miliona tala e pei ona lipotia mo le tausaga faaletupe 2009/10.
2. O le aofaiga o aitalafu o faagaoioia e ave o se pasene o le aofaiga o tupe maua mo le vaitaimi e ono tausaga ua faatulagaina atu i le fua faasolo ua taua i lalo. Na faaauau pea ona faaalu e le Malo o le 4% o ana tupe maua po o tinoitupe faagasolo mai i totonu mo le faagaoioiga o ana aitalafu i fafo a o faagasolo le vaitaimi o sueina faasuetusi. Ua atagia i lea tulaga se faaitiitiga e 2% faatusatusa atu i le tausaga 2009/10.

Tausaga	Aofaiga o Tupe Maua (\$)	Aofaiga o Aitalafu na Totogi (\$)	Aitalafu na Totogi/ Tupe Maua (%)
2006	346,324,000	17,087,296	5%
2007	429,862,000	17,940,409	4%
2008	444,744,000	19,387,707	4%
2009	444,618,000	22,041,365	5%
2010	414,140,947	24,277,946	6%
2011	611,144,256	26,463,339	4%

3. O le aofai'ga o tupe maua sa maua ai le fa'asiliga e 48% (mai le \$414.1 miliona tala i le \$611.1 miliona tala); o se fa'asiliga e \$197 miliona tala.
4. E \$112 miliona tala po o le 18% le aofaiga moni o tupe maua na sili atu ai i tupe faatatauina i le tala faatatau o tupe. O le siitaga i le aofaiga o tupe maua e aofia ai tinoitupe na maua (i se ala tuusao ma faiga lē tuusao foi) e le Malo mai atunuu i fafo ma faalapopotoga i le atunuu na foai mai fesoasoani tupe mo le faamoemoe o galuega toe faaleleia ona o le sunami, aemaise ai o fesoasoani mai fafo e \$101.7 miliona tala lea sa le i i ai i le vaitaimi talu ai. O tupe maua mai tupe teufaafaigaluega toetoe lava a faatoluina i lona aofaiga i le tausaga e 2010/11, ma o tupe maua mai Lafoga na siitia i le \$59.1 miliona tala.
5. O le aofaiga moni o tupe totogi na siitia i le 15% (mai le \$461.1 miliona tala i le \$540.1 miliona tala), o se siitaga lea e \$79 miliona tala.
6. O le aofaiga moni o tupe totogi (e le o aofia ai tupe totogi o galuega faaleleia o le sunami) na sili atu i le aofaiga na fuafuaina i le \$5 miliona tala po o le 26%. O tupe alu a Matagaluega o le itu ogaoga lea na faapogai i le tele o tupe na faaaluina i lo tupe fuafuaina. O le iloiloga o tupe totogi i le Faamatalaga o Tupe a le Malo e le aofia ai le 16 miliona tala mo tupe totogi a le sumani ona o le aofaiga o tupe totogi e fesootai i le Tala o le Tupe Faaopoopo na pasiaina mo tausaga 2009/2010 ma faaogaina i le tausaga 2010/11. O lo o maioio foi i le Faamatalaga o Tupe Maua ma Tupe Alu mo Vaegatupe a le Sunami ua maea ona pasia.

Faamatalaga o Tupe	Tupe o i ai nei \$'000	Tupe Fuafuaina \$'000	Tupe e le i Maea ona Faaaogā/ (Tupe ova le Faaaogāina) \$'000	%
Tupe Faaalu a Matagaluega	467,292	453,073	(14,219)	-3%
Tupe Faaalu Faaletulafono	45,032	52,182	7,150	14%
Tupe Faaalu e le i Fuafuaina	11,121	13,137	2,016	15%
AOFAIGA e le aofia ai Tupe Totogi o le Tsunami	523,445	518,392	(5,053)	-26%
Tupe Totogi o le Tsunami	16,678	-	(16,678)	100%
AOFAIGA e aofia ai Tupe Totogi o le Tsunami	540,123	518,392	(21,731)	-4%

7. Na maitauina se tulaga siitia malie o Aseta Totoe mai le tausaga faaletupe 2005-2007, faatasi ai ma se faaitiitiga mai le tausaga 2008-2009. O lenei faaitiitiga na faaauau pea ma na matauina ai e le Malo se aitalafu totoe mo le tausaga 2009/10 lea ua toe siitia ai i le 3% i le tausaga 2010/11. O lenei tulaga na faaleleia e pei ona i ai i le aso 30 Iuni 2012 ma e faapena foi pei ona i ai i le aso 30 Iuni 2013. Ua fuafuaina e faapea o lea tulaga ua na o se fuafuaga tau tupe mo se vaitaimi puupuu ina ia tauaveina ai ma faafoe tulaga faateia e aliae mai i faalavelave faafuasei faalenatura ma tulaga faaletonu tau tupe i le lalolagi, lea e ono mafai lava ona toe foia i le agai atu i le lumanai ma vaitaimi uumi, e pei ona atagia i pepa aloaia o tala faatatau o tupe ma fuafuaga mo le tausaga faaletupe 2013/14.

Tausaga	Aofai o Aseta	Aofai o Aitalafu	Aseta/(Aitalafu) Totoe	%
2005	866,277,000	534,136,000	332,141,000	62%
2006	886,078,000	546,172,000	339,906,000	62%
2007	890,120,000	516,038,000	374,081,000	72%
2008	843,219,000	600,685,000	242,534,000	40%
2009	903,900,000	732,810,000	171,090,000	23%
2010	838,974,000	889,970,000	- 50,996,000	-6%
2011	829,386,000	912,175,000	- 82,789,000	-9%

8. E i ai se malilie i le va o le Ofisa Suetusi ma le Matagaluega o Tupe mo auiliiliga faatusatusa o faamatalaga tau tupe i polokalame tau tupe faakomepiuta ma tusi o faamaumauga o tinoitupe a le Matagaluega, ina ia faaleleia le malamalama ma maua ai le fetauti ma eseesega mo le faasa'oina i le taimi talafeagai aemaise le faagasologa o auiliiliga faatusatusa ma faamatalaga o tupe mai le faletupe.
9. Sa lipotia e le i faamaonia e le tagata faigaluega faatagaina isi api o faamaumauga o meataitasi. O le tau aoga o nei faamaumauga o meataitasi e \$152,254. Sa fautuaina o faamaoniga o saina a le tagata e fitoitonu i ai e tataua ona vaaia i luga o pepa faatumu faaaogaina e faailoa ai o faamaumauga uma ua fai sa saunia lelei ma faatagaina. Ua talia e le Matagaluega le fautuaga ma sa lapataia le aufaigaluega o aafia ai i le faatinoina o lenei matafaioi.
10. O Matagaluega nei e le i faaaogaina atoatoa latou 5% po o le sili atu o latou Tupe Faatatauina na faamaonia mo le tausaga faaletupe o lo o sueina nei faasuetusi.

Tupe Alu a Matagaluega	Tupe ua Faaogā	Tupe na Faatatauina	Eseesega o Tupe ua faaogā toese Tupe Faatatauina	% o le Eseesega o Tupe
Ofisa o Fuainumera Faamauiina	2,874,540	3,105,658	231,118	7%
Aoga, Taaloga ma Aganuu	79,185,314	85,774,538	6,589,224	8%
Faamasinoga ma Pulega Tau Faamasinoga	7,773,570	8,193,725	420,155	5%
Aofaiga	89,833,424	97,073,921	7,240,497	5%

11. O le iloiloga auiliili o le totogiina o aitalafu i atunuu i fafo, sa iloa ai e i ai nai nogatupe o i ai tupe totogi e le i faatatauina i le tala o le tupe. Na tali le Matagaluega o Tupe e faapea, e leai se aafiaga pe o le a afaina ai le tala o le tupe mo isi tupe totogi ona e iai fetuunaiga faatagaina mo le toe faatulagaga i totonu o nogatupe a poloketi ina ua le toe faatatauina tala o le tupe i tau aoga.
12. O le Teugatupe Lautele a le Ofisa o Tupe mo Tupe Faaalu sa i ai se aofaiga o siaki e le i tuuina atu i faletupe mo le talaina e oo atu lava i tua i le tausaga e 2005. O le aofaiga atoa o nei siaki e le i tuuina atu i faletupe mo le talaina mai le 2005 e oo atu i le aso 30 Iuni 2011 pe tusa lea ma le \$17,644,372.99 (Auiliiliga faatusatusa o faamatalaga tau tupe a le Ofisa o Tupe). Talu mai le 2010, sa toe iloiloaina e le pulega le lisi o nei siaki e le i tuuina atu i faletupe mo le talaina faatasi ai ma le fesoasoani a le Fauautua Tomai Faapitoa, ma ua faatino o ni gaoioiga e faamautinoaina ai le fafoeina lelei o siaki e le i tuuina atu i faletupe i lalo o puipuiga lelei. O le galuega e aofia ai le siakiina o le tulaga aloaia o siaki, faavasegaina ma le fuafuaina o gaoioiga e ao ona faia, faasilasilaga faalauaitele mo siaki ina ia aveeseina atu faatasi ai ma nisi tulaga faaleleia ina ua tuanai o faasilasilaga muamua e lua, siakiina o le tulaga aloaia faaletulafono o le tusiaina o siaki e toe agai atu i le Faaputugatupe a le Ofisa o Tupe ma le faaogāina o le vaega i le Tulafono e faatinoina ai le kiliaina o siaki. Ua amatalia e le Matagaluega o Tupe le kiliaina o siaki e le i tuuina atu i faletupe mo le tuuina atu i le Teugatupe o Tupe e le i tūpāina i le tausaga 2012.
13. O le lisi o siaki e le i tuuina atu i le faletupe mo le totogiina, o lona tau aogā pe tusa ma le \$21,552 mo le Teugatupe 105204 o Lafoga o Tupe Maua e aofia ai siaki e oo atu lava i tua i le tausaga 2007 –2010. Ua fautuaina e le Au Suetusi ina ia faatino gaoioiga ma taulumaga uma talafeagai ina ia tausia ai o manaoga o le Tulafono o le Pulega o Tupe a le Malo 2001, e faapea foi i faiga faavae ma tulaga faataatitia talafeagai mo le tausiga o tusi. O lenei gaoioiga o se vaega lea o le fuafuaga o galuega i le tausaga faaletupe 2013, ina ia aveesea ai o nei mea uma taitasi e mafai ona faapaleni, ia sa aliali mai i auiliiliga faatusatusa o faamatalaga tau tupe ia sa fesootai i feuiaga faapisinisi na tulai mai i le sefulu tausaga ua mavae.
14. O nisi teugatupe a poloketi ma latou paleni totoe lapopoa, sa iloa le le toe faaogaina ua maea a o faagasolo tausaga e tolu ua mavae. Na le mafai e le suetusi ona faamautinoa le faatuina o nei teugatupe ona e leai ni faamatalaga aloaia e lagolago ai. E tatau i le Matagaluega o Tupe ona tausia uma nei mea e lagolago ai le i ai o vaega tupe a le malo faapea teugatupe. Na fautuaina e le suetusi le iloiloaina auiliili o nei teugatupe e fuafua pe o nei tupe pe mafai ona teu faavaitaimi e maua ai se tului mo le Malo pe a mafafau atu i faiga faavae ma taulumaga uma a le Malo e ono talafeagai. Na talia e le Matagaluega o Tupe fautuaga a le suetusi ma ua maea le faasologa o gaioiga faasa'o.
15. Sa leai ni tupe totogi na mauaina mai nisi faalapopotoga a le Malo po o nisi kamupani e faasino i a latou paleni ma tupe tului o tupe faavae e le i maea ona totogi ma o lo o tauaveina pea mai tausaga faaletupe ua tuanai. E lua ni teugatupe o tupe eseese e totogi mai e leai se fesiitaiga mai faamatalaga tau tupe ua sueina faasuetusi o le tausaga ua tuanai ae faapena foi i le teugatupe e

tasi o lo o i ai se paleni o tupe ua faaaitalafu, mai faamatalaga tau tupe ua sueina faasuetusi o le tasuaga ua tuana'i. Ua fautuaina e le au suetusi le talafeagai ma ia faia pea i tulaga masani o auiliiliga faatusatusa o faamatalaga tau tupe o nei lava teugatupe e amanaia ai tualumaga tulituliola lea e ono mafai ona maua e le Matagaluega i ana taumafaiga i le aoina o aitalafu e avea ai ma sui o le Malo.

16. O pepa tusitusia aloaia lagolago mo faamaumauga o mea taitasi, sa lē tuuina mai mo le faamaoniga ma le auiliiliga a le au suetusi. Ma e ui ina sa mafai ona maua o auiliiliga mo feuaiga faapisinisi i luga o le Polokalame Tau Tupe Faakomepiuta ma le faatautaiga o le iloiloga talafeagai i luga o lena faamatalaga, ae sa lē mafai e le au suetusi ona faamaonia le faatagaga o nei feuaiga faapisinisi, talu ai ona o le lē lava o pepa aloaia talafeagai. O pepa aloaia e lagolagoina ai faamaumauga o mea taitasi e tatau ona tausia ma failaina. I le foia o tulaga faaletonu, na toe fai ai le polokalame o faila a le Matagaluega talu ai ina ia faamautinoa le puipuiga malu o faamaumauga o mea taitasi e ala lea i le toe tuliloaina o faamaumauga o mea taitasi uma e agai i tagata eseese na faia faamaumauga o mea taitasi.
17. O nisi teugatupe o poloketi o lo o faagaioia pea (e faapena i teugatupe e le o toe faagaioia ua maea ma teugatupe ua tapunia) sa faapea ona ova tupe e talaina i lo tupe sa teuina. Na faamamafaina e le Matagaluega o Tupe e faapea o le mafuaaga mo nei paleni aitalafu o le poloketi, ona o poloketi na maua a latou tupe/vaega o faamalumaluga/tupe faamatuu mai muamua i luga o se faiga faalekuata po o ina ua ausia o nisi o matatia. I nei la mataupu, e masani ona tuai ona faaliliuina atu o tupe faamatuu muamua mai faalapopotoga o ofoina mai ai fesoasoani i le faaiuga o le masina o Iuni, ae o le a ono tulai mai ai o se paleni aitalafu lea e lē mafai ona faauigaina e faapea ua maea le poloketi po o le a lē maua se tulaga o le toe faatumuina o tupe.
18. E leai se auiliiliga faatusatusa o faamatalaga tau tupe mo nisi teugatupe lē tumau mo tupe lē mailoa o faaogaina e faamau ai lē tumau o feuaiga faapisinisi o aitalafu ma tupe totogi mai e le o mafai ona faailoa mautinoa, mo nisi teugatupe i faletupe. E tatau i le tagata faigaluega e nafa ma Teugatupe a le Malo ona faamautinoa le faamamaina o aitalafu uma i le faaiuga o le tausaga faaletupe ua sueina faasuetusi. Na faatino e le Matagaluega o Tupe le tulituliola ma Faletupe le faamamaina o auiliiliga faatusatusa o meataitasi.
19. Sa i ai siaki e le i tuuina atu i le faletupe mo le totogiina e oo atu lava i tua i le 2008 i le Teugatupe o Tupe Tausi Faamavaega o Mataupu Tau le Itumalo. E tatau ona faia o gaioiga talafeagai e faataata i siaki e le i tuuina atu i Faletupe mo le totogiina. Ua faamauina e le Matagaluega o Tupe le mataupu mo la latou fuafuaga o galuega i le lumanai, ona o nei siaki sa aveeseina uma lava peitai, e le i tuuina atu e i latou o totogi atu i ai nei tupe o ia siaki i le faletupe.
20. O le teugatupe o tupe teu faaletulafono o lo o faaulutalaina o le Komiti o le Tutoatasi sa ova ona talaina i tua tupe i le aofaiga e \$72,394. O le faatonuga a le Kapeneta (FK(11)30 na tuuina atu ai le \$100,000 e faatupe ai le aofaiga ua ova ona talaina i tua i lo tupe na i ai.
21. O tupe teufaafaigaluega sa i ai na aliae mai ai tupe leiloloa i nai tausaga ua mavae aemaise ai mo faaputugatupe na faataatiaese e avea ma Faaputugatupe faaagaaga mo faaunegatupe ma faafaigaluegaina i le kamupani i Lonetona, ae faapena foi i feagaiga a le Malo o lo o umia i le Faletupe Tutotonu o Samoa. O se faaititiga i tupe teufaafaigaluega i le kamupani i Lonetona ma le Faletupe Tutotonu o Samoa sa matauina a o faagasolo le faamaoniga a le au suetusi o paleni o le Faaputugatupe Faaagaaga mo Faaunegatupe. Ua maea ona faamauina lea itu ma ua fesootei atu i le vaega faafoe o Faaputugatupe/Feagaiga i le tausaga faaletupe 2012. Ua fautuaina se polokalame fou o tupe teufaafaigaluega ma ua suia nei mo le tausaga faaletupe 2012.

22. Sa leai se taualumaga po o se iloiloga talafeagai lelei o i ai e mataituina ai le tulaga o le mafai ona faatino o tupe teufaafaigaluega. Mo se faataitaiga, o le tupe teufaafaigaluega i le kamupani i Lonetona pe tusa ma le SAT\$800,000 na lē mafai ona toe maua i le 2010/11 ma le aofaiga e SAT\$122,000 i le tausaga 2009/10. E leai ni pepa aloaia e iloiloaina ai le tulaga fesuisui ai i masina taitasi o nei tupe teufaafaigaluega e lagolagoina ai le faaiuga e faaauau le tupe teufaafaigaluega. O lo o i ai lava se tulaga siitia o lamatiaga o le leiloa o tupe a le Malo talu ai o le lē lelei ona faafoe o tupe teufaafaigaluega. Ma ua fautuaina e le Au Suetusi le Matagaluega ina ia silasila i le tofiaina o se tagata faigaluega e mataituina le tulaga o tupe teufaafaigaluega ma saunia iloiloga i masina taitasi o maketi tau tupe ma tuuina mai faamatalaga e faatatau i le tulaga o le mafai ona faatino o tupe teufaafaigaluega. O le i ai o le mafai gafatia ua faatapulaaina i luga o le iloiloga o feagaiga/faamalumaluga ma o le i ai foi o se iloa itiiti o lenei faatinoga o galuega tauave i totonu o le atunuu, la lea e faalagolago tele ai le Matagaluega o Tupe i luga o le fautuaga mai Lonetona i luga o nei tupe teufaafaigaluega, ae ua faamauina aloaia e le Matagaluega o Tupe o tulaga mataituina ma fautuaga mo le faaalualuina pea i luma o tulaga faaleleia i le lumanai.
23. Sa leai ni pepa aloaia na ni faamatalaga molimau faasuetusi na failaina mo tupe na taliaina i tua e oo atu le aofaiga i le \$2,186,125 i le teugatupe a le Faletupe Tutotonu o Samoa. E mafua lea tulaga ona o le lē tausia lelei o galuega tau feuaiga o pepa faatagaina mo tupe talaina i tua na faia ma ua siitia ai tulaga lamatia o le faaaogā o tupe a le Malo e le i faatagaina. Ua fautuaina ai e le Au Suetusi ina ia tausia lelei e le Matagaluega o Tupe o pepa aloaia mo tupe totogi ma pepa aloaia uma talafeagai, e lagolagoina ai o tupe talaina i tua e faia mai nei teugatupe. Ae tatau foi ona i ai o se tagata ofisa e feagai ma le faamautinoaina o le i ai o pepa aloaia lagolago mo gaoioiga faapisinisi taitasi a o le i tuuina i totonu o le Polokalame Tau Tupe Faakomepiuta (Finance One). Ua faamauina e le Matagaluega o Tupe le fautuaga ma ua tuuina mai i se tulaga mautinoa e faapea o le a tuuina mai pepa aloaia lagolago mo le faamaoniga.

Faamatalaga Faale-Kuata o Tupe Maua ma Tupe Totogi

Vaitaimi Faaletupe na sueina faasuetusi: 1 Iulai 2011– 31 Tesema 2011

Sailiiliga Faasuetusi

1. O le aofaiga o tupe aoina i le faaiuga o le 6 masina na atagia ai le 55% o tupe maua na faatatauina mo le tausaga faaletupe na faaiuina i le aso 30 o Iuni 2012. I le faatusatusaga i le vaitaimi lava lea e tasi i le tausaga faaletupe na faaiuina i le 30 o Iuni 2011, sa i ai le siitaga e 3% poo le \$7.1 miliona i tupe moni na aoina.
2. O le aofaiga o tupe totogi i le faaiuga o le 6 masina na atagia ai le 49% o tupe totogi na faatatauina mo le tausaga faaletupe na faaiuina i le aso 30 Iuni 2012. I le faatusatusaga i le vaitaimi lava lea e tasi i le tausaga faaletupe na faaiuina i le 30 Iuni 2011, sa i ai le faaititiga e 12% poo le \$34.1 miliona i tupe moni ua totogi na aoina.
3. Na lelei faatinoga a le Malo e pei ona i ai o le tupe faasili e \$26.5 miliona a o faagasolo le 6 masina na faaiuina i le aso 31 o Tesema 2011, faatusatusa atu i le tupe pa'ū e \$14.7 miliona a o faagasolo le 6 masina na faaiuina i le aso 31 o Tesema 2010.

Faamatalaga Faale-Kuata o Tupe Maua ma Tupe Totogi

Vaitaimi Faaletupe na sueina faasuetusi: 1 Iulai 2011– 31 Mati 2012

Sailiiliga Faasuetusi

1. O le aofaiga o tupe na aoina i le faaiuga o le 9 masina ua atagia ai le 78% o tupe maua na faatatauina mo le tausaga faaletupe na faaiuina i le aso 30 o Iuni 2012 faatusatusa atu i le 75% o le aofaiga sa fuafua e ausia e oo mai i le aso. I le faatusatusaga i lea lava vaitaimi i le tausaga faaletupe na faaiuina i le aso 30 Iuni 2011, sa i ai se siitaga e 4% po o le \$13.6 miliona i tupe moni na aoina.
2. O le aofaiga o tupe totogi i le faaiuga o le 9 masina ua atagia ai le 69% o tupe totogi na faatatauina mo le tausaga faaletupe na faaiuina i le aso 30 Iuni 2012, faatusatusa atu i le 75% o le tala faatatau o le tupe e oo mai i le aso. I le faatusatusaga i lea lava vaitaimi i le tausaga faaletupe na faaiuina i le aso 30 Iuni 2011, sa i ai se faaitiitiga e 8% po o le \$32.1 miliona i tupe moni na totogi.
3. A faatusatusa o vaitaimi tutusa nei mo le lua tausaga na faaiuina i le aso 30 Iuni 2011 ma le aso 30 Iuni 2012 i lea faasologa, ona iloa ai lea o se faasiliga e \$12.4 miliona o faatinoga lelei a le Malo, a o faagasolo le 9 masina na faaiuina i le aso 31 Mati 2012, faatusatusa atu i le tupe pa'ū e \$33.3 miliona a o faagasolo le 9 masina na faaiuina i le aso 31 Mati 2011.

Faamatalaga Faale-Kuata o Tupe Maua ma Tupe Totogi

Vaitaimi Faaletupe na sueina faasuetusi: 1 Iulai 2012– 30 Setema 2012

Sailiiliga Faasuetusi

1. O le aofai o tupe na aoina i le faaiuga o le 3 masina ua atagia ai le 25% o tupe maua na faatatauina mo le tausaga faaletupe na faaiuina i le aso 30 Iuni 2012, faatusatusa atu i le 25% o le aofaiga na fuafua e ausia e oo mai i le aso. I le faatusatusaga i lea lava vaitaimi i le tausaga faaletupe na faaiuina i le aso 30 Iuni 2011, sa i ai se siitaga e 15% po o le \$17.4 miliona i tupe moni na aoina.
2. O le aofaiga o tupe totogi i le faaiuga o le 3 masina ua atagia ai le 26% o tupe totogi ua faatatauina mo le tausaga faaletupe na faaiuina i le aso 30 Iuni 2012 faatusatusa i le 25% o le tala faatatau o le tupe e oo mai i le taimi nei. I le faatusatusa atu i lea lava vaitaimi i le tausaga faaletupe na faaiuina i le aso 30 Iuni 2011, sa i ai se faaititiga e 447% po o le \$117 miliona i tupe moni na totogi.
3. I se faatusatusaga o ia lava vaitaimi tutusa mo le lua tausaga na faaiuina i le aso 30 Iuni 2011 ma le aso 30 Iuni 2012 i lea lava faasologa, e \$14 miliona le tupe pa'ū na iloa ai le sili atu ona lelei faatinoga a le Malo, a o faagasolo le 3 masina na faaiuina i le aso 30 Setema 2012 pe a faatusatusa atu i le tupe pa'ū e \$26.2 miliona a o faagasolo le tolu (3) masina na faaiuina i le aso 30 Setema 2011.
4. Sa i ai faamaumauga o tupe maua ma tupe totogi na toe amata mai tua i tausaga ua mavae le faamauina, ina ua maea ona faaoo mai le faamatalaga faalekuata mo le sueina faasuetusi. E faatagaina lava, lea tulaga, pau o le itu taua ia faia a o faagasolo le tausaga faaletupe ma ia atoatoa ma sao lelei o fuainumera ma faamatalaga tau tupe o le tausaga ua faaiuina. Afai o le mafauauga lea sa i ai mo le taliaina o lea faiga masani, o le fesili e tulai mai, aisea la e toe amanaia ai faamatalaga faalekuata. Sa galulue le Matagaluega o Tupe i tulaga faaleleia na fautuaina, ma matauina ai e faapea, i le maea ai o le faaiuga o kuata taitasi, e na o le 50% o teugatupe i faletupe a ofisa i atunuu i fafo na mauaina ma ua faamoemoe ia maua o Faamatalaga eseese i le masina e sosoo ai. O le tele lava o na teugatupe i Faletupe sa mafai lava ona toe faatumuina ma e lē atoatoa pe afai o nei gaoioiga faapisinisi e le i faamauina i lea taimi. O Faamatalaga Faale-Kuata o Tupe Maua ma Tupe Totogi o le manaoga foi lea i le Tulafono mo le Pulega o Tupe a le Malo 2001 e faapea foi ona manaomia o se mea faigaluega pulea e faamaonia ai tala faatatauina o tupe mo tupe na le ausia ma tala faatatauina o tupe totogi ina ia le sili atu.
5. O fuainumera i faamatalaga faalekuata e le i lagolagoina e, po o sa faatusatusa ma, ni auiliiliga faatusatusa o faamatalaga tau tupe o teugatupe i le faletupe. O le auiliiliga faatusatusa o faamatalaga tau tupe a le Faletupe sa matauina le tulaga o le tuai ona faaoo mai pe a ma le tasi i le lua masina. E leai ni faamatalaga molimau o ni siaki po o ni iloiloiga tau le vaavaaiga na faatino e se tagata faigaluega talafeagai. Sa galulue pea le Matagaluega o Tupe i tulaga faaleleia e pei ona fautuaina.
6. O siaki e le i tuuina atu mo le talaina e pei ona i ai i le aso 30 Setema 2012 e aofia ai le \$120,208.76 mai le tausaga faaletupe na faaiuina i le aso 30 o Iuni 2011 ma le aofaiga e \$5,329,432.15 mai le tausaga faaletupe na faaiuina i le aso 30 o Iuni 2012. Sa galulue le Matagaluega o Tupe i tulaga e faaleleia ua fautuaina.
7. Na maitauina i le suega o tusi ni tulaga faaletonu po o ni eseese i le va o paleni o tusi o faamaumauga o tinoitupe ma paleni o tusi o faamaumauga o le tuufaatasiga o faamatalaga

tau tupe. Na faamaonia mai e le Matagaluega o Tupe e faapea o se mataupu lea ua na o le taimi lava e aafia ai pe afai ua maea ona faatulaga lelei o faiga mo le vave ona iloa mautinoa ma faasa'o loa ia faaletonu.

8. E leai ni galuega na faia i le tulaga faa-matagaluega e faamaonia ma lagolagoina ai faamatalaga tau tupe o teugatupe a le Malo faalekuata ma faamatalaga tau tupe o teugatupe a le Malo faaletausaga. O lenei matafaioi sa taatia atu lava i le agaga faatuatuaina atoatoa i le Matagaluega o Tupe.

Faamatalaga Faale-Kuata o Tupe Maua ma Tupe Totogi

Vaitaimi Faaletupe na sueina faasuetusi: 1 Iulai 2012– 31 Tesema 2012

Sailiiliga Faasuetusi

1. O le aofaiga o tupe na aoina i le faaiuga o le 6 masina ua atagia ai le 49% o tupe maua na faatatauina mo le tausaga faaletupe na faaiuina i le aso 30 Iuni 2013, faatusatusa i le aofaiga na fuafua e ausia e oo mai i le taimi nei e 50%. I se faatusatusaga i le vaitaimi lava lea i le tausaga faaletupe na faaiuina i le aso 30 Iuni 2012, sa i ai se faaitiitiga e 6% po o le \$14.8 miliona i tupe na aoina i le vaitaimi o faagasolo nei.
2. O le aofaiga atoa o tupe totogi i le faaiuga o le 6 masina na atagia ai le 47% o tupe totogi na faatatauina mo le tausaga faaletupe na faaiuina i le aso 30 Iuni 2013 faatusatusa i le tala faatatau o le tupe e oo mai i le taimi nei e 50%. I se faatusatusaga i lea lava vaitaimi i le tausaga faaletupe na faaiuina i le aso 30 Iuni 2012, sa i ai se siitaga e 6% po o le \$13.98 miliona i tupe totogi sa faaalu i le vaitaimi o faagasolo nei.
3. Pe a faatusatusa o ia lava vaitaimi tutusa mo le lua tausaga na faaiuina i le aso 30 Iuni 2012 ma le aso 30 Iuni 2013 i lea lava faasologa, sa agai atu i se tulaga faaletonu tele faatinoga tau tupe i tupe pa'ū e \$2.195 miliona, a o faagasolo le 6 masina na faaiuina i le aso 31 Tesema 2012, faatusatusa atu i le tupe faasili e \$26.5 miliona, a o faagasolo le 6 masina na faaiuina i le aso 31 Tesema 2011.
4. Sa i ai faamaumauga o tupe maua ma tupe totogi na faia mo tausaga ua mavae ina ua tuanai ona faaoo mai o faamatalaga faalekuata mo le sueina faasuetusi. O lea tulaga ua faatino ma e faatagaina ina ia faia, e tusa lava pe na faia a o faagasolo le tausaga faaletupe ma ia atoatoa ma sa'o lelei o fuainumera ma faamatalaga tau tupe i le faaiuga o le tausaga. Afai o le mafauauga lea sa i ai mo le taliaina o lea faiga masani, o le fesili e tulai mai, aisea la e toe amanaia ai faamatalaga faalekuata. Sa galulue le Matagaluega o Tupe i tulaga faaleleia ua fautuaina.
5. O fuainumera i faamatalaga faalekuata sa le i lagolagoina, pe faatusatusa ia paleni ma faamatalaga a le Faletupe o le Auiliiliga faatusatusa o faamatalaga tau tupe o paleni. Sa matauina le tuai i le tasi i le lua masina, ona maua o Faamatalaga o le Auiliiliga faatusatusa o faamatalaga tau tupe o paleni a le Faletupe. Na matauina foi le tulaga o le leai o se faamaoniga o se siaki po o se iloiloga tau le vaavaaiga e faia e se tagata faigaluega talafeagai. Sa galulue le Matagaluega o Tupe i tulaga faaleleia ua fautuaina.
6. O siaki e le i tuuina atu mo le talaina i faletupe e pei ona i ai i le aso 30 o Setema 2012, e aofia ai le aofaiga e \$120,208.76 mai le tausaga faaletupe na faaiuina i le aso 30 o Iuni 2011 ma le aofaiga e \$5,329,432.15 mai le tausaga faaletupe na faaiuina i le aso 30 o Iuni 2012. Sa galulue le Matagaluega o Tupe i tulaga faaleleia ua fautuaina.
7. Na matauina i le suega o tusi, tulaga faaletonu i le va o paleni i tusi o faamaumauga o tinoitupe ma tusi o faamaumauga o le tuufaatasiga o faamatalaga tau tupe. Na faamaonia mai lea tulaga faaletonu e le Matagaluega o Tupe e faapea ua na o se mataupu lea e aafia tele ai taimi, lea ua maea faatulaga fuafuaga mo le vave ona faailoa mautinoa ma faasa'oina loa.
8. E leai se galuega ua faia i le tulaga faale-Matagaluega e faamaonia ma lagolagoina ai faamatalaga tau tupe faalekuata o teugatupe a le Malo ma faamatalaga tau tupe faaletausaga o ia teugatupe a le Malo. O lenei matafaioi ua taatia atu lava ma le agaga faatuatuaina i le Matagaluega o Tupe.

Lipoti o Uluai Suega Faasuetusi

Tausaga Faaletupe na Sueina Faasuetusi: 1 Iulai 2012– 30 Iuni 2013

Sailiiliga Faasuetusi

1. Sa i ai tuufaatasiga o uluai pepa aloaia mo tupe totogi na leiloa pe ua teu sese e Matagaluega, ma o tupe totogi sa faagaoioia i le faaaogāina o ata o ia pepa aloaia.
2. O tupe totogi na vave tuuina atu (lea e lē ogatasi ma faiga faavae a le Malo) sa faia lea i Kamupani na tuuina atu auaunaga ae mafuli atu lava i faasalalauga faatosina faapisinisi ma konekarate i televise.
3. O se konekarate ma se kamupani faapitoa o tuuina atu auaunaga sa faatoa faatino ma sainia pe afai na fesiligia e le au suetusi. E leai ni tau fuafuaina e pei ona manaomia i lalo o le Faamatalaga B4 o Tulafono a le Ofisa o Tupe.
4. Sa tuuina mai i le suega o tusi o se aofaiga o pepa aloaia mo tupe totogi, e aunoa ma ni tau fuafuaina tusitusia se tolu e pei ona manaomia i lalo o le Faamatalaga B4.
5. Sa matauina i se tuufaatasiga o pepa aloaia o tupe totogi, le aofia ai o tupe alu mo le ava malosi ma sikaleti, lea e lē ogatasi ma faiga faavae a le Malo.
6. O se tupe totogi na faaaogāina ai se Poloaiiga a le Faamasinoga mo le faagaoioiga sa tuuina atu mo le faamaoniga e aunoa ma le faamaoniga a le Kapeneta. Faatoa saunia lava le Pepa mo le Kapeneta ina ua maea ona tãpã ma fesiligia e le au suetusi. O le Poloaiiga a le Faamasinoga o se faaiuga faa faamasinoga e ao ona faaalu pea e ui ina faamaonia e le Kapeneta ina ua aofia ai le aofaiga e manaomia e le Kapeneta.
7. Sa i ai pili telefoni ua maualuluga tele e aofia ai le faaaogāina o le initaneti, i se tasi o Matagaluega. O le atugaluga autu lava o tupe ua tuai ona totogi ma pe o le a faapefea ona foia i le agai atu i luma aemaise ai o le kamupani o lo o tuuina atu le auaunaga tau fesootaiga, o se kamupani tumaoti faava o malo. O se tasi o pili telefoni (aofia ai le initaneti) e \$71,305.26, faatasi ai ma le \$492,329.15 o pili e le i totogiina. O isi pili telefoni ma pili o initaneti sa \$21,765.82 faatasi ai ma pili e le i totogiina lava e \$332,596.01.
8. Sa i ai tupe totogi na faatulai mai mo le tuuina atu o oloa ma auaunaga e faavae i luga o se pepa inivoisi mai le kamupani o tuuina atu le auaunaga a o lumanai ai le faia o se pepa aloaia o okaina ai oloa. Ua faamatuu atu e le au suetusi o nei tupe totogi, talu ai ona sa talia aloaia lava e kamupani o tuuina atu auaunaga ma o oloa ma ia auaunaga ua maea ona tuuina atu ma faatinoina.
9. O le faafoega faalotoifale o le Polokalame Tau Tupe Faakomepiuta e manaomia ai le tulaga e faapea o le Ofisa o le Pule ma Suetusi Sili e i ai le filifiliga faaiu o le faamaoniga ma le faamauina o faamatalaga a o lumanai ai le faamatuu atu o so o se tupe totogi. E tasi le tupe totogi na faamaonia ma faamauina e se tagata faigaluega a le Matagaluega ae lē o le Ofisa o le Pule ma Suetusi Sili. O lea tulaga na mafua ai se tulaga faaletonu i le faafoega tau lotoifale. Na maua mulimuli ane na mafua ona o se mea sese i le faatonutonuina o le Polokalame Tau Tupe Faakomepiuta, ona faapea lea ona faalēaogāina mulimuli ane le tupe totogi ae toe faagaoioi.

10. Sa i ai se tupe totogi i lalo o le vaega o galulue faatasi mo le Poloketi, peitai sa leai se vaegatupe na iloa sa fuafuaina i tala faatatau o le tupe mo tau i lalo o tupe totogi mo le vaega o galulue faatasi i lea poloketi.
11. E tasi le Matagaluega na filifili i le kamupani e tuuina atu auaunaga e aupito sili ona taugata e tuuina atu nisi o aseta. E tolu kamupani e tuuina atu auaunaga na faamaonia e le au suetusi, e i ai oloa e tutusa lelei i ituaiga ma o ia foi oloa o lo o maua i ia taimi. I le maea ai ona fesiligia i le suega o tusi o lea itu, ona faamatuu atu ai lea e le au suetusi le tupe totogi, ona o le talosaga e faapea, o meataitasi na okaina ua leva ona i ai i le Matagaluega ma ua maea foi ona tusia ai igoa ma faamauina i tusi lesitala.
12. Na tuu atu o se tupe totogi mo se polokalame faafouina, peitai sa leai se faamaoniga a le faalapotopotoga o ofoina mai le fesoasoani e faatupeina ai o lea faamoemoe. E faatoa saili lava le faamaoniga a le faalapotopotoga o ofo mai le fesoasoani, ina ua fesiligia e le au suetusi ma sa matauina ai e faapea, e le i silafia e lea faalapotopotoga e ofo mai ai le fesoasoani le polokalame faafouina lea, ma ua faamanatu i le Matagaluega ina ia muamua ona faamautuina lelei itu uma mai le faalapotopotoga o ofo mai le fesoasoani, a o le i faatinoina o so o se faamoemoe faapea. Na iu lava ina faamautuina ma pasia o lea tupe totogi e le faalapotopotoga o ofoina mai fesoasoani.
13. Na matauina le tulaga maualuga tele o le faaaogāina o le initaneti pe a faatusatusa atu i fuafuaga tau initaneti i masina taitasi i totonu o se tasi Matagaluega.

Matagaluega mo Tupe Maua

Faatau-Tu'i a le Malo i taavale ma totoga o taavale

13 Aperila 2013

1. O le aofaiga o tupe na faaalua i luga o le pepa manumalo o le tauofoga e lē tutusa ma le aofaiga na faamauiina e suetusi ma le tagata faigaluega o le Tupe Maua. O nei tulaga faaletonu na toe iloiloaina i le taimi o le tauofoga ma e pogai mai lea i le sese o le aufaigaluega ma le lē fesootai lelei. Sa tali le Matagaluega e iai isi tagata ofisa a le Matagaluega na faamauiina ofo manumalo (siakiina aloaia faalua) mo vaega o tauofoga taitasi, ina ne i tulai mai ai ni tulaga lē femalamalamaai ma o a latou faamaumauga e mafai ona faaaogā e foia ai ni tulaga faaletonu. E ui o lea, ua faamauiina ma lagolagoina o fautuaga mo tulaga faaleleia o tauofoga i le lumanai.
2. Vaega#30 o le Tauofoga mo le \$3,000 sa totogiina i le siaki tupe e patino i le tagata lava ia. O tupe totogi i siaki tupe e faatoa faatagaina lava mo pisinisi ia e le i lisiina i le lisi o pisinisi totogi aitalafu leaga. E lē taliaina siaki tupe e patino i se tagata toatasi. Ua fautuaina e le Au Suetusi le tausisia o taualumaga ma faiga e faatonutonu ai ua maea ona faatulagaina mo tulaga o le tausisia pea lava ma le lē faaituau. Ua lagolagoina le fautuaga ma ua faapea ona faailoa pea i le au tali tupe uma ina ia matua usitaia le faiga faavae e lē taliaina ai siaki tupe a le tagata lava ia mo tupe totogi.
3. Na faataatia ese Vaega o Tauofoga Numera 13, 24, 37, 62 ma le 63, ina ia totogiina ma faamae lelei mai le fale teuolua i le Aso Gafua e sosoo ai. E tusa ai ma le taualumaga o le tauofoga ua faatulagaina, o meataitasi uma e ao ona totogiina i tinoitupe i le aso o le tauofoga. O isi uma vaega o tauofoga e totogi i lea aso ma o vaega o tauofoga e le i totogiina e lokaina mo le isi tauofoga e sosoo ai. Ua fautuaina e le au suetusi le tausisia o taualumaga ma faiga e faatonutonu ai ua maea ona faatulagaina mo tulaga o le tausisia pea lava ma le lē faaituau. Ua lagolagoina le fautuaga ma ua faapea ona faamanatu i tagata ofisa e feagai ma tauofoga ina ia tausisi pea i taualumaga o tauofoga.

Matagaluega o Tupe

25 Aukuso 2012

1. Na maitauina e le Au Suetusi le leai o ni Tuutuuga o Tauofoga ua faamaonia aloaia ina ia tau fai malilie i ai le Matagaluega ma tagata e tuuina mai ofo, a o le i amatalia le tauofoga. O le a faautagia e le Matagaluega o Tupe o Tuutuuga o le Tauofoga ua fautuaina. O le taimi nei o lo o matou faatautaia o se polokalame faamasani aloaia (tuufofoga) a o le i amatalia o so o se tauofoga. O le polokalame faamasani lea e aofia ai o tuutuuga uma lava o le tauofoga ae faapena foi i le folasaga o le taualumaga e faafoe ai tauofoga ina ia silafia ma malamalama lelei le tagata tau ofo e i ai le aia. Ua faapea foi ona matou faatau i se tulaga manino pe a faagasolo la matou folasaga o le polokalame faamasani e faapea, o le taimi lava e faatauina ai aseta, e lē noatia ma o le a lē noatia lava le Matagaluega mo so o se noataga e ono tulai mai.
2. E faavae mai luga o nisi faamatalaga tuuina mai e nisi o tagata na manumalo a latou tauofoga e faapea, o tulaga o taavale ua le o atagia sa'o ai itu sa faamalamalamaina e le tagata o faafoeina le tauofoga i le taimi o le tauofoga, sa i ai se tulaga e ono tulai mai e mafai ai ona matua suesueina le Matagaluega mo se uiga tau faasese i le atunuu, e uiga i le tulaga lelei o i ai meataitasi o le tauofoga. E pei ona matauina, o le taavale e lē ola, ae sa faamalamalamaina e le tagata o faafoeina le tauofoga e faapea, o le taavale o lo o i ai i se tulaga lelei pe a faaogā; o se taavale o lo o misi totoga o le afi, ae sa faamalamalamaina e le tagata o faafoeina le tauofoga e faapea o lo o lelei atoatoa le afi o lea taavale. La lea ua fautuaina ai, e tataua ona i ai o ni Tuutuuga o le Tauofoga, e avea o se taiala i le faatinoga o tauofoga. O Tuutuuga o le Tauofoga ua o se Maliega faakonekarate lava lea e noatia ai le Tagata e faafoeina Tauofoga ma Tagata tau ofo e i ai aia, ua faapena ona tuuitia ai le tulaga o le ono tulai mai o noataga faaletulafono lea e ono mafai ona faia faasaga i le Matagaluega. Ua faamauina e le Matagaluega o Tupe le fautuaga e avea ma vaega o le fuafuaga o galuega a le Matagaluega ina ia aofia ai i tauofoga i le lumanai.
3. O faaupuga o tuutuuga o Faatau i le Tauofoga sa lē faailoa maoti atu i le atunuu (o le lē lava o faamatalaga). Ua fautuaina le Matagaluega ina ia silasila i le toe iloilo ina lenei lava mataupu. O le a toe iloilo e le Matagaluega o Tupe ma galulue faatasi ma Matagaluega, ina ia maua mai nisi faamatalaga se tele e faasino i nei taavale ua lē toe aogā. Ua le o faamatalaga uma o lo o tuuina atu i le Matagaluega o Tupe i le taimi e tuuina atu ai taavale i lea lava Matagaluega. I le ma lea, o nisi taavale e faatoa faailoa lava i le vaiaso a o lumanai ai le tauofoga. O le i ai o faamatalaga tuulata mai o aseta (aemaise lava o taavale), o le a mafai ai ona maua ma o le a avea ma vaega o le faalapopotoga.
4. Na tatalaina le tauofoga i le atunuu lautele ma faatagaina ai le toatele i le lotoa, ae ua lē na o tagata tauofo na lesitalaina. Ua fautuaina le Matagaluega ina ia toe iloilo ana taualumaga ma faasaina tagata tauofo e le i lesitalaina mai le solia o le lotoa o faia ai le tauofoga. O le a iloilo ina e le Matagaluega o Tupe se auala e faafoe ai tagata tau ofo e le i lesitalaina i totonu o le lotoa o le tauofoga a o faagasolo le tauofoga. I le amataga o le taualumaga o le tauofoga, sa matou matauina ai le mauualo o le numera o tagata tau ofo na auai talu ai ona o se taunuuga o taavale e le i faatauina. Peitai ane, na finagalo le Matagaluega o Tupe ina ia avanoa tagata lautele i lenei gaioiga, mo i latou o lo o naunau lava e tuuina atu ni a latou tauofoga, ma e lava foi a latou tupe e faatinoina ai. E le i manao le Matagaluega o Tupe ina ia avea le lesitala ma ala e faavaivaia ai nisi o tagata tau ofo, peitai ia silasila i le lesitala e silafia lelei ai i latou o lo o naunau moni lava e auai i le tauofoga.
5. Sa leai se taimi faatulagaina e aveese ai e tagata tau ofo taavale mai le lotoa. Na matauina le i ai pea o le taavale e tasi i le lotoa e le i aveesea i le maea ai o le aso o le tauofoga. Atonu ona o le tulaga faasaina ona ulufale i le lotoa ina ua maea le aso o le tauofoga na mafua ai, a ua

faatulai mai ai ma tulaga lamatia o le aveesea ma le lē tatau ai o isi foi meataitasi o lo o taofia i le lotoa. Ua fautuaina ai ina ia faatulaga o se taimi faatapulaaina mo le aveesea o oloa ua maea ona totogi. Ua tatau foi ona maea faatulaga taualumaga e ao ona mulimulitaia, pe afai e manaomia e le tagata tau ofo na manumalo lana ofo e toe ulufale ai i le lotoa i se isi taimi o muamua e aveesea ai ana oloa ua maea ona totogiina. O le a aofia ai lea tulaga i fuafuaga a le Matagaluega o Tupe e avea o se vaega o Tuutuuga o le Tauofoga. O le tagata e malo lana ofo, e masani ona faia lea talosaga, ae o le a aloaia lea tulaga ina ne i tulai mai o se noataga i le lumanai. E masani lava ona faatalanoaina lea tulaga ma le tagata manumalo e faapea, e le o se matafaioi lea a le Malo, i le taimi lava e talia ai le tupe, o le gaoioiga faapisinisi.

Matagaluega o Tupe

27 Mati 2013

1. E le i i ai o se lisi auiliili o meataitasi na tuu e fai i ai le tauofoga. E tatau ona tausia ma teuina lea lisi e faamaonia ai o meataitasi o le a tuu atu i le tauofoga. O lo o i ai i le Matagaluega o Tupe se lisi o faamatalaga auiliili o meataitasi uma o le a tuu atu i le tauofoga. Peitai, o le vaevaeina o lea lisi i vaevaega laiti o le tauofoga (ma vaevaega e le i saunia) e le i avanoa i le taimi na auina atu ai le tusi faailoa. Ua mafua lea tulaga ona e manaomia lava sina galuega e faia i le tuufaatasia o meataitasi po o le tufatufaina atu o vaevaega laiti o le tauofoga. E masani lava ona maea tapena lea itu a o lumanai ai le aso o le tauofoga.
2. A o le i amataina le tauofoga, e tuuina atu muamua lava i tagata tauofo ua lesitalaina o numera o pepa o le tauofoga. E na o le 80 numera na saunia, ae 96 tagata tauofo sa mautinoa ua lesitalaina. O le pa'ū o numera totoe ua lē atoa sa lē lelei ona faia i se faiga tusitusia ma tuuina atu i tagata tauofo na lesitalaina o i latou ia sa totoe. Ua fautuaina e le au suetusi le vaega galulue a le Matagaluega o Tupe ina ia saunia lelei ina ia mafai ona maua o pepa uma e 96 o le tauofoga e tuuitiitia ai le faatuai ona faatino le galuega ma faasea mai le atunuu lautele. Ua faamauina le fautuaga ma ua faapea ona faaofi o se taualumaga fou i le tauofoga o lumanai.
3. E 96 tagata tauofo na lesitalaina e tusa ma faamaumauga i le tusi lesitala na tuuina mai i le suega o tusi. Peitai, na matauina i le suega o tusi e toatolu tagata tauofo na auai i le tauofoga ma manumalo i nisi meataitasi, ae sa le i lesitalaina i latou e tusa ma faamaumauga i le tusi lesitala. Mo se tulaga e lē faaituau, ua faapea ona fautuaina ai e le au suetusi ina ia faatagaina na o tagata tauofo na lesitalaina i le Matagaluega o Tupe i le aso na tapunia ai le lesitala, e auai ma tuufofo mo meataitasi. E tatau i le vaega galulue a le Matagaluega o Tupe ona silasila i le numera mulimuli o le tagata tauofo lesitalaina ma e lē tatau ona talia o so o se tagata tauofo o i ai so o se numera i luga atu o le faasologa o le lesitalaina. O le a mafai ai foi i lea faiga ona maua ai o so o se tagata tauofo e sau i totonu ma ni numera sesē o le tauofoga mai tauofoga ua maea ona faia talu ai. O le a toe iloilo e le Matagaluega o Tupe le faagasologa lea mo tulaga faaleleia.
4. E tasi le vaevaega laitiiti e faapea na mauaina e tagata tauofo eseese e toalua na manumalo ai. O lea sese na toe foia mulimuli ane, peitai o le tagata ofisa a le Matagaluega o Tupe na matauina, sa feagai ma le taloina o le tauofoga ma tuuina atu pepa manumalo i lea lava taimi, la lea na mafua ai le feeseeseaiga ma le fenumiai. Ua fautuaina e le Au Suetusi le tulaga tatau ona tuueseeseina o tiute i le tatau ai ona faafoe e le tasi tagata ofisa le taloina ma le faatinoga o le tauofoga a o le isi tagata ofisa e feagai ma le tusiaina ma le tuuina atu o pepa o tauofoga. O lea faiga e tatau ona tuuitiitia ai o mea sesē. O le tuueseeseina o tiute ua faapea ona tuufofina e tusa ai o le mataupu ua lāgā

Matagaluega o Tupe

7 Mati 2013

1. E tusa ai ma le faasalalauga, o tupe totogi uma mo taavale ua tuuina atu i le tauofoga, e tatau ona faia i le na o tinoitupe lava, i le aso o le tauofoga. I le tapunia ai o se tauofoga manuia, e tasi le itula e tuuina atu i le tagata tauofo ua manumalo lana ofo, ina ia maua mai o le tinoitupe mo le totogiina o meataitasi, a o le i toe tatala atu i le tauofoga pe afai e taatitia ai pea meataitasi na manumalo ai e le i totogiina. Na matauina i le suega o tusi e faapea o le tupe totogi mo se tasi o taavale sa faapea ona faia i le siaki tupe. Ma o lea faiga ua lē talafeagai ma fetau i isi tagata tauofo. Ua fautuaina e le au suetusi le tulaga tausisia o taualumaga ma manaoga talafeagai e pei ona matauina i le faasalalauga faapisinisi o le tauofoga na auina atu mo le atunuu lautele.

Matagaluega o Tupe

Aso 20 Tesema 2012

1. E valu taavale na faatau-tu'i i le tauofoga sa faatauina i o latou tau e maualalo atu i lo tau aupito maualalo o le tauofoga na faasalalau, na mafua ai ona tele le tupe gau. E i ai foi nisi taavale na faatauina i tau e sili atu ona maualalo i lo le 50% o latou tau aupito maualalo na faatulagaina i le tauofoga. Ma e i ai foi le mataupu e uiga i tagata naunau o i ai le mafai e gafatia tulaga tau tupe o le tauofoga e ono liliu ese mai le lesitalaina ma auai, talu ai ona o le maualuluga o le faatulagaga o tau aupito maualalo na faasalalauina la lea ua taofia ai i latou mai avanoa tutusa e faia ai o latou tauofoga. Ua fautuaina ai e le au suetusi ina ia iloilo lelei o taavale e faufuaina ai tau talafeagai e faatauina atu ai po o tauofoga i le tapulaa maualalo, e foia ai le tulai mai o le tele o se tupe gau ma ia maua ai foi o avanoa tutusa i tagata o le atunuu lautele e fafia i le tauofoga. Na taua e le Matagaluega o Tupe e faapea o lo o lelei lava le faapepaina o le faatulagaga o le tau aogā o taavale ua lē aogā, e tusa ai ma tau aogā o i ai nei i tusi ae faapena foi i o latou tau talafeagai, a o le i faatulagaina tau i se tapulaa aupito maualalo. O le a faamautinoa e le Matagaluega o Tupe le faatauina atu o taavale ua i ai i le tauofoga i tau e i luga atu o latou tau i le tapulaa aupito maualalo o le tauofoga/tau aogā faamauina i tusi, e lē gata ina ia alofia ai o tupe gau, ae ia maua ai foi o avanoa tutusa i tagata o le atunuu lautele o ē sa naunau ma i ai aia i le tauofoga.

FAASINOMAGA O ASETA.	Faamatalaga Auiliili	Tau i le Tapulaa Maualalo o le Tauofoga na Faasalalauina	Faatau atu i le tau e
POL 9658	Buick 2004	\$3,000	\$300
MPAG 05	Buick 2004	\$3,000	\$300
POL 14	Hyundai Van 2005	\$3,500	\$3,000
MPAG 13	Buick 2004	\$3,000	\$300
NE VEH 1	Toyota D/Cab Cab Only	\$200	\$50
NE VEH 2	Toyota D/Cab Cab Only	\$200	\$50
MESC 10	JAC Mini Bus 2008,Vaipouli College	\$40,000	\$22,000
MESC 11	JAC Mini Bus 2008,Vaipouli College	\$30,000	\$10,000

2. O se tasi o taavale ua faatau-tu'i na totogiina i se siaki tupe. Na faamamafaina lava le faia o tupe totogi uma i tinoitupe e pei ona faasalalauina ma i le aso foi o le tauofoga. Ua fautuaina e le au suetusi le tulaga tausisia o manaoga e pei ona faamamafaina i faasilasilaga o tauofoga e auina atu i le atunuu lautele. I le taimi nei, e na o tupe totogi i tinoitupe e taliaina ma ua faapea foi ona matua mataituina i faatau-tu'i/tauofoga. O le a sailiili foi le Matagaluega o Tupe mo le faaogāina o masini totogi tupe (EFTPOS) i nofoaga o faatau-tu'i/tauofoga ina ia taofia ai tagata mai le tauaviena o ni aofaiga tetele o tinoitupe.

Faatoaga ma Faiga Faiva

Tausaga Faaletupe na Sueina Faasuetusi: 1 Iulai 2008– 30 Iuni 2011

Sailiiliga Faasuetusi

1. O le tusi lesitala o tusi lisiti sa lē lelei ona teuina ma e le i mataituina lelei foi le tuuina atu o tusi lisiti. O le fautuaga a le au suetusi mo le tausaga lelei o le Tusi Lesitala ua faapea ona faamauina mo le faaleleia.
2. E i ai nisi tusi lisiti sa le i mafai ona maua ma faapena ona lē mafai ai foi ona vaaia. E fa tusi lisiti na leiloloa po o fea o i ai, peitai ane, na mafai lava ona toe faamaopoopo lisiti uma mulimuli ane. E tasi le tusi lisiti ua faamaonia ua leiloa ma ua tuuina atu foi o se Lipoti o Tulaga Faaletonu ua tuuina atu i le Matagaluega o Tupe.
3. Sa i ai se aofaiga tele o paleni o aitalafu e le i totogiina e le i aoina mai lava. O le tele lava o nei paleni sa tauaveina mai pea i tausaga ua mavae. E oo mai i le aso 30 Iuni 2011, o le aofaiga atoa o le paleni mo le au nofo aitalafu, e \$13,762.50.
4. E i ai nisi pepa aloaia mo tupe totogi sa leiloloa. O pepa aloaia o tupe totogi sa lē mailoa po o fea na teuina ai e le aufaigaluega o feagai ma faila o faamaumauga. Ua faapea ona faamauina le fautuaga a le au suetusi i lea itu e faaleleia.
5. O le tusi lesitala o aseta tumau e le i tuulata mai ona faamaumauga, ae sa le i mataituina lelei foi o vaivaiga e pei o aseta na faapipii i ai le faailoga MAFF, nofoaga o aseta ma tagata na faaagāina sa le i sa’o ona faapepaina faamaumauga. E i ai nisi o aseta tuai sa faapipii ai pea le faailoga MAFF mo le faailoagofieina ai o le tausaga, ma le faitauga/siakiina o oloa ia faamauina ma faapipii igoa e iloa ai aseta e faia e le Vaega o Auaunaga Lautele, lea sa faataunuuina i se faiga faaletausaga. O le pogai lea o le faatuai o faamatalaga tuulata mai o le tusi lesitala o aseta seia oo atu foi i le isi faitauga/siaki o oloa e sosoo ai. A o faagasolo le tausaga, o aseta sa fetuunai mai le tasi tagata faigaluega i le isi tagata faigaluega ma nisi o aseta sa fesiitai atu i isi nofoaga eseese, na mafua ai le eseese i le tusi lesitala, seia oo i le taimi na faatinoina ai le faitauga/siaki faaletausaga o oloa.
6. O le tele lava o aseta na faatauina i le tausaga faaletupe 2010/2011 sa le i faapipiina i ai ni pepa o igoa e iloagofie ai ma faamauina i totonu o le tusi lesitala o aseta tumau.
7. O mataupu nei sa faamauina i le Faitauga o Manu Papalagi i le Faatoaga i Togitogiga i le aso 29 Oketopa 2010.
 - a. O le tusi lesitala o le faitauga o povi sa le i lelei ona tuulata mai faamatalaga ma o faailoga foi faamauina e iloa ai le numera o le manu, sa le i i ai i se faasologa lelei. E tatau ona tuulata mai faamatalaga o le tusi lesitala o Povi i luga o se faiga faalekuata, lea e ao ona faitauina ai povi e se Suetusi Faalotoifale a le Matagaluega, se tagata ofisa mai le Vaega o Auaunaga Lautele ma le Pule o le Faatoaga mai le Vaega o Lafumanu.
 - e. O numera o faailoga o nisi povi na faitauina e le i tutusa ma faailoga o i ai i taliga o povi. O se eseese i le ituaiga o povi o i ai le numera tutusa o le faailoga e masani ona mauaina, ma e mafua mai i se sese tau faatinoga i le tau faailoaina mautinoa o laasaga o le tuputupu a’e o manu: faataitaiga – pe ua fanau pe leai foi o se povi, ae o lea ua faailoaina o se povi fafine po o se povi fafine taanoa ua suia po o laasaga o le tuputupu a’e mai se tamai povi ua tuuese ma le susu i se povi ua sui a’i.

- i. Sa i ai povi ma mamoe e le i mafai ona maua a o faagasolo le asiasiga ma ua i ai le manatu o povi nei ua leiloloa. I le va o le taimi e faia ai le faitauga tai tolu masina o povi ma mamoe, o taimi ia a lē o le faatau ola/aveese mai le lafu po o ua maua le manu ua mate po o ua faalaloina foi. O le auililiga faatusatusa o faamatalaga tau tupe o le faitauga o le lafu mai lea vaitaimi i lea vaitaimi e tataua ona faatino i le tauanai ai o faitauga taitasi uma e faia.
 - o. E i ai nisi povi e i ai numera o faailgoa e tutusa lelei lava talu ai ona o manu faatauina mai le polokalame o le faatauina mai o povi i le tausaga faaletupe 2008/09 ma le 2009/10 lea na iloa ai e i ai nisi povi na faatauina mai e i ai faailoga e tutusa ma faailoga na faaogaina mo manu o i ai pea i le lafu o le faatoaga.
 - u. Sa i ai foi povi e le i faailogaina, e aofia ai tama'i povi faatoa fananau mai. O tama'i povi faatoa fananau mai e faatoa faailogaina pe a faatino le faitauga faalemasina i le faatoaga, talu ai ona e manaomia le faailogaina o tama'i povi uma faatoa fananau i le nofoaga faapitoa e faitau/faailoga/fasi mate ai manu, ma e faatoa faailogaina foi tama'i povi pe a ua matutua ma malolosi.
 - f. Na matauina e i ai povi ua leiloloa a o faagasolo le faitauga o povi. Na faamaonia mai e le Matagaluega e faapea o povi ia ua leiloloa, o povi na ua pepē i le faatoaga.
8. E le i lelei ona tausia tusi lesitala o pepa TY 76, talu ai ona sa i ai nai tusi laiti na tuuina mai le Matagaluega o Tupe ma faaogaina e le Matagaluega, ae peitai sa le i faamauina i totonu o le tusi lesitala. O faamatalaga auiliili o nisi pepa aloaia TY76 na tausia mo faamaumaga a le Matagaluega sa lē mafai ona faitauina mo le faamaoniga, ona o le leaga tele o le ituaiga pepa karaponi na faaogaina e maua ai ata o faamatalaga tusia. Ae na i ai foi faamatalaga auiliili na misi atoa i pepa TY76, e pei o le aofaiga o lita o suauu penisini, numera o le taavale, ma le vaega e patino iai le taavale. E leai foi ni pepa o faamauina le faaogaina o taavale e le Matagaluega. Na fautuaina ai e le Au Suetusi le faia o se Lipoti o Tulaga Faaletonu mo le tamai tusi o pepa TY76 e faapea ua leiloa po o fea ua tuu ai. O le fautuaga a le au suetusi mo ni faiga talafeagai ma tulaga tau le faafoega e ao ona faataatia lelei, ua faapea ona faamauina.
9. O nisi o tupe faameaalofa na maua e le Matagaluega e le i faai atu i le Vaega o Fesoasoani ma Tupe Faameaalofa a le Matagaluega o Tupe, ma o faamatalaga e tusa ma ia tupe faameaalofa na mauaina, e le i tuuina mai i le taimi manaomia mo le faamaoniga a le au suetusi, aemaise lava o tupe faameaalofa e faasino i le Vaega o Laau Totō. Na le mafaia e le au suetusi ona faamaea le iloiloga auiliili ma le toe iloiloa o le aofaiga tonu lava o le fesoasoani ma tupe faameaalofa. O poloketi na fesiligia, e aofia ai o poloketi faatupeina faapitoa na faagaioia e le Vaega o Faiga Faiva, lea e aofia ai le poloketi o le Faiga e Mataituina ai Vaa Fagota (VMS), o le poloketi o le Mataituina, Faafoega ma le Puipugamalu (MSC) ma le poloketi o le Mataituina o Faiga Faiva o le Tuna ma Punaoa Tau Faiga Faiva i le Gataifale. O nei poloketi sa lagolagoina e le FFA, SPC ma le Faaputugatupe a le Malo o Iapani ma le Faalapotopotoga a le JICA aua galuega e le o i ai se fesoasoani a le Malo o Samoa. O poloketi o le VMS ma le MSC na lagolagoina le faamalosia o matafaioi a Samoa e ala i le tafiese o faiga faiva faasolitulafono, o faiga faiva e le o lipotia mai ma faiga faiva e le o faatonutonuina faaletulafono, ina ia faamautinoaina ai le tulaga o le gafataulimaina mo se vaitaimi umi o ituaiga o i'a e maualuga le tulaga o le feoai solo i isi ogasami mamao e pei o le ituaiga o le Tuna i totonu lava o le tatou Sone Faapitoa Tau le Tamaoaiga (EEZ). O nei poloketi na fesoasoani mai i ofu fagota ma meafaigaluega e faaogā e faatinoina ai galuega faataitai ma galuega mataitu e pei o le totogiina o ovataimi i taimi e faatinoina ai le mataituina o vaa fagota a o fagogota ma taimi o le fesiitaiga o uta a vaa fagota i isi vaa. Na faapea foi ona o latou okaina mai o masini komepiuta ma mea faigaluega faaeletoron

manaomia, ae faapena foi i avanoa e fesoatai ai i le initaneti ina ia mafai ona tuuina i totonu ma auina atu faamatalaga faaeletoroni ma iloa ai ogasami o i ai vaa fagota i taimi tonu lava o lo o i ai i'a i totonu o tatou sone ma faapea ona auina atu ai faamatalaga ma faamaumauga i faalapotopotoga faaitulagi. O le poloketi o le mataituina o Faiga Faiva o le I'a o le Tuna, na lagolagoina ai foi gaoioiga tau faataitaiga i uafu, lea na aoina mai o faamaumauga ma faamatalaga faasaenisi e fesoasoani ai i le iloiloga o le faatupulaia o i'a mo le ituaiga o i'a o le tuna o lo o taulai i ai faiga faiva. O le poloketi lenei na feagai ma le totogi o tau mo tagata tumaoti na faia faataitaiga i uafu i le aoina lea o fuainumera faamauiina o faiga faiva e pei o i'a maua o faiva, taumafaiga i fagotaga, tulaga tau le tamaoiaiga, faasaenisi ma tulaga tau le siosiomaga, ae faapena foi i pepa, api, tusi faaogāina i faamaumauga, ofu fagota, meafaigaluega ma le auina atu o faamaumauga i le SPC i faiga faaeletoroni. O nei poloketi sa talosagaina faapitoa lava ina ia faatino ai o nisi galuega taua tele ma matafaioi sa lē mafai ona faatupeina i tala faatatau o le tupe i le atunuu. E le o se tulaga e taumateina, le tele o le sao o nei poloketi, i le faatinoga o galuega faaletausaga a le Vaega o Faiga Faiva, ma ua faapea ona fesoasoani tele i le ausia ai o fuafuaga na faamoemoe i ai le Vaega o Faiga Faiva. O nei foi poloketi ua mafai ai e le Vaega ona faaoo atu auaunaga ma ausia o matafaioi faaleatunuu a Samoa i se tulaga faamalieina, mo le faasaoina ma le faafoega o ituaiga i'a e maua le tulaga feoi i ogasami eseese, tainane o isi lava ituaiga lautele o i'a o fagotaina. Ua manino mai ai le tulaga e faapea, o nei poloketi, e tatau lava ona faauai atu i le Matagaluega o Tupe, ma ina ia tusa ai ma faiga faavae a le Malo i le puleaina o nei tupe. O nisi o teugatupe a nei poloketi sa amata tatalaina lava e faalapotopotoga o ofoina mai fesoasoani ma o le faatagaga e avanoa ai i ia teugatupe sa faaliliuina atu mulimuli ane i le aufaigaluega a le Vaega o Faiga Faiva e faagaoioia teugatupe. E le i silafia e le Matagaluega i lea taimi e faapea o nei poloketi faapitoa e manaomia ona faalauiloa ma o lea ua manino le mata o le vai, o poloketi nei e faagaoioia e vaega, e tatau lava ona faailoa ma ia faafoeina e tusa ai ma taiala a le Malo. Ui o lea, o nei lava poloketi faapitoa, sa faagaoioia lava e tusa ma fautuaga mai faalapotopotoga na ofoina mai o fesoasoani, la lea na faauai mai ai tupe i teugatupe a le Vaega o Faiga Faiva ma sa i ai le manatu o le Matagaluega o Faatoaga (MAFF) e faapea o le faaiuga ma le tulaga faamalieina atoatoa o ia poloketi, e tatau ona fuaina le tulaga manuia ma le lelei, i luga o taunuuga o galuega ma galuega faatino tuuina atu.

10. O Lipoti o Tulaga Faaletonu o mataupu tulai mai sa i ai pea i se tulaga e le i mafai ona foia ma o lo o faatali pea le tali mai a le Matagaluega o Tupe. E le i maua ni faamatalaga faapepaina i le tuliloaina o ia mataupu, e le Matagaluega i le tulaga lea o nei mataupu tau tupe maua (IR). O le a auina atu se tusi e tuliloaina ai lea mataupu i le Matagaluega o Tupe mo mataupu e le i tagofia lava.
11. E i ai nisi o tagata na auai i le polokalame o le Faamanuiaga o le Au Faifaatoaga e le i mulimulitaia taualumaga o galuega faatino a le polokalame, ma latou te le i taasisia foi o latou nofoaga autu, ma o le tele foi o meafaitino sa faapea ona maua. Talu ai ona o le umi o le vaitaimi o mugāla sa feagai ma le atunuu i nai tausaga na se i mavae atu nei, aemaise i le va o le masina o Iuni ma Tesema, e tele faiga sa faatinoina e le aufai faatoaga e taumafai ai ina ia foia le faafitauli o le leai o se suavai e maua. Ma ua faatalanoaina nei e le Pulega o ni faiga fou ma ni fuafuaga faataatitia i le tulaga e mafai ona faaleleia ai o le Polokalame lea o le Faamanuiaga o le Au Faifaatoaga. O le ala lea na mafua ai ona liliu ese mai le faataatiaga ma laau totō i poloka o i ai i le taimi nei, i le ave o le faamuamua i le faataatiaga e sili atu ona mafai ona faatino e le aufai faatoaga i poloka o vaega eleele ma laau totō, e pei o le totōina na o le ituaiga e tasi o laau totō ma se aofaiga o laau totō e lē faatapulaaina i poloka o vaega eleele faaogāina. Ua maea ona faia o le iloiloga i le tulaga o i ai nei lea polokalame ma o le taunuuga o lena lipoti mo ni fautuaga auā le faaleleia, o lo o faapea ona tālia.

Loia Sili**Tausaga Faaletupe na Sueina Faasuetusi:** 1 Iulai 2008– 30 Iuni 2011**Sailiiliga Faasuetusi**

1. E le i faamaumauina oloa sa maua mai i le tusi lesitala o aseta ae faapena foi i se paleni o oloa e le i faaogāina. O lenei tulaga lamatia, ua faapea ona faatupulaia talu ai ona o le lē faia o se faitauga o oloa i se tulaga masani faifai pea. Ua toe fuafuaina e le Ofisa o se faatulagaga o lana tusi lesitala ma ua gauai foi i le faia o siaki o oloa i se faiga masani faifai pea.
2. Sa i ai se aofaiga o mea na tutupu ma faalavelave e le i lipotia i le Matagaluega o Tupe. Na faailoa e le Ofisa, o le a faaleleia le tulaga o le tausisia o manaoga. Ua siitia lava i se tulaga lelei o lipoti o tulaga faaletonu, i le faaopoopo mai o le aufaigaluega sinia fou i le Vaega o Auaunaga Lautele, o i latou ia e faamautinoaina le faia o Lipoti o Tulaga Faaletonu.

Mataupu Tau le Va i Fafo ma Fefaatauaiga

Tausaga Faaletupe na Sueina Faasuetusi: 1 Iulai 2008– 30 Iuni 2011

Sailiiliga Faasuetusi

1. O se tagata faigaluega na faafaigaluegaina e avea o se faigaluega togiaso, na i ai se pepa faapitoa mo totogi TY15 sa faailoa ai o ia o se tagata faigaluega tumau. O se pepa faatumu TY15W sa tatau ona faaaogāina i le faafaigaluegaina o lea tagata faigaluega e avea o se ave taavale faigaluega togiaso, ma o le pepa faatumu TY15C sa tatau ona faaaogāina ina ua faamuta lana galuega. O le a faamautinoaina e le Matagaluega le tuuina atu o pepa faatumu sao o TY15 i le lumanai.
2. Sa le i tausia lelei nofoaga lagolago faaleoleo. Sa iai faamaumauga o nofoaga faaleoleo ae o lo o tuu faatasi ma le masini fai polokalame o le komepiuta autu (server). O lenei lava mataupu e laga soo ona o le leai lea o se nofoaga e ese mai le Matagaluega, e teu ai faila lagolago faaleoleo. Ona o mafuaaga o puipuiga malu ma tulaga patino, e manaomia ai e le Matagaluega e faatalanoa atili ma le vaega a le Suetusi tulaga talafeagai i le faasoa mai o punaoa o nei nofoaga. Ua iai le nofoaga lagolago faaleoleo i le maota a le Pule o le Vaega o Auaunaga Lautele.

Soifua Maloloina

Tausaga Faaletupe na Sueina Faasuetusi: 1 Iulai 2010 – 30 Iuni 2011

Sailiiliga Faasuetusi

1. Sa i ai ni tulaga na aliae mai i tupe na tuai ona teuina i faletupe i le amataga o le tausaga faaletupe. O le faatuai ona teuina tupe i le faletupe i nisi taimi e mafua mai i le tapunia o faletupe i taimi e tuuina atu ai tinoitupe. O lea itu e mafuli lava mai tusi faamaonia e galue ai faaletausaga o tausī soifua, fomaī po o isi tagata tomai faapitoa tau le soifua maloloina.
2. O le tusi lesitala o aseta tumau e le i tuulata mai ona faamatalaga faamauiina e ui lava ina tele o aseta na faatauina i totonu o le vaitaimi o sueina faasuetusi. O aseta na faameaalofa mai le Malo o Saina e le i lesitalaina ma faapipii i ai igoa e iloa ai o meatotino a le Matagaluega a le Soifua Maloloina. E le i mafai e le Matagaluega ona faamaonia mai le aofai o aseta na foai mai e le Malo o Saina ma ua lē mafai foi e le au suetusi ona faamaonia pe i ai ni aseta o misi. O aseta e le i lesitalaina e tulai mai ai le tulaga lamatia o le leiloloa po o le aveesea foi e aunoa ma se faaaliga. O le faiga o faafoe ai e faapea, o aseta uma i lalo o poloketi e faamauiina lava e le vaega o feagai ma le poloketi, ae le o le Vaega o Auaunaga Lautele, e ui lava ina o le Vaega lea e faafoeina pepa faatumu o aseta ua faalēaogāina. Faatoa faamauiina lava aseta i lalo o le tusi lesitala o aseta tumau o faafoeina e le Vaega o Auaunaga Lautele i le taimi lava e tauaaoina atu ai i le Matagaluega ina ua maea le poloketi. Na silasila le Matagaluega o le Soifua Maloloina i se faiga faafoe e faamautinoa ai le foia o le atugaluga lea. Sa talosagaina i le Komisi o le Aufaigaluega o Galuega a le Malo se Tagata Faigaluega Sinia ma se tagata ofisa mo aseta, talu ai ona o le vaega lea o tulai mai ai faafitauli, i tulaga o le tuulata mai o faamatalaga e faasino i ia itu, pe a manatu i le tulaga o i ai nei, e na o le toatolu le aufaigaluega tau tupe ma tagata togiaso e tolua o lo o feagai ma ia galuega a le Matagaluega atoa ma isi fuafuaga a vaega eseese. Na teena e le Komisi o le Aufaigaluega o Galuega a le Malo lea fuafuaga ma ua toe talosagaina foi e le Matagaluega o le Soifua Maloloina le manaoga moni ma le tāua o le i ai o nei tulaga tofi e lua.
3. Na siitia le faaaogāina o le eletise i le \$275,737.91 i le vaitaimi o sueina faasuetusi, faatusatusa i le tausaga 2009/10. E tele pili eletise e le i totogiina na feagai ma le Matagaluega i le faagasolo mai o tausaga sa i ai faatasi ma se vaega itiiti o tupe faatauiina, pe a fua i le aofaiga o fale sa faafoeina e le Matagaluega i ia taimi. O le maua luga o tupe faaalu e aofia ai tupe tuai ona totogi mai isi tausaga faaletupe, o nisi sa palasi lava i le Matagaluega o le Soifua Maloloina le totogiina i tausaga faaletupe mulimuli ane. E sili atu i lo le 5 mita laiti na faafoeina e le Matagaluega i lea taimi, mo le fale autu, o le pusa aisa malosī na teuina ai tui (vaccines) a le Auaunaga Tau le Soifua Maloloina o le Atunuu (NHS) lea sa tele le eletise na alu ai, o le fale nofo tumau o le au tausī soifua ma le fale fogafale tolu mo tausī soifua auā aoaoga ma galuega faatino tau aoaoga i fale suesue. Ua amata le faaaogaina o le polokalame mo le eletise totogi muamua ae le i faaaogāina ma o le faamoemoe o le a fesoasoani tele lea i le tuuitiitia o pili eletise (pe afai e mafai).
4. O tupe alu i le faaaogāina o le Initaneti ua siitia i le \$24,425.49 i le vaitaimi o lo o sueina faasuetusi, pea faatusatusa i le tausaga 2009/10. O le taimi nei ua na o Ofisa Sili Lagolago o Pulega ua avanoa i ai le faaaogāina o le initaneti. O isi uma tulaga tofi o le aufaigaluega ua motusia lea auaunaga mai le masini initaneti o le komepiuta autu. O tagata ofisa e moomia le faaaogāina o le initaneti o le a avanoa i ai e ala i a latou Ofisa Sili Lagolago o Pulega, e avea lea o se faiga e pulea ma faafoe ai tupe totogi mo le initaneti mo le taimi nei.

5. E i ai le tupe tului faaopoopo sa totogi e \$3,757.33 ona o le tuai ona totogi o pili mo le eletise mo masina o Me, Iulai, Aukuso ma Setema 2010. O se tupe totogi faaopoopo lea e lē talafeagai i le Matagaluega ma le Malo. O le tupe tului faaopoopo sa mafuli atu lava i le tulaga o le utiuti o tupe faasoa ma o isi auala sa faapea ona faaogā e totogi ai tupe e le i totogiina. E na o le \$35,000 le tupe na faatatauina mo le Matagaluega o le Soifua Maloloina, mo le tausaga faaletupe ma o tupe e le i totogiina ma tupe tului faaputuputu ua faapea ona faatupulaia.
6. O tuutuuga ma aiaiga o poloketi i lalo o le Matagaluega sa lē mafai ona faamaonia, talu ai ona o le leai o ni ata o maliega, e lē gata mai le Matagaluega o le Soifua Maloloina ae faapena foi mai le Vaega o Fesoasoani a le Matagaluega o Tupe. O ata nei o maliega sa manaomia ina ia faamaonia ai le faatinoga o ia poloketi e tusa ai ma tuutuuga ma aiaiga ia ua tau fai malilie i ai le faalapopototoga na ofoina mai le fesoasoani, ma le Matagaluega. O le atugaluga ua nofo uta i ai le Matagaluega, ma ua faailoa i tagata uma o tuufaatasi o galuega o poloketi, ina ia faaoo atu ata o nei maliega mo faamaumauga.
7. E leai se tusi lesitala o faamauina ai tupe faamatuū atu ae mulimuli tuuina atu auiliiliga o le faaogāina ma ni ata o lipoti o le faaogāina o ia tupe faamatuū atu, e le i lelei ona failaina. Sa i ai lava se tulaga faigata i le faamautinoaina o ia tupe faamatuū atu muamua ae mulimuli tuuina mai auiliiliga o le faaogāina i totonu lava o lea vaitaimi. O faamaumauga ua tausia e le Matagaluega sa lē faatuatuaina, talu ai ona o le tele lava o lipoti o le faaogāina o tupe sa lē mafai ona maua ma e leai foi o se tusi lesitala o lesitalaina ai o tupe uma faamatuū atu ae mulimuli tuuina mai auiliiliga o le faaogāina. E leai se auiliiliga faatusatusa o faamatalaga tau tupe na faia i faamaumauga a le Matagaluega o Tupe e faamautinoa ai o tupe faaalu na faaogā e le Matagaluega sa faapea ona totogi i faiga e tusa ai. O lipoti uma o tupe faamatuū atu ae mulimuli tuuina atu auiliiliga o le faaogāina ma lipoti o le faaogāina o tupe o lo o tauaaina i lalo o le Vaega o Auaunaga Lautele o lo o ua faapea ona lelei faatulaga i le taimi nei. O lipoti o tupe faamatuū atu ae mulimuli tuuina atu auiliiliga o le faaogāina mo poloketi uma (ia e totogi mai ai le tele o tupe faamatuū ae mulimuli tuuina atu auiliiliga o le faaogāina) sa tauaaina lava e le poloketi ma latou lesitalaina. O nei tupe faamatuū atu sa eseese ona sueina faasuetusi e ui lava ina o ia vaega e lua o tupe faamatuū atu ma aiaiga sa i lalo o le Polokalame Tau Tupe Faakomepiuta.
8. Sa i ai o se eseese e \$489,339.30 i le va o le aofaiga o tupe faamatuū ae mulimuli tuuina atu auiliiliga o le faaogāina na tuuina i totonu o le Polokalame Tau Tupe Faakomepiuta ma le tusi lesitala a le Matagaluega o Tupe. O aofaiga o tupe faamatuū atu ae mulimuli tuuina atu auiliiliga o le faaogāina ma faamauina i lalo o le Matagaluega e le sao atoatoa ma e mafai ona ova le aofaiga e tusia po o e i lalo ifo le aofaiga. E tusa ai la ma le manatu o le Matagaluega o lea eseese, e ono mafua mai i eseese i poloketi ma faamaumauga i faila a le Vaega o Auaunaga Lautele.
9. Talu mai le masina o Iuni 2011 e oo atu i le vaitaimi o totogi i le aso 4 Mati 2012, e na o le \$125 le tupe na toe maua mai mo tupe toe totogiina mai i le faaleagaina o le taavale MOH18. O le maliega na faia e tai \$30 e vavae ese mai totogi o le tai lua vaiaso, e toe faaolaina ai le \$700 na totogi atu i le kamupani inisiua, peitai sa i ai se faatuai o gaoioiga e tusa ma le maliega, ma o le tagata ofisa na fitoitonu i ai lea mataupu, na ia vavae eseina mai na o le \$8 i nisi vaiaso totogi ma ua feteenai ai ma le tupe vavae ese faatulagaina na malilie ai, e \$29.79 i le vaiaso totogi. O ni faiga foi e toe faaola ai ia tupe sa le i lelei ona faatinoina. E lē lava se paleni o se tupe mamā pe a uma ona ave ese tupe e vavae ese a le sui o le afaigaluega na aafia ai, ma e lē mafai ona oo atu i ai le pule a le Matagaluega o le Soifua Maloloina. Ua maea ona faatulaga o faiga e faafoe ai ma o lo o faaauau pea faatalanoaga ma le Matagaluega o

Tupe, e alofia ai le tulai mai o ia ituaiga mataupu faapenei, auā o lo o faapea foi ona tutupu i isi matagaluega.

Faamasinoga ma Pulega Tau Faamasinoga

Tausaga Faaletupe na Sueina Faasuetusi: 1 Iulai 2008– 30 Iuni 2011

Sailiiliga Faasuetusi

1. Sa i ai se pa'ū maualalo tele i tupe totogi mo le eletise a o faagasolo tausaga faaletupe e tolu o lo o iloiloaina nei, ae sa tatau ona siitia i luga, i le amanaia ai o le Fale Faamasino fou lea ua toe ave i ai le Matagaluega. A o i ai le Matagaluega i le nofoaga na i ai talu ai, sa iloa manino ai lava mataupu e faatatau i le motusia o le eletise i uaea eletise. O le motusia ai o uaea eletise na mafua ai le mu i le potu o faamaumauga i le Ofisa i Mulinuu, la lea na faatupu manatu ai i le Kapeneta ina ia saili ni tupe mo le fausia o se fale fou mo le Faamasinoga ma le Matagaluega. O tau o le eletise a o le i oo mai i tausaga faaletupe nei o lo o iloiloaina, sa aofia ai o tupe totogi mo le tagata faufautua i galuega faa-eletise i totonu lava o le atunuu, lea na faafaigaluegaina faatasi ma le aufau-fale konekarate a Saina, ina ua faamatuu atu le galuega mo le fale fou i Mulinuu.
2. E le i ausia e le Vaega Pasi Ata la latou tupe maua na fuafuaina mo le vaitaimi o lo o iloiloaina, i le 32%. E \$85,000 le aofai o le tupe maua a le Vaega sa fuafua e ausia mo le tausaga faaletupe 2010/11, peitai e na o le \$64,000 le tupe na mafai ona aoina. O le faaitiitiga tele i le aofaiga atoa o tupe maua e le Vaega Pasi Ata, na mafua mai ina ua tapunia o nisi o faleoloa o ata vito e lē gata i Upolu nei ae faapena i Savaii. O le taunuuga la o lea itu, ua tuuitiitia o ata tifaga DVD na auina mai ina ia pasia muamua.
3. I le tausaga faaletupe 2009/10, na totogiina ai e le Matagaluega o pili aoga. Na le manuia taumafaiga a le Au Suetusi i le sailia o nisi faamatalaga mo nei pili aoga. O pili nei o pili aoga na totogi atu i le Iunivesite Aoao o Samoa (NUS) mai lalo o le teugatupe o le GDP, a o faagasolo le taimi o le Polokalame mulimuli a le Matagaluega mo le Faamalosia o le Faalapotopotoga (2006 – 2009). Na tapenaina e le Matagaluega, e ala i lana Polokalame o le Faamalosia o le Faalapotopotoga, o se polokalame faaleaoaoga o Tusi Faamaonia Tau Pulega, na faia faatasi lava ma le Iunivesite mo le aufaigaluega sinia ma tagata ofisa autu, lea na amata mai i le tausaga 2008 e oo atu ia Aukuso 2009.
4. O tusi lesitala o suafa matai sa lē faamauina ma e le i tuuina atu i se faasologa faanumeraina lelei mai le tusi muamua i le tusi mulimuli. O lea itu e ono mafai ona tulai mai ai le tulaga faigata ona saili o tusi ua leiloloa. Ua maea ona faatulaga lelei e le Matagaluega o se tusi lesitala talafeagai e tuuina atu ai o tusi mo le faamauina o suafa matai.
5. O tusi faamaonia o suafa matai sa le i faanumeraina. E maualuga le tulaga lamatia o tusi faamaonia o suafa matai na tuuina atu e aunoa ma se tupe totogi aua e fesootai lava le tulaga lea ma le ituaiga o mataupu faapenei. E faatoa tatau lava ona tuuina atu o se tusi faamaonia o se suafa matai, pe a maea ona totogi le totogifuapauina e \$20. O le faiga faavae faalotoifale o lo o taua ai e faapea e lē mafai ona tuuina atu o se tusi faamaonia o se suafa matai e so o se isi lava sui o le aufaigaluega, seia vagana lava ua faatagaina e le Resitara/Ofisa Sili o Pulega po o le Sui Resitara/Ofisa Sili Lagolago o Pulega. O le faamaoniga o le tupe totogi e tatau lava ona tuuina atu mo le faamaoniga aloaia. E le o faatagaina i faiga faavae faalotoifale ni sui o le aufaigaluega e faia o ni tupe totogi e avea ai ma sui o tagata lautele ae ia faasino tagata ma a latou pepa faatumu o talosagaina ai tupe totogi i le talitupe a le Ofisa.
6. E i ai nisi tinoitupe na faalisiti e le i atoatoa ona teuina i faletupe e tusa ma faamatalaga tau tupe mai le faletupe. O le auiliiliga faatusatusa o faamatalaga tau tupe o ia teugatupe, sa le i ogatasi ma Matagaluega e laina tutusa ma sa lē mafai ona fesili tuusao atu i le Faletupe i ia eseese, talu ai ona o le matafaioi lea a le Matagaluega o Tupe. Ua na o ata o tusi e teuina ai

tupe na mafai ona tuuina atu e le Matagaluega, e faamaonia ai o ia teugatupe/tupe teu i o latou aofaiga sa faia lava i nisi aso.

7. E i ai pepa aloaia mo tupe totogi sa leiloa ua lē mafai ona faamaonia mo le suega faasuetusi, ma e mafua ona o le lē lelei ona failaina ma tausia o ia pepa aloaia mo tupe totogi e le Matagaluega. O pepa aloaia nei mo tupe totogi ua leiloloa sa masalomia le tulaga o le lē faaavanoaina mai, ona o galuega tau le failaina o ia pepa e le i taitai ona maea ona faatino.
8. E i ai nisi o faila a tagata faigaluega e le i tuulataina mai o faamatalaga e atagia ai so o se suiga po o le gasologa o mea tutupu e faasino i le auunaga a le tagata faigaluega i le Matagaluega. O le mataupu e mafua mai lava i le toagaogao o le aufaigaluega. Na faafaigaluega e le Vaega o Punaoa tau tagata faigaluega, ni sui se toalua o le aufaigaluega i lea taimi. O le tuulata mai o faamatalaga i faila a le aufaigaluega, o se galuega lea sa faatino i itula ovataimi. O le faamaoniga o nei tulaga tofi fou o galuega i lenei vaega o le a fesoasoani tele lea i le faaleleia o lea tulaga.
9. O pepa faatumu o talosaga mo aso malolo ua faamaonia na lē mafai ona maua mo nisi tagata faigaluega, ina ia faamauina ai o latou aso malolo ua aveina. Ua faamauina o le atugaluga ma fautuaga a le au suetusi.
10. O le tele lava o pepa o faamaumauga o aso malolo e le i tuulata mai o latou faamatalaga, e tagata ofisa a le Vaega o Feagai ma tagata faigaluega, mai aso malolo a le aufaigaluega na aveina ma faamaumauga mai le api saini. E ono mafai lava ona tulai mai o se tulaga e faapea, na ave lava o aso malolo faaletausaga a le tagata faigaluega e sili atu i lo le maua o aso malolo faaletausaga faatapulaina e agavaa i ai le tagata i le tausaga e tasi. E i ai nisi tagata faigaluega na ave aso malolo e aunoa ma ni totogi, peitai e le i atagia lea tulaga i luga o a latou pepa o faamaumauga o aso malolo. O nisi sui o le aufaigaluega ua na ona tusi sao i le Ofisa Sili o Pulega e talosagaina ai le faamaoniga o le faaogā o taimi galue faatupulaia e sui ai ovataimi mo galuega faaovataimi na faapea ona faamaonia, ina ia faapaleni ai aso na malolo ai ae lē maua se totogi. O talosaga e mafai lava ona faamaonia, peitai, sa masalomia o pepa faatumu o aso malolo e le i tuulata mai o faamaumauga, ona o le tele o galuega e le i faatinoina i nei pepa, talu ai le toagaogao o le aufaigaluega.
11. E i ai nisi o tagata faigaluega na ave aso malolo e aunoa ma ni totogi (LWOP) peitai o lea itu sa lē faailoaina o ni vaegatupe e toesea mai i o latou totogi. Sa totogiina lava i tagata faigaluega nei i lea lava vaitaimi. E oo mai i le taimi nei, o nei aso malolo e aunoa ma ni totogi (LWOP) e le i mafai lava ona faatino, la lea e matua fesiligia ai le tulaga faatuatuaina ma le faamaoni o le tagata faigaluega o nafa ma le tuulata mai o faamaumauga i pepa faatumu o aso malolo. O tupe toesea o aso malolo e aunoa ma se totogi na mafua lava i le tuai ona tuulata mai faamaumauga i pepa faatumu o aso malolo, talu ai le toagaogao o le aufaigaluega. I le taimi nei la, ua faatinoina o se taumafaiga e tuulata mai ai faamaumauga ma ua mafai ai nei e le vaega ona tusia o tupe toesea mai totogi mai la matou pitolaau ae faapea foi i le tuulata mai o faamaumauga i pepa malo faatumu o aso malolo.
12. E i ai nisi mataupu e aafia ai nisi tagata faigaluega e tuai ona usu mai i taimi amata po o le faanoi foi e tuai mai, toetoe lava o aso uma. O le vave mai i galuega o se mataupu lava e masani ona faamanatu pea i fonotaga tailua vaiaso po o fono i masina taitasi ma le aufaigaluega. O le faiga faavae i le tuai mai i galuega o lo o taua ai se faasalaga o le LWOP, pe afai ua fai ma amio a se tasi le tuai soo mai, ma e ono oo atu lava i se gaoioiga e faatonutonu ai le amio pulea. E manaomia le aufaigaluega ina ia valaau mai i le telefoni e faanoi mai ai lona tuai taunuu, pe afai ua latou iloa lelei lava o le a tuai ona oo mai i le galuega, ma e tataua ona galue mo se taimi faasili e faatumu ai le taimi maua i lona tuai mai i le taeao, pe galue i lona

taimi malolo mo se taumafataga po o le nofo e galue faaauau ina ua ta le taimi manava. Ua faamalosia i le taimi nei e le Matagaluega le tuuina atu o lipoti o le auai mai i galuega, e le Vaega o Feagai ma Tagata Faigaluega, i le Pulega, e fesoasoani ai i le faaleleia o lea tulaga.

13. E i ai le faiga masani a le Matagaluega o le faaaogā o aso malolo faaletausaga e le i tatau ona maua, e faapaleni ai aso malolo e aunoa ma se totogi (LWOP) na aveina. Na faailoa atu e le aufaigaluega e faapea na talosagaina e tagata faigaluega o a latou aso malolo fou ina ia faapaleni ai aso malolo e aunoa ma se totogi (LWOP) na aveina a o le i oo i le taimi e tatau ai ona maua aso malolo fou faaletausaga. O talosaga mo aso malolo vave faamatuu mai nei tagata faigaluega ua lē mafai ona maua. Ua fautuaina e le Au Suetusi le Matagaluega ina ia faamautinoa o lenei gaoioiga o le a lē lagolagaina e le Pulega ma ia silasila foi i le Tusi Taiala a le PSC o le 2009 i aiaiga o galuega ma Faamanuiaga e agavaa i ai (Faaiuga 13A, vaega 7.8(e) Tuuina atu o Aso Malolo Faaletausaga e le i oo i le taimi e tatau ona maua ai) lea o lo o taua ai e faapea, ia lē faamalosia le faaaogāina o aso malolo faaletausaga e le i oo i le taimi e tatau ona mau ai ma e faatoa tatau lava ona faamatuu atu e le Ofisa Sili o Pulega, pe afai e i ai lava ni tulaga faapitoa e aliae mai ua talafeagai ai le talosaga. O lenei fautuaga ua faapea ona faamauina lelei.
14. E i ai nisi o aseta tumau i le Ofisa i Tuasivi e le i faamauina o le tusi lesitala. O fautuaga a le au suetusi ina ia lesitala ma faamauina o aseta tumau uma ma ia faamautinoa le malupuipua lelei o aseta, ua faapea ona faautagia ma faamauina.
15. E lua aseta tumau e eseese (nofoa ofisa) sa faailogaina i le numera lava e tasi i le tusi lesitala o lo o i ai i le Fale Faamasino o Faamasinoga Faaitumalo lea na toe faafou talu ai ma le Vaega o Auaunaga Lautele i Tuasivi. O le pogai lea o le faafitauli o le tau faailoagofie o aseta, ina ia mautinoa o lo o i ai pea nei aseta i totonu o le Matagaluega. O le fautuaga a le au suetusi ina ia tuu atu i aseta tumau taitasi o lona lava numera o faamauina ai ina ia faigofie ona iloa mautinoa ua faapea ona faamauina ma faautagia.
16. E le i faaaogāina e le Matagaluega o pepa e faamauina ai feoaiga o taavale e mataitu ma faafoe ai le faaaogāina o taavale tau lava mo faamoemoega o galuega faa-ofisa. Ua faamauina atugaluga ma fautuaga a suetusi.
17. Na matauina le ova o tupe faaalu i tala faatatau o tupe aemaise mo pili o telefoni ma masini fesi, mo tausaga faaletupe uma nei e tolu o lo o sueina faasuetusi. O lina telefoni tuusao sa tatala i telefoni faava o malo ma o telefoni feaveai sa faaaogā e le Ofisa Sili o Pulega, ma Ofisa Sili Lagolago o Pulega, ae faapena foi i Faamasino uma o Faamasinoga tau solitulafono ma Faamasinoga o Mataupu tau le va o tagata, ae ua faapena foi i le Peresetene o le Faamasinoga o Fanua ma Suafa. O le siitaga o tupe faaalu na mafua mai i le siitia o le faaaogāina o le telefoni e taloina ai itu faamasinoga o mataupu tau Faamasinoga o Fanua ma Suafa, aemaise ai lava o mataupu tau faaleleiga ma isi tusitusiga, o le faamoemoe ina ia faasaoina ai le faaaogāina o taavale ma penisini ma tupe totogi mo le faagaoioiga o galuega i le sailia lea o tagata. E toetoe lava o vaega uma e manaomia le fesootai atu i tagata o faia i ai a latou auaunaga, ma e masani ona faaaogā ai o telefoni feaveai. E tusa ma le 80% o le maketi o tagata o faaaogāina telefoni a le Kamupani Digicel, ae o lina telefoni a le Matagaluega o lina a le kamupani a le Bluesky. O se vaega lea o lo o silasila i ai le Matagaluega e taumafai ai ona saili o se fuafuaga i se faiga aupito sili ona lelei e faasaoina ai tupe totogi atu, ina ia faatino. O le luitau la o lo o tumau pea mo le pulega a le Matagaluega ina ia silasila totoa i le faaaogāina o lina telefoni tuusao i aso taitasi, o telefoni ia na faapitoa ona tuuina atu ia i latou e fesoasoani i le tuutiitia o tau po o tupe totogi i se tulaga aoatetele.

18. Sa i ai pepa aloaia o tupe totogi mo le Teugatupe Faapitoa (Trust Account) sa le i faatagaina aloaia e tagata ofisa e fitoitonu i ai lea vaega ma ata o siaki tupe e le i faapipiina i ai e tusa ma faiga faafoe faalotoifale ua faamautuina i tusitusiga. O le tualumaga lava ua faataatia le faatagaina aloaia o pepa aloaia mo tupe totogi ma le faia o le ata (kopi) o le siaki tupe, aua faamaumauga.
19. Sa i ai tupe teu i le faletupe na tuai ona faatino i Tuasivi, Savaii. O atugaluga ma fautuaga a le Au Suetusi ua faapea ona faamauina ma faautagia.
20. O nisi o pepa o faamaumauga o le Tausiga o meatotino i le Ofisa i Tuasivi sa lē lelei ona tuulata mai o faamatalaga e tagata ofisa o nafa ma ia galuega, ina ua maea ona faamatuu atu o tupe faasiaki i tagata e mauaina o ia tupe, e pei ona ua maea ona silasila i ai. O atugaluga ma fautuaga a le Au Suetusi ua faapea ona faamauina ma faautagia.
21. E i ai aitalafu ua maualuga le tulaga e ono lē mafai ona aoina mai e le Matagaluega ina ua maea o nisi taumafaiga e tuliloaina ai tagata solitulafono, aemaise ai mo Tusi Poloaga e le i Faatinoina. E i ai nisi tusi poloaga e oo atu lava i le 2001 le taimi na faia ai. Ua maua ane nisi tagata ua malaga i atunuu i fafo, o nisi ua maliliu po o ua lē mafai lava ona sailia po o fea o i ai. O le taunuuga o lea tulaga, o le fesiligia lea o le tulaga faatuatuaina ma le sagatonu o le tusi lesitala, o la lea ua soona taua ai le i ai o tagata nofo aitalafu ua tausaga o i ai pea. O atugaluga ma fautuaga a le au suetusi ua faapea ona faamauina ma faautagia.

Fono Aoao Faitulafono

Tausaga Faaletupe na Sueina Faasuetusi: 1 Iulai 2008 – 30 Iuni 2011

Sailiiliga Faasuetusi

1. E na o le 72% o tupe maua na faatatauina i le tala o le tupe, na mafai ona aoina i le 2010, ae 80% le tupe na aoina i le 2011. I le 2009, o tupe maua lava sa sili atu i le aofaiga na muai faatatauina e aoina mai. O le faatauina atu o tusi tulafono ma galuega faaliliu sa faatino e tusa ma manaoga i lea taimi ma lea taimi. E faalagolago le galuega faaliliu-upu i Tulafono Tau Faaofi e tuuina mai e le Ofisa o le Loia Sili ma ua maea ona faamaonia e le Kapeneta, ae faapea foi i lipoti tuuina mai e Matagaluega ma Faalapotopotoga a le Malo. E leai ni tupe toe faaola mai mo le faaliliuga o Tulafono Tau Faaofi.
2. E leai ni auiliiliga aloaia faatusatusa o faamatalaga tau tupe na faia i le va o galuega faatino, o fuainumera tau tupe masani ma galuega. O le toagaogao o le aufaigaluega, o le pogai lea o le leai o ni lipoti o auiliiliga aloaia faatusatusa o faamatalaga tau tupe, na faia. La lea ua mafai ona faatino o lea galuega ina ua faafaigaluega nisi o le aufaigaluega.
3. O galuega faaleleia ma le tausiga o meafaigaluega a le Ofisa sa faamauina sese o ni meafaigaluega e mafai ona lafoai. Na matauina le toagaogao ma le lē lava o le aufaigaluega, e pei ona leai o se tagata tasi tusi autu (o lē sa feagai ma le tuuina i totonu i le Polokalame Tau Tupe faakomepiuta o gaoioiga faapisinisi) ae faapena foi ina ua faamavae o se tasi o tagata ofisa o le aufaigaluega. O lea ua faatumuina le avanoa o le Tusi Tusi Autu ma ua feagai foi i le taimi nei ma le faamauina o gaoioiga faapisinisi i le Polokalame Tau Tupe Faakomepiuta. O taiala mo ia galuega tau faamaumauga ua faapea ona mataituina ma ua maea foi ona fautuaina ai le aufaigaluega.
4. E i ai ovataimi sa totogi atu i Ofisa Sili Lagolago o Pulega. Ae o le Tusi Taiala a le PSC i Tuutuuga o Galuega ma Faamanuiaga o lo o taua ai e faapea, e lē agavaa tagata ofisa ua galulue faakonekarate i ni tupe totogi mo ovataimi. O lo o maua lava le avanoa o tagata faigaluega uma e silasila ai i le Tusi Taiala o tuutuuga o galuega ma Faamanuiaga. O lo o maua lea taiala mo le aufaigaluega uma, ma ua faapea foi ona faailoa i taata faigaluega fou lea tusi ma ona mataupu o aofia ai pe a faagasolo polokalame faamasani.
5. O tagata ofisa uma galulue faakonekarate e le i sainia ni konekarate/feagaiga o faataatia mai ai tuutuuga ma aiaiga o le konekarate, o faamanuiaga e agavaa i ai ae faapena foi i iloilogia o faatinoga o galuega. O le a i ai o se lisi e faia e faamautuina ai o ia itu mo faila e patino i le tagata lava ia mo le aufaigaluega uma (e tusa lava pe konekarate, faigaluega tumau pe togiaso) ma o le Vaega o Feagai ma Tagata Faigaluega o le a faafoeina lea galuega.
6. Na matauina e leai ni faila e patino i le tagata lava ia mo le aufaigaluega togiaso. O le taimi nei o lea ua i ai faila i le Ofisa mo tagata faigaluega uma, e aofia ai le aufaigaluega togiaso.
7. E i ai se aofaiga o faila e patino i le tagata ia, na leai o ni pepa faatumu TY15 po o ni pepa aloaia o i ai se faatagaga, e lagolagoina ai ni suiga. Ua maea ona tuulata mai o faamaumauga i faila a le aufaigaluega uma ma ua aofia ai pepa faatumu TY15s. O faila ia o lo o faafoeina e le Failautusi Lagolago i le Failautusi ma le Ofisa o le Failautusi, talu ai ona o le utiuti o avanoa i potu faigaluega i le Vaega o Feagai ma Tagata Faigaluega, ae faapena foi mo faamoemoega tau le puipuiga.
8. Sa i ai ni mea na tulai mai o le tulaga lē tausisia o tualumaga aloaia o le Faafaigaluegaina ma le Filifiliga o le aufaigaluega lea e ao ai lava ona faasalalau o avanoa ma o le komiti foi e

faatalanoaina le avanoa, e tatau ona aofia ai ni sui o le Ofisa ma se sui tutoatasi mai tua. Ua maea nei ona atiae le Tusi Taiala mo Punaoa Tau tagata faigaluega, ma ua aofia ai se faiga faavae o le faafaigaluegaina o tagata. O lea faiga faavae o le a faamalosia e ala i polokalame tau logologo masani a le Pulega, le faaofiina o faiga faavae i polokalame faamasani ma tufatufaina atu i tagata faigaluega uma. O taiala o tualumaga o le Faafaigaluegaina ma le Filifiliga o le aufaigaluega o lo o faapea ona usitaia, o le Failautusi o le Fono Aoao na te tuuina atu o le faamaoniga mulimuli i le filifiliga o le komiti e faia le faatalatalanoaga, a o le i faatino le faatalatalanoaga o le avanoa.

9. O le tele lava o faila a tagata faigaluega e le i ai ni faamatalaga o galuega ma ni ata o faailoga tusi pasi. Ua maea ona tuulata mai i le taimi nei o faamaumauga o faamatalaga o galuega ma ata o faailoga tusi pasi, i totonu o faila a tagata faigaluega uma.
10. O pepa faatumu o aso malolo mo nisi tagata faigaluega sa lē atoatoa faamaumauga po o e le i tuulata mai ia faamaumauga mai le faila o Faamaumauga o Aso Malolo. Na lē mafai e le au suetusi ona faamaonia paleni o aso malolo ona o le tulaga i le lē atoatoa o faamaumauga i ia pepa o aso malolo. O lea itu e faapogai mai i le leai o se tagata faapitoa i le Vaega o Punaoa tau tagata faigaluega (HR) na te tauaveina o lea matafaioi ma o nisi foi o le aufaigaluega sa tauaveina lea galuega e eseese lava a latou faiga na tuulata mai ai faamaumauga o aso malolo i pepa faatumu o aso malolo ma faamaumauga. Ua maea nei la ona tuulata mai faamatalaga i pepa faatumu o aso malolo ma ua tuutasi atu lea galuega i le vaega a le HR.
11. E i ai aso malolo e aunoa ma se totogi (LWOP) mo nisi o le aufaigaluega e le i faatinoina i le Polokalame Tau Tupe Faakomepiuta. O lea tulaga na mataituina ua faapea ona faautagia ma taliaina. Sa i ai nisi taimi, e tusa ona mataituina e le au suetusi, e faapea o le api saina sa makaina ai le LWOP ae o le tagata faigaluega aafia ai na toe oo ane ma tãpã le faatagaga o le faanoi mai le Failautusi, ma mulimuli ane ai ona toe suia o le LWOP i le aso ma'i po o se aso malolo faaletausaga po o le faaaogāina o itula ovataimi ua lē totogiina ae ave o se aso malolo. Peitai ane na le i suia ia faamaumauga i le Api Saina e tusa ma suiga na faia, ma o lea faaletonu o le a lē toe tupu mai i le lumanai, ona o lea ua i ai i le taimi nei le Pule o le Vaega o Punaoa Tau Tagata Faigaluega (HR Manager) e silasila totoa i lea tulaga. Ua i le vaega lenei a le HR le matafaioi o le vaaiga ma le makaina lelei ia sao atoatoa faamaumauga i le api saina.
12. E i ai nisi tagata faigaluega e le i saina i le api saina. E le i mafai e le au suetusi ona faamaonia o paleni sao o aso malolo i luga o pepa faatumu o aso malolo, talu ai ona o le lē atoatoa o faamatalaga i le api saina. O le taimi nei, o lea ua manaomia o tagata faigaluega uma, ina ia saina i le api saina i le amataga o le aso ma le taimi ua manava ai galuega o aso faigaluega taitasi uma. So o se tagata faigaluega e ave sona aso malolo ua faapea foi ona faamauina i totonu o le api saina.
13. O nisi tagata faigaluega na faaaogā taimi ua suia ai ovataimi e le i totogiina po o aso malolo faaletausaga, sa leai ni a latou pepa faatumu o ni talosaga mo ia aso malolo, e tusa ma faamaumauga i a latou pepa o aso malolo. Na lē mafai e le au suetusi ona faamaonia taimi ua ave faa-aso malolo e suia ai ovataimi ua lē totogiina po o paleni foi o aso malolo faaletausaga talu ai ona o pepa o aso malolo ua leiloloa. O le lē maua o lenei faamatalaga na matou lē mafaia ai ona faamaonia o le faamatalaga molimau o le faamaoniga mai le faauluuluga o le vaega ma le Failautusi mo tagata faigaluega e ave o time-off po o aso malolo faaletausaga. O le taimi nei o lea ua tuulata mai o faamaumauga o aso malolo ma ua faamalosia pea lava o tagata faigaluega ina ia faatumu a latou pepa faatumu o talosaga mo aso malolo, i le lua aso a o le i alu e malolo, peitai ane e seasea ona mafai ona faatino lea tulaga ona o tulaga aliae mai e manaomia ai le toesea mo se aso mai le galuega po o e oo lava foi i le tulaga o le mamao o le nuu o le tagata faigaluega mai le nofoaga o galuega. Afai e vili mai i le telefoni le tagata

faigaluega ina ia faaaogā sona aso malolo faaletausaga po o se time-off ona o tulaga aliae mai e lē mailoa, e manaomia o ia ina ia faatumu lana pepa talosaga mo lea aso malolo, i le taeao e sosoo ai.

14. O Tulafono o i le lisi o tulafono o teuina (e tusa ma le lesitala o i ai i masini komepiuta) e le o tutusa lona aofaiga ma le aofaiga o i ai i le taimi nei. Ua maea ona tuulata mai faamaumauga mo le faapaleniina o Tulafono o i ai i le lisi o tulafono o teuina i aofaiga o tulafono o i ai i le taimi nei. O lo o galulue foi le Vaega o Auaunaga Tau le Pulea o Faamatalaga i se faiga faakomepiuta e mautinoa ai le i ai o se faiga faaleoleo mo le faiga o faamaumauga tusitusia o i ai nei.
15. E le i faia o se galuega e tuulataina mai ai faamatalaga mo le tusi lesitala o le faitauga o aseta (inventory). Ua maea ona faatino e le Ofisa le tuulata mai o faamatalaga mo lea tusi lesitala.
16. O Lisiti mo gaoioiga faapisinisi mo tinoitupe laiti e faasino i penisini e le i faia ni o latou kopi, ma faapipii i pepa aloaia mo tupe totogi. E le i silafia e le Ofisa Sili Lagolago o Pulega a le Vaega o Auaunaga Lautele, le tulaga o le leai o ni kopi o ia lisiti na faia e le tagata ofisa o feagai ma lea tiute, aua a latou faamaumauga, e ui lava ina ia iloa lelei lava e tatau ona fai o ni kopi o lisiti. O le taimi nei, o lea ua pue ata o lisiti ma faapipii i pepa aloaia o tupe totogi ma ua matua mataituina lea itu mo le manaoga o le tausisia.
17. O gaoioiga faapisinisi e patino i isi galuega sa faamauina ma tusia o penisini. Ua faamauina, talia ma faautagia e le Ofisa o le Failautusi o le Fono Aoao (OCLA) o lea mataupu mo tulaga faaleleia i le lumanai. Ua faafaigaluegaina nei e le OCLA le Tausi Tusi Autu e faamautinoa ai le lē toe tulai mai o lea faaletonu ma ua maea faatulagaina foi taualumaga e foia ai lea faafitauli.
18. Sa i ai ni faamaumauga na sese ona tuuina i le Polokalame Tau Tupe Faakomepiuta. Ua maea ona faatulaga o gaoioiga/taualumaga e foia ai lea itu. O le siaki mulimuli o ia galuega e faatino e le Faauluuluga o le Vaega o Tupe ma o faamaumauga tau tupe i tusi e faia i le maea ai ona faia o lipoti faale-masina o le auiliiliga faatusatusa o faamatalaga tau tupe.
19. I le tausaga faaletupe 2011, o le aofaiga tonu o tupe na faaaluina mo pili telefoni (\$40,679.84) ua sili atu i lo le aofaiga na faatatauina i le tala o le tupe e \$21,400.08. E faailoa mai ai i lea tulaga le maualuga tele o le faaaogāina o telefoni. Ua faautagia e le OCLA le galuega mataitu a le Au Suetusi mo le faaleleia i le lumanai. E masani lava ona laitiiti le vaega tupe faatatauina i le Tala o le Tupe mo pili telefoni, i lo le aofaiga na fuafuaina e faavae i luga o le faaaogāina o telefoni. O le i ai o ofisa o Sui Usufono o le Palemene i totonu o le Maota (MTEA), o le vaegatupe ua faaagaaga mo telefoni ua tatau lava ona siitia, peitai e foliga mai ua le o lea le tulaga o i ai nei. Ua maea foi ona atiae ma faatino o faiga faafoe faalotoifale e faatonutonu ai ia vaega. O le taimi nei i le Ofisa (OCLA) e na o le Fofoga Fetalai, Failautusi, Sui Failautusi ma le masini fesi e avanoa i le viliina o numera i telefoni feaveai, ae o laina telefoni a le ofisa ua taofia, mai le viliina o telefoni feaveai. O faiga faafoe faalotoifale e mataituina ai se aofaiga o minute faatapulaaina (1 minute) mo se valaau i le telefoni, o le a faapea ona silasila totoa i ai.
20. E leai se tusi lesitala mo tupe faamatuu atu muamua ae tuuina atu mulimuli faamatalaga o le faaaogāina. Ua faapea ona atiae ma ua faafoe i faiga tusitusia o lea Tusi Lesitala mo ia tupe faamatuu atu muamua.
21. E nao le tasi le lipoti na iai i le faila o Lipoti o Tulaga Faaletonu, ae ua lē aofia ai isi mataupu e lua. O faamaumauga e faasino i leisi mataupu e lē atoatoa ma e leai ni fetusiaiga mai le Matagaluega o Tupe, a o lumanai ai o lana lipoti o le suesuega, faatasi ai ma se fautuaga i se gaoioiga e toe faaola ai tupe aafia ai, e tusa ma le lipoti o tulaga faaletonu. Ua maea ona atiae

ma faatino o faiga faafoe faalotoifale, faatasi ai ma le faiga e faafoe ai faila o faamaumauga ua maea foi ona faatulagaina.

22. O le gaioiga e toe faaola ai tupe ua fuafuaina e ala i tupe toesea mai se totogi, e le i faatinoina lava mo le taavale LA03 na afaina. Sa i ai se malamalamaaga mai le avetaavale e faapea o le a toesea mai lona totogi se vaegatupe mo le toe faaolaina o tupe totogi mo lea taavale ua aafia. Ua faamoemoe le Ofisa OCLA o le a lē toe tulai mai o lea faafitauli, i le toe faaola mai o tupe e ala i tupe toesea mai totogi, pe a faafaigaluegaina o se Tagata Ofisa Sinia e feagai ma le faiga o totogi.
23. E ui lava ina ua aloaia le Tusi Taiala mo Tagata Faigaluega a le Ofisa o le Fono Aoao Faitulafono, talu mai le aso 1 Iulai 2011, peitai o lenei Taiala e noatia ma fai fuafua i le Tulafono a le Fono Aoao Faitulafono, lea e le i pasia e le Palemene. O le ata o le Tulafono Tau Faaofi o Auaunaga Faa-Palemene, ua maea ona tusia.
24. O fuainumera na matauina i le Tala Faatatau o Tupe na faamaonia, o fuainumera tutusa lava ia na faamaonia mai isi tausaga faaletupe. Ua suia nei e le Matagaluega o Tupe o faiga o faatinoga i faailoilo tau le faatinoga ma o Ofisa Sili Lagolago o Pulega o le a tuu i ai lea matafaioi.

Punaoa Faalenatura ma Siosiomaga

Tausaga Faaletupe na Sueina Faasuetusi: 1 Iulai 2008– 30 Iuni 2011

Sailiiliga Faasuetusi

1. O le tusi lesitala o tupe faamatuu mai muamua e le i tuulataina mai ona faamaumauga ma ua faigata tele ai ona faapaleni faamaumauga a le Matagaluega ma faamaumauga o lo o tausia e le Matagaluega o Tupe. O le taimi nei ua maea ona faatulaga o se tusi lesitala fou mo tupe faamatuu atu muamua ae tuuina mai mulimuli faamatalaga o le faaaogāina, faatasi ai ma faamatalaga uma talafeagai e manaomia mo le lesitalaina o pepa faatumu o tupe faamatuu atu muamua.
2. O tusi lisiti autu ma tusi lisiti laiti o tupe maua na faaaogā e le aufaigaluega galulue i le Nofoga e lafoai ai le Lapi i Tafaigata sa lē mafai ona maua po o ua leiloa, a o faagasolo le iloiloga o Pepa faatumu o tupe faamatuu atu muamua.
3. O se tagata faigaluega na aloaia lana faamavaega i le aso 2 Fepuari 2009, ae sa mauaina lava lona totogi seia oo atu i le piriota totogi na faaiuina i le aso 4 Me 2009. O le tupe na ova ona totogi atu e \$1,047.08. O le tagata faigaluega lava lea sa ese lana numera faale-tagata faigaluega i luga o le pepa faatumu TY15C, mai lana numera faale-tagata faigaluega o lo o faamauina i le Polokalame Tau Tupe Faakomepiuta ma lona faila e patino ia te ia lava. O le pepa faatumu TY15C na tuuina atu ma saunia e le Matagaluega mo le totogiina o faamanuiaga o lana faamavaega ma ia faatino ai le faamutaina o lana galuega e amata mai i le aso 2 Fepuari 2009. O lo o taumafai pea le Vaega o Auaunaga Lautele ina ia faamalositia o ana taualumaga tau pulega ma mataitu, e faamautinoaina ai le tuulata mai o faamatalaga i faila uma e patino i le tagata ia ma ia galulue e tusa ma le taimi e tuuina atu ai pepa faatumu TY15s mo faamavaega, litaea ma faamanuiaga ina ia aua ne i toe tulai mai o tupe totogi ua ova ona faia ma ia faatino o galuega tuliloa ma le Matagaluega o Tupe.
4. O se tagata faigaluega na ova ona totogi atu ia te ia o ana faamanuiaga ina ua faamavae, o le aofaiga o faamanuiaga tau faamavaega na maua, e le i aofia ai le sala tupe e \$500 na aitalafu ai ma le tupe totogi o pa'u taavale na leiloloa e \$2,250 e palasi tonu ia te ia o lea matafaioi. E \$19,350 le tupe na ia mauaina, ae sa tataua ona ia mauaina le tupe e \$16,600, la lea na tulai mai ai se tupe na ova ona totogi e \$2,750 ina ua faamavae. Na tuuina atu e le Matagaluega le pepa faatumu TY15 mo ana faamanuiaga o lana faamavaega faatasi ai ma lana sala tupe ma faasalaga ina ia toesea mai i ana tupe o faamanuiaga. E foliga tutusa lava le mataupu lenei ma le mataupu ua taua atu i luga lea o le a faaauau ai e le Matagaluega ona faaleleia ma faamalositia o lana matafaioi tau pulega ma ia sili atu ona mataalia ma faaeteete pe a tuuina atu o pepa faatumu o le taofiga ma TY15s e alofia ai le ova o tupe totogi e tuuina atu.
5. O se tagata faigaluega na faamaonia o lo o ave aso malolo i atunuu i fafo e aunoa ma le totogi, na amata mai i le aso 21 Fepuari 2009, peitai, faatoa taofi lona totogi i le piriota totogi na faaiuina i le aso 7 Fepuari 2010, na mafua ai ona tulai mai o se tupe totogi ua ova atu e \$17,747.03. E le i silafia e le Matagaluega o Tupe o lea mataupu seia oo mai ia Fepuari 2010. E leai se faamatalaga molimau na i ai i lana faila e patino ia te ia, e iloa ai pe na faatino e le Matagaluega o ni gaoioiga talafeagai mo le toe faaolaina mai o le tupe e pei ona taua i le tusi o fetusiaiga mai le Matagaluega o Tupe o le aso 11 Fepuari 2010. E tauave lava e le Matagaluega o lenei faaletonu ogaoga ua sopoloa ai le vaai tau le faafoega ma lona lē mafaia ona mataitu i se tulaga lelei le auai o le aufaigaluega i galuega. Na logoina le Matagaluega o Tupe i lea mataupu ma na latou mafai ona toe faaola mai o tupe na ova ona totogi atu, mai le teugatupe a le

aufaigaluega i le faletupe lea e le i aveina i tua. E oo mai i le taimi nei, o lo o faaauau e le Matagaluega ona tuulata mai faamatalaga o api saina i se faiga tai masina ma faatino. O lo o faafoeina foi e le vaega e Feagai ma tagata faigaluega ia siaki faafuasei mo le aufaigaluega toesea mai galuega e aunoa ma se faatagaga.

6. O se tagata faigaluega na faamavae mai le Matagaluega e le i ai se pepa faatumu TY15 i lana faila e faamaonia ai le aveina o aso malolo mo suesuega. Na toesea le tagata faigaluega i aso malolo mo suesuega (ae maua le totogi) mai le masina o Mati 2009 seia oo ia Tesema 2009, o ia aso malolo e le i faamaonia lava. Na faia o se pepa faatumu TY15 e toesea ai le \$100 mai lona totogi i le tai lua vaiaso e totogi ai le \$5,763.64 o le tupe na ova ona totogi ia te ia, a o ave aso malolo mo suesuega i Fiti. E leai se taumafaiga na faatino mo le toe faaolaina mai o le tupe na ova ona totogi atu e ui lava ua uma ona faamavae lea tagata faigaluega mai le Matagaluega. Na tuuina atu e le Matagaluega se pepa faatumu TY15A, ma le faamatalaga e faapea na faaoo atu mo tupe toesea aua le tupe na ova ona totogi atu. O le tupe o le ponesi mo faailoga na faaogā e toe faaola ai le tupe na ova ona totogi e tusa ai ma faaiuga a le PSC na faaoo atu. O lea fuafuaga na faatino ia Fepuari 2010 ae na faamavae le tagata faigaluega lea ia Tesema 2010. O se mataupu lava sa lē tatau ona tulai mai i le leiloa tonu po o fea o le ofisa o le Ofisa Sili o Pulega na teuina ai o ia fetusiaiga e malamalama ai le mataupu. Talu mai lea vaitaimi, na faapea ona toe iloiloina ai le faiga o talia ai le meli a le Matagaluega, e tagofia ai o lenei ituaiga o mataupu e faatamala ai. O la lea na lesitalaina ai o meli uma e oo atu i le Matagaluega, ina ia faamautinoa ai le lesitala ma le mauaina o meli uma ma fetusiaiga e oo atu i le Matagaluega, e tusa ma taimi e tatau ai ma i lea lava taimi ua taunuu ai. E i ai foi se vaitaimi e tuliloaina ai mataupu ma se faiga faafoe e toe laga ai se mataupu ina ia silafia ai mataupu e le i tagofia e ono manaomia ona faanatinati le faatinoga.
7. O faamaumauga o le auai i galuega ma aso malolo mo nisi tagata faigaluega sa le i tuuina mai ma ua iloa ai le leaga tele o le faiga o faafoe ai faamaumauga o faila lea e ono tulai mai i le lē sao lelei o paleni o aso malolo. O pepa faatumu o aso malolo ma pepa o faamatalaga o aso malolo sa sese ona teuina a o faagasolo le toe fesiitaiga o le nofoaga mai le ofisa talu ai. O ata faaeletoroni o pepa faatumu o pepa o faamatalaga o aso malolo sa faapea ona tuuina mai. E tele se tulaga ua faaleleia i le vaega tau pulega ina ua faaopoopo atu i ai le aufaigaluega lagolago tau pulega e toalima, e fesoasoani i le tele o galuega ma le tuulata mai o faamatalaga i faamaumauga tau le aufaigaluega. O lo o faaauau pea e le Vaega ona mataitu ma galulue i se tulaga vave ina ia tali atu ai i le tele o mataupu e laga mai e tusa ma manaoga o le 400 ma sili atu o le aufaigaluega ma ia tuulata mai faamatalaga o faamaumauga o aso malolo.
8. O nisi tagata faigaluega sa ave o latou aso malolo faaletausagea ae leai ni pepa faatumu mo aso malolo na faatumuina mo le faamaoniga, e ui lava ina ua uma ona tuulata mai faamatalaga o a latou pepa faatumu o aso malolo. O pepa faatumu o aso malolo e faatumu e tusa ma Taiala o Faamaumauga, lea e taua o le CARS, i lalo o le Tulafono o le Pulea o Faamaumauga 2010. O pepa faatumu o aso malolo e failaina eseese ma i le i ai o le malamalamaaga e faapea, o so o se taimi lava e siitia ai se tagata faigaluega i se isi Matagaluega, o lana faila e patino ia te ia e faapea ona faaliliu atu ae taofi e le Matagaluega se ata (kopi) mo faamaumauga ma galuega a le au suetusi.
9. O taavale a le Matagaluega sa utuina penisini a o feagai ma aso malolo faatagaina e le Komisi o le Aufaigaluega o Galuega a le Malo, e aunoa ma se faamaoniga. O pepa aloaia mo penisini na tuuina atu o lo o faailoa ai o nei taavale sa faaogāina e le vaega o le Vaaitau mo a latou malaga masani o aso taitasi, talu ai ona o lenei ofisa e galulue i le 24 itula i le 7 aso o le vaiaso, ona o le natura o le auaunaga tuuina atu, e oo a i aso malolo mo tagata uma. O lenei mataupu ua faapea ona faautagia ma o le a mataitu lelei e le Matagaluega le faaogāina o taavale i vaitaimi o aso malolo.

10. Sa leai se faamaoniga o se faailoga a le Faletupe i le pepa teutupe mo le teuina o tupe o lisi na maua ma faalisiti, o le aofaiga e \$9,000, i le aso 29 Oketopa 2008. O lea aofaiga e le i faailoaina i le faamatalaga tau tupe mai le faletupe. Sa faia i ai o se suesuega a le Matagaluega o Tupe i lea mataupu. Ua faapipiina atu e le Matagaluega o fetusiaiga o lea suesuega. E lua tusi lisiti eseese o lo o i ai, o le tasi e mo tupe maua lautele ma lisiti e mo tupe o lisi.
11. E le i mafai ona faamaonia isi tusi o paleni o tupe o faamaumauga tinoitupe ona o le leai o ni lisiti e lagolagoina nei aofaiga. E talitonu le Matagaluega sa teuina ma failaina ata o nei faamaumauga ae ua leiloloa pusa faila sa teuina ai nei lisiti i le taimi sa suia ai le nofoaga o le Ofisa.
12. E leai ni tusi risiti na maua i le ofisa i Maota faapena i le Ofisa i Asau. E leai se tusi lesitala o pepa faatumu o faamatalaga tau tupe o teuina e a tatou ofisa e mamao atu i tua. O pepa faatumu uma o faamatalaga tau tupe e lesitalaina i le ofisa autu. O tusi lisiti uma e lesitalaina i le tusi lesitala autu o pepa faatumu o faamatalaga tau tupe o lo o teuina e le ofisa autu.
13. Sa i ai le pamu penisini i Maota, peitai e maua atu e le o lelei lea pamu. E leaga le mita e iloa ai lita o penisini. O so o se taimi la e manaomia ai le toe utuina o le penisini o se taavale, ona faaaogā lea o se kalone 5 lita po o se fagupa'u uga e 10 lita e utu mai ai le penisini mai pamu penisini, e utu ai o sea taavale. Ma e maualuga le tulaga lamatia e fesootai ma lea faiga masani ona e ono tulai mai ai le tulaga o le soona faaaogā o penisini po o le faaaogāina o penisini e le tagata lava ia o so o se tasi o le afaigaluega. O le pamu o le suauu tiso i Maota na faatauina mai i le kamupani a le Shell PPS ma na tēpā la latou fesoasoani i le okaina mai lea o totoga o le pamu na leaga. O le latou tali mai e faapea, o le ituaiga pamu lea o le ituaiga ua leva tele ma ua tuai, ma e le o maua ia i latou ni totoga faaleoleo, talu ai ona o lea ituaiga ua le o mafai ona toe maua i le taimi nei. O le okaina o oloa e fua lava i le tala faatatau o le tupe na faamaonia, ma e fua foi i tulaga faamuamua i le tala o le tupe o tausaga faaletupe taitasi. O le a matou faamautinoaina le tulaga lea ina ia aofia i le Tala Faatatau o Tupe mo le isi tausaga faaletupe e sosoo ai nei.

Komesina o Sulufaiga

Tausaga Faaletupe na Sueina Faasuetusi: 1 Iulai 2010 – 30 Iuni 2012

Sailiiliga Faasuetusi

1. E tasi le tusi TY76 mo penisini e le i mafai ona maua.
2. O le lisi o le fale e nofoia e le Komesina o Sulufaiga, o lo o totogiina e le Ofisa, o lea fuafuaga na faia mo se vaitaimiti e oo mai i le taimi nei. O se pepa aloaia o faamauiina ai faamanuiaga e agavaa i ai, faaopoopo atu i lona totogi masani ma o isi tuutuuga ma aiaiga o le galuega o le a toe faatulaga aloaia. I le taimi na lomina ai o lena lipoti, e iai le tulafono fou na faamamaluina o lo o puleaina ai o aiaiga ma tuutuuga o galuega mo le Komesina o Sulufaiga ma lona Ofisa i le aufaigaluega. O tupe totogi o le lisi o lo o faia e tusa ma le Tusi Tofiga o le Komesina o Sulufaiga.
3. E le i tausia e le Ofisa o se lipoti o Faamatalaga o faatusatusaga tau tupe o le pepa o totogi o le aufaigaluega. O le atugaluga o le Au Suetusi i lea itu ua faapea ona faautagia.
4. E leai ni lipoti o sailiiliga faale-masina mo fale ma mea eseese o faaaogāina. Ua faautagia foi lea atugaluga o le au suetusi.
5. O Faiga Faavae ma Tusi Taiala o Tulafono Faatonutonu o lo o i ai pea i uluai tusiga e le i faamaonia. Na faagasolo lava e le Ofisa o lona toe iloilo o ana taiala ua maea ona faataatitia, peitai ua toe manatu aua e taofi, talu ai ona o lo o ua faailoa mai o se faaiuga a le Kapeneta i faalapotopotoga, matagaluega ma faalapotopotoga tumaoti uma a le Malo, o lo o ua taua manino mai ai e faapea, o matagaluega, pisinisi ma faalapotopotoga a le Malo, ma isi, ua tata nei ona amata faaaogā Taiala o Galuega a le Komisi a le Aufaigaluega o Galuega a le Malo, ae le o a latou lava faiga faavae ma taualumaga.

Leoleo ma Falepuipui

Tausaga Faaletupe na Sueina: 1 Iulai 2008 – 30 Iuni 2011

Sailiiliga Faasuetusi

1. E i ai tusi o faasilasilaga o soligatulafono tau taavale feoi na le mafai ona maua. O faatalatalanoaga ma le Vaega o Taavale Feoi na iloa ai o nei tusi sa maua mai i le Pulega o Felauaiga i le Laueleele (LTA) ina ia faaogā e le Vaega o Taavale Feoi. Peitai, o nei tusi ua leiloa sa le i lipotia i le pulega po o le LTA. O le faiga masani e tusa ma Faatonuga a le Ofisa o Tupe, o le saunia lea o se Lipoti o Tulaga Faaletonu ma ia tuuina atu i le Matagaluega o Tupe, peitai ane, o nei tusi na faailogaina o meatotino a le LTA. Ua faamauina ma faautagia e le Matagaluega o fautuaga, ma taua ai e faapea ua toe iloiloaina nei le faiga ua fuafuaina e mataituina ai tusi o soligatulafono tau taavale feoi ma faapea ona faaoo atu i le Komesina ma le Pulega mo le faamaoniga.
2. O lo o tausia e le Vaega o Taavale Feoi a le Matagaluega se tusi lesitala (faaeletoroni) mo le faamauina o tusi uma o Soligatulafono tau taavale feoi. O lea faiga ua faia ina ia tausia ai o se faamaumauga o tusi na maua ma tuuina atu i Leoleo. O mataupu nei na matauina i le matou iloiloga o le Tusi Lesitala:
 - E i ai nisi aso e le o manino, e tau mai ai le taimi na tuuina atu ai tusi i Leoleo;
 - E i ai nisi tusi e le i toe faafoiina mo se vaitaimi e sili atu i lo le 18 masina;
 - E i ai nisi tusi sa tuuina atu e aunoa ma le faailoaina o Igoa o Tagata Ofisa;
 - Le tulaga e le o iloatonu pe o tusi sa toe faafoi pe leai, peitai ua maea ona tuuina atu;
 - E 2 tusi na tuuina atu i se Leoleo (o ia tusi uma e lua e le i toe faafoiina); ma
 - Le aofaiga o tusi ua maea ona tuuina atu ae le i toe faafoiina e 116.
3. O vaivaiga i le itu i tinoitupe laiti e aofia ai se aofaiga feololo, i le teugatupe o tupe faaagaaga mo mea laiti toe faaola o tupe totogi mo pasese i taavale laupasese (taxi) ma o auala na uia i malaga a nei taavale ua lē faaalila manino i luga o nisi o pepa e totogi ai tupe. E i ai meataitasi i le teugatupe o tupe faaagaaga laiti toe faaola sa totogi i le teugatupe masani e tusa ma lona numera faapitoa (code) e lē fetau ma le faamatalaga ma le natura o le tupe totogi na faia.
4. O vaivaiga i le itu i risiti, e aofia ai risiti na faia ma faamauina i piriota sese, ae le o le aso tonu lava o le risiti, ma e leai se faamatalaga tau tupe faatusatusa na faia e faamautuina ai fuainumera faamauina i le Polokalame Tau Tupe Faakomepiuta, o i ai faatasi ma risiti moni na aoina.
5. E leai se tusi lesitala o Faamatalaga Tau Tupe o Tagata Nofo Aitalafu (AR) mo le vaitaimi 2008/2009 ma o le tusi lesitala o i ai nei ua na o auiliiliga faamauina lava, e amata mai le vaitaimi o le 2009/10. I le ma le isi itu o le Tusi Lesitala a le Matagaluega mo Faamatalaga Tau Tupe o Tupe Maua (AR), ua o se faamatalaga otooto mai le Polokalame Tau Tupe Faakomepiuta mo faamatalaga tau lipoti. E leai se faamaumauga masani mo tagata nofo aitalafu o tausia e le Matagaluega. Sa i ai foi igoa o tagata nofo aitalafu i luga o le Polokalame Tau Tupe Faakomepiuta o lo o i ai paleni e le i totogiina.
6. O se faiga aloaia ma lelei mo le tausiga o faamaumauga o pepa e totogi ai tupe, e manaomia i lalo o le Fuaiupu 13(b) o le Tulafono o le Pulega o Tupe a le Malo 2001. E taua foi lea itu e le gata mo le silafia o le Matagaluega (sailiga i pepa) ae ua faapena foi mo faamoemoega tau le suega o tusi. O nisi pepa e totogi ai tupe sa lē atoatoa faamatalaga o i ai, ae faapena foi i

pepa o faamaumauga e lagolago ai, e pei o inivoisi a kamupani o oka mai ai oloa/auaunaga, o faiga e maua ai pepa lolomi ma isi tulaga faapena.

7. O vaivaiga i le faiga o totogi a le aufaigaluega i le lisi o le aufaigaluega e aofia ai faila e patino i le tagata faigaluega lava ia e le i tuulata mai faamatalaga. E i ai nisi gaoioiga faapisinisi e lē tusa ona faia i le lisi o le faasologa o totogi na faapea ona maua. E i ai le tagata e le o se tagata faigaluega a le Matagaluega sa totogi mai se tasi o vaegatupe o galuega faatino a le Matagaluega. Ae sa maua ai foi e i ai se tagata faigaluega sa galue muamua i le Matagaluega, ae sa ia maua lava ona totogi mai le Malo, talu mai le aso na aloaia ai ona faamuta lana galuega.
8. Na matauina i la matou iloiloga o nisi tagata faafaigaluegaina i tulaga tofi fou na faatuina e tusa ai ma le Faatulagaga o le Faalapotopotoga na tuuina mai e le Matagaluega. O lea itu na faaalia e faapea o se tasi lea o mafuaaga o le siitia o tupe totogi i le Lisi o le Faasologa o Totogi mo le Matagaluega, a o faagasolo le tolu tausaga faaletupe talu ai. O faatalatalanoaga ma le Vaega o Punaooa Tau Tagata Faigaluega ae faapea foi le Vaega o Auaunaga Lautele na matauina ai le tulaga i le atiaeina o le Faatulagaga o le Faalapotopotoga ma ua lagolagoina e le Pulega mo le faamaoniga mulimuli ane e le Minisita. O lea faamaoniga na faamatuu atu e le Minisita o Leoleo ma Falepuipui e tusa ai ma aiaiga o le Tulafono o Galuega Tau Leoleo 2009. Peitai ane, o le uluai Faatulagaga o le Faalapotopotoga sa fuafuaina muamua e le i lagolagoina pe faamaonia atoatoa e le Kapeneta. O lea tulaga na faaali i nisi fetusiaiga i le va o le Matagaluega ma le Kapeneta.
9. O pepa faatumu o aso malolo mo nisi tagata faigaluega e le i lelei ona tuulata mai o faamaumauga i ai. E i ai nisi tagata faigaluega ua faaogā uma o latou aso malolo faaletausagea, e aunoa ma le failaina i totonu o faila e patino i le tagata lava ia, o ni pepa faatumu mo ia aso malolo, e iloa ai na aloaia ona faatagaina ma tausia lelei ai o taualumaga ua faamaonia ma faiga faavae ua faataatitia.
10. E 13 nofoaga o i ai aseta i vaega uma o Samoa, e aofia ai le Ofisa Autu i Apia. Ae sa matauina le tulaga e na o le tasi lava le tusi lesitala o aseta o faaogāina e avea o se faasinomaga mo le sailia lea o le fesiitaiga po o le auiliiliga o faamatalaga faatusatusa o aseta ua faaopoopo po o aseta ua faalēaogāina pe lafoai, i le aotelega o le Matagaluega atoa. E i ai aseta na faatauina mai a o faagasolo le sueina o tusi, ae peitai e le i faamauina i le Tusi Lesitala o Aseta Tumau. O le Tusi Lesitala o Aseta Tumau o i ai nei, o se lesitala lea o lo o faatinoina i se faiga faaeletoroni o le Excel Spreadsheet; peitai ane, e i ai nai mea sese/po o mea sese o le taina o upu i masini taitasi, ua taua nei e faapea:
 - 5 faamaumauga o aseta e aunoa ma se nofoaga o aseta o taua ai.
 - 23 aseta e sese aso o taimi na mauaina ai.
 - 56 aseta na lisiina e faapea e sili atu i le 6 Tausaga le umi o le taimi e aogā ai.
 - E 245 le aofaiga atoa o nofoaga o aseta e tulaga ese.
 - E lē ogatasi le Faanumeraina o Aseta.
 - E 10 numera o aseta ua faalua ona faia.
 - E na o le 4 lava Aseta ua tusia e faapea ua faalēaogāina i le tolu (3) tausaga faaletupe ua tuanai atu.
11. E i ai nisi o fale, ae faapena foi i le Vaa o le Nafanua Coast Guard, e le i lisiina i totonu o le Tusi Lesitala o Aseta Tumau, e tusa ai ma faiga faavae/po o taualumaga i totonu o le Tusi Taila o Tupe.
12. O se loli na faaogā e le Vaega o le Toefuataiga i Tafaigata, e le i aofia ai pe faitauina i le Tusi Lesitala a le Matagaluega mo Taavale uma. O le atugaluga i lea itu, o le utuina lea o

penisini/suauu o le loli o lo o lelei ma o lo o faaaogāina pea e le vaega o le toefuataiga i Tafaigata. Afai la e le o faamauina le taavale i lalo o le Tusi Lesitala o taavale uma a le Matagaluega, ona ono mafai lea ona faailogaina le taavale, o se taavale e le o se meatotino a le Matagaluega.

13. O pepa e totogi ai tupe e faasino i le Lisi o Oloa na faatauina mai, sa lē lelei ona tausia. Na i ai nisi faaputuga o pepa e totogi ai tupe na misi ma/po o ata o inivoisi na maua mai ai oloa faatau, ua faapea ona leiloloa.
14. E faamauina e le au suetusi le agaga faamalo i taumafaiga a le Matagaluega i le mataituina o le faaaogāina o penisini ma suauu mo taavale taitasi, e pei ona mafai ona iloaina i le tulaga ua atiae o le Nofoaga autu o faamatalaga faamauina i komepiuta (Excel database) o faamauina ai o pepa faatumu uma o TY76, ia sa tuuina atu, talu mai le masina o Iulai 2011. Peitai ane, e tataua lava ona atoatoa lelei o ia faamaumauga, ina ia mafai ai ona faatino o se auililiga talafeagai ma ni faaiuga lelei mai faamatalaga o faamauina faaeletoroni i le Database. I lea la tulaga, o penisini/suauu uma faaaogāina (e tusa ma pepa TY 76 na tuuina atu), e ao lava ona faamauina lelei i le nofoaga autu o faamatalaga (database). Mai la matou iloiloga, o so o se taumafaiga e fuafuaina ai le faatupulaia o le faaaogāina i le aofaiga o lita o penisini/suauu, mo le taavale e tasi, o le a lē i ai o se uiga, talu ai ona o le tulaga o le lē atoatoa lelei ona faamauina o gaoioiga faapisinisi mo penisini/suauu na faaaogāina mo taavale, amata mai i le masina o Iulai 2011, Aokuso 2011, Novema 2011, ma Ianuari 2012. E i ai nisi itu faapitoa i le database sa le i atoatoa ona faatino, ma o le ala foi lea o le lē mafai ona faatino o se auililiga aogā. O ia itu faapitoa e aofia ai tulaga maoti e faasino i aso, fua faatatau, ma aofaiga.
15. O pepa faatumu TY76 na tuuina atu i le Matagaluega e tusa ai ma le Tusi Lesitala a le Matagaluega o Tupe, peitai o nei pepa faatumu TY76, na lē mafai ona maua i le tusi lesitala a le Matagaluega.
16. O pepa faatumu TY76 e tusa ai ma le tusi lesitala a le Matagaluega ua leiloloa ma ua lē mafai ai ona manino.
17. E i ai nisi o taavale o i ai apa o numera faamauina maoti e le i lesitalaina i lalo o le Matagaluega, ae o lo o maua o lo o i ai i faamaumauga a le Pulega o Felauaiga i le Laualelee (LTA) mo le vaitaimi o lo o iloiloaina e le au suetusi.
18. E foliga mai ua matua ova tele le faaaogāina o telefoni mo le vaitaimi 2008/09 ua tulai mai ai le aofaiga o tupe alu i le \$278,573.53.
19. Mo le faaaogāina o le initaneti, na iloa ai o le aofaiga o tupe alu e \$85,974.10 o se aofaiga maua lea na oo i ai i le vaitaimi 2009/2010, ona pa'ū maua lea i le \$12,880 i le vaitaimi 2010/2011.
20. A o faagasolo le vaitaimi 2008/09, sa leai se faiga faavae maoti i le faaaogāina o telefoni i totonu o le Matagaluega. Talu mai ia vaitaimi sa faatino ai e le Matagaluega o se faiga faafoe o le faaaogaina o se numera faalilolilo mo telefoni uma e faia, e tusa ma le Tusi Taiala o Tupe e faafoe ma sailia o valaau telefoni uma e faia.
21. E le i ai lava se Faiga Faavae e faafoe ma pulea ai tupe totogi o le faaaogāina o le initaneti ma le imeli, a o faagasolo le vaitaimi o le sueina o tusi. Ua maua e le Au Suetusi, e faapea o lea ua tagofia o lea mataupu, i le faatinoina o se Faiga faavae fou ua tusia mo Faamatalaga Tekonolosi, i le tausaga 2012.

22. Na matauina le tulaga o le leaga tele o le tausiga o faamaumauga e fesootai ma faamaumauga tau telefoni, eletise ma le initaneti. E i ai nisi o faaputuga o pepa faatumu, ua leiloa inivoisi, o inivoisi ua leiloa pepa e totogi ai tupe, po o le leiloa atoa lava o faaputuga o pepa faatumu ma inivoisi. Na lē mafai e le au suetusi ona maua ni faamaumauga o tupe totogi o pili telefoni mo masina o Ianuari, Fepuari, Mati, Me ma Iuni o le tausaga 2011.
23. O inivoisi na maua mai i le Pulega o le Suavai a Samoa, na i ai paleni e le i totogiina. Na toe faamaonia mai e faapea o paleni o lo o faailoa ai o se aofaiga o se tupe maua o lona uiga sa i ai pepa inivoisi a le Matagaluega ua ova tupe na totogiina.
24. O se lipoti e faailoa atu ai le faaaogāina o se tupe na faamatuu atu e tatau ona faaoo atu i le Matagaluega o Tupe, i totonu o le 14 aso, ina ua tuanai o se faamoemoe na tulai mai. Peitai ane, toetoe lava o tupe faatumu muamua mai mo faamoemoea uma na mafua ai, ia sa faia e le Matagaluega, e le i ausia o taimi faatapulaaina e tatau ona faaoo ai i le Matagaluega o Tupe.
25. E i ai nisi tulaga aliae mai faafuasei ma faalavelave tutupu e le i lipotia i le Matagaluega o Tupe, ma sa i ai ma le tulaga o le tuai ona faaoo atu o Lipoti o Tulaga Faaletonu. O le tele lava o Lipoti o Tulaga Faaletonu e fesootai ma taavale lavevea, e pei ona taua i le Faasologa i lalo:

Faasologa 21: Ototoga o Lipoti o Tulaga Faaletonu

Natura o Lipoti	Aofaiga o Lipoti	Pasene
Faia ma le Mautinoa/Na faia ma le Faamoemoe ia taunuu	14	82%
Faafuasei/E le i faamoemoeina	3	18%
Aofai	17	100%

26. E pei ona matauina, o le vaega tele o faalavelave (82%) sa mafai lava ona puipua, o lona uiga, e mafai lava ona puipua pe a na lelei ona vaaia e Leoleo sa tiute i ia taimi.
27. O le Leoleo o avea ma Faauluuluga (OIC) o so o se vaega i totonu o le Matagaluega e gafa ma le faafoega o galuega o lea aso ma lea aso, ae faapena foi i le faamalositia o tulafono e fesootai ma galuega tau Leoleo. I lenei mataupu, o le Leoleo Taai-lua mo le Vaega o Auupega, e nafa ma le faamalositia/puleaina o le lesitalaina o fana, faitauga ma le tausiga o Auupega ae faapena foi i le aoaoina o isi Leoleo i mataupu tau fana ma auupega faapitoa. O le taimi o lo o galulue le Matagaluega i le toe fetuunaiga o tulaga tofi ma le faatusatusaga o matafaioi e talafeagai lelei ona tauaveina e se Leoleo o avea ma Faauluuluga mo le Vaega o Auupega. O lea fuafuaga o lo o ua faamauina i le latou faatulagaga o le Faalapotopotoga ua fuafuaina ma ua toe o se aga ona maea lea mo le faamaoniga a le Kapeneta. Ua fautuaina e le Au Suetusi le pulega e ala i le fesoasoani a le Vaega o Punaoa Tau Tagata Faigaluega ina ia:
- (i) faatino o se iloilogaga o tulaga amatia i le tuuina atu o le auaunaga a le Matagaluega, e fesootai ma le faiga masani o faia nei, o le faaauauina pea lea o le tofia o se tagata ofisa leoleo e maualalo lona tulaga, e avea ma Faauluuluga (OIC) o le Vaega o Auupega; ma
 - (ii) o sea iloilogaga o le a mafai ai ona lagolagoina le faatulaga o le faalapotopotoga ua fuafuaina, ma ia atagia ai le taua o le faatusatusaga o tulaga tofi i tiute ma matafaioi o galuega taitasi i totonu o le Matagaluega, aemaise ai lava pe a oo mai i vaega faapitoa ma le maaleale e pei o le itu i Auupega.
28. O la matou iloilogaga o faamaumauga ma faamatalaga na mafai ona maua o ni faailoilo o tiute ma matafaioi mo le Vaega o Auupega, ua faatulaga atu e faapea:

Faasologa 22: Aofaiga o Fua Faatatau o faatinoga o galuega e le o ni faatinoga o galuega tau tupe:

Fua Faatatau o Faatinoga o Galuega	2008/09	2009/10	2010/11
Aofaiga o Fana na Lesitalaina	512	664	491
Aofaiga o Asiasiga na faia mo tagata o faatauina Fana	0	0	86
Aofai o Pemita tuuina atu	74	124	112
Aofai o Fana na taofia	17	35	55
Aofai o laisene o fana na toe faafou	0	0	0
Tupe Maua na Aoina	\$28,295	\$36,010	\$37,130

29. Na faagasolo le suesuega a le au suetusi i le iloiloga o faagaoioiga ma tualumaga o fesootai ma le faafoega ma le tufatufaga o taumafa i nofoaga eseese o le Toefuataiga, e i ai le Falepuipui i Tafaigata, o le Nofoaga tutotonu o le Toefuataiga o Tupulaga Laiti i Oloamanu, ma le Falepuipui i Vaiaata i Savaii. Na matauina ai e le Au Suetusi le tulaga o le leai o ni faiga faavae tusitusia po o ua faamaumauina lelei e fesootai ma le faafoega o le faasoasoina o taumafa i ia nofoaga eseese o le Toefuataiga; o le leai o se tusi lesitala aloaia o faaaogāina mo le faamauina ai o oloa e maua atu; ma le leai o se faiga faafoe lelei o faaaogāina e fesoasoani ai i le tufatufaga/faasoaina (pe a saili ma auiliili faamatalaga faatusatusa) o oloa tau taumafa o tuuina atu i nofoaga eseese i tua, e aofia ai le Falepuipui i Tafaigata. I le ma le isi foi itu, e tusa ai ma faamaumaua a le Matagaluega o Tupe, ua matauina ai le siitia pea lava pea o tupe alu e fesootai ma le faasoasoina o taumafa, a o faagasolo le vaitaimi o le 2008-2011. O faatalatalanoaga ma le Vaega o le Toefuataiga, na matauina ai, le i ai o le tulaga o le faaopoopoga lea o pagota o taofia i ia nofoaga a o faagasolo tausaga ua mavae.
30. Na momoli le faamalo i le Faauluuluga ma lana afaigaluega o galulue i le Nofoaga Tutotonu o le Toefuataiga o Tupulaga Laiti i Oloamanu, mo le vaaiga lelei o le Lotoa atoa. Na lelei ona tausia, mamā ma malupuipua/saogalemu le siosiomaga ua faapea ona talafeagai lelei ma le faamoemoe ina ia ausia o sini autu a le Matagaluega mo le Soifua Toefuataina o tupulaga laiti. A o nisi mataupu e manaomia ai le silasila totoa o le pulega e aofia ai; le taavale (POL04) o lo o faaaogāina i le taimi nei e le Faauluuluga (OIC) e le o talafeagai ma le Pepa e iloa ai le Lelei atoatoa o le faaaogāina o le taavale ma ua faapena ona lē lesitalaina i le Pulega o Felauaiga i le Laueleele; o le leai foi o se telefoni o laina masani i le Nofoaga Tutotonu, ae ua na o le Telefoni Totogi muamua le faaaogāina, o le prepaid Digi-fix phone a le Digicel, peitai e le o faaaogāina ona ua leaga lea telefoni. O faatalatalanoaga ma le Faauluuluga (OIC) na iloa ai o telefoni feaveai a tagata o le afaigaluega o lo o faaaogāina e le Nofoaga Tutotonu mo so o se manaoga tau fesootaiga.
31. I le Falepuipui i Tafaigata, e leai se tusi lesitala o aseta tumau e mataitu ma saili ai le fesiitaiga o aseta o lo o i lalo o le vaaiga a le Faauluuluga (OIC). O itu nei na matauina: E ese mai ai i faiga masani ona maua ai o aseta e ala i tupe faatatauina i le tala o le tupe, ae ua masani foi ona maua e le Falepuipui o foai eseese o so o se ituaiga mai le atunuu lautele, e pei o televise, masini pueata vito, masini faaaogā i fale faamalositino ma isi meafaigaluega e faaaogā e le nofoaga o le Toefuataiga. O isi aseta po o meafaigaluega o lo o mafai lava ona maua mai a latou lava sailiga tupe, ma ua masani foi le Nofoaga o le Toefuataiga, i lalo o ana polokalame o le toefuataiga, ona fuafua ma tausia e tupulaga o lo o taofia e i ai tomā ma agavaa faakamuta, o galuega taulima o meafale e pei o nofoa, seti laulau, moega ma isi meafale faapena.
32. I le nofoaga i Vaiaata, na matauina ai le leai o se taavale mo le faaaogāina e le Faauluuluga (OIC) ma lana afaigaluega mo mataupu faanatinati e fesootai ma le soifua manuia o pagota. O taavale lava a nisi o le afaigaluega e masani ona faaaogā mo so o se mataupu faanatinati

- pe fesootai ma le falepuipui; e leai foi se tusi lesitala o le faasoaga o taumafa e maua ma faaaogā; leai se tusi lesitala o aseta tumau; ma e leai foi se telefoni o laina masani i fale.
33. O itu nei na matauina i le matou iloiloga o faagasologa ma taualumaga tau le Faafoega o Faamatalaga molimau: O le potu o teu ai faamaumaga i le taimi nei e lē lava le avanoa e ofi ai ia mea uma, ae e leai foi o se tulaga faatapulaaina mo le teuina ai o faamatalaga molimau eseese. O le potu faalauiloa o lo o i ai i le ala savali agai i le Vaega Faapitoa o Suesuega o Solitulafono CID; o le Vaega lea (CID) sa feagai ma le faagasologa o le toe fetuunaiga o le faatinoga o le Faiga faavae na faamaonia talu ai nei mo le Faafoeina o le Faaaliga, ma o taualumaga o i ai nei i le faafoega o le Faaaliga, e le o ogatasi ma le Faiga faavae o le faafoega o Faaaliga o i ai i le taimi nei.
34. O faatalatalanoaga ma le Faauluuluga o le Vaega o le Gataifale (OIC Maritime Division) na iloa ai se aofaiga tele o pili eletise e fesootai ma galuega a le Vaega o le Gataifale. O le tele o le eletise faaaogā i galuega a le vaega lea ua tau mai ai le tulaga mauuluga o manaoga e pei ona manaomia mo le tausiga o le Vaa o le Nafanua o Leoina le Gataifale.
35. O le pili/inivoisi o le eletise ma le faitauga o le mita mo le Vaega o le Gataifale, e noatia lea i lalo o le Pulega o Taulaga a Samoa. Ua faia foi o ni taumafaiga e le Vaega lenei e taofiofia ai tupe totogi mo ia pili eletise e pei ona faamaonia i se faaititiga i le vaitaimi o le 2010/11.
36. Na mafai e le Au Suetusi ona faatino o se iloiloga o Faiga Faafoe lautele o faatonutonu ai galuega tau Faamatalaga Tekonolosi, ma maua ai o tulaga nei:
- Leai o se Fuafuaga Tau Faamatalaga Tekonolosi mo Galuega Toe Faaleleia o Faalavelave Faafuasei matuia; Leai se fuafuaga faaleoleo ua faapepaina aloaia; Leai se Fuafuaga Faataatia o Faamatalaga Tekonolosi/Fuafuaga o Faatinoga;
 - Leai se Atinaega o se Faiga faafoe aloaia ma ni metotia o Suiga tau le Faafoega;
 - Leai se Faiga Faavae tau le Puipuiga o Faamatalaga Tekonolosi; Leai se faiga e mataituina ai o avanoa i faamatalaga tekonoosi pe a maea o itula faigaluega;
 - Le lē mautu o faatulagaga o upu e tatala ai le faaaogāina o komepiuta;
 - Le potu o Tagata Ofisa Autu o le Vaega o Faamatalaga Tekonolosi o lo o tuu faatasi ma le potu o lo o i ai le masini autu o le Komepiuta Autu.
37. E le i silafia e le Vaega o Tupe o lo o i ai ni faamaumaga tau tupe i se tulaga lautele o lo o faagaoioia. O nei faamaumaga, o le matafaioi masani lea a le Matagaluega o Tupe.
38. Mo le Ofisa i Tuasivi, Savaii, na matauina ai, o le tusi lesitala mo aseta, sa tataua ona tausia i le Ofisa i Tuasivi, ae faapena foi i isi nofoaga i tua i Savaii lava. E leai se vaegatupe o tupe laiti na tausia i le Ofisa i Tuasivi, Savaii, leai o se tusi lesitala mo pepa faatumu e faailoa ai tupe faaaogā, na faapea ona mauaina mai le ofisa autu i Apia; leai o ni lipoti masani mai le Vaega o Punaoa Tau Tagata Faigaluega/i ni faamatalaga tuulata mai o paleni o aso malolo i le Lisi o le Faasologa o totogi, leai o ni lipoti masani mai le Vaega o Tupe e iloa ai faatusatusaga o le tala o le tupe ma paleni o tupe faaalu i galuega faatino; ae tainane o le vaegatupe mo galuega faatino i Asau ua manaomia vave ona faaleleia o fale ma le tausiga.

Palemia ma le Kapeneta

Tausaga Faaletupe na Sueina Faasuetusi: 1 Iulai 2009 – 30 Iuni 2011

Sailiiliga Faasuetusi

1. E 9% na ova ai le faaaogāina o le tupe fuafuaina i le tala faatatau o le tupe. O Tupe ao/Tupe toe Faaola na pa'u le sini/fuafua mamao o tau faatupe faatusatusa i le maoa'e faaoga i le Ofisa i Savali. Ua avea lea ma mataupu laga mo le tausaga faaletupe, faapea latou fua faataatitia o tupe toe faaola o loo faatoai e aofia ai le maua luga o tupe faaalu i pepa lolomi. I isi mataupu i faaiuga a le Kapeneta, na faaee i ai tupe faaalu le fuafuaina ma o lea na faatino e le Matagaluega i le leai o se puipuiga i luga o aafiaga o faamatalaga tau tupe.
2. E i ai ni teugatupe i le faletupe na faatuai ona faia na aliae a o faatino le siaki faafuasei o tupe i le malae vaalele i Faleolo. O lenei mataupu sa ave i ai le faataua a le Pule Lagolago – Vaega o Femalagaiga sa i ai muamua, ae ona sa i ai fetuunaiga sa faia e alofia ai teugatupe faatuai. O faamalamalamaga tusitusia sa faapea foi ona mana'omia mai i tagata ofisa na aafia ma sa faapipii ma tuuina atu faatasi ma tusi o tinoitupe i le Matagaluega o Tupe. O le vaega o Auanaga Lautele sa taitaia folasaga/aoaoga i luga o lisiti – Teugatupe Faaaitalafu mo le Vaega o Femalagaiga – e pei o se vaega o fua faataatitia o puipuiga faalotoifale ma le nofo mataala a le afaigaluega i latou matafaioi. O le fautuaga a le Suetusi i se isi itu ua maitauina ma le totoa ma o le teuina o tupe i le faletupe ua faia nei i aso taitasi pe a uma ona tuu i luga o tupe maua. Na i ai lisiti na maua i totonu o vaitaimi e lua na sueina faasuetusi ae sa le i tuuina i totonu o Polokalame Faakomepiuta tau Tupe. O isi lisiti na maua na tuuina na o se vaega i totonu nai lo le aofaiga atoa na maua.
3. E i ai tulaga na aliae mai o numera o risiti ua faalua ona tusia i luga o polokalame faakomepiuta o faaaogāina e le Vaega o Femalagaiga. E lua polokalame faakomepiuta o lo o faaaogāina ma e lē fesootai le tasi i le isi. O numera o risiti ua faaluaina ona tusia ma tuuina atu mo pepa aloaia e sili atu i lo le lua i luga o nei polokalame faakomepiuta sa lē mafai ona maua. O le aofaiga o risiti ua faaluaina ona tusia, na siitia lea a o faagasolo vaitaimi e lua o sueina faasuetusi. Na i ai o se tupe e le i atoa le aofaiga na faarisiti i le tusi risiti masani, faatusatusa i le tau o pepa aloaia na faagaioia i luga o polokalame faakomepiuta e lua o faaaogāina. O Suega Faasuetusi Faapitoa na faatino i tusi lisiti na aveesea mai le Vaega o Femalagaiga e le vaega asiasi mo faitauga maeaea faapoopo. O lea la na lei mafaia e le Vaega o Auaunaga Lautele ona suesue atoa tusi lisiti uma ae na o manatu maumaututu. Na sosoo ma manatu faaagaaga a le Matagaluega i lea mataupu se ia talia avanoa o lipoti o Suega Faasuetusi Faapitoa ma toe faamatuu atu tusi lisiti i le Matagaluega.
4. E iai tagata nofo aitalafu ua faalua ona faamauina i le Tusi o Faamaumauga o Faamatalaga o Tagata Nofo Aitalafu, o le tasi o ia tagata nofo aitalafu, sa i ai numera po o numera faalilolilo (code) e lua po o le sili atu e iloa ai le tagata nofo aitalafu. O lea faiga e patino lava i Matagaluega a le Malo o lo o nofo aitalafu i aofaiga e le i totogiina i le Matagaluega a le Palemia ma le Kapeneta. E afua mai i lea tulaga, le fesiligia o paleni o faamatalaga tau tupe i taimi e tapunia ai tusi, pe a fua atu i le faaaogāina o le metotia o faiga faatusatusa (faatusatusaga o tupe maua ma faarisiti ma pepa inivoisi). O lenei mataupu sa laga foi i le sueina o tusi talu ai. O vaivaiga e pei o tagata nofo aitalafu na faalua ona faamauina numera faalilolilo na muai faailoa i le amataga o faatinoga o le Polokalame Faakomepiuta tau Tupe. O lenei mataupu laga sa ave i le Matagaluega o Tupe mo lo latou liliuina uma o gaioiga faapisinisi i totonu o se teugatupe e tasi, ma tapunia loa ata faamauina faalua. Ae o fautuaga a le Su'etusi ua matauina ma le totoa ma gaioiga ua aumai e faailoa ai.

5. Sa i ai se tupe e \$2,018.24 na ova atu ona totogi i le tagata faigaluega Numera 118365, o ia lea na faamavae i le aso 21 Ianuari 2012 (e tusa ai ma le pepa faatumu TY15) peitai sa faaaauau pea ona totogi lea tagata seia oo atu i le aso 15 Me 2012. O le pepa faatumu faapitoa mo totogi (TY15) mo le faamutaina o le auaunga sa saunia ma tuuina atu i le Matagaluega o Tupe i le taimi lea e pei o le faagasologa masani. I le faiga lea, sa faapea o mea uma sa tulaga lelei. Ae peitai, ua aliali mai ai, o le tagata ofisa faitotogi a le Matagaluega o Tupe sa tofia mo mataupu o lisi o totogi a le Matagaluega, na faaletonu le taofia o le totogi o le tagata ofisa a le Vaega o Femalagaiga o Kupa e pei ona tula'i mai i le pepa faatumu faapitoa mo totogi (TY15).
6. O le tusi lesitala o aseta tumau na lē atoatoa ona faamaumauga, talu ai ona sa i ai aseta e leai ni faailoga o iloagofie ai po o ni numera faalilolilo o faamauina ai i le tusi lesitala ae sa i ai foi aseta e le i faailogaina. Sa i ai foi aseta na silasila i ai, ae peitai e le i faamauina i le tusi lesitala. O le tusi lesitala e le i aofia ai o ni aso ma tau o aseta na mauaina. O lenei mataupu sa faapea foi ona faailoa atu i le Matagaluega ina ia silasila totoa i ai i le vaitaimi o le sueina o tusi talu ai. I le taimi nei, o vaega uma e tofua ma latou tusi lesitala o aseta, ma o le Vaega o Auaunaga Lautele e taofia lesitala muamua o aseta mo le Matagaluega atoa. E iai nisi aseta e leai ni numera faamaumau. Matou te mataitu ma le totoa manatu o le suetusi i lenei mataupu. O ia tusi lesitala o le a tuulata faalauaitele nei, ma faamalosi sootaga ma le Polokalame Faakomepiuta tau tupe, faapea foi ma le Vaega Tausitusi ma Pulega o Aseta a o faagasolo tualumaga o pepa e okaina ai oloa mo aseta faatau.
7. E sefulu komepiuta fou na faatauina i le aso 14 Iuni 2010 e le i faamauina i le tusi lesitala o aseta tumau. Sa i ai foi se komepiuta na tuuina atu mo le ofisa i le malae vaalele i Fagalii, na faatauina i le aso 17 Mati 2010, peitai sa le i maua lea komepiuta e silasila i ai i le taimi o le suega. O le Vaega o Auaunaga Lautele o le a faamalosi nei puipuga pulea i vaega uma ma toe faamamafa le manaomia e tuulataTusi Lesitala a latou Vaega ina ia faaaauu asiasiga ma tuu i totonu auililiga o aseta a vaega i le Tusi Lesitala Autu e tausia e le Vaega o Auaunaga Lautele.
8. E leai se tusi lesitala a le Matagaluega e faamauina ai valaau telefoni i atunuu i fafo a le tagata lava ia. O tagata ofisa e feagai lava ma le totogiina o a latou lava valaau telefoni i atunuu i fafo, i le taimi lava e maua ai la latou pili telefoni i masina taitasi. O le Vaega o Auaunaga Lautele e fitoitonu ma le matafaioi o le logoina o le aufaigaluega ma le aoina mai o tupe o a latou valaau telefoni i atunuu i fafo. O le a faatino e le Matagaluega lesitala mo valaau telefoni i atunuu i fafo a le aufaigaluega. O le a faamalosi le aoina faalotoifale o i ai nei i faiga o iai valaau telefoni i atunuu mamao e faailoa i pili o masina taitasi, e mulimulita'i i telefoni tuusa'o i vaega taitasi, ma o e e faaogaina e fesili i le faavasegaina pe o ni valaau a le tagata ia po ni valaau a le ofisa. O valaau a le tagata lava ia mai vaega o le Matagaluega e totogi i le auala lea. Mo le Vaega o Femalagaiga, o latou telefoni e le tatalaina ma o le latou Pule Lagolago, talu mai lava le 2004, sa faamaonia e le kapeneta le telefoni feaveai e faaoga fo'i i valaau i atunuu i fafo ona e talafeagai ma latou galuega.

Komisi e Pulea Tagata Faigaluega o Galuega a le Malo

Tausaga Faaletupe na Sueina Faasuetusi: 1 Iulai 2008– 30 Iuni 2011

Sailiiliga Faasuetusi

1. E le i maea ona faaaogāina tupe na faatatauina i le tala o le Tupe mo le Komisi o le Aufaigaluega o Galuega a le Malo mo nisi galuega faatino mo vaitaimi o lo o iloiloaina.
2. E tele se siitaga i tupe faaalu sa faaaogāina i vaegatupe o galuega faatino a le Komisi o le Aufaigaluega o Galuega a le Malo pe a faatusatusa i tupe alu i tausaga ua tuanai.
3. E leai ni auiliiliga o faamatalaga faatusatusa o tagata nofo aitalafu o faia i masina taitasi ma e leai ni pepa aloaia e faamaonia ai sa fai se galuega e tuliloaina ai aofaiga o tupe e le i totogiina a tagata nofo aitalafu lea e tulai mai i aofaiga ua taua nei a o faagasolo tausaga o lo o sueina nei faasuetusi. O le Lipoti o le Auiliiliga o Taimi Faatulagaina o Aitalafu a Tagata Nofo Aitalafu o lo o faia mai le Polokalame Tau Tupe Faakomepiuta (Finance One) ua faailoa ai tagata nofo aitalafu ma paleni o aitalafu e le i totogiina, ua silia ma le 90 aso, sa tataua ona toe totogi mai. I le tausaga faaletupe 2008/09, e \$28,805, i le 2009/10 - \$43,355; ma e \$41,405 i le tausaga 2010/11. E ui lava ina e leai se auiliiliga o faamatalaga tau tupe faatusatusa na faia, ae sa faatino le siakiina o faamatalaga tau tupe e ala i se auiliiliga na faia i masina taitasi mo le faamoemoe tau lipoti e tuuina atu i fonotaga a le Pulega.
4. O nisi vaega o le tala o tupe i tupe alu sa ova le faaaogāina. O le a faia e le Komisi o le Aufaigaluega o Galuega a le Malo tulaga faaleleia i le mataituina ma le vaaiga o Tupe alu o tupe totogi e le o aofia ai tupe totogi mo le aufaigaluega, e foia ai le soona faaalu o tupe faaaogā i le tala o tupe. O le a faamautinoa foi e le Komisi o le Aufaigaluega o Galuega a le Malo ina ia toe siaki faalua le faiga o totogi o le aufaigaluega tumau ma totogi o le au togiaso, ina ia foia ai tupe totogi ua ova/po o tupe totogi ua lē atoa ona faia e ono tulai mai i le lumanai mo totogi o le aufaigaluega.
5. O nisi pepa aloaia e faasino i tagata faigaluega togiaso taitoatasi na fai ma faataitaiga mo le suesueina, na tele lava se taimi na tau saili ai, talu ai ona o le Faiga o Faila (Coda file) e le i faavasegaina lelei ma failaina i se faiga e faigofie ona sailia ai pepa aloaia mo le faamaoniga a le au suetusi, o le aufaigaluega fou, faamutaina o galuega, ma le suiga o totogi. O le a faatino e le Komisi o le Aufaigaluega o Galuega a le Malo tulaga faaleleia o le faafoeina o faamaumauga ma le Faiga o Faila (Coda file) mo le aufaigaluega togiaso.
6. E i ai le aufaigaluega e le o i lalo o le Komisi o le Aufaigaluega o Galuega a le Malo sa totogi i lalo o le tala o le tupe a le Komisi o le Aufaigaluega o Galuega a le Malo i le tausaga faaletupe 2008/09. O le a saunia e le Komisi o le Aufaigaluega o Galuega a le Malo auiliiliga tai masina o faamaumauga o faamatalaga faatusatusa i tupe totogi mo le aufaigaluega.
7. E leai ni faamaumauga o faamatalaga o aso malolo na saunia mo masina taitasi, ae ua na o aso malolo na maua mai le api saina sa faapea ona faaaogā ma faamauina i pepa faatumu mo aso malolo mo masina o Iulai 2008 e oo atu ia Iuni 2009; mo masina o Iulai e oo atu ia Novema 2009, o le masina o Ianuari ma Mati i le 2010, ae faapena foi i masina o Iulai, Setema, Oketopa ma Tesema o le 2010; o Ianuari ma Aperila mo le tausaga 2011.
8. E leai ni pepa masani faatulagaina o aso malolo mo le aufaigaluega tumau ma le Au Togiaso, peitai sa tuuina mai se faiga faaeletoroni o faamaumauga i le suetusi e siakiina ai faamaumauga o aso malolo ua aveina e le aufaigaluega e pei ona i ai i le api saina. Ua maea ona tagofia e le Komisi o le Aufaigaluega o Galuega a le Malo o lenei mataupu e faamautinoa

ai o aso malolo e agavaa i ai le aufaigaluega ma le auai mai i galuega i aso taitasi, ia lelei ona mataituina ma ia tausisi i le tuulata mai o faamatalaga e faasino i aso malolo. O nei eseesega ua faapea ona faamauina ma faautagia, ina ia mautinoa ai, o pepa o faamaumauga o aso malolo o le aufaigaluega, o le aotelega o faamaumauga o aso malolo ma pepa faatumu o aso malolo, ia sa'o atoatoa ona tausia, tuulata mai faamatalaga ma ia mafai ona avanoa le aufaigaluega i faamatalaga manaomia. O le a mataituina foi taimi amata ma taimi manava o le aufaigaluega i galuega o aso taitasi ma o ni mataupu e tulai mai i lea itu o le a tuuina atu i luma o le fonotaga a le Pulega mo ni gaoioiga talafeagai.

9. E le i lelei ona tausia le api saina, talu ai ona e i ai nisi tagata faigaluega e le o saina, ma e leai foi se faaaliga po o se faailoa mai o le ituaiga o aso malolo o lo o aveina. E faaopoopo i lea tulaga, le lē atoatoa o itula faigaluega e tusa ma manaoga masani. O le taimi nei ua faatino e le PSC o ni faiga ua matua faamalositia ona faamamalu ina ia faamautinoa ai le tausia lelei ma tuulata mai o faamatalaga i totonu o le api saina. Ua maea foi ona faia o tulaga faaleleia e tausisia ai o faiga faavae mo le auai o le aufaigaluega i galuega, o le tausia o faamaumauga o le auai i galuega, o le mataituina i aso taitasi o le api saina, le faamautinoa ia saina le tagata faigaluega i le api saina i le taimi tonu e taunuu ai i le galuega ma le taimi e manava ai, le faamauina i talaane o le igoa o le tagata, le ituaiga aso malolo o lo o faaogā, le mataituina o itula o tagata faigaluega o lo o galulue ma ia faamautinoa le faaatoa e tagata faigaluega o taimi na tuai mai ai i le galuega. Po o a lava la ni mataupu e ono tulai mai i le lumanai, e faatatau i le auai o le aufaigaluega i le galuega, o le a matou faailoa atu i le Pulega mo ni fuafuaga ma ni gaoioiga talafeagai e faamalositia ai le mataituina o le aufaigaluega.
10. O oloa tau pepa, tusi ma api, sa le i faamauina lelei i se tusi lesitala ese. O le atugaluga na faatulai mai ona o le aofaiga o tupe totogi na faaaluina o lo o tusia i lalo o le Lisi ua na o oloa na faitauina mo pepa, tusi, api ma isi, na oo atu le aofaiga i le \$40,639.39, mo le tausaga faaletupe 2008/09, e \$33,438.73 mo le tausaga faaletupe 2009/10 ma le \$35,052.93 mo le tausaga faaletupe 2010/11. O lea tulaga ua alagatatau ai se tusi lesitala, ina ia faamauina aloaia ai le mataituina o le fegasoloai ma le faasoina o le faitauga o oloa i totonu o le Ofisa. O le a faamautinoa e le PSC le siakina ma le faafoega o le faitauga o oloa e okaina mai ma le fegasoloai o oloa tau pepa, tusi, api ma isi i totonu lava o le Ofisa, ma faamautinoa o le a tausia o se faitauga o oloa, ina ia atagia ai o oloa uma e faatauina mai. O oloa uma ua faatauina mai ua faapea ona lesitalaina i le aso na faatauina mai ai ma le vaega o le a o latou vaia lelei.
11. Pe tusa ma le 50% po o le sili atu o tupe alu i telefoni, na faaalu mo valaau telefoni feaveai. O nei valaau i telefoni feaveai na lē mafai ona faamaonia, pe o ni valaau faale-ofisa mo mataupu aloaia pe leai. O pili telefoni mo le Samoa Tel mo le tausaga atoa faaletupe 2010/11, sa lē mafai ona tuuina mai mo le faamaoniga a le au suetusi. O le faatupulaia o le faitau aofai o tagata o faaogāina telefoni feaveai i totonu o Samoa; ua faapea ona i ai o se faaopoopoga o tagata e tuu mai numera o a latou telefoni feaveai, ae le o numera o a latou telefoni masani i fale, e avea ma numera e fesootai atu ai, la lea e mafua ai ona leai o se isi auala e fesootai atu ai le PSC ia i latou ua lē mafai ona maua i telefoni i fale, vagana le faaogā loa o telefoni feaveai i numera ua tuu mai. Ua matou talia le fautuaga, ma o le matou mataituina lea tulaga i le lumanai, ma faataatia o ni faiga e faafoe ai, ina ia foia ai le soona faaogā o tupe alu mo le faaogāina o telefoni feaveai. O le a tausia e le Komisi o le Aufaigaluega o Galuega a le Malo o se faila mo pili uma o telefoni mo a tatou faamaumauga ma faamautinoa o nei faamaumauga o le a mafai ona avanoa mo faamoemoega tau le faamaoniga a le au suetusi.
12. E leai ni tusi laiti o faamaumauga tau tupe ma se auiliiliga o faamaumauga o faamatalaga faatusatusa tau tupe mo Teugatupe o Tupe faaagaaga faameaalofa a le Ofisa ma Fesoasoani tau tupe faavaomalo na tausia ma faagaoioia e le Vaega o feagai ma Tulaga faaleleia o

nofoaga ma fale i vaega tumaoti o le Malo, mo le Faiga o Faafaoe ai Faamatalaga o Punaoa tau tagata faigaluega o Galuega a le Malo o Samoa. O le a saunia ma tausia e le Komisi o le Afaigaluega o Galuega a le Malo tusi laiti uma o faamaumauga tau tupe ma auiliiliga uma o faamaumauga o faamatalaga tau tupe faatusatusa.

13. E leai ni tusi laiti o faamaumauga tau tupe ma ni auiliiliga o faamaumauga o faamatalaga tau tupe faatusatusa mo Teugatupe e tolu mo Faamoemoega Faapitoa na tausia ma faagaoioia e le Matagaluega o Tupe i lalo o le Faamatalaga 12 Faamatalaga o Tupe teu ma isi Tupe totogi. O le a faamautinoa e le Komisi o le Afaigaluega o Galuega a le Malo le saunia ma le tausia o tusi laiti uma o faamaumauga tau tupe ma auiliiliga o faamaumauga o faamatalaga tau tupe faatusatusa.
14. E leai se Lipoti Faaletausaga mo le tausaga faaletupe na faaiuina i le aso 30 Iuni 2011. O le Lipoti faaletausaga o lo o ua i ai nei i lona ata faataitai ma ua faamoemoe e faamaeaina i le aso 21 Tesema 2012.
15. E le i ausia e le PSC o nisi o a latou galuega o Fua faatatau o Faatinoga o galuega mo le tausaga faaletupe 2008/09 ma le 2009/10.

▪ **Tausaga faaletupe 2008/09:**

- *Galuega faatino 3 Faiga Faavae o Punaoa tau tagata faigaluega ma auaunaga faaletulafono:*
 - ✓ *O le galuega faatino; 'la amatalia o se polokalame mo tau/amanaia o agatausili e atagia ai le amio pulea, sa lē mafai ona faataunuu a o faagasolo le vaitaimi o le tausaga faaletupe 2008/2009; talu ai ona o lea galuega faatino sa i ai i lona laasaga tau atiae ma tulaga tau suesuega.*
 - ✓ *Sa manaomia foi i lenei galuega faatino le Faiga o Iloiloga o Faatinoga (PAS) ina ia atiae ma ia faataatia lelei a o le i oo ina faatino; la lea na fuafuaina ai lenei galuega e faataunuu i le isi tausaga faaletupe e sosoo ai.*
 - ✓ *Na lipotia e le vaega suetusi e faapea o le galuega e faatatau i le "Polokalame SPS o le Faatulagaga mo Tagata ua iu mai auaunaga faasikolasipi, na faapea ona tofia ai le au sikolasipi e toa 59 i galuega mo le 6 masina e oo atu ia Tesema 2008 ma taua ai e faapea, o lea galuega ua le o toe avea o se galuega faatino talu ai ona o faiga faavae ua suia. O le mafuaaga mo lea tulaga, ona i le toe iloiloga i le 2009 o le Polokalame lea o le SPS i le faatulagaga o le Au Sikolasipi, na iloilo ai e le Komisi i le aso 15 Tesema 2009, le lipoti i lea iloiloga o le Polokalame, ma faapea ona finagalo ai le PSC o le a lē toe tofia sao pe faafaigaluega i galuega ni sikolasipi ua iu mai i totonu o Matagaluega, e i ai ona tulai mai le suiga o faiga faavae.*
- *Galuega Faatino 6 Mafai Gafatia ma Auaunaga Tau le Atiaeina o Tomai Faapitoa:*
 - ✓ *O le galuega faatino; 'Atiaeina o le Polokalame Tau i le Taitaiga mo le Tulaga Lona Lua o Pulega' sa le i ausia a o faagasolo lenei vaitaimi, ona o isi tulaga faamuamua a le ofisa. Sa faapea ona faataoto mo galuega e faatino mo le isi tausaga faaletupe e sosoo ai, ma ua taua nei lea polokalame o le Polokalame Tau le Atiaeina o Tomai Faapitoa Tau Pulega.*
 - ✓ *O le galuega faatino; 'Atiaeina o Faiga Faavae i Fuafuaga Auiluma mo le Afaigaluega Tau tomai faatekinisia/Afaigaluega o Tomai Faapitoa i totonu o Galuega a le Malo na faapea ona faataoto mo galuega e*

faataunuu mo le isi tausaga faaletupe e sosoo ai, ma o le tuai ona faatino na mafua mai i isi vaega na taulai i ai le vaai a le Ofisa ma ave i ai le faamuamua. O le tulai mai o le tulaga atiae o le faatulagaga o le fuafuaga mo le aufaigaluega na faamaonia i le 2010/11 ma le faatinoga o le fuafuaga mo le aufaigaluega galulue o le 2012/13, o le ala lea o lo o taoto ai pea o lenei galuega faatino i fuafuaga e faataunuu.

▪ **Tausaga faaletupe 2009/10:**

- *Galuega Faatino 2 Auaunaga Tau Galuega Faakonekarate:*
 - ✓ *O le galuega faatino; 'Faafuaga o le Faafaigaluegaina ma le Filifiliga mo le faagaoioiga o tulaga tofi faakonekarate', na umi le taimi o faatali i lo taimi na fuafuaina, talu ai ona o le lē avanoa o sui filifilia e avea ma komiti e faatalanoaina avanoa ae o nisi taimi, o le leai o ni tagata talosaga. I se taumafaiga la e faafuaga ma faapuupuu le taimi alu i le Faagaoioiga o le Faafaigaluega ma le Filifilia o tagata faigaluega, ae faapena foi i le foia o isi faafitauli e pei o le lē avanoa o sui i komiti e faia le faatalanoaga ma le tulaga o le maua gata o tagata talosaga, o le ala lea na atiae ai e le Vaega SES se 'Tusi Taiala mo le Faafaigaluegaina ma le Filifiliga o Tagata Faigaluega' mo tulaga tofi i galuega faakonekarate. O lenei Tusi taiala na faapea ona tuuina atu i le Faatonu o le Au Suetusi, Ms. Lillian Waterhouse Hytongue, a o faagasolo la latou galuega i le tatou ofisa.*
- *Galuega Faatino 3 a le Vaega o Faiga Faavae o Punaoa Tau Tagata Faigaluega ma Auaunaga Faaletulafono:*
 - ✓ *O le galuega faatino 'la amatalia o se polokalame mo tau/tulaga aloaia o agatausili' e atagia ai lē amio pulea, sa faapea ona faataoto mo galuega e faatino i le tausaga faaletupe 2009/10, peitai o lo o i ai pea i se tulaga auiluma e oo mai i le Tausaga Faaletupe 2012-2013, talu ai ona o lenei galuega faatino, sa faalagolago lava i le faatinoga manuia o le Faiga o Iloiloga o Faatinoga (PAS), lea o lo o ua faasee atu i tua i Matagaluega. O le ala lea o le tumau pea o lenei galuega faatino i se tulaga auiluma ma o le a atiae atili i se taimi vave pe a maea ona faatulaga o le Faiga o Iloiloga o Faatinoga o Galuega (PAS).*
 - ✓ *I le toe iloiloga o le Faiga Faavae o le Faafaigaluegaina o le Au Sikolasipi, e tusa ai ma le Tusi o Faamatalaga Faasalalau a le PSC 2010/01; 'i lana fonotaga PSC2009/48 o le aso 15 Tesema 2009', na finagalo ai le Komisi o le a lē toe tofia sao pe faafaigaluega se sikolasipi ua iu mai, e amata atu i le aso o le faaiuga ua taua i luga, ona o le mafuaaga lea ua le o toe talafeagai ai o lenei galuega faatino mo le tausaga e sosoo ai.*
- *Galuega Faatino 5 Fuafuaga a Vaega Tau Pulega i Galuega a le Malo:*
 - ✓ *Na lipotia e le au suetusi e faapea 'o fuafuaga mai Matagaluega i iloiloga o faatulagaga o faalapopotoga, le aofai o le aufaigaluega ma isi mataupu tau punaoa o tagata faigaluega ma ona galuega faatino'. A o faagasolo lenei vaitaimi o le Tausaga Faaletupe, o fuafuaga mai Matagaluega i le iloiloga o a latou faatulagaga o faalapopotoga, aofaiga o le aufaigaluega ma isi mataupu tau punaoa o tagata faigaluega, ua faapena ona tofia, ona o le Lipoti o le Iloiloga o le Fetuunaiga o Matagaluega a le Malo.*
- *Galuega Faatino 6 Mafai Gafatia ma Auaunaga Tau le Atiaeina o Tomai Faapitoa:*

- ✓ *Ua tali atu le Ofisa o le PSC i manaoga o Matagaluega a o faagasolo lenei vaitaimi faaletupe, ma e talu ai ona o itu faatauva i tulaga faamuamua ma mataupu i le lē lava o le aufaigaluega, sa faapea ona faataoto ai mo galuega faatino mo le isi tausaga faaletupe.*
- ✓ *O le galuega faatino o le 'Polokalame o le Atiaieina o Tulaga Faataitai mo le Vaega Tulaga Lua Tau Pulega' a o faagasolo lenei tausaga faaletupe, sa faataoto mai mo le faatinoga i le isi tausaga faaletupe o sosoo nei, talu ai ona o le itu faatauva i tulaga faamuamua.*

Tupe Maua

Tausaga Faaletupe na Sueina Faasuetusi: 1 Iulai 2008– 30 Iuni 2011

Sailiiliga Faasuetusi

1. O tusi faamaonia aloaia a le Matagaluega mo laisene o le ava malosi e le o faanumeraina muamua ae faapena foi ona lē faagaoioia mai le faiga e faafoe ai i le polokalame faakomepiuta. O le faiga masani e faatumu le pepa faatumu faatulagaina i le faiga faakomepiuta e le Failautusi o le Komiti Faatonu o le Ava Malosi ma saina faamaonia e le Minisita. I le taimi nei, o tusi faamaonia o laisene o le ava malosi o lo o muamua faanumeraina i se faiga tusitusia, peitai o laisene nei e faaogā lava mo na o fale kalapu, pa pia ma faleaiga, ma oloa auina mai. Ua faamauina ma faautagia le fautuaga, ma i le faatulai mai o le Poloketi o le Faafouina o le Faatalugaga o le Ofisa o Tiute (Customs Modernisation ISP) lea o lo o faagasolo nei, o le a faapea ona faautagia e le Matagaluega mo Tupe Maua o nei fautuaga ma faamautinoa le faia o se faatulagaga faataatia o pepa faatumu e faagaoioia mai le faiga ua taua o le Polokalame Faakomepiuta (ASYCUDA), ae ia faapena foi i le faanumeraina muamua o tusi faamaonia o laisene o le ava malosi. O lo o galue nei le Ofisa Sili Lagolago o Pulega i le Vaega o Lafoga, faatasi ma le Vaega o le Poloketi a le Tiute, e atiae o lenei faatulagaga e lolomiina ai tusi faamaonia o laisene o le ava malosi.
2. E i ai nisi o tusi risiti laiti na lē mafai ona maua, a o faagasolo le asiasiga a le au suetusi. E le i mafai e le au suetusi ona faamaonia le sao ma le atoatoa o tupe maua ua faamauina i tusi a le Matagaluega, talu ai ona o le leai o ni pepa aloaia tāua e faatuatuaina. Ua maea faatulagaga o tulafono faafoe e tatau lava ona matua usitaia ina ia faamautinoa ai le tausia ma mataitu lelei tusi risiti laiti. Na lē mafai e le Matagaluega mo Tupe Maua ona maua nei tusi lisiti laiti, peitai o faamatalaga molimau mai le polokalame (ASYCUDA) na tuuina mai e faamaonia ai e faapea sa faalisitiina ma teuina lava i le Faletupe ia tupe maua. Ua faatulagaina foi tulafono faafoe malolosi e faamautinoa ai le tausia lelei ma le mataituina o tusi lisiti laiti. I le taimi nei, o le Ofisa Sili Lagolago o Pulega o le Vaega o Tupe Maua o lo o puleaina le lesitalaina, tuuina atu tusi risiti ma le malupuipua o tusi fou ma tusi ua maea ona faaogā mo le taimi nei, ina ia mafai ai ona faafoe le tulaga lamatia o tusi risiti leiloloa.
3. O le siaki faafuasei o tupe na faia i le aso 3 Fepuari 2012 mo tupe na aoina o tupe maua a le Matagaluega mo Tupe Maua faatasi ai ma le tinoitupe sa i ai, sa i ai o se aofaiga e \$16,843.43, lea sa umia e le Ofisa Sili Lagolago o Pulega mo le Vaega o Auaunaga Tau Tupe. O lea aofaiga e faasino i tupe aoina o tupe maua mai le au talitupe laiti i nofoaga o uta o oloa e totogi, talu mai le masina o Novema 2011 e oo mai i le aso na faitauina ai lea tupe, sa le i faarisitiina i le tusi risiti autu i le Polokalame Faakomepiuta (ASYCUDA) i le aso na sosoo ai, ona o le leai o se pepa faatumu aloaia (Baggage Sufferance (BS4) na tuuina atu e le Ofisa Sili Lagolago o Pulega i le Vaega o le Pulega o le Vaaiga o Tuaoi ma Uta Oloa. A o le i kiliaina o so o se uta oloa e tagata ofisa galulue i tuaoi, e tatau lava ona tuuina mai o le pepa faatumu aloaia o le Baggage Sufferance (BS4) e nofoaga o uta oloa e totogi (po o sooupu) a o le i galulue a matou tagata ofisa e faamatuu atu o so o se uta oloa. A aunoa ma le pepa faatumu aloaia (BS4), e leai se tupe e aoina i nofoaga o uta oloa totogi, e mafai ona faamauina ma tuuina i le Polokalame Faakomepiuta (ASYCUDA). O lea tupe sa teuina i le sefetupe uamea ma faamauina i le tusi lesitala o aso taitasi lea e faapaleni pe a faia o se tupe totogi i totonu o le polokalame ma faapea ona teuina. E tele se galuega na faatino e le Matagaluega mo Tupe Maua i le taumafai lea ia faamautinoa o mafuaaga e mafua ai ona i ai pea o le tuai ona faarisiti tupe e aoina mai i nofoaga nei i tua o uta o oloa totogi ma tuuina atu i le Polokalame Faakomepiuta (ASYCUDA), e pei ona laga foi talu ai e le Au Suetusi. O le taunuuga o le Iloiloga a le Suetusi Faalotoifale, na afua ai ona faia o le pepa o faamatalaga o le aso 3 Aperila

2012, lea sa faataamilo i le aufaigaluega ina ia latou silafia ma tausisia. E lē gata i lena, ae na auina atu foi e le Matagaluega mo Tupe Maua o se tusi i ana sooupu uma, e logoina ai i latou e tusa ma le latou matafaioi o le tuuina atu i a tatou tagata ofisa o le pepa faatumu aloaia o le BS4, a o le i kiliaina o se uta oloa, ina ia vave ai ona faagasolo le faiga o lisiti o tupe e maua mai. O le faiga fou o le Polokalame Faakomepiuta (ASYCUDA) Faiga Faalalolagi (World System) (AW) o le a mafai ai e tagata ofisa o le Tiute ona iloiloaina o tautinoga ua faia i pepa faatumu aloaia o le BS4 ma le faaopopoina pea o le taimi ua faatuai ai ona faia teugatupe i faletupe.

4. E leai se tusi lesitala i le Vaega o uta o oloa i Fagalii e mataituina ai oloa o i ai po o oloa e aumai i totonu ma oloa e auina atu i fafo, e faatusatusa i tupe maua ua faarisiti i tusi risiti. E i ai nisi o tusi risiti laiti e le i faia i le tusi risiti autu ma teuina faalelei. O risiti e tuuina atu, e faalagolago i oloa faaulufale mai e maua i uafu/malae vaalele ua ulufale mai i ai. O numera o risiti laiti na fesiligia e le au suetusi. Sa le i faarisitiina i le tusi risiti autu, a o faagasolo le siakiina i le faitauga o tupe, talu ai ona o le tagata ofisa o le Tiute sa tusia i le faasologa o tiute e tatau ona tiute i Faleolo. O lea vaivaiga sa faapea ona faamautinoa e le Vaega o Tupe Maua ma ua maea ona faatulaga o ni fuafuaga e foia ai o lea tulaga, mai le toe tulai mai foi i le lumanai. Ua toe fetuunai e le vaega o vaaia tuaoi le faatulagaga o tagata ofisa e autovaa i tiute, ina ia faamautinoa ai le toe foi o le tagata i le ofisa i le faaiuga o le aso e tauaao atu a latou tupe ma tusi risiti laiti mo le faamauina ma tuu i totonu o le Polokalame o lo o faafoe ai. Ua maea ona faataatitia fuafuaga e aofia ai le faavasegaina o taimi faigaluega a le aufaigaluega ma le lelei o faasologa o galuega ia auiliili taualumaga a tagata ofisa o le tiute. O le a amata faaagaina taimi faigaluega eseese ae le o faatulagaina o taimi faigaluega i le tausaga faaletupe 2016-2017.
5. E \$158,011.81 le aofaiga ua noatia i siaki tupe ua lē aloaia, a o faagasolo le siakiina o tupe i le aso 3 Fepuari 2012, i tupe na aoina a le Matagaluega mo Tupe Maua. O le taimi nei o lo o avanoa le tofiga o le Tagata Ofisa ao aitalafu. O siaki tupe ua lē aloaia e mafai lava ona toe maua, a le o lē toe teuina o le siaki tupe i le taimi lava e faamaonia mai ai e le Faletupe e faapea o la ua lava tupe a le tagata nofo aitalafu i lana teugatupe, po o le totogi loa i le tinoitupe o lea siaki. O lo o tuliloaina pea e le Matagaluega tagata nofo aitalafu, e ala i tusi e tãpã faamalosai ai le totogi o tupe o nei siaki, valaau i telefoni, ma imeli, o ni taumafaiga ina ia toe faaola mai o ia tupe i siaki tupe nei. Sa tulituliloaina foi e le Matagaluega o Tupe o nei siaki tupe ua lē aloaia, e ala i valaau telefoni, fesootaiga tuusao ma tagata nofo aitalafu, tusi e tãpã faamalosai ai le totogi o tupe, ae faapena foi i gaoioiga faaletulafono ina ia mafai lava ona toe faaola mai o ia tupe.
6. Na maitauina e le au suetusi ni vaivaiga i le faatumuina o pepa o otootoga o faamatalaga o tupe maua na aoina mo masina taitasi, o le aotelega o risiti a le talitupe/o se aotelega o risiti aloaia e tuuina atu i le Matagaluega o Tupe, ma le pepa faatumu o le aotelega o faamaumauga e faamauina i aso taitasi i faiga faakonekarate, mo le Ofisa o le Tiute ma le Ofisa o Lafoga o Tupe Maua, la lea o lo o maua ai, o faamatalaga e uiga i saini; tagata na ia faamauina; ma le tagata na ia saunia; ua le o atoatoa lelei ona faatumuina. O atugaluga ma fautuaga a le Au Suetusi ua faapea ona faamauina. Ua maea ona fautuaina tagata ofisa o le Matagaluega i le tãua o le faatumuina lelei o taualumaga uma mo pepa aloaia o faamatalaga tau tupe e tatau ona tali atu ai.
7. E leai ni auiliiliga o faamaumauga faatusatusa o faamatalaga tau tupe i masina taitasi na faia i le va o le Polokalame Faakomepiuta (ASYCUDA) mo auaunaga tau le Tiute, ma le Polokalame RMS mo Auaunaga a le Ofisa o Lafoga o Tupe Maua ma Lipoti a le Matagaluega o Tupe i le Polokalame Tau Tupe Faakomepiuta, mo tausaga faaletupe 2008/09, 2009/10 ma le 2010/11. O le ala lea o le faigata ona iloa o so o se mea sese i faamaumauga e faia e le Matagaluega o

Tupe ma so o se isi lava gaoioiga faapisinisi e le o faamauina ma tuuina i polokalame faakomepiuta. O faamatalaga tau tupe mai le Faletupe e na o le Matagaluega o Tupe e mafai ona avanoa i ai ma e lē mafai e le Matagaluega ona auiliili faamaumauga faatusatusa o faamatalaga tau tupe o tupe maua na aoina i faamatalaga tau tupe mai le faletupe. E auiliili e le Matagaluega mo Tupe Maua o faamaumauga faatusatusa o lipoti o Polokalame Faakomepiuta (ASYCUDA ma le RMS) faatusatusa i le Polokalame Tau Tupe Faakomepiuta. O le a feutagai le Pulega ma le Matagaluega o Tupe i gaoioiga ina ia faatulaga loa o fautuaga mo le faatinoga o le faiga o lipoti ina ia sao atoatoa. O le Vaega o Tupe Maua latou te faagaoioia faamaumauga uma o tupe maua e faarisitiina e le Ofisa o Tiute, ma tupe mai le au talitupe o tupe maua o lafoga i le Polokalame Tau Tupe Faakomepiuta. O le aufaigaluega a le Matagaluega o Tupe e feagai ma Auiliiliga o Faamaumauga faatusatusa o faamatalaga tau tupe o i latou ia e avanoa i le mauaina o faamatalaga tau tupe mai le faletupe, latou te faatinoina o auiliiliga faatusatusa i aso taitasi ma feutagai ma le Vaega o Tupe Maua a le Matagaluega mo Tupe Maua, pe afai e i ai o ni mea sese i faamaumauga po o gaoioiga faapisinisi e le i faamauina, e ao ona faasao. E toe silasila le Matagaluega i le Polokalame Tau Tupe Faakomepiuta mo so o se faamaumauga ua faia tuusao e le Matagaluega o Tupe.

8. E i ai teugatupe i le faletupe na faatuai ona faatino mai faataitaiga na sueina. O gaoioiga nei ua faia e le Matagaluega e foia ai le tuai tele ona faia o teugatupe i le faletupe. O le toe faaleleia o le Polokalame Faakomepiuta (ASYCUDA), i le Polokalame Faakomepiuta (ASYCUDA) AW, o le a avanoa ai Tagata Ofisa o le Tiute e fuafua tautinoga o Fegaioiga Tau Ato (Baggage Suffrage) ma faagaoioi o risiti faaeletoroni mai Nofoga i tua o uta oloa totogi (Freight Stations). O le a fesoasoani tele lea faiga e foia ai le tuai ona kilia o BS ma teugatupe ua tataua ona teu i faletupe. E lē gata i lena, o le Vaega o Tupe Maua ma le Vaega o Tuaoi ua faapea ona galulue malosi e tuliloa a latou tagata faigaluega ina ia toe foi i le ofisa i taimi manava ai mo le tuuina atu o tupe na aoina mo le teuina i faletupe.
9. O se aofaiga tele o tupe a le malo o lo o noatia i siaki tupe ua lē aloaia e oo atu le aofaiga i le SAT\$120,211.57. O nisi o nei siaki tupe e oo atu i tua i le 2007 le tausaga na faia ai. O aofaiga nei sa matauina i tausaga taitasi na sueina faasuetusi. I le 2008/09 e \$120,211.57. I le 2009/10 e \$6,778.67. I le 2010/11 e \$12,290.10. O le suega o tusi talu ai sa lipotia ai o se aofaiga e \$908,059.23 e amata mai i le tausaga 2004, ma ua faatulai mai ai le fesili pe o nei aofaiga o tupe ua toe maua mai pe leai. O siaki tupe ua lē aloaia sa faarisitiina tuusao (online) i luga o le Polokalame Tau Tupe Faakomepiuta, o lona uiga o tupe maua mo le Matagaluega ua soona faatulaga i se tulaga maua, talu ai ona e leai ni faamaumauga na saunia e faapaleni ai ia itu. O gaoioiga e toe faaola mai ai tupe ua faatinoina e tusa ai ma le tali i le Mataupu 8. O siaki tupe ua lē aloaia a ua toe faaola mai ua faapea ona teuina i le Faaputugatupe a le Malo, peitai afai o lo o tumau pea ona lē aloaia se siaki tupe ona faia lea e le Matagaluega o Tupe o se faamaumauga tau tupe e faapaleni ai faamaumauga ua uma ona faia tuusao i lina telefoni (online) ina ia alofia ai le soona taua o faamatalaga tau tupe o tupe maua. Ua na o le Matagaluega o Tupe e i ai le pule faataga e faatulai mai ma faamaonia o faamaumauga lautele tau tupe i tusi.
10. Ua maea ona saunia lisi o faamatalaga tau tupe ua toe faataatia, e faapena foi i le lisi o tupe ta'utino e le i totogiina mo tausaga faaletupe taitasi. E leai se lisi o paleni o faatupulaia mai le lima tausaga ua mavae ma le tolu tausaga o lo o sueina faasuetusi i le taimi nei mai se vaaiga faatausi tusi sa tataua ona i ai o se tusi o faamaumauga lautele e faafoeina ai faamatalaga tau tupe, lea e aofia uma ai paleni faatupulaia mo tagata nofo aitalafu taitasi. O le lape o le leai o se tusi o faamaumauga lautele e faatonutonu ai faamatalaga tau tupe, o le faigata lea ona faamautinoa o paleni e le i totogiina a se tagata nofo aitalafu faapitoa i so o se taimi lava ua tuuina atu i ai. O le paleni ua faatupulaia mo se tagata nofo aitalafu e mafai ona maua pe a faaopoopo paleni e le i totogiina mai le lisi o tagata nofo aitalafu mo tausaga uma e 8. O lena

mataupu sa faapea ona laga i suega o tusi talu ai. O le Lipoti Numera 610 i le Polokalame Faakomepiuta (ASYCUDA), sa amatalia ma faatino ia Oketopa 2010 ina ia tuuina atu ai o auiliiliga faatusatusa o faamatalaga tau tupe o lo o tauaveina pea, ae faapena foi i talaaga o tupe totogi o mataupu uma sa faataatiaese. E faaopoopo atu i lipoti o le Polokalame Faakomepiuta (ASYCUDA), le tausia e le Vaega o Tupe Toe Faola mai o se faatulagaga autu o faamatalaga tusitusia o faamatalaga uma tau tupe o faataatia ese ma faila a tagata nofo aitalafu taitoatasi, ia o lo o faaogā mo galuega faaleoleo ma e mafai ona faavasegaina ina ia faagaoioia o faamatalaga ia e lē mafai ona faagaoioia e le faiga/Polokalame Faakomepiuta (ASYCUDA).

11. E leai se faatulagaga o le tausagā o aitalafu a tagata nofo aitalafu mo aitalafu na faataatia ese, tupe tautino e le i totogiina ma siaki tupe ua lē aloaia. O lenei mataupu sa laga foi i le suega o tusi talu ai. O lo o galue i le taimi nei le Ofisa Sili Lagolago o Pulega i le Vaega o Tupe Maua, i le aoina mai o tupe tuai ona totogi e le i totogiina lava mai le au nofo aitalafu ua tele tausaga e le i totogiina lava a latou aitalafu, ma o se vaega lea o taualumaga o le galuega e toe faola mai o ia tupe. O le Polokalame/faiga lea o le Polokalame Faakomepiuta (ASYCUDA) na faapitoa ona fuafuaina mo le faatinoga o galuega a le Ofisa o le Tiute. O lo o tausia i lea polokalame o faamaumaga o aitalafu e le i totogiina, ae le o se faiga na fuafuaina e faatulai mai ai o se lipoti ua tausagā mo tagata nofo aitalafu, e pei ona faia e se faiga faafoe tau tupe. O le tele o tausaga o i ai pea tagata nofo aitalafu, o lo o avanoa lea mo aitalafu ua faataatia ese, siaki tupe e le i totogiina ma siaki tupe ua lē aloaia, peitai o faamatalaga e tataua lava ona faaofi i le faiga faakomepiuta Excel ma faavasegaina ai i se faiga tusitusia masani.
12. Mo aitalafu ua faataatia ese, ua faapea ona lē taasisia le 50% o le aiaiga o le tiute a le Ofisa o Tiute mo le tuuina atu o le faamaoniga. E i ai nisi o aitalafu na faataatia ese e matua leai lava pe laitiiti foi se tupe na toe totogi ina ua tuana'i le uluai tupe na teuina. O le aiaiga o le pasene o le tupe teu mo le fuafuaga o aitalafu ua faataatia ese, sa faamaonia i le pule faitalia a le Minisita o Tupe Maua, ma e faatoa faatino lava e tagata ofisa o le Vaega o Tupe Maua, le pasene lea e tusa ai ma le faamaoniga a le Minisita. E matua faateete tele le Minisita o i ai nei i lenei mataupu ma ua faapea foi ona toe tapue ma faamalositia e le Matagaluega o faiga e faafoe ma faatonutonu ai le Fuafuaga mo Aitalafu ua faataatia ese.
13. E leai o se sootaga i le va o le Polokalame Faakomepiuta (ASYCUDA) ma le faatulagaga autu o faamatalaga lea o aofia ai faamatalaga mo aitalafu ua faataatia ese. E mafua mai i lea itu, ona lē tuulata mai faamatalaga o paleni o aitalafu ua faataatia ese, i se faiga faakomepiuta e otometi, pe afai e faia o ni tupe totogi mo nei aitalafu. E ono tulai mai ai o se tulaga faatuai ona saunia o se faamatalaga tuulata mai o paleni e le i totogiina ma o lea gaoiiga e noatia ma fai fuafua i mea sese, ia e faatoa mafai lava ona iloa pe afai e faia o ni iloilogaga ma siaki masani mo le gaoiiga o le tuulata mai o faamatalaga. O lo o galulue vaavaalua i le taimi nei le Vaega o Tupe Maua ma le Vaega o Faamatalaga Tekonolosi ina ia taumafai ona fesootai le Polokalame Faakomepiuta (ASYCUDA) ma le Faatulagaga autu o faamatalaga i le polokalame o le Excel i le itu i aitalafu ua faataatia ese mo le otometi ona tuulata mai faamatalaga, i le taimi lava e maua ai o tupe totogi. I le taimi nei, ua maea ona lolomi le Lipoti 610 a le Pulega mai le Polokalame Faakomepiuta (ASYCUDA) e tuulata mai ai faamatalaga o aitalafu ua faataatia ese i le faatulagaga autu o faamatalaga, ina ia faamautinoa ai le tulaga tutusa o paleni i ia polokalame e lua. O le Polokalame Faakomepiuta (ASYCUDA)++ ma le polokalame Excel database e le o tuufaatasia, ona e eseese o ia faiga o faatulagaga autu o faamatalaga (database). O tupe totogi o aitalafu ua faataatia ese e otometi ona tuulata mai faamatalaga i le Polokalame Faakomepiuta (ASYCUDA), i le taimi e tuuina atu ai risiti, ma ia tuulata mai foi faamatalaga o le Excel database i se faiga tusitusi. O le polokalame o le Excel database e mafua le faaogāina mo galuega faaleoleo ma faapea ona siakiina ai foi faamaumaga i le Polokalame Faakomepiuta (ASYCUDA).

14. E leai ni auiliiliga o faamaumauga faatusatusa o faamatalaga tau tupe o tupe faaaogā mo galuega faatino ma totogi o le aufaigaluega, i le va o faamaumauga a le Matagaluega ma lipoti mai le Matagaluega o Tupe. O auiliiliga o faamaumauga faatusatusa mo tupe alu i totonu o le aufaigaluega ua faapea ona faatino i se faiga e tai lua vaiaso, aemaise ai o le siakiina o ni eseese i Lipoti mai le Polokalame Tau Tupe Faakomepiuta (Finance One) faatusatusa i faamaumauga a le Matagaluega. O auiliiliga faatusatusa mo tupe alu i galuega faatino ua faapea foi ona faatulaga lelei ma tuuina atu i le Matagaluega o Tupe ma le Ofisa Suetusi pe a manaomia.
15. E leai se faila autu o le lisi o le faasologa o totogi na lolomiina mo piriota o totogi e 26 po o tupe totogi o le lisi o le faasologa o totogi na faia, a o faagasolo tausaga faaletupe o sueina faasuetusi. O le taimi nei la ua tausia ai e le Matagaluega mo Tupe Maua o se Faila autu o le Lisi o le Faasologa o Totogi mo le tausaga faaletupe i le taimi nei 2012/13. O faamatalaga o le lisi o le faasologa o totogi e lolomiina i le tai lua vaiaso uma, talu ai ona e ao lava ona teu i faila o auiliiliga o faamatalaga faatusatusa tau tupe.
16. E leai ni auiliiliga o faamatalaga faatusatusa tau tupe na saunia mo tupe totogi a le aufaigaluega, a o faagasolo tausaga faaletupe o sueina faasuetusi. O le a saunia e le Vaega o Auaunaga Lautele se auiliiliga o faamatalaga faatusatusa tau tupe mo tupe totogi a le aufaigaluega e amata mai i le tausaga faaletupe 2012/13. O le taimi nei ua maea ona faataatia lelei auiliiliga o faamatalaga faatusatusa tau tupe mo tupe totogi a le aufaigaluega, lea e faatinoina i le tai-lua vaiaso uma ma faapena ona teuina i faila.
17. O Lipoti faatusatusa o le Faatatauina o Tupe na iloa ai o tupe totogi i le lisi o le faasologa o totogi ua sili atu i lo tupe na faatatauina. O lipoti faatusatusa o le Faatatauina o Tupe ua lolomiina i masina taitasi, lea o lo o maua ai le pepa o le ata atoa (scorecard) mo fonotaga a le Vaega Sinia o le Pulega, e iloiloina ai tupe maua ma mataupu i tupe faaaogā, e aofia ai tupe alu o le paketi mo totogi o le aufaigaluega.
18. E leai se auiliiliga faatusatusa o tupe na saunia mo pepa faatumu TY15 na faatulai mai ma le Polokalame Tau Tupe Faakomepiuta. Ua mafua i lea tulaga, ona tulai mai o le tele o eseese i le va o le faiga faafoe (system) ma faamaumauga aloaia. O auiliiliga faatusatusa tau tupe i le va o pepa faatumu TY15s ma le Polokalame Tau Tupe Faakomepiuta e faatino i le tai-lua vaiaso a o lumanai ai ona faagasolo lipoti mo piriota taitasi uma o totogi. O so o se suiga/fesili e uiga i TY15s e toe faafoi lea i le Matagaluega mo Tupe Maua mo teuteuga, ma i lea taimi, o le a matou mafai ai ona faia o ni kopi a o le i toe faaoo atu i le Komisi o le Aufaigaluega o Galuega a le Malo (PSC) ma le Matagaluega o Tupe. O kopi ua sainia e tuuina mai ia i matou e le PSC.
19. E i ai tulaga na faatuai i le taofiga o tupe totogi na faia i nisi tagata faigaluega ua faamavae po o ua litaea. Na maua i le suega o tusi, na ova ona totogi i latou nei, i le piriota totogi e tasi po o le lua foi mo nisi. O lena faaletonu na tulai mai ona o le tuai ona tapena ma faamauiina pepa TY15s na faagaoioia ai. O atugaluga ma fautuaga a le au suetusi ua faamauiina ma faautagia, ma o le taimi nei o lo o ua toe faamalosi e le Vaega o Auaunaga Lautele, le faiga faavae o le 2 vaiaso e faailoa ai se faamavaega, e tusa ai ma Aiaiga a le PSC mo le faamutaina o le galuega a se tasi. E tãua tele le mataupu ua laga, ma ua mafua ai ona matua mataitu ma vave ona faagaoioi o faamanuiaga tau faamavaega a le aufaigaluega.
20. Na lē mafai e le au suetusi ona faamaonia faamanuiaga tau le faamutaina o galuega na faia i nisi o tagata faigaluega ua faamuta galuega, talu ai ona o le tulaga lē atoatoa ona faatumu o pepa TY15s na faagaoioia ai le faamutaina o a latou galuega. O atugaluga ma fautuaga a le au

suetusi ua faamauina ma faautagia, ma o le a faamautinoa e le Matagaluega mo Tupe Maua o kopi uma o pepa TY15s e failaina e le Matagaluega ia maea lelei ona faatumu ma ia i ai faatasi ma pepa aloaia e lagolago ai lea mataupu. O le faiga masani i le taimi nei e faapea o pepa TY15s uma e aofia ai le faamutaina o le galuega, e faasee atu i le Ofisa autu o le Vaega o Punaoa Tau Tagata Faigaluega mo le faamaoniga ma le siakiina, a o le i faaoo atu i le Matagaluega o Tupe.

21. E leai se lisi o aso malolo na saunia mo tagata faigaluega i le Vaega o Auaunaga Tau Tiute, mo le tolu tausaga o sueina nei faasuetusi. Ua maea ona siakiina e le Vaega o Auaunaga Lautele o api saina uma mo le tausaga faaletupe 2011/12 ma ua maea ona fetuunai o pepa o aso malolo/aofaiga o aso malolo e agavaa i ai, mo tagata faigaluega uma. O le taimi nei foi ua faapena ona faia o siaki o api saina i le tai-lua vaiaso mo le faamoemoe o le tuuina atu o lisi o aso malolo i vaega uma. O lea faiga o le a mautinoa ai ua tuulata mai faamaumauga o aso malolo a le Matagaluega ma faailoa atu foi i tagata faigaluega o a latou aso malolo e agavaa i ai, i ia taimi. O le taimi nei, ua tuufaatasia lipoti o lisi o aso malolo mo masina taitasi.
22. E i ai ni aseta e le i tuuina i ai ni numera po o ni faailoga faapipii e iloa ai. E le i mafai ona maua e le au suetusi numera e iloa ai e faailoa ai le Vaega o lo o i ai o lea aseta faapitoa. O lea atugaluga ua faapea ona faautagia e ala i le lesitalaina o aseta i le taimi lava e maua ai e vaega taitasi, ae faapena foi i le faatinoina o le faitauga o aseta tumau i tausaga taitasi, ina ia faamautinoa ai le faanumeraina lelei ma faamauina o lo o i ai aseta uma.
23. E i ai pepa TY76 mo le utuina o penisini o taavale e lē atoatoa faamatalaga auiliili o tusia ai. O lea tulaga na mafua ai ona lē maea ona faatino o se iloilogaga auiliili i le faaogāina o penisini ma tupe faaalu ai. Ua faatino e le Vaega o Auaunaga Lautele o gaoioiga talafeagai e faamautinoa ai le tausia lelei o pepa aloaia e lagolagoina ai pepa faatumu mo le utuina o penisini, mo le faamaoniga a le au suetusi. Ua maea nei ona galulue le Vaega o Tupe ma le Pulega Faafoe i le faaatoatoaina o pepa TY76 uma, a o le i toe utuina taavale, ma ua faamautinoa ai le atoatoa ona faatumu o pepa mo le okaina o penisini.
24. E le i saunia e le Matagaluega o se tusi laitiiti o faamaumauga eseese tau tupe ma se auiliiliga faatusatusa tau tupe mo le Poloketi o le Faamalosia o le Faalapotopotoga i le tausaga faaletupe 2010/11. Ua faamauina ma faautagia le atugaluga o le au suetusi. Ua maea ona faatino e le Vaega o Auaunaga Lautele o gaoioiga talafeagai e faamauina ma auiliili ai faatusatusa tupe totogi uma o le Poloketi o le Faamalosia o le Faalapotopotoga, e pei o le faaogāina o le polokalame faakomepiuta (Excel spreadsheets) (e avea o se tusi laitiiti o faamaumauga tau tupe) mo le faamauina o galuega o le poloketi, ae faapea foi le faia o lipoti tai masina e tuuina atu i le Pulega, e tusa ma le faaogāina o la latou tupe o le paketi, ae faapena foi lipoti e tuuina atu i le Matagaluega o Tupe e fesoasoani ai i le lagolagoina o tupe totogi.
25. Na tulai mai o le tulaga o itu ua lē mafai ona ausia ma faiga e lē talafeagai mo tausaga uma faaletupe o sueina faasuetusi. O lo o faia e le Matagaluega le iloilogaga ma tuulata mai faamatalaga i ana fuafuaga ua faataatia e ausia ma ana faiga e ausia ai, i tausaga taitasi, e faamautinoa ai o ia fuafuaga o lo o talafeagai, ma e mafai ona tino mai ma i ai foi ma ni luitau. O fuafuaga e ausia ma faiga o lo o faapea ona faataatitia ia ogatasi ma taiala ma sini faataatitia o le Fuafuaga Autasi a le Matagaluega. O lo o taumafai pea le Matagaluega mo Tupe Maua i le mea e gata ai le mafai, ina ia ausia o ana fuafuaga faataatitia, ma o le tele lava o ia itu ua faapea ona ausia. E ui i lea, e i ai nisi o fuafuaga ua lē ausia, ona o nisi lamatiaga ma itu tāua ua lē oo i ai le malosi faafoe a le Matagaluega.

Tina ma Tamaitai, Atinae o Nuu ma Afioaga ma Agafesootai

Tausaga Faaletupe na Sueina Faasuetusi: 1 Iulai 2008– 30 Iuni 2011

Sailiiliga Faasuetusi

1. O le potu teu oloa i le ofisa i Savaii, ua lē mafai ona lokaina, ma e mafai lava e so o se tagata ona ulufale i ai. O le a faia vave se fuafuaga i le loka mo lea potu i Savaii.
2. E i ai se tupe teu i le faletupe e \$400.50 na tuai ona teuina i le aso 26 Me 2010 i le tausaga faaletupe 2009/10. O se vaega o se tupe totogi o se aitalafu i le Vaega a le Au Lomitusi. Sa lokaina le tinoitupe i totonu o le kapeneta o faila, e faatali ai le totogi uma o le aitalafu, peitai sa leai lava o se isi tupe totogi na faia, ma na iu lava ina faarisiti i le aso 25 Me 2010. E ui na tulituli lenei aofaiga, na faia se faaiuga ua tataua ona teu i le faletupe le tinoitupe e ui lava ina ua tuai tele.
3. Na matauina o se teugatupe e \$2,078.28 na tuai teuina i le faletupe i le tausaga faaletupe 2009/10. O lea mataupu e mafua mai i se vaivaiga i le faiga o risiti i le Matagaluega o Tupe ma ua maea ona faatalanoaina lea mataupu ma le aufaigaluega talafeagai.
4. O le aoina o tupe i le Vaega Lomitusi sa tagofia lea e se tagata faigaluega togiaso e feagai ma le sainia ma tuuina atu risiti ma faaoo atu le tinoitupe i le Vaega o Auaunaga Lautele. O le a tuuina atu i le Komisi e Pulea Tagata Faigaluega a le Malo mo le faamaoniga o se fuafuaga mo le faavaeina o se tulaga tofi o le tali tupe mo le Matagaluega ua faataoto nei.
5. O le paleni o aitalafuta nofo aitalafu ua lē mafai ona faamautuina ma lē mautinoa, talu ai ona o le leaga tele o faamaumauga tau tupe ma auiliiliga faatusatusa o tupe, i le va o tusi o faamaumauga o tupe a le Matagaluega ma le Polokalame Tau Tupe Faakomepiuta. E i ai paleni amata ua tuuese mo nisi o tagata nofo aitalafu ae o le Polokalame Tau Tupe Faakomepiuta e le i tuulata mai ona faamatalaga i gaoioiga faapisinisi ua faia e oo mai i le taimi nei. O auiliiliga faatusatusa o tupe ua faapea ona amatalia ona faatulaga e ui lava ina o lo o maua i lipoti o le faiga o faamatalaga tau tupe o tupe maua, o ni faamatalaga utiuti, e avanoa ai le faia o se auiliiliga faatusatusa o tupe i se tulaga o tupe maua, e le o maua ai ni faamatalaga auiliili atoatoa ia e tūa mo le faia o se auiliiliga faatusatusa o tagata nofo aitalafu ma o lenei mataupu ua avea ma galuega faaalu taimi. O atugaluga nei ua laga i le Matagaluega o Tupe ma le faamoemoe o le a mafai ona faatino o gaoioiga talafeagai e foia ai o lenei mataupu.
6. Sa i ai se tupe totogi na ova e \$3,104 na totogi atu i se tagata sa faigaluega muamua i le Matagaluega. E ui ina o le faamavaega na aloaia i le aso 17 Aperila 2009, ae o lona totogi faatoa taofia i le aso 31 Me 2009. O le totogi mo lea tamaitai faigaluega na taofia e le Matagaluega o Tupe i le tuanai ai ona maua o le pepa TY15 e faamutaina ai lana galuega. Peitai, na toe laga e le aufaigaluega fai totogi, le numera a lea lava tagata faigaluega, ina ua faagaoioia o ana faamanuiaga tau le faamavaega lea sa ia mauaina i se isi aso mulimuli ane. O le mafuaaga lea o le faaauau pea o le totogiina o lona totogi, la lea na mafua ai o le tupe totogi ua ova e pei ona taua.
7. E i ai aso malolo mo nisi o tagata faigaluega sa le faamauina i a latou pepa malo o faamauina ai aso malolo, ae peitai sa makaina i totonu o api saina. Ua faamauina ma faautagia o atugaluga ma fautuaga a le Au Suetusi.
8. E i ai api saina na misi po o ua leiloloa mo le Vaega o Suesuega ma Faiga Faavae, Fuafuaga ma Tualumaga o Faamatalaga, ma ua lē mafai i le suega o tusi ona faamaonia o aso malolo mo

nei tagata faigaluega uma mai le aso 1 Iulai 2008 i le aso 30 Iuni 2010. O le api saina mo le lava vaega ua leiloa ma e tusa ai ma le faamatalaga a le Ofisa Sili Lagolago o Pulega mo le lava Vaega, na tupu mai lea faaletonu mai le taimi na fesiitai ai le aufaigaluega mai le ofisa tuai i le Fale o le Malo, i le ofisa fou i Sogi. A manatu i nofoaga eseese mo Vaega eseese a le Matagaluega, e tausia lava e vaega taitasi o la latou lava api saina, i lalo o le vaavaaiga a la latou Ofisa Sili Lagolago o Pulega. O lo o taumafai pea Ofisa Sili Lagolago o Pulega ma le aufaigaluega a vaega o aafia, e tau saili api saina o lo o misi, peitai ua lē faamanuiaina la latou sailiga.

9. E i ai aso malolo ma'i ma aso malolo faaletausaga sa fesui ai le faaaogāina mo nisi o le aufaigaluega. Ua maea ona faatulaga lelei o ni faiga e faamautinoa ai o le a lē toe tulai mai o lenei mataupu i le lumanai. O lea ua tuulata mai faamaumauga o pepa malo mo aso malolo, ma ua faaaogāina ai le api saina mo ia faamaumauga ua faia i vaiaaso taitasi.
10. E i ai aseta na misi ua lē mafai ona saili i nofoaga na faamauina ai i totonu o le tusi lesitala. Ua faamauina ma faautagia le atugaluga ma fautuaga a le au suetusi.
11. E i ai aseta e le i faamauina i le tusi lesitala ae o isi aseta na i ai faailoga faapipii e iloa ai, ae na faigata ona iloa lelei. O nisi aseta na makaina, sa faaaogā ai numera a le Matagaluega tuai o Tupulaga Talavou ma Aganuu ma le Matagaluega o Mataupu Tau le Lotoifale, a o le i tuufaatasia ia Matagaluega i le tausaga 2003. O aseta lava ia na toe faanumera ina ua uma ona tuufaatasia Matagaluega nei, peitai sa vavae ese o ia aseta mai le tusi lesitala. Ua tuulata mai faamaumauga o le tusi lesitala o aseta, e faamauina ai o aseta uma o lo o misi.
12. E i ai nisi aseta i le tusi lesitala ua tataua ona faalēaogāina, talu ai ona ua le o toe talafeagai ona faaaogā i tulaga o lo o i ai nei. Ua faatulaga e le Matagaluega o se faiga faalotoifale, e faaaogā ai se pepa faatumu e taua "pepa faatumu e faaliliuina atu ai aseta" mo vaega uma ina ua faatumu ma auina atu i le Vaega o Auaunaga Lautele mo so o se faaliliuina atu o aseta po o aseta o le a faalēaogāina. O lenei pepa faatumu e le i matua atoatoa ona faaaogā e maua ai o faamatalaga manaomia mo le tuulata mai o faamaumauga o le tusi lesitala o aseta ae faapena foi i le faagaoioia o aseta e faalēaogāina i se faiga talafeagai ma le taimi, ae o le a faaaau pea ona faamalositia lona faaaogāina mo le faaleleia atili.
13. E foliga mai o le tusi lesitala o aseta ua na o aseta i aofaiga tetele o faamauina ai e pei o masini lomitusi, ma masini komepiuta, ae ua lē aofia ai meataitasi o vaega faaopoopo laiti e pei (mouse ma keyboard) o vaega uma ia o masini komepiuta. O keyboards o komepiuta e faailoa i faailoga faapipii pe a maua mai seti atoa o komepiuta ae lē faailogaina (mouse) ona e faale-tāua tele lona tau aogā.
14. O le teuina o oloa e mafai ona lafoai e pei o vaitusi o masini lomitusi, mea fai-ti, pepa faapitoa mo tusi faamaonia e le o lokaina i le kapeneta mo faila o i totonu o le ofisa o le Ofisa Sili Lagolago o Pulega a le Vaega o Suesuega, Faiga Faavae ma Fuafuaga, e pei ona faia e isi vaega uma taitasi. E mafai lava ona maua o le avanoa o so o se tasi o le aufaigaluega i nei oloa, pe a ulu atu i totonu o le ofisa. Ua faamauina ma faautagia atugaluga ma fautuaga a le Au Suetusi.
15. E le o umia e Vaega taitasi ni tusi lesitala mo oloa e mafai ona lafoaia, aemaise ai o oloa e aumai i aofaiga tetele e pei o pepa/tusi. O le Vaega o Auaunaga Lautele ma le Vaega o Mataupu Tau le Lotoifale o lo o latou faapea mai sa masani ona latou tausia tusi lesitala, ae ua le o toe faia lea galuega i le taimi nei. O le toatele lava o vaega o lo o teuina a latou oloa tau pepa i totonu o kapeneta mo faila o lo o lokaina i totonu o ofisa o Ofisa Sili Lagolago o Pulega e ui lava ina e le o tausia ni tusi lesitala.

16. O le taavale laisene MWCD08 ua sili atu i le tausaga o i ai pea i le inisinia na ave i ai e fai. O lea taavale o lo o lelei lava le tulaga o i ai ma na fautua mai le inisinia e na o se tane vai fou o lo o faatali i ai mo le taavale. E le i faia lava la se gaoioiga a le Matagaluega i lea taavale. Na faaauau pea ona tulituliloa e le Matagaluega le inisinia i le tulaga ua oo i ai galuega toe faaleleia mo le taavale, ae na logo mai e le inisinia e faapea e le i maua mai lava totoga o le taavale na okaina. Ua faafoi mai le taavale i le Matagaluega ina ua maea galuega toe faaleleia, e aofia ai le faapipiina o totoga fou, ma o le mafuaaga lena o le tuai ona faatino lea galuega.
17. E i ai lipoti ma faaputuga o pepa e totogi ai tupe na leiloloa mo le tausaga faaletupe 2008/09. Ua faamauina ma faautagia atugaluga ma fautuaga a le au suetusi.
18. Sa matauina le tulaga maualuga tele o le faaaogāina o le initaneti. E mafua lea tulaga ona o le faatamala o po o le leai o se galuega faafoe o faatinoina e le Tagata tekinisia i le Initaneti e mataituina ai le faaaogāina o PCs a le aufaigaluega uma. Faatoa maua e le Matagaluega le faiga e faafoe ma vaavaaia ai le faaaogāina o le initaneti e taua o le "Watchguard" i le faaiuga o le tausaga faaletupe 2011/12, ina ia avanoa ai le Tagata e pulea le faiga lea (Watchguard) e mataitu ai le faaaogāina o le initaneti e le aufaigaluega uma. Sa faigata lava ona faagaoioi o se faiga faafoe tutotonu e mataitu ai le faaaogāina o le initaneti, pe a manatu i le telē o le vaega o oo i ai le malosi o le faiga faakomepiuta o i ai nei. O lo o faagaoioia masini PC a tagata taitoatasi o faaaogāina komepiuta, i se faiga e tutoatasi lava. O le okaina ma maua o le masini fou o le 'Komepiuta Autu' i le agai atu i le faaiuga o le 2011, ua matou avanoa ai e faatino o le faiga e faafoe ai ma vaavaaia e pei o le masini 'Watchguard'. E le o mafai ona faaaogāina atoatoa o lea faiga faafoe, talu ai ona o itu faatapulaaina o le tele o masini komepiuta e le o fetau ma le masini fou o le 'server'. Ua faamoemoe le Matagaluega e faaaogā le faiga faafoe lea i lona malosi atoatoa, i se taimi vave lava e mafai ai pe a maea ona faatulaga ma faagaoioi le 'network system'. O le leai o se faiga faafoe a le Tekinisia o le Initaneti e mataitu ma vaavaaia ai le initaneti, ua faapea ona tuuina atu ai i Ofisa Sili Lagolago o Pulega le matafaioi o le faamautinoaina le vaaiga lelei o le faaaogāina o le initaneti ma o se mataupu foi e laga pea lava i le tele o fonotaga a le Pulega.
19. Na matauina le tele o le faaaogā o valaau telefoni i telefoni feaveai mai lina telefoni masani, aemaise o lina telefoni mai Savaii. E i ai nisi valaau telefoni i telefoni feaveai e oo atu i le 40 minute. O le faiga faavae o i ai nei, o lo o polokaina ai valaau telefoni i lina telefoni a le Ofisa e vili ai numera o telefoni feaveai, seia vagana lina telefoni tuusao a le Ofisa Sili o Pulega ma le Ofisa Sili Lagolago o Pulega, faapea lina telefoni i ofisa i Savaii. O valaau masani i numera o telefoni feaveai o faaaogāina ai lina telefoni i le Ofisa i Savaii a o faagasolo le vaitaimi o lo o taua, na faatino ia valaau ona o le toatele lava o a matou paaga i nuu i tua (Sui Tamaitai ma Sui o Nu) e faatoa mafai lava ona fesootai i ai e ala i telefoni feaveai ma o le auala vave lea o fesootaiga. O le a faaauau pea ona mataitu lelei le soona faaaogā o telefoni aemaise lava o valaau e patino i le tagata lava ia, e sili atu i lo le 10 minute e faia ai.
20. E tele lava tupe e le i totogiina e mafua mai i pili o le faaaogāina o auunaga ua leiloa po o fea na teu ai. O lea itu ua faatupulaia ai le maualuga o tupe faaalu i pili o le eletise ma le vai. O lo o faaauau pea e le Matagaluega ona saili o ni auala e foia ai lenei mataupu o pili ua leiloa po o fea o teu ai po o pili ua leiloloa lava, ua faapea ona taunuu ai i le faatupulaia o tupe e le i totogiina. Na talosagaina le EPC ma le SWA ina ia auina atu tuusao i masina taitasi o pepa e totogi ai pili o le eletise ma le vai, i le Vaega o Auunaga Lautele mo le faagaoioia ae le o le auina atu o ia pepa aloaia i vaega e fitoitonu i ai. O lea faiga ua siitia ai i se tulaga lelei le faagaoioia, aemaise mo Ofisa i Upolu, a o le Ofisa i Savaii o lo o faagaoioia pea i le faiga faafoe tuai, ma o lo o i ai mataupu i lea fuafuaga, e ui lava ina ua maea ona faia talosaga i pulega eseese ia ua taua.

21. O se mataupu na tulai mai i le aso 22 Mati 2011 e uiga i le faaleagaina e le avetaavale a le Matagaluega o le faitotoa i le itu o le pasese o le taavale, o ia lea ua avea nei ma avetaavale a le Matagaluega o Faamasinoga ma Pulega Tau Faamasinoga. O le toe faaola mai o le tau o le faaleagaina o le faitotoa o le taavale, mai tupe e toesea mai le totogi o lea tagata faigaluega, e le i faataunuuina lava. O le lipoti o le suesuega o lea mataupu na faaoo mai e le Matagaluega o Tupe, faatasi ai ma le fautuaga mo se vaega tupe e toesea mai le totogi o le avetaavale, na faapea ona auina atu i le Matagaluega o Faamasinoga ina ia faatino loa. O lo o tuliloaina pea e le Matagaluega o lenei mataupu, i le Matagaluega o Faamasinoga pe ua faataunuu le toesea o se vaega tupe mai le totogi o lea tagata faigaluega.

Galuega, Felauaiga ma Atinae Eseese

Tausaga Faaletupe na Sueina Faasuetusi: 1 Iulai 2011– 30 Iuni 2012

Sailiiliga Faasuetusi

1. E i ai tusi o le kiliaina o pasese o vaa na lē mafai ona maua. O le tele o nei tusi sa tuuina atu mo le uafu i Salelologa. O le tusi lesitala mo tusi o le kiliaina o pasese na teuina e le Vaega o le Gataifale, na faailoa ai o aso na tuuina atu ai o nei tusi. Ma o tusi uma nei ua lē maua po o ua leiloloa, e faasino i le tausaga faaletupe o lo o iloiloaina nei e le au suetusi. Ua ioeina e le Vaega o le Gataifale, le tulaga e ono tulai mai o le leiloa o nei tusi mo le kiliaina o pasese, ona o mafuaaga e pei ona taua. O le fesiitaiga o le Matagaluega (MWTI) i totonu o le 12 masina, na tele ai le fesiitaiga ma le toe faatulagaina o meafaigaluega a le Ofisa, e aofia ai meafaitino ua faaaogā. Peitai, e tusa ai ma faatalatalanoaga ma la outou vaega, o kopi lona lua o nei pepa o kilia o pasese o vaa, e mafai lava ona maua uma i faamaumauga a le Ofisa o le Tiute ma e mafai lava ona maua e aunoa ma se totogi pe afai e manaomia mo so o se faamoemoe.
2. E i ai tusi o le kiliaina o pasese a vaa e le i lesitalaina ma siaki le faitauga i le tusi lesitala sa teuina talu ai e le Vaega o le Gataifale. O le tusi lesitala fou ua teuina i le taimi nei e le Vaega o Auaunaga Lautele, e aofia ai le tausaga faaletupe 2012/13. O tusi nei e le i lesitalaina e aofia ai tusi e le i faaaogāina, o tusi ua maea ona faaaogā, ma tusi e le i faamauina (tusi ua leiloloa). O tusi e le i faaaogāina ma tusi ua uma ona faaaogā sa silasila i ai ae peitai e le i faamauina i le tusi lesitala. E lē gata i lena, ae e 23 tusi o le kiliaina o pasese i totonu o le atunuu, ia e le o mailoa pe sa lesitalaina pe na teuina foi i nofoaga eseese talafeagai. O tusi nei e 23 e mautinoa lava e le i siakiina ma faitau aloaia, pe a fua atu i le tulaga o le lē mafai ona faamaonia e le au suetusi pe o nei tusi sa faaaogā e le Matagaluega pe leai foi. A o lumanai ai le faaliliuina atu o le tusi lesitala o tusi o le kiliaina o pasese i le Vaega o Auaunaga Lautele, o tusi uma lava o le kiliaina o pasese sa teuina ma vaavaaia e le Tagata Asiasi Sinia o le Saogalemu. O le tulaga tofi lea sa avanoa talu mai le masina o Oketopa 2011, ina ua faamavae le tagata ofisa sa i ai. Ina ua faatumu o le avanoa lea i le aso 26 Mati 2012, na faaaauau pea e le tagata o galue ai i le tofi, ona tuuina atu o tusi o le kiliaina o pasese ia sa totoe ma ina ua faatino o le faaliliuina atu o ia tusi i le Vaega o Auaunaga Lautele ia Aukuso 2012, e pei ona fautuaina i sailiiliga a le Au Suetusi mo le tausaga faaletupe 2010/11.
3. O tusi o le kiliaina o pasese, e le i tuuina atu i se faasologa talafeagai lelei, e tusa ai ma vaavaaiga o tusi i le itu tau tupe. O atugaluga ma fautuaga a le Vaega Suetusi ua faamauina ma ua faautagia.
4. O le vaega tele lava o tusi o le kiliaina o pasese sa okaina mai i lena kamupani e leai ni a latou numera o faasologa. Ua faamaonia mai e le Vaega o le Gataifale e faapea o le Ofisa Lomitusi a le Malo, sa le o toe faagaoioia mo se vaitaimi. O le filifiliga lea na avanoa i lea taimi, ona o tulaga faanatinati o manaoga o le Matagaluega.
5. E leai se faasilasilaga e tatau ona maua o se risiti aloaia e so o se tasi e totogiina se tupe i le Matagaluega mo so o se auaunaga na faatino po o ni oloa maua mai i le Matagaluega. O le popolega i le lē tāpāina o se risiti, o le maua ai lea e le tali tupe o le avanoa e lē faamauina le tupe totogi i le tusi resiti ae faaaogā o ia tupe mo lona lava lelei. O le faasilasilaga faalauiloa e pei ona fautuaina ua maea ona faatino. O lo o faatalitali pea i le talosaga na tuuina atu i le Matagaluega o Tupe, mo le fausia o se ofisa talafeagai.
6. E maualuga se tulaga e ono tulai mai i le tuuina atu o tusi faamaonia o pemitā o fale (BPC) e aunoa ma le totogiina o so o se tupe totogi e le tagata o faia i ai le auaunaga. O le numera o le PBC na tuuina atu e le Vaega o le Pulega o Aseta ma Fale, e le i faamauina i le tusi lesitala,

ma o le tele o numera o risiti na faamauina i luga o BPC e lē tutusa ma numera o risiti i le tusi lesitala. O le lē faamauina o le numera o le PBC i le tusi lesitala ua faigata ai ona iloa mautinoa pe na tuuina atu o so o se BPC e aunoa ma se tupe totogi. O le Tusi Faamaonia o le Pemita o Fale e le o faamauina i le Tusi Lesitala o Pemita a le Vaega o lo o faamauina pemita uma ia sa tuuina atu e pei ona faamaonia e le Ofisa Sili o Pulega. I le faagaoioiga o se talosaga mo se pemita o fale, o le BPC o le pepa aloaia mulimuli lea e ao ona faamatuu atu i le tagata o faia i ai le auaunaga ma o le ala lea e lē mafai ai ona tuuina atu e aunoa ma le totogi o le tupe. I lea tulaga, ua faapea ona faamauina ai le numera o le risiti i luga o le Tusi Faamaonia o le Pemita o le Fale (BPC). Ua na o le Ofisa Sili o Pulega (po o le Sui Ofisa Sili o Pulega) tagata ofisa faatagaina e faamaonia ma latou tuuina atu o ia BPC, ina ua faaoo uma mai o faamatalaga tāua e manaomia. E tuuina atu e le Matagaluega o se pepa inivoisi pe a talosagaina e na o se tagata faipisinisi o faia i ai le auaunaga po o isi Matagaluega a le Malo ma e faatoa faamaonia le BPC, ina ua maua mai o tupe totogi o nei inivoisi ma faarisitiina ina ia faapea ona faamauina ai le numera o le risiti i luga o le Tusi Faamaonia o Pemita o Fale (BPC).

7. E i ai nisi o tupe maua a le Vaega o Vaalele Sivili e ono mafai ona maua mai auaunaga tuuina atu e pei o le sueina o tusi ma siaki faafuasei e pei ona taua i lalo o Tulafono Faatonutonu o Vaalele Sivili 2000, sa lē aoina e tagata o faia i ai le auaunaga. O le a taumafai le Vaega o Vaalele Sivili e aoina o nei totogifuapauina e pei ona faatulagaina i lalo o Tulafono Faatonutonu o Vaalele Sivili 2000.
8. E i ai nisi o tagata faigaluega ua faamavae ae sa maua lava o latou totogi. O nisi o totogi na ova ona totogi atu i nisi sa mafai ona toe faaola mai. E tusa ai la ma paleni o tupe totoe e tatau ona toe faaola mai, e tatau lava ona maua mai o ni faamatalaga mai le PSC ma le Matagaluega o Tupe e faamalamalama ai lea mataupu, talu ai ona sa tuuina atu muamua lava o pepa aloaia e faagaoioia ai faamavaega a tagata faigaluega, o lo o i ai faatasi ma aso e aloaia le faamavaega, e pei ona taua e le Matagaluega o Tupe ma le PSC. O lenei mataupu sa laga i Fonotaga a le Au Tausi Tusi ma Vaega o Punaoa Tau Tagata Faigaluega, a le PSC ma le Matagaluega o Tupe.
9. E leai se faamaumauga o aso malolo ua aveina e le aufaigaluega ma e leai foi ni faamaumauga i luga o pepa malo mo aso malolo. O le amata faailoa mai o le faiga fou faakomepiuta e faafoeina ai aso malolo o lo o pulea ma vaavaaia e le PSC ma le Matagaluega o Tupe, o se tasi lea o mafuaaga ua lē tausia ai o nei faamaumauga sa tusitusia, na iloa ai o faamatalaga uma ma paleni o aso malolo na i ai i lea taimi e tuuina atu i le PSC.
10. O le tele lava o aseta i le tusi lesitala o aseta e leai ni tau ma aso na faatauina mai ai. O faamaumauga foi o tau o aseta, e le o faia i se tulaga e faifai pea i taimi uma. E i ai nisi aseta o lo o aofia ai i le tau o le Lafoga VAGST, ae o isi aseta e leai ni lafoga faapea o aofia ai. O aseta la nei sa okaina ma maua mai tausaga ua tuanai, ia ua maea ona sueina faasuetusi. O tau mautinoa la ma aso na mauaina ai, ua lē mafai ona faailoa mautinoa. E tatau ai ona toe silasila i tali atu a le au suetusi i le suega o tusi a le Matagaluega na faatino i tausaga ua mavae. O le faatinoga o le Ata Faataitai Faataatia mo Aseta (Asset Module) lea o lo o taulamua ai le Matagaluega o Tupe, o lo o ua i ai nei i lona laasaga mulimuli ma ua mafai ai e le MWTI ona maua o le avanoa ma faaaogāina ai o lea faiga fou. O le taimi nei o lo o ua tuulata mai faamatalaga o le tusi lesitala o aseta ma ua tausisia atoatoa foi o Taulumaga ma Taiala a le Malo mo le okaina o aseta/olua fou.
11. E lima fata teu oloa na faatauina mai ae le i faanumeraina ma faamauina i totonu o le tusi lesitala o aseta tumau. O meataitasi na faatauina i lalo o se vaega tupe faapitoa sa faaaogāina/faamauina i lalo o se isi vaegatupe e ese ai. O le suetusi faalotoifale a le Matagaluega ua na o ia lava le tagata o i ai le lisi o aseta i le tusi lesitala, ma o ia lava e patino

i ai lea matafaioi mo aseta tumau uma a le Matagaluega. O aseta fou ua lipotia (e na o le lima fata e talaloa mo le potu o faamaumauga tuai e le i faanumeraina ma lesitala, sa faapea ona faatauina mai i totonu o le tausaga faaletupe 2012/13 o faagasolo nei. O ia aseta na mafai ona silasila i ai ma ua faailogaina i le faagasolo ai o asiasiga faasuetusi.

12. E i ai lisi o oloa tau pepa po o oloa e mafai ona lafoai, sa tuuina atu muamua ae o le pepa inivoisi sa mauaina a o le i tuuina atu le pepa poloaiga e faatau ai oloa. Ua faailoa ai i lea tulaga le lē tausisia o faiga e faagaoioia ai ma taualumaga. Na faamalamalama mai e faapea e i ai nisi o oloa e mafai ona faamatuu mai muamua e Kamupani (aemaise o meataitasi laiti) e tusa ma ni manaoga faanatinati mai le Ofisa Sili o Pulega po o so o se tasi o Vaega. O lea faiga ua i ai faatasi ma le faamaoniga a le Tausi Tusi Autu po o le Ofisa Sili Lagolago o Pulega a le Vaega o Auaunaga Lautele, ae mulia'i ona faagasolo le faagaoioiga o le pepa poloaiga e faatau ai oloa. Na matauina e tele lava se aofaiga o tupe totogi na faatino i lea faiga. O le tele o oloa na maua i le Masina o Novema 2011 e oo ia Tesema 2011, sa okaina faapea, a o faagasolo le toe fesiitaiga o le Ofisa i le Fale o le TATTE. Na motusia fesootaiga tau komepiuta i le nofoaga sa i ai muamua lea sa alu ai le tolu i le fa vaiaso i le faatinoga. O pepa poloaiga e faatau ai oloa sa lē mafai ona faagaoioia, ona faia ai loa lea o se fetuunaiga lē tumau ma kamupani e maua ai oloa, ae na o oloa lava o manaomia faanatinati.
13. E i ai oloa tau pepa na okaina e le Matagaluega i taimi faalausosoo, ma oo atu ai ina ova le faaogā o tupe totogi i lo tupe fuafuaina i le tala o le tupe. O tulaga aliae mai na manaomia ai o lea faaopoopoga o pepa na okaina, na faatino ona ua lē maalofia o manaoga i ia taimi, e pei o le Toe Siitia atu o le Ofisa i le Fale o le TATTE, ma tapenaga mo le Faamanatuina o le 50 tausaga o le Tutoatasi o Samoa. E leai ni pepa a le Matagaluega mo malaga a taavale, e mataitu ai le faaogāina o taavale i aso taitasi, po o fea sa faaogāina ai. Ua faamauina ma faautagia o atugaluga ma fautuaga a le Au Suetusi. O le faaogāina o penisini mo le vaitaimi o iloiloia sa talafeagai lelei lava ma tupe fuafuaina i le tala o le tupe.
14. E i ai nisi taavale na faaogā e Ofisa Sili Lagolago o Pulega e le i toe faafoiina i le nofoaga e paka ai taavale a le Ofisa, i taimi ua tuanai itula faigaluega masani. O le faaogāina o taavale i itula ua maea galuega, e na o galuega lava faale-ofisa, ma sa faatagaina uma e le Ofisa Sili o Pulega, i le vaitaimi o suesueina e le au suetusi. Ua faapipiina atu le faatagaga o le faaogāina o taavale mo le faamaoniga o lea mataupu.
15. O se tupe totogi mo penisini e \$6,484.50 le aofai, mai le Matagaluega o Tupe, e faasino i le tausaga faaletupe 2011/12, sa faapea ona le i totogiina, ma e le i totogiina lava lea tupe. Ua faamauina ma faautagia le atugaluga ma fautuaga a le Au Suetusi.
16. E i ai o se siitaga tele i pili telefoni i le ono masina muamua o le tausaga faaletupe. Na faailoa mai i le Au Suetusi e faapea, o le tele lava o laina telefoni masani sa lokaina ma taofia ai le faia o so o se valaau telefoni e patino i le tagata ia, po o ni valaau i totonu lava o le atunuu po o ni valaau telefoni i atunuu mamao. Peitai, na matauina o laina telefoni uma i le Vaega o Auaunaga Lautele, e le i lokaina, ma e mafai lava e so o se tasi ona faia o sana valaau telefoni i so o se numera o telefoni feaveai. O le siitaga i le aofaiga o pili telefoni ia, e mafua mai i le tulaga maualuga o totogi faaee atu, aemaise ai o pili mo laina telefoni o i lalo o le teugatupe numera C110181. O tupe alu i telefoni ua ova atu le faaogā i lo tupe fuafuaina i le tala o le tupe. E leai ni fetusiaiga po o so o se suesuega na faia i nei valaau telefoni, o lo o teuina e le Matagaluega. O le evalesi o pili telefoni a le Matagaluega e i le va o le \$5,000-\$6,000 le aofaiga tau lalata i ai, peitai o le maualalo o le faaogāina e pei ona matauina, na mafua mai i le tuanai o le fesiitaiga o le ofisa i le fale o le TATTE, a o faagasolo lena vaitaimi. O telefoni uma sa motusia ma toe faatutuina i le nofoaga fou ma pe a ma le fa i le lima vaiaso na toe tau faaola ai o nisi o ia laina telefoni. Ua i ai nei le faiga faavae ua faataoto e faapea e na o Ofisa

Sili o Pulega faasolo atu ai i lalo i le Vaega o Ofisa Autu e mafai ona avanoa i laina mo telefoni feaveai, ona o le mafuaaga e faapea o le toatele lava o a matou tagata o faia i ai le auaunaga/po o le au faikonekarate e masani ona galulue i tua o ofisa, ae o le faaaogāina o telefoni feaveai, o le auala aupito sili lea ona vave ai o fesootaiga ma i latou nei. E le i silafia e le MWIT o lo o tatala pea ia laina telefoni feaveai, ae faatoa iloa lava ina ua uma ona faataitai e le aufai telefoni. Na taua e le Vaega o Auaunaga Telefoni a Lesa e faapea, atonu lava o se faaletonu tau telefoni na tulai mai a o faatino galuega toe faaleleia o telefoni.

17. O pili o le faaaogāina o le initaneti sa siitia mo masina o Iulai, Aukuso, Setema, Oketopa, Novema (2011) ma le masina o Aperila (2012). E i ai le faasiliga o faamaumauga na maua e faatatau i le faaaogāina o le initaneti mo na lava masina faapitoa ua taua. O tinoitupe lava na faaalu i ia pili ua ova atu le faaaogā i lo le aofaiga o tupe fuafuaina na faamaonia i le tala o le tupe. Ua faamauina ma faautagia o atugaluga ma fautuaga a le Au Suetusi.
18. O pili o le faaaogāina o le Initaneti mo le Ofisa Sili o Pulega ma lana Failautusi mo masina o Me ma Iuni 2012, sa totogi i lalo o le vaega tupe mo Galuega Lagolago tuuina atu i le Minisita ma le vaega tupe mo le Vaega o Auaunaga Lautele. E leai se faamaoniga aloaia na faapepaina peitai ua avea lava e faapea sa faamaonia i se faiga tuufofoga e le Ofisa Sili Lagolago o Pulega o le Vaega o Auaunaga Lautele. O lea tulaga sa faatino i le agai atu i le faaiuga o le tausaga faaletupe ia Iuni 2012; o nisi vaega tupe e lē lava tupe sa i ai, ona silasila lea o le Matagaluega i isi vaega tupe o avanoa e ono mafai ona totogi ai o nei pili mo le faaaogāina o le initaneti, ina ia faapea ona lē motusia pe afaina ai fesootaiga ma auaunaga tuuina atu mo le atunuu lautele ma ia faamautinoa ai foi le ausia e le Matagaluega o ana sini autu ma taunuuga o galuega fuafuaina, ia ogatasi ma talafeagai ma le tala o le tupe ua tuuina mai.
19. E i ai nisi o tagata na nofoia fale o le Malo ua o ese ma fale e aunoa ma le totogiina o a latou pili mo le vai. Ua taoto i le Matagaluega (MWIT) e totogi o ia pili, ae toe faaola mai ia tupe mai totogifuapauina o noataga. O lea gaoioiga sa faatino e le Matagaluega ina ia toe maua ai o nei tupe mai nisi o tagata na nofoia fale ae na o ese e aunoa ma le logoina o le Matagaluega.
20. E lua mataupu tau Lipoti o Tulaga Faaletonu na faasee atu i le Ofisa o le Loia Sili (AG) ina ia faatoai ai se tagi o mataupu tau le va o tagata, o lo o talia pea mo ni faaiuga. O nei Lipoti o Tulaga Faaletonu (IR) na faapea foi ona laga i le suega o tusi na faia talu ai. E leai ni faamaumauga aloaia o so o se galuega na faia e tuliloaina ai lea mataupu a le Matagaluega i le Ofisa o le Loia Sili, i le tulaga ua oo i ai ia Lipoti o Tulaga Faaletonu ma e faapena foi ona leai se tala mai le Matagaluega o Tupe. Ua faamauina ma faautagia e le Matagaluega o fautuaga a le Au Suetusi ina ia tuliloaina pea o ia lava mataupu.

Faalapotopotoga o Taii mo Faalavelave Tutupu Faafuasei

Tausaga Faaletupe na faaiuina 30 Iuni 2012

Sailiiliga Faasuetusi

1. O ponesi a le aufaigaluega na faamaonia e le Komiti Faatonu e tusa ma le talosaga na tuuina atu e le pulega ma sa faapea ona totogiina ia Tesema 2011. O le talosaga na faataatia atu ai ina ia totogi nei ponesi, talu ai ona e leai ni siitaga faaopoopo faaletausaga, ma o le a leai foi se fiafia i le faaiuga o le tausaga a le aufaigaluega, e pei ona faia e isi faalapopototoga. E ui lava ina ua faamatuu atu o le faamaoniga mai le Komiti Faatonu, sa matauina e lei mautu le faavae o lea faaiuga ona a e lei atagai ai se faiga tutusa mo le aufaigaluega atoa. O le faaaogaina o lea faavae e lei talafeagai ma lelei, talu ai ona sa maua uma faamanuiaga mo le aufaigaluega atoa e aunoa ma se auiliiliga pen a lelei le faatinoga o a latou galuega. Sa tatau i le Faalapopototoga ona faatino se iloilogia aloaia o galuega faatino a le aufaigaluega e avea ma faavae mo lenei mataupu ina ia tuutiitia ai tupe faaalu a le faalapopototoga. O ponesi a le aufaigaluega o taua i luga ua o se faiga e le toe faaluaina, ma i le faaiuga a le Komiti Faatonu, sa faapea ona silasila totoa ai i le aotelega o le faatinoga o galuega tauave a le Faalapopototoga i lenei tausaga ma le tulaga moni o le le agavaa o le aufaigaluega i aso malolo e faamaonia e le Komisi o le Aufaigaluega o Galuega a le Malo (Commission Holidays). O le fautuaga a le Suetusi ua faapea ona faamauina ma le agaga faaaloalo.
2. O le poloketi o le faatupeina ma le fausia o le fale o le Hai Komisi a Samoa i Kanepera ua faamutaina, ona o le tulaga faaleagaina o le fanua/vaega tonu na faamoemoe e fausia ai lea fale. E oo mai i le aso na faapaleni ai tupe, ua faapea ona tuuina atu e le Faalapopototoga ma totogi se vaega tupe o lo o atagia i Galuega o lo o faagasolo pea (WIP) i lalo o le vaega o galuega faatino, o Meatotino, Masini ma Meafaigaluega. O le tele lava o nei tupe totogi na faia mo galuega tusi ata, ae o nei ata (designs) o le a le faaaogaina mo se isi poloketi fou, talu ai ona o eseese i le nofoaga, faaleleia o le fanua, ma isi tulaga faapena, ma le itu e ono tulai mai o nisi ata fou (new designs) o le a faapea ona manaomia. O le folasaga i le taimi nei ua tuuina mai e tusa ma nei tupe totogi o le tau, ua aumai e faapea o le Galuega o lo o faagasolo (WIP) ua le talafeagai, ona o tulaga ma mafuaaga e pei ona taua i luga. O lo o naunau pea le Pulega i le tagofia pea o le WIP seia aulia atu le tausaga faaletupe 2012/13, a o talia pea o faatalatalanoaga o lo o faaauau pea ma nisi vaega auai e pei o le Matagaluega o Mataupu Tau le Va i Fafo ma Fefaatauaiga lea o lo o faamoemoe le Faalapopototoga ina ia o latou toe faaola mai nei tupe. O le a faapea ona faia e le Faalapopototoga (ACC) o suiga talafeagai i ana faamatalaga tau tupe e pei ona fautuaina.
3. O lo o tausia e le ACC ma mata'itu o tusi o teugatupe i faletupe ma faamaumauga mo fanau e maua faamanuiaga mai tupe totogi o tauai mai le au-maliliu ua maea ona faatulaga tupe e maua. O lo o taofia e le ACC nei tusi o teugatupe ma e na o le Pule Sili lava e i ai le saina faatagaina faatasi ma saina a se matua po o se tagata o vaaia ma tausia nei tamaiti. O so o se tupe e toina i tua, e tatau ona faatagaina e le Pule Sili. O ia tupe sa totogi atu mai le Teugatupe a le ACC i le faletupe, ina ua maea ona faia o tauai (faamatuu atu mai le Vaega o Noataga o Taii Faaagaaga), ma faapea ona teuina i teugatupe i le faletupe a le tamaitiiti o maua faamanuiaga i tulaga tau maliliu. O lenei mataupu sa laga foi i le suega o tusi talu ai, ma faia ai se faaiuga e faapea, o le a lava ma atoatoa o se faamatalaga i le Lipoti faaletausaga e faatatau i teugatupe tausii faamavaega o faafoeina e le ACC. O le a faapea ona faia e le ACC o suiga e pei ona fautuaina.

Faalapotopotoga o Tau mo Faalavelave Tutupu Faafuasei

Suega Faavaitaimi: 1 Iulai 2011 – 28 Fepuari 2012

Sailiiliga Faasuetusi

1. E iai eseesega na matauina i luga i nisi o pepa totogi oloa (invoice) ma pepa talosaga oloa (purchase order). E le i ai foi ni suiga i aofaiga o oloa sa okaina. E iai isi oloa sa toe faafoi ao isi e le lelei tulaga o le pepa kaponi sa faaaogaina e le o manino ai le ata o lo o teuina mo faamaumauga a le Ofisa.

Faletupe o Atinae o Samoa

Tausaga Faaletupe na faaiuina 30 Iuni 2012

Sailiiliga Faasuetusi

1. Na matauina e iai ni vaega autu sa lei aofia i totonu o taiala mo faaunegatupe. Sa fautuaina le Faletupe e tatau ona tuulata mai faamatalaga o taiala mo faaunegatupe. O lo o galulue nei le Pulega i le faia o se Tusi Taiala o faaunegatupe e tuufaatasia ai faiga faavae uma ma taualumaga. O le a aofia ai foi faiga faavae e faatatau i vaitaimi saoloto e aunoa ma ni tului, ma tului e faaee atu a o faagasolo vaitaimi saoloto e aunoa ma ni tului, ma o le a tuufaatasia ai faaletulafono mulimuli ane i totonu o maliega o faaunegatupe.
2. E i ai nisi nonogatupe sa faamatuu atu e le Faletupe e aunoa ma le tausisia o aiaiga e pei o aofaiga o tupe e mafai ona totogi i faamalumaluga ma nisi o fua faatatau faatusatusa mo aitalafu. Ua matou malamalama o lo o faia pea e le Faletupe (DBS) o faiga masani i le fuafuaina o nei fua faatatau faatusatusa ma e ono mafai ona tulai mai ai ni tulaga sese. O le le tausisia o aiaiga ma fua faatatau mo nonogatupe o se popolega ona o loo matauina le feagai pea o le Faletupe ma faafitauli i le tuliloaina o ana aitalafu mai le au fai nonogatupe. Ua faamauiina ma faautagia e le Faletupe tulaga na mata'ituina ma fautuaga a le suetusi mo itu uma e faaleleia. O lo o ua iloiloaina i le taimi nei le polokalame faakomipiuta o le LMS ma o polokalame fou faataitai o le a faapea ona amatalia ona faaogā i se taimi e le o toe mamao. O le tau o nei polokalame fou e ao ona silasila totoa i ai, faatusatusa i le faiga masani tuai o le fuafuaina o fua faatatau.
3. E tusa ai ma le matou sailiiliga i luga o le polokalame faakomipiuta o loo faaogaina mo le faamauiina o nonogatupe, na iloa ai e le o faaogāina e le Vaega o Nonogatupe ma le Vaega Tau le Puleaina o Faamatalaga, o vaega uma o le polokalame LMS, peitai pe tusa ma le 56% o nonogatupe o lo o i ai paleni tuua, e lē lava ni faamalumaluga o faamau ai, ina ia mafai ai e le Faletupe ona toe faaola mai ana tupe pe afai o nei nonogatupe o le a faavasegaina o ni nonogatupe e laiti le faatulagaga po o le vaega o aitalafu ua lē mafai ona toe totogi mai. E tatau i le Vaega o Nonogatupe ona faamautinoaina o faamatalaga o lo o tuuina atu o loo lelei ona faamauiina e le Vaega o Pulea Faamatalaga, ma e tatau foi ona tuulata mai faamatalaga i le polokalame o le LMS e tusa ma taimi fuafuaina, e alofia ai ni eseese e ono tulai mai. Ua faamauiina ma faautagia e le DBS o tulaga na mata'ituina ma fautuaga a le suetusi mo itu uma e faaleleia. O le taimi nei ua mafai e le Polokalame LMS ona tuuina atu i aso taitasi o Lipoti i le Tausiga o gaoioiga uma faapisinisi e faatulai mai a o faagasolo galuega o le aso, lea o lo o faaogāina e Tagata Ofisa mo Nonogatupe e auiliili ma faamaonia ai le sao atoatoa o faamatalaga o tuuina atu mo nonogatupe. O leni lipoti ua avea lava o se mea faigaluega tāua tele e mataituina ai galuega a le Vaega o Pulea Faamatalaga ma le Vaega o Nonogatupe.
4. A o iloiloaina nonogatupe mo le tausaga o faagasolo nei, na matou matauina ai le tulaga o le talia gofie e le Faletupe o lipoti o le fuafuaina o tau aogā na faaoo atu e tagata o faia ai le auaunaga e ono mafai ona totogi nonogatupe. Ina ua fesiligia i lea faiga masani, o tagata ofisa na feagai tonu ma ia nonogatupe, na latou faapea mai, sa o latou fautuaina tagata o lo o tuuina atu ai le auaunaga ina ia saili mai tau aogā o a latou aseta mai le Matagaluega o Punaofa Faalenatura ma le Siosiomaga (MNRE), po o tagata e faia tau aogā o fanua ua filifilia e le Faletupe, peitai o le taofi o nei tagata o faia i ai le auaunaga, e faapea e tagata tele tagata e faia tau aogā o fanua o fautuaina e le Faletupe, ma o le itu lena na taliaina ai e le Faletupe o so o se lipoti mai so o se tagata e faia tau o fanua. Talu ai ona o le lipoti a le tagata e faia tau aogā o fanua ua na o se tau fuafuaina e talafeagai ma aseta, o le tulaga sao atoatoa o nei lipoti e noatia lava i le tele o faitioga. Peitai o le maua o se lipoti ua soona fai, e ono nunumi atoa ai lava le tau aogā sao o aseta. E ui lava ina faaitiitia e le Faletupe le tau aogā o aseta,

peitai afai ua tuu maua luga i luga le tau aogā o aseta, i loo le itu e faaitiitia ai le tau, o lona uiga o le faiga masani o le faaitiitiga o tau aogā o le a leai se uiga. A o faaauau pea suesuega, sa lē mafai ona matou iloa le tau aogā o meatotino i le taimi nei, ma ua faigata ai foi ona fuafua i se tulaga sao atoatoa le tau aogā o faamalumaluga o le mokesi. Ua matou fautuaina le Faletupe ina ia fautuaina tagata o faia i ai le auunaga e ono gafatia ona totogi nonogatupe, ina ia tapa ni lipoti mai tagata taitoatasi o faia tau o fanua o i le lisi a le Faletupe, e pei o le MNRE. E tusa lava pe afai e o tagata nei o faia i ai le auunaga i nisi fuafanua, ae ua fautuaina pea ina ia faatino le fuafuaina o le tau aogā i luga o se faiga faavaitemi ina ia mafai ona maua le tau aogā moni faa-maketi i lea vaitaimi, mo aseta ua mokesiina. I mataupu, o lo o faaoo mai e le au fai nonogatupe, o se lipoti o tau aogā o se fanua mai isi tagata o faia tau o fanua, matou te mafai ona toe ofoina atu o se manatu faaopoopo, e saili ai o le fuafuaina o le tau aogā o fanua, pe tuuina mai se lipoti faatusatusa mai ia matou fuafanua filifilia. E na o le toafa (4) lava tagata e faia tau o fanua o lo o faapea ona faaogā e tagata o faia i ai le auunaga, i totonu o Samoa. O lo o i ai i le Faletupe i le taimi nei kopi o tau aogā fuafuaina mo le lima (5) tausaga ua tuana'i sa saunia e o latou fuafanua filifilia. O ia faamaumauga o lo o tuulata mai faamatalaga i se tulaga masani e faia pea ina ia faamautinoa ai o tau faa-maketi o lo o iloilo ina ma tuulata mai foi o latou faamatalaga. O nei faamaumauga e faaogā e faatusatusa ai o so o se tau aogā fuafuaina e aumai e se tagata o faia i ai le auunaga i le taimi lava e faatoai mai ai le talosaga. A saunia o se iloilo o faamalumaluga, o le taualumaga e aofia ai: (a) le asiasiga e faatino o meatotino (e) o se iloilo aupito sili ona lata mai o le tau aogā fuafuaina o meatotino a tuaoi (o se iloilo o le tau aogā a le tagata o faia i ai le auunaga, ma se iloilo tumaoti e faia e fuafanua atofaina a le Faletupe, ina ia mafai ona tuuina mai ai, o se iloilo mulimuli, o se tau faatatauina e sao ma latalata i le tau aogā moni o le meatotino. O loo galulue vavalalata foi le Faletupe ma se kamupani o le Esetete, e faaogāina ai le upega tafailagi a lea kamupani, e fuafuaina ai le gasologa ae faapea foi i le iloilo o le maketi i le taimi o le fuafuaina o tau aogā o meatotino.

5. A o auiliili noataga i tupe mai fafo mo le faletupe, na matou matauina ai le tulaga o le lē faaogāina e le Faletupe o fua faatatau sa'o mo le fesuaiga o tupe. Sa faaogāina pea o fua faatatau faavae o le fesuaiga o tupe ua tausagā mo le EEC ma isi nonogatupe i tinoitupe a Europa o le Euro. Talu ai ona o le sese o le tulaga amanaia o le tau faatusatusa o le tupe Samoa o noataga tau tupe nei mai atunuu i fafo, o le ala lea e lei aofia ai tupe maua po o tupe gau i fesuaiga o tupe mai atunuu mamao e le Faletupe. O la matou fautuaga, ia faaogā e le Faletupe, o fua faatatau sa'o o le fesuaiga o tupe e faaliliuina ai a latou noataga i tupe mai atunuu i fafo ina ia sa'o atoatoa ai le tuuina mai o le tau aogā i le tupe o faafaigaluegaina ma faaogā. Ua maea ona talanoaina lenei mataupu ma ua faapea lava ona toe fetuunai o aitalafu. Peitai, e manaomia pea ona tausia fua faatatau faavae ua leva ona faataatia mo faamoemoega tau lipoti e auina atu i le EIB ma ia faamaonia mai foi o paleni o nei aitalafu mai le EIB, o lo o faapea ona tausia i tau faavae. O le aafiaga e mafai ona iloa i le tulaga maaleale o le suesuega auiliili.
6. Na matou matauina i la matou iloilo o faila o nonogatupe le tulaga o le i ai o faamaoniga e tuusaunoa ai tupe tuai ona totogi mo nisi aitalafu o nonogatupe e le i faia lava i ai se gaioiga i le totogiina. I suesuega na faia i ia gaioiga, na matou iloa ai, o le tuusaunoaina o tupe totogi e le i totogiina, o le a faaopoopo atu ai le vaitaimi faatuutuuga o le nonogatupe, ma o le a foliga mai ai o le talaaga o le totogiina o le nonogatupe o lo o sologa lelei lona totogiina. O lenei gaioiga sa faia i nisi aitalafu o nonogatupe e le i totogiina lava, e afua mai i tausaga ua tuana'i ma ua faamauina e faapea o se gaioiga o faifaiepea. O le tuusaoloto o tupe totogi e le i totogiina, o le a lē mafai ona maua ai se talaaga moni ma sa'o atoatoa o le aitalafu o le nonogatupe. O le fautuaga ma le faamaoniga o ia gaioiga i aitalafu o nonogatupe e avea o se gaioiga faifaiepea e pei ona faamauina mai tausaga ua mavae mo nisi aitalafu o nonogatupe ua lē totogiina lava, o le a lē fesoasoani lea i le Faletupe e taofia pea tagata o faia i ai lea

auaunaga, i le toe totogiina o a latou aitalafu o nonogatupe. Sa fautuaina le tulaga e lē toe faamalosia ona tuusaunua o tupe totogi e le i totogiina pe afai e lē totogiina e tagata o faia i ai le auaunaga o tupe toe totogi o a latou aitalafu e oo mai i le taimi nei. O le tuu ai pea o tupe tuai ona totogi i aitalafu o nonogatupe, o le a mafai ai ona fesoasoani i le pulega ma le komiti faatonu, ina ia fuafua ma faia o ni fautuaga ma faaiuga tonu i nonogatupe e le o toe faagaioia ni tupe totogi. Ua faamauiina o nei mataupu sa laga. Faatoa faatagaina le tuusaunua o tupe totogi ua tuai ona totogi, ina ua maea ona totogi o se vaega po o vaega autu o tupe tuai ona totogi, faatasi ai ma le faamaoniga mulimuli ona o tulaga i alatupe maua ma le mafaigafatia e totogi ai tupe totogi o aitalafu. Sa amanaia foi e le Faletupe le tuusaunua o tupe tuai ona totogi i tulaga ua lē mafai ona faafoe mai lea taimi i lea taimi, e afua mai ona o se tulaga pa'ū mauualalo i se alamanuia po o le pa'ū mauualalo o se vaega o tamaoaiga e mafua ona o le faaauau pea ona mauualalo le vaitau e lelei ai faigafaiva po o se pa'ū mauualalo iloga i le numera o tagata femalagaai ma tagata asiasi i lo tulaga masani mo le alamanuia o turisi. I le ma lea, o mea na tutupu faafuasei e le i mafauina e pei ona i ai i faalavelave matuia tutupu faafuasei faalenatura, ina ua tuana'i ai o le sunami, afa, lologa ma isi mea na tutupu faapena. O le tuusaunua o tupe totogi e le i totogiina, e faatoa faatino ina ua i ai o se tulaga ua matua tatau ai ma talafeagai ma o le faamaoniga foi, e faatoa faamatuu mai lava e le Ofisa Sili o Pulega ma le Komiti Faatonu.

7. Ua matou matauina i le iloiloga o faila o nonogatupe, o le tele lava o aitalafu o nonogatupe, e le i ai ni faamatalaga tau tupe ua sueina faasuetusi e faamaonia ai le tulaga moni o galuega ma le mafai ona faaauaiina o a latou pisinisi po o poloketi. O le a lē mafai e le Faletupe ona iloilo se ata moni ma talafeagai po o i ai i se tulaga mautinoa o le faagaioiga, faatinoga ma le faaauau ai pea o pisinisi po o poloketi a tagata o faia i ai le auaunaga. E mafai lava i so o se taimi ona maua o se avanoa e le tagata o faia i ai le auaunaga, e tuuina mai ai o faamatalaga sese ma faamatalaga tau faasese, e uiga ia latou gaioiga faatino. Sa fautuaina le faamalosia ma le faatapulaaina o tagata o faia i ai le auaunaga o nonogatupe, ina ia faaoo mai faamatalaga tau tupe ua sueina faasuetusi mo iloiloga. Sa tuliloaina lava e le Pulega o faamatalaga tau tupe ua maea ona sueina faasuetusi mai tagata nei o faia i ai le auaunaga e pei ona manaomia. O le a faaauau pea ona faia le galuega e pei ona fautuaina ina ia maua ai o se iloiloga e sili ona sa'o lelei i luga o faatinoga ma tulaga tau tupe a tagata taitoatasi o faia i ai le auaunaga.
8. A o faagasolo la matou iloiloga o faila o nonogatupe, na matou matauina ai le tuai tele o galuega tulituliloa a le Faletupe i nisi o aitalafu o nonogatupe o lo o tuliloaina pea. O le tuai o le galuega tulituliloa o tagata o faia i ai le auaunaga, e uiga i tupe toe totogi o le nonogatupe ma le tulaga o i ai le nonogatupe, e ono mafai ona faaititia ai le tulaga o le toe faaola mai o tupe mai nei auaunaga. Ua matou fautuaina, ina ia faailoa pea i taimi uma i tagata o faia i ai le auaunaga o nonogatupe, o faamatalaga tuulata mai o a latou nonogatupe, o se tasi lea o auala e uunaia ai ma faamalosia i latou ina ia totogi tupe o a latou nonogatupe i aso ua faamaonia. Ua faamauiina fautuaga ma ua faaauau pea ona faia o galuega tulituliloa e aoina mai ai tupe totogi ua tuai ona totogiina o mo nonogatupe ua tuai ona totogi.
9. A o faagasolo le iloiloga o faila o nonogatupe, na matou maua ai, e i ai tagata na faia nonogatupe ua tuuina atu i ai o taimi tuusaoloto, ina ua lē mafai ona toe totogi a latou nonogatupe. E tusa ai ma lo matou malamalamaaga, e faatoa mafai lava ona tuuina atu o le taimi tuusaoloto, i le uluai laasaga, i le taimi faatoa faamaonia ai le nonogatupe, i le taimi faatoa amata se poloketi/atinae a tagata nei e ana nonogatupe. Ma e tusa ai ma taiala a le Faletupe Tutotonu o Samoa (CBS) i luga o le tuuina atu o taimi tuusaoloto, e tatau ona avea o se faiga tau le pulega e tausia pe faaleleia ai le tulaga aupito manaomia o aseta po o le tulaga talafeagai lelei ona faafoe o gaioiga faatino o nonogatupe, e tatau ai ona faatulaga faapitoa, e fesoasoani ai i tagata nono tupe i le totogiina atoa o a latou noataga o nonogatupe, i le

amanaia ai o lo latou mafaigafatia e totogi ai nonogatupe. O le tuuina atu o taimi tuusaoloto i tagata o faia i ai le auaunaga, e aafia ai le tulaga maaleale o le toe faaola mai o tupe o le nonogatupe ma e matua aafia ai galuega a le Faletupe ua avea o se faalapotopotoga tumaoti. Ua matou fautuaina le taofia o le tuuina atu o taimi tuusaoloto i tagata o faia i ai le auaunaga. O lo o faagasolo pea le iloiloga o le tusi taiala o faaunegatupe, e faamautinoa ai le faamauina aloaia lelei o faiga faavae ma taualumaga. O le a tagofia foi i lea iloiloga o mataupu tau tupe e faaune atu i tulaga o tuutuuga ma aiaiga e faaogā, e faamautinoa ai le tausisia o taualumaga aloaia, ina ia faamalosia ai o galuega tau faaunegatupe, faafoega o tulaga lamatia, tupe toe faaola mai ma le itu i le tausisia o aiaiga.

10. Na māua i la matou suega faasuetusi o se aitalafu o nonogatupe e faapea na faaseseina ai le Faletupe i tulaga o faamoemoega o le nonogatupe. Na matauina i totonu o le faila, e leai se poloketi faapea o i ai ma na faamauina e le Faletupe o le nonogatupe o lo o i ai faamalumaluga e faamauina ai, talu ai ona o taavale ia sa fuafuaina ma folafolaina e faaoga ai le nonogatupe, o le a avea ma vaega o faamalumaluga o le nonogatupe. E tusa ai ma faamaumauga i le faila, o se vaega o le nonogatupe na faamatuu atu sa masalomia e faapea na faaogā e fesoasoani ai i lea tagata i lana talosaga mo se nonogatupe i le Faletupe o Atinae a Amerika Samoa, lea o lo o nonofo ai le aiga. Ua faamauina mataupu e pei ona laga. O le taualumaga a le DBS e totogi sao i kamupani pe a maua o se faamaoniga ma uluai pepa e totogi ai o taavale, masini ma meafaigaluega. I le mataupu lenei, e leai se fesootaiga a le DBS ma lala sooupu ua faamautuina mo pisinisi taavale. O se faiga ua masani ai le DBS ona fuafua o tupe totogi e auina atu i kamupani i atunuu i fafo, e ala i tusi o aitalafu ua faamautuina mai e isi Faletupe i totonu o Samoa. O lea tupe e faatoa totogi lava pe a taunuu le taavale, masini po o meafaigaluega poo le taimi e tapa faamalosi mai ai e se isi faletupe. I lenei mataupu, o se tasi lava o mataupu e le tupu soo, lea ua faataga ai e le DBS le tulaga fetuutuunai, ina ia avanoa ai tupe mo le tagata o faia i ai le auaunaga e finau mo se pa'ū o le tau ma le faatauina mai o taavale mai atunuu i fafo. A o se tulaga lē manuia na tulai mai, e le i faataunuuina e le tagata na faia i ai le auaunaga, o lana pitolaau, e pei o le maliega. E ui o lea, o atugaluga na laga ua faamauina ma o le a faamautinoa le usitaia o taualumaga o i ai nei, e faafoe ai le toe tulai mai o mataupu faapea. O le a faapena foi ona faamautinoa ai le faatinoga o poloketi fuafuaina e pei ona faailoa manino.
11. A o faagasolo la matou iloiloga o aso malolo faaletausaga ma aso malolo mo tagata ua leva ona faigaluega i le Malo, sa iloa ai le sese o le faatatauina o aso malolo, e mafua mai mafuaaga eseese, e pei o le lē usitaia o faiga faavae/o konekarate faatulagaina, o paleni e le o sao i luga o pepa o aso malolo, talu ai le le faamauina o aso malolo ua maea faaoga, ma aso malolo faaletausaga e le i faaogāina a ua faasee atu i le isi tausaga e aunoa ma se pule faitalia, peitai ane, o lea tulaga sa faamalamalamaina e le tagata ofisa o fitoitonu ma lea galuega, e faapea atonu lava ua galo ia te ia ona faalēaogā o ia aso malolo faaletausaga e le i aveina.

Faletupe o Atinae a Samoa

Suesuega Faafuasei: 23 Aperila 2013

Sailiiliga Faasuetusi

1. E iai numera o tusi risiti ua faaaogaina faalua e tusa ai ma faamaumauga i le lesitala mo tusi risiti. O nei tusi sa mafai ona vaaia ma o le faasologa o risiti e ese mai le faasologa o faamauina i totonu o le tusi lesitala. E le o faamauina aso na toe faafoi ai nei tusi ma le tagata faigaluega e fitoitonu mo le toe faafoiina o tusi e le i saina mo le tulaga o le mafai ona tali lelei atu i ai i le taimi e fesiligia ai. Ua faautagia le fautuaga ma o le a faaleleia e le DBS le tusi lesitala e tusa ai ma le fautuaga.

Faalapotopotoga Malosi Faa-Eletise

Tausaga Faaletupe na faaiuina 30 Iuni 2012

Sailiiliga Faasuetusi

1. Na matou maua e i ai le feteenaiga i paleni o aitalafu o lo o taua mai le polokalame faakomipiuta o le Daffron ma aofaiga ua faamaonia mai e le Matagaluega mo Tupe Maua. O lea ua matou maua o lo o galulue nei le pulega i auiliiliga faatusatusa o faamatalaga tau tupe i paleni o tupe nei o lo o feteenai ai ma le Matagaluega mo Tupe Maua. Peitai ane, e lelei pea ona faatino e le Faalapotopotoga lana ia lava faamaoniga e ala i se faamaoniga tuusao mai i le au fai pisinisi o loo nofo aitalafu iai le Faalapotopotoga ina ia alofia ai so o se feteenaiga e ono tulai mai. E le i iloa muamua e le Faalapotopotoga lenei aitalafu tele i le Matagaluega mo Tupe Maua pe a na leai le sueina lenei o tusi o le tausaga 2012. O nei aitalafu e faasino i tiute o oloa faaulufale mai o afi eletise faaleoleo totogi faalisi mai kamupani i fafo na faaaogaina e le EPC i se vaitaimi faapitoa, ma fesoasoani ai i le utiuti o le eletise maua/tuuina atu mo le mamalu o le atunuu. O lo o talia pea faaiuga o faatalatalanoaga i le va o le EPC ma le MOR, peitai o lo o i ai pea le faatuatuaga o le pulega o le aofai o lo o faatalanoaina e \$1.9miliona, e ono manuia ai le EPC. Ina ua maea nisi fonotaga a ofisa sinia o le EPC ma le MOR, o le aofaiga ua toe fetuunai ma maua nei e \$1.6miliona ina ua maea ona totogi e le atinae o le PSEP tiute, ma faatalia ai isi faatalanoaga/fonotaga agai i le faatulagaga o le aofaiga sa'o o aitalafu e le i fuafuaina e le EPC. Sa i ai foi nisi mataupu faapenei i aso ua mavae na totogi faalisi ai e le EPC masini mai fafo ae peitai o tiute na totogi e itiiti ifo na i loo aitalafu o lo o tulai mai nei. Ae ui i lea ua matua talia le fautuaga mo tulaga faaleleia/faamaonia o paleni faaiu o tupe totogi i le lumanai.
2. Sa matou maua i le matou suesuega o le toatele o le aufaigaluega ua sili atu le faaaogaina o aso malolo nai loo latou aso malolo faatulagaina mo le tausaga. Sa faapea mai le HR e mafai ona talosagaina aso malolo e faaoga muamua e toese mai pe atoa le tausaga po o le aso na uluai amata ai le tagata faigaluega. O lea la itu na vaaia ai le faasili o totogi o nei tagata na i loo totogi e agavaa i ai.
3. I le iloiloga o faamauaiga o totogi a le aufaigaluega, sa maua e 156 le aufaigaluega o lo o totogiina i le 50% pe sili atu na i o latou totogi faatatau i le tausaga. E le i mafai foi ona matou maua se faiga faavae aloaia e uiga i ovataimi ma isi alauni na totogiina i nisi tagata faigaluega. Na faapea foi ona faailoa mai e le Vaega a le HR le atugaluga lava lea e uiga i le faasili o taimi e galulue ai le aufaigaluega. E faigata tele lenei tulaga ona e faatapulaaina le pule faataga a le HR ma malosiaga e faafoe ai ovataimi ona e faatagaina e pule o vaega taitasi ovataimi. I se talaaga o lenei tulaga, ua leva ona aveia lenei mataupu ma atugaluga. Ua maea nei ona faatulaga gaoioiga nei ina ia faatino atoatoa i le aso 1 o Iulai 2013. (a) Ua maea tapena nei se faiga faavae fou mo ovataimi. (e) O le a aveeseina le OTA ma o le a mata'ituina e pule o vaega taitasi ovataimi ma usitaia faiga faavae mo ovataimi. (i) Ua aofia foi i le faiga faavae fou le faavaeina ai e pule taitoatasi se tala faatatau o tupe atoatoa mo ovataimi. E tuuina atu foi faamaoniga e pule o vaega taitasi ma e fitoitonu lenei tulaga i ai latou pe a ova atu itula e faigaluega ova ai. (o) O le vaaia ma le mata'ituina lelei o ovataimi o le a aofia i fua faatatau mo le faatinoga o galuega a pule o vaega taitasi. O le a manaomia foi pule o vaega taitasi ina ia tuuina atu faamaoniga mo so o se itula ovataimi e galulue ai lana aufaigaluega e sili atu i taimi faamaonia i tala faatatau o tupe.

Pulega o Galuega Tinei Mu ma Faalavelave Tutupu Faafuasei

Tausaga Faaletupe na faaiuina 30 Iuni 2010

Sailiiliga Faasuetusi

1. Na totogiina se kamupani e le Pulega e faatino nisi o tiute tauave ma matafaioi o le Pule Lagolago o le Vaega o Auaunaga Lautele, e pei o le iloiloaina o faatinoga o galuega a tagata faigaluega, ma le faamatalaina o galuega a le Tausi Tusi Sinia ma faamatalaga o galuega faatino a le Vaega o Punaoa Tau Tagata Faigaluega, ina ua maea ona ia faamautuina i le Komiti Faatonu e mafai ona ia faatino uma ona tiute o le Pule Lagolago ma le Ofisa Autu Tausi Tusi. E \$11,100 le tupe na faaalu i lenei fetuunaiga. O tiute tauave e pei o le iloiloga o faatinoga o galuega ma faamatalaga o tiute tauave e tatau ona faia uma e le Pule Lagolago lea e lipoti sao i ai nei tagata faigaluega, ma faaititia ai tupe alu lē talafeagai a le Pulega. Sa tatau foi ona i ai se maliega aloaia e faatonutonu ai ia fetuunaiga ona o le tele o faamatalaga agatapuia a le Pulega lea ua faailoa atu i lea kamupani ma o se tulaga lamatia tele. Ua faautagia le mataupu ma faamauina mo tulaga faaleleia i totonu o le Vaega o Auaunaga Lautele.
2. E le o tufatufaina atu e le Vaega o Auaunaga Lautele lipoti o tupe alu ma tupe maua i masina taitasi i pule o vaega taitasi o le Pulega e iloa ai ma mautinoa o lo o manino ma sao le faaogāina o tupe ua atofaina mo vaega taitasi. Na matou fautuaina e tatau ona saunia ma tuuina atu i Pule Lagolago o vaega taitasi e iloa ai tulaga o faatinoga tau tupe ina ia mata'itu, faafoe ma faaalu tatau vaegatupe. Ua faautagia foi lenei mataupu ma o le a faalauiloa mo le faagasolo atu i le lumanai.
3. E le o i ai ni pepa aloaia e lagolago ai tau fuafuaina e sailia e le Pulega mo le totogiina o tupe mo oloa ma auaunaga e faia e faamautinoa ai le filifilia o le tagata aupito sili ona lelei e tuuina mai ai auaunaga. Ua fautuaina malosi foi e faapea, e tatau ona maua mai tau fuafuaina mai ni pisinisi poo ni tagata se toatolu mo le filifiliga a le Pulega i luga o le tulaga aupito sili ona lelei ma taugofie ma iloa ai e le o faaituau le filifiliga o i latou e tuuina atu iai nei auaunaga. Ua faapea foi ona fautuaina e tatau i le Pulega ona faamalosia ana puipuiga faalotoifale, faagasologa ma faiga faavae i le faatauina mai o oloa ina ia manino lelei, faatauva ma mafai ona tali atu i le mauaina mai o oloa po o auaunaga. Ua talia e le FESA fautuaga ma sagai atu e faalelei lea tulaga i le lumanai. I nisi tulaga, e lē mafai ona mauaina mai le tolu o ni tau fuafuaina.
4. E le o faailoa mai i auililiga i Faamatalaga Tau Tupe nisi o fefaatauiga ma nisi o kamupani/pisinisi e iai sootaga vava lalata ma nisi o sui o le Pulega. Mo se faataitaiga, na faatau mai e le Pulega ni komipiuta se tolu ma totogi faalisi se masini e tosaina ai taavale fuimu i se kamupani e latalata le sootaga ma le Taitaifono o le Komiti Faatonu a le Pulega i lea taimi. Sa i ai foi tupe na totogi i se auaunaga mo le valiina ma le toe faaleleia o nei taavale, faatasi ai ma le faatauiga o faguva'i inu na tuuina atu i le Ofisa i Apia ma Faleata mai se tasi o kamupani e aiga i ai le Komesina o Fuimu i lea taimi. O faagasologa talu ai nei i tulaga faataatitia o lipoti faava o malo faatausi tusi ma tulaga tau tupe o lo o manaomia ai le faamauina lelei ma le faalauiloaina o vaega auai e fesootai i ai faatasi ma latou feuaiga tau tupe. E aofia i lenei tulaga feuaiga tau tupe i le va o le Pulega ma ona faatonu, pulega, tagata faigaluega, tagata e faaogāina auaunaga, tagata e faatinoina auaunaga, tagata e faatupeina, faletupe ma isi. Ua matou fautuaina le Pulega ina ia mata'itu ona faailoa ma faamauina vaega auai e fesootai i ai ma feuaiga tau tupe. E lē gata i lea, ua fautuaina foi le faailoa atu e le Pulega o feuaiga tau tupe tāua a vaega e fesootai i ai i a latou faamatalaga tau tupe ina ia ogatasi ma Tulaga Faataatitia Faava o Malo o le Tausiga o Tusi 24. Ua taliaina le mataupu e uiga i le tulaga manino ma malamalama mo isi faamatalaga tau tupe i le lumanai.

5. E le i tuulataina mai le tusi lesitala o aseta tumau. E le o i ai i le lisi numera aloaia o aseta ma ua faigata ai ona iloagofie po o aseta e tatau ona i ai a o faagasolo le suesuega. E le o iai se lisi mautu o aseta ma sa taumafai e auiliili ma faatusatusa lisi eseese o loo iai, e iloagofie ai aseta moni ma vaai pe i ai ni aseta e tatau ona tusi eseina. Ua maua ai foi e le i faia se faitauga poo se asiasiaga o tulaga o aseta uma a le Pulega i le faaiuga o le tausaga faaletupe e mautinoa ai o lo o i ai uma aseta a le Malo. E tãua le i ai o se tusi lesitala tuulata mai maeaea e iloagofie ai ma faigofie ona faitauina aseta a le Pulega. Ua faatonuina foi le Pulega ina ia faia se faitauga ma se siaki o aseta e iloa ai foi po o i ai moni aseta ia o lo o taua i le lisi. E lē gata i lena, e tatau ona tausia se tusi lesitala o aseta ma tofia se tagata faigaluega faatuatuaaina e faamauina aseta taitasi e maua mai, a o le i tuuina atu i vaega taitasi po o Ofisa o le Pulega. Ua talia le fautuaga ma ua auiliili nei ma siakiina aseta uma a le Pulega.
6. O lei tausisia e le Pulega le faagasologa ma taualumaga mo le tusi esea o aseta ma meatotino a le ofisa e pei ona faamaonia e le Komiti Faatonu o loo aofia i totonu o Tulafono Faatonutonu o Tupe Tau Lotoifale a le SFESA. Na faaalā e le Pule Lagolago o le Vaega o Auaunaga Lautele e le o iai ni taiala e limataitaia ai aseta e tusi esea. Na matou maua se laptop o lo o taatiatia i le potu fono ma na fesiligia le ACEO o le Vaega o Auaunaga Lautele, ma sa ia faapea mai, e faalēaogāina ona ua leaga ae le o i ai ni faamaumauga o i ai. Ua matou fautuaina le pulega e tatau ona usitaia Tulafono Faatonutonu o Tupe Tau Lotoifale a le SFESA e pei ona tusia ma faamaonia e le Komiti Faatonu i le faalēaogāina o aseta. Ua faamamafa e le suetusi le tusia ma le failaina o pepa e faalēaogāina ai se aseta ina ia talafeagai ona faamaonia e le komiti faatonu ma le auala e faalēaogāina ai ma faamatuū atu, pe faia se faatau-tu'i /tauofo e sagatonu ai faiga lelei faatausi tusi o meatotino uma a le Malo. Ua amanaia lenei mataupu e le Pulega mo tulaga faaleleia i totonu o le Vaega o Tupe mo le lumanai.
7. E le i faanumeraina aseta tumau a le Pulega o le mea lea e le i tausia lelei ai ma tuulataina mai faamatalaga o le tusi lesitala. E ono mafua ai ona leiloloa aseta pe afai e lē faamauina lelei i le tusi lesitala. Ua matou fautuaina e pei ona taua i Tulafono Faatonutonu Tau Lotoifale o Tupe a le Pulega 2009, e ao ona faamauina aseta tumau uma a le Pulega ma faia numera aloaia mo le faafaigofieina ona iloa aseta a le Faalapotopotoga.
8. E lei faaogāina le tupe mai le Faalapotopotoga o Tau i mo Faalavelave Tutupu Faafuasei e tusa ai ma lona faamoemoe faatatau e le SFESA. Na matauina e tele aseta tetele na faatauina mai e le Pulega i lalo o lenei tupe ae lē fesootai ma le faamoemoe o le tupe. Ua matou fautuaina e tatau i le Pulega ona faamalosiā le usitaia o le faamoemoe atu o le Faaputugatupe, ina ia mautinoa ai o nei tupe o le a lē toe faaogāina i le lumanai. Ua silafia ma talia e le pulega le mataupu ma o le a faaleleia ma faaogā tupe e tusa ai ma lona faamoemoe.
9. Ua matauina le faiga o lo o faatino ai pepa talosaga mo oloa e le o mataituina lelei ina ia mautinoa ai o lo o tuuina i totonu o komipiuta tupe sa'o o lo o faaaluina ma faavasega i le taimi sa'o na faaogā ai. O se faataitaiga o lea tulaga e faapea, na faia se pepa talosaga oloa i le 2009/10 peitai faatoa totogi i le tausaga e 2010/11 ma faamauina ai o se tupe faaalu mo le 2010/11, peitai o le tupe totogi mo se auaunaga na faatinoina i le 2009/10. O lenei faiga o le a fesoloai ai tupe alu mo le vaitaimi 2010/11 ma pa'ū ai le mamafa i tala o tupe o le 2010/11. E tatau i le Pulega ona auiliili faatusatusaga o Tagata Tuuina atu Auaunaga i totonu o tausaga faaletupe taitasi ina ia atagia ai paleni sao ma moni atoatoa o tupe mo aitalafu totogi a le Pulega, ma ia mautinoa le faavasega sao o paleni i le vaitaimi na tulai mai ai, ina ia tausisia ai tulaga faataatitia mo le tausiga o tusi. Ua talia le mataupu ma o le a faaleleia i le lumanai.

10. E le o toesea mai e le Pulega le 10% o lafoga taofiofi mai tupe o lo o totogi ai auaunaga o lo o latou faaaogāina ina ia ogatasi ai ma le Tulafono ua iai. Ua tatau i le Pulega ona amataina le toeseina o nei lafoga mai tupe totogi uma i e ona auaunaga ina ia tusa ai ma tulafono a le Malo. Ua faautagia le mataupu peitai e talitonu o le a toe tulai mai lenei mataupu i le suegatusi i le tausaga o le a sosoo mai.
11. E lei lelei le teuina o faamaumauga a le Pulega ona o le tele o pepa o lo o totogiina ai tupe e le o i ai ni pepa faatumu e lagolago ai e pei o risiti mai tagata e ona oloa, leiloloa o isi pepa e totogi ai tupe, ma nisi pepa e le o i ai ni tau fuafuaina o tusia ai e faamautinoa ai o lo o sao ma tutusa le filifilia ai o i latou e ona oloa. E tatau ona failaina faamaumauga i se faasologa ina ia alofia ai le tuuseseina o pepa aloaia ma iloa lelei ai pepa e lagolagoina ai tupe totogi o lo o tausia lelei mo faasinomaga i le lumanai. Ua silafia e le Pulega lenei mataupu ma o le a faaleleia le failaina o pepa uma mo tupe totogi.
12. E le i faia se auiliiliga faatusatusa o tupe i le faletupe mo le tausaga ua sueina. Ina ua fesiligia le Pule Lagolago o le Vaega o Auaunaga Lautele sa ia faapea mai ua maea faatinoina ma o lo o ia sailia pea i le taimi lea o Iuni 29 2011. Ua fautuaina malosi le aufaigaluega e nafa ma lea itu ina ia saunia auiliiliga faatusatusa o tupe i le faletupe aemaise paleni o tinoitupe o lo o faamatalaga o tupe mai le faletupe. O se meaifaigaluega aupito sili ona tāua lenei e mata'ituina ai paleni o tupe i le faletupe ma o le tulaga e tatau lava ona fai. Ua faautagia le atugaluga mo le toe faaleleia i le lumanai.
13. E le o maeaea le tusi lesitala o tusi o faamaumauga eseese a le ofisa. E lē gata i lea, e le o faamauina Tusi Siaki a le Pulega i se Tusi Lesitala i le taimi na suesueina ai faamaumauga. E tatau i le Pulega ona tuulata mai faamatalaga o a latou Tusi Lesitala mo faamaumauga eseese uma e mautinoa ai o lo o faamauina lelei pepa faatumu aloaia ma meatotino, ina ia mata'itu ai le faagasologa o pepa faatumu uma nei ma meatotino. Ua talia e le Pulega ma o le a faaleleia i le lumanai. O nisi o vaivaiga e aofia ai:
 - i) O aso e le o faamauina aso;
 - ii) E leai ni saina ma igoa o tagata na latou talia;
 - iii) E le i tuulata maia le lesitala ma e le faamauina ia aso na toe faafoi mai ai.
14. O le pepa faatumu o lo o faaaoga e le Vaega o Saogalemu i Mu mo tau o fuafuaga o fale e le o faanumeraina ina ia faigofie ai ona iloagofie ma faamautinoa le faitauina sao o pepa aloaia uma ma aua nei i ai se pepa faatumu e leiloa. O pepa faatumu uma lava e tatau ona faanumera muamua mo le faitauina o pepa uma ma faasinomaga. Ua silafia e le Pulega ma o le a faatino e faaleleia atili ai.
15. E telegese le totogiina o aitalafu mai tagata nofo aitalafu. O le paleni o i ai i le tausaga faaletupe lenei, e \$7,231.26, ma e tusa ma le 72% o tagata aitalafu o i ai nei e (\$5,178.26) e sili atu i le 90 o a latou aitalafu tuua, e faaalai ai e laititi lava se gaioiga a le Pulega e tuliloa a latou aitalafu ina ia totogiina i taimi e tatau ai. Ua fautuaina malosi le Pulega ina ia faatino ni auala e faamalosia ai le tuliloaina o latou aitalafu e mautinoa ai le aoina mai o aitalafu i taimi e tatau ai. Ua faautagia e le Pulega ma o le a faaleleia lea tulaga i le lumanai.
16. E le o i ai ni pepa talosaga mo ni aso malolo o faapipii i aso malolo sa aveina e nisi o le aufaigaluega. E lē gata i lena, e toatasi se tagata faigaluega na aveina ona aso malolo faapitoa ae e le i faamaonia e le Komesina - peitai sa maua pea lona totogi. Na matou fautuaina, e tatau ona faatumu talosaga mo aso malolo e tagata faigaluega a o le i aveina, ma e tatau ona mata'itu ma faamalosia le tulituliloaina e le Vaega o Auaunaga Lautele ina ia mautinoa o lo o faagasolo lelei ma usitaia taulalumaga. Ua faapea foi ona faamauina e le Pulega lea mataupu ma o le a faaleleia i le lumanai.

17. Na tuu faatasia faamatalaga tau tupe a le Pulega e se pisinisi tasi tasi. O se faiga lelei tele lenei i le taimi faatoa uma ona faavae le Pulega e mautinoa ai o lo o tasisia e faamatalaga tau tupe tulaga faataatitia o le tasisia o tasi faava o malo. Peitai ane e tataui i le Pulega ona faaleleia ma tuu ititia nei tau mo le agai i luma e ala i le faamalosia o lona tulaga gafatia faalotoifale ina ia usitaia atoatoa ai tulaga tau tupe. Ua matou fautuaina le Pulega ina ia iloilo fautuaga ma faatulaga tulaga talafeagai e faaleleia ai. Ua tuu faatasia nei e le FESA ana faamatalaga tau tupe faatasi ai ma le fesoasoani a le Ofisa Autu Tasi Tasi.
18. E le o failaina e le Pulega (VAGST) tupe toe faafoi o lafoga, ae peitai ona e sili atu tupe e totogi na i loo ana tupe e aoina mai, e mafai ona manuia ai i tulaga tau tupe i manaoga tau tupe fesoloai mai le faamauina lelei mo lafoga VAGST ma le failaina o tupe toe faafoi o lafoga. Ua matou fautuaina le Pulega ina ia feutagai ma le Matagaluega mo Tupe Maua mo se laasaga e faamauina ai faila o lafoga o le VAGST. E lei mafai ona maua le Matagaluega o Tupe mo se fesoasoani i lea tulaga ae o lo o talia pea se tasi aloaia mai le MOR mo le Pulega ina ia Tuusaunoa mai lafoga VAGST.
19. O tala o le tupe i le 2010 o lo o aafia ai fuainumera o lafoga totogi (VAGST) peitai o faamatalaga o tupe o le 2009 e le o aafia ai. E le o se faiga lelei lenei mai le silasila agai i le ogatasi ma tulaga faatusatusa ma e ono i ai ni ona aafiaga i le auiliiliga ma le faauigaina o faamatalaga o tupe ma lona faaogaina i le faia ai o faaiuga atoatoa ma lelei. Ua matou fautuaina le FESA ina ia faatulaga o itu talafeagai ona faaleleia.
20. O lo o faailoa mai i le auiliiliga o le tulaga tau tupe, faatinoga tau tupe ma tupe fesoloai a le Pulega tulaga nei: Ua faatupulaia aitalafu i le taimi nei i le 532%; e maualalo tupe mamā o tupe fesoloai i le 2010 na i loo le 2009 ona ua faatupulaia tupe fesoloai, ae na faamauina foi le amatalia e le FESA o tupe teu faavaitaimi i le 2010 ina ia teuina ai tupe faasili mo manaoga; ua faamalosia nei le SFESA ina ia mata'itu lona tulaga tau tupe, faatinoga o tupe ma tupe fesoloai, ma ia faaauau pea le faaleleia o nei tulaga uma. Ua faamauina e le Pulega lenei mataupu ma o le a faaleleia i le lumanai.

Pulega o Galuega Tinei Mu ma Faalavelave Tutupu Faafuasei

Tausaga Faaletupe na faaiuina 30 Iuni 2011

Sailiiliga Faasuetusi

1. E le i mafai e le Suetusi ona faamaea le sutesueina o tupe sa aoina talu ai ua leiloloa tusi o faamaumauga o tupe teu i le faletupe. E matuā tāua tele le teu maluina o faamaumauga uma mo faasinomaga i le lumanai ma, mo faamoemoega o le sueina o tusi. Na fautuaina le Pulega ina ia teu malu pepa aloaia uma nei. Ua faamauina e le Pulega mataupu nei ma o le a faaleleia mo le agai atu i le lumanai.
2. E toatolu tagata na totogiina mo galuega toe faaleleia i le VERTS i Faleata e aunoa ma ni konekarate po o ni faamaumauga mo taimi na galulue ai, e lagolagoina ai tupe na totogi atu ia i latou. E le o teuina foi e le Pulega ni faila patino o tagata faigaluega, ma na totogi i latou i tinoitupe po o siaki tupe. Sa tatau ona faia faagasologa ma taualumaga talafeagai mo le faafaigaluegaina o nei tagata, o le mea lea na fautuaina ai e le suetusi le Pulega ina ia tofia ma filifili tagata faigaluega e faaogā ai le faiga masani faatasi ai ma le teuina o faila o tagata faigaluega taitoatasi. Na talia e le Pulega fautuaga uma nei ma o le a taumafai e faaleleia nei tulaga mo le lelei o ana galuega. O le a faapea foi ona faafoe i se faiga faatonutonu ana galuega.
3. E le o taofia e le Pulega le 10% o tupe totogi o lo o ave i tagata e ona auaunaga o lo o tuuina mai i le Pulega, e le o ogatasi ma le Tulafono ma faiga faavae mo ia lafoga. Ua matou fautuaina malosi le Pulega ina ia taofia le 10% o tupe totogi uma mo auaunaga e tuuina atu i le Pulega ina ia o gatasi ai ma Tulafono a le Ofisa mo Tupe Maua. Ua faamauina lenei mataupu e le Pulega ma o le a faaogāina fautuaga mo feuaiga tau tupe i le lumanai ia e manaomia ai le taofia o lafoga e toesea.
4. Ua fautuaina foi e le suetusi le tatau ona i ai uma o pepa aloaia e lagolagoina ai tupe totogi taitasi ma ia teuina ma faila ma avanoa e faigofie ma fai ma faasinomaga e mautinoa ai o lo o usitaia tulaga masani o taualumaga a le Malo ma le faagaoioiga o tupe. Na talia e le FESA le tāua o le mataupu na laga ma o le a usitaia ma toe faaleleia feuaiga tau tupe uma i le lumanai. O vaivaiga nei na faailoaina a o faagasolo le sueina o tusi:
 - i. Na o ata o pepa o tau o oloa o lo o faapipiina ae leai ni uluai pepa o tau o oloa
 - ii. E leai ni pepa tusi esea (write-off) o lo o faapipii mo pepa totogi mo vaega m totoga o taavale
 - iii. E le o i ai ni tau fuafuaina o tusia (3) e faamaonia ai i latou ua filifilia e tuuina maia auaunaga o nisi o oloa
 - iv. E leai ni risiti o i ai e faamaonia ai tupe na totogi i tagata na tuuina mai auaunaga

E le o tausua e le Pulega se tusi lesitala tusitusia mo tupe uma e totogi atu ma maua e faigofie ai ona iloa mo faamoemoega tau le sueina o tusi. Ua fautuaina malosi e le suetusi e tatau ona i ai se tusi lesitala o faamaumauga mo tupe totogi uma e auiliili ai le aso na totogi ai tupe, le igoa o lē na totogi i ai, le aofai na totogiina, le numera o le siaki tupe, numera o le pepa o oloa, numera o le pepa o tau o oloa ma le faamatalaga e uiga i ia tupe totogi. O se meaifaigaluega tāua tele e avea ma puipuiga tau lotoifale e fesoasoani i le Pulega i tulaga tau le mata'ituina o tala o tupe ma faamoemoega faatino lelei. Ua talia e le Pulga lenei mataupu ma sagai atu e faatino ma faia se Tusi Lesitala ma tuulata mai.
5. O le tele o pepa o tau o oloa e faasino i tupe totogi na maua e le Pulega a o lumanai ai faagasologa o le pepa e talosaga ai oloa. Ua iloiloaina lenei ituaiga faiga e le o ogatasi ma le faagasologa ma taualumaga masani a le Pulega mo le mauaina mai o oloa po o auaunaga na

faamaonia e le Komiti Faatonu. Ua faautagia e le Pulega lenei fautuaga ma o le a faatino i feuaiga tau tupe i le lumanai.

6. E ui lava ina faapea o lo o faagasolo nei le toe faatulagaga o galuega atoa ai ma le iloiloaina ai o avanoa mo tagata faigaluega o le Pulega, e le o i ai se faatulagaga faale-faalapotopotoga ua faamaonia o i ai nei e fuafua ai le toe faafaigaluegaina o nisi tagata faigaluega fou. Na matou maua e toa 19 tagata fou na faafaigaluega i le vaitaimi o le tausaga faaletupe 2010/11, lea e fesiligia e le suetusi pe moni nei avanoa faigaluega na i ai i lea taimi. O manaoga faatulagaina o so o se faalapopotoga a le Malo, e tataua ona i ai se faatulagaga faamaonia faale-faalapotopotoga ona o se mea faigaluega aogā tele i tulaga tau tala o tupe ma fuafuaga i totonu o so o se tausaga faaletupe. O le mea lea ua fautuaina ai le Pulega ina ia i ai sana faatulagaga faamaonia faale-faalapotopotoga. Ua silafia ma talia e le FESA lenei atugaluga ma ua sagai atu e faia lenei tulaga mo le Pulega.
7. Mai le suesueina o faila patino o le aufaigaluega, na maua ai se tasi o le aufaigaluega na faamutaina lana auunaga e le Pule Lagolago o le Vaega o le Saogalemu, ma faamaonia e le Komesina sa faamamaluina mai le aso 25 o Me 2010. E tusa ai ma le tasi a le Komesina i le faateaina o lea tagata faigaluega, e faapea na ia solia soo faiga faavae a le Pulega ma e leaga tele faamaumaga i lona lē galue ai i sifi o galuega i aso taitasi. Peitai, o le sui lava lea na toe tofia ma amata galue i le aso 10 o Ianuari 2011 e aunoa ma se faamatalaga o lona toe tofia ai vagana ai se tasi o lona toe tofiaina na sainia e le Komesina. Ua maea ona saunia le Taiala o Tuutuuga o Galuega o lo o faataatia ai faagasologa talafeagai ma taulumaga e ao ona faatino pe a filifilia se tagata faigaluega fou, o le mea lea ua fautuaina ai le Pulega ina ia usitaia lea pepa aloaia e pei ona faamaonia ai e le Komiti Faatonu. Ua amanaia e le FESA lenei tulaga ma faatulaga le Tuutuuga o galuega a le Pulega 2012, faatasi ai ma le Tulafono o Faatinoga o Galuega e mulimulitai ai fautuaga a le Suetusi.
8. O le toatele o le aufaigaluega na aveina aso malolo faaletausaga i le tausaga faaletupe o lo o suesueina nei e le o i ai ni pepa faatumu faamaonia o talosaga o nei aso malolo na faia muamua a o le i aveina. E ui lava la ina ua maea ona tuulata mai le api saini ma pepa o aso malolo, e tāua lava le faatumu muamua o le pepa talosaga o aso malolo ma faamaonia a o le i aveina nei aso, ina ia faatulaga ai e le Pulega sifi o galuega e tusa ai ma i latou o le a aveina aso malolo. Ua faautagia e le FESA mataupu ua laga ma ua faafaigaluega nei se tagata ofisa sinia o le Vaega o Punaao Tau Tagata Faigaluega e mataituina faamatalaga talafeagai ma talosaga e lagolago ai aso malolo e aveina e le aufaigaluega.
9. Na maua foi e le suetusi i pepa o aso malolo a se tasi o le aufaigaluega le faamaonia ai e le Komesina le ave muamua o le 4 aso malolo ma'i ae le i aulia, talu mai le aso 18/08/10, o paleni o aso ma'i o i ai a lea tagata e -3, peitai ina ua maua aso malolo ma'i e 10 o lea tagata faigaluega i le aso 25/02/11, ua atagia mai e le i toesea ai aso ma'i nei na muamua ave i le aofaiga atoa o aso malolo ma'i e agavaa i ai. Ua fautuaina nei e le Suetusi ina ia tuulata mai uma pepa o aso malolo ma aso ma'i ina ia atagia mai ai paleni moni o ia aso uma. Ua faautagia lenei mataupu ma ua faamauiina mo le agai i luma o le vaega o punaoa tau tagata faigaluega.
10. Sa matou mauaina e le i tuulata mai tupe ua aiaia mo faamanuiaga a tagata faigaluega i se faiga masani e faailoa ai paleni tonu o aso malolo i so o se taimi, peitai o tupe o faamanuiaga nei na tauaveina ma fetuunai mai le tausaga faaletupe 2009/10 i le 10/11 agai i totogi ua atagia ai paleni o aso malolo i le aso 30 Iuni 2011. Ua fautuaina e le suetusi e tuulata mai pepa o aso malolo i faaiuga o vaiaso tai-lua (aso totogi) ma faatasi ai ma tupe o faamanuiaga a tagata faigaluega i luga o le MYOB tai masina. O lea tulaga o le a faigofie ai ona faatonutonu

paleni o aso malolo ma le aofai e totogi e le Pulega i so o se taimi pe a manaomia. Ua faautagia foi lenei fautuaga mo isi faamanuiaga i le lumanai.

11. E le i tuulataina mai faila patino i le afaigaluega ma tausii lelei ina ia manino ai le tulaga o le auaunaga a tagata faigaluega taitoasi i le Pulega. Na fautuaina le Vaega o Feagai ma Tagata Faigaluega e tuulata mai ma faamanino uma suiga po o faasologa e uiga i auaunaga a tagata taitoatasi i le Pulega. Ua faamauiina e le Pulega lenei mataupu tãua faatasi ai ma le galue ai o se ofisa sinia i le Vaega o Punaaoa Tau Tagata Faigaluega e mata'itu lea tulaga.
12. Na totogi le Alauni mo le Tauaveina o Tiute Maua-luga atu (mai le Tulaga Ofisa Autu i le Pule Lagolago) i le taimi lava na maea ai tiute tusa lava pe tolu pe lima aso. O lenei faiga ua feteenai ma tuutuuga o lo o faatulaga mai i le Tusi Taiala a le Komisi o le Afaigaluega o Galuega a le Malo o lo o taua faapitoa ai "o lã o le a galue lagolago na te faatino galuega o lea tofiga mo se vaitaimi e 10 aso faigaluega i so o se vaitaimi i totonu o le 12 masina faatoa agavaa i se alauni mo le tauaveina o tiute maua-luga atu. O vaitaimi e itiiti ifo i le 10 aso e lã agavaa i se alauni mo le tauaveina o tiute maua-luga atu", e lã gata i lea o Tuutuuga ma Faamanuiaga o Galuega a le SFESA e le o aiaia ai ni aiaiga aloaia mo le totogiina lea alauni. A o sagai atu la le Pulga e iloilo ana Tuutuuga o Galuega ma Agavaa, ua fautuaina nei e le suetusi le toe teuteuina o le vaega lenei o a latou tuutuuga o galuega ina ia o gatasi ai ma tuutuuga ma aiaiga o galuega o le Komisi o le Afaigaluega o Galuega a le Malo mo tagata faigaluega uma o le Malo. Ua maea nei ona faamaonia e le Komiti Faatonu Tuutuuga fou o Galuega faatasi ai ma totogi o Alauni mo le Faatinoga o Tiute Maua-luga Atu.
13. E le o i ai ni taualumaga sagatonu a le Pulega e aoina mai ai aitalafu. Ua maua e toeitiiti \$31,000 le aofaiga o lo o aitalafu ai nisi i le Pulega. Ona o le Pulega e faatapulaaaina ana tala o le tupe ma e lã tele foi ni tupe e maua mai i ana auaunaga ofoina atu, e tatau ona avea ma matafaioi a le pulega le ave o le faamamafa ina ia mautinoa latou te maua mai tupe nei e fesoasoani i galuega ma faagaoioiga a le Pulega. Ua fautuaina e le suetusi le i ai o ni faagasologa ma taualumaga sagatonu e aoina mai ai nei aitalafu. Ua talia fautuaga ma avea ai le aoina mai o aitalafu e avea ma fesoasoani i tupe maua a le Pulega. Ua faapea foi ona faautagia ina ia aloese mai ai i nisi aitalafu e faalãagãina.
14. E le o faatinoina e le FESA auiliiliga faatusatusa faavaaitaimi o auaunaga moni ua faatino ma auaunaga o lo o i tala faatatau o tupe. E tãua tele nei lipoti ona e iloa gofie ai so o se eseese ma suesuega e iloa ai auala e siitia ai ma mautinoa o lo o faamanuiaina ma ausia e le Pulega. Ua fautuaina e le suetusi lipoti faavaaitaimi o faatusatusaga o tala o tupe aemaise ai le faatinoga o auiliiliga faatusatusa e tauave e le vaega talafeagai o le Pulega. Ua taliaina ma faautagia e le FESA mataupu na laga ma ua faamauiina mo le faagasologa manuia o galuega i le lumanai.
15. E le o i ai foi ni auiliiliga faatusatusa o tupe moni na faaalu ma tupe faaalu o lo o faatatauina. E mafai ona suesueina nei lipoti ma eseese e iloa ai auala e siitia ai le faatinoga o galuega, ma i totonu o tupe faatatauina a le Pulega e alofia ai tupe faatagaina faaaitalafu mai faletupe. Ua fautuaina le faia o lipoti mo auiliiliga faatusatusa o tupe moni na faaalu ma tupe faaalu o lo o faatatauina e le Pulega. Ua faamauiina e le FESA le faaleleia o lea tulaga aemaise ai auiliiliga faatusatusa mo le manuia i le lumanai.
16. Ua faamaonia le eseese ai o paleni i kamupani o lo o nofo aitalafu ai le Pulega i le aso 30 Iuni 2011 mai faamaumauga o lo o teuina e le Pulega. O le atugaluga o le eseese ona e sili atu i le afa o nei kamupani e aofai na maua mai e le o tutusa ma paleni o lo o faamaumau e le Pulega ma e le o sao atoatoa i le faaiuga o le tausaga faaletupe 10/11. Ua fautuaina e le suetusi e tatau ona faatino i se faiga masani auiliiliga faatusatusa e mautinoa ai le moni

atoatoa o paleni o tupe o lo o tausia e le Pulega. Ua talia e le Pulega le tãua tele o auiliiliga faatusatusa e pei ona taua i luga ma o le a faamauina mo tulaga faaleleia i le mata'ituina o tupe.

17. E le o tuulata maia le tusi lesitala o aseta, aemaise ai o le lē faamauina o aseta ua faatauina mai i tausaga ua mavae. Ua sagai atu nei le ofisa Autu Tausi Tusi e tuu faatasi le lisi o aseta ia tasi ai le tusi lesitala o aseta o lo o i ai ma o latou numera faapitoa. Ua fautuaina foi e le suetusi ia faaavanoa ma maeaea le tusi lesitala mo faamoemoega tau le sueina o tusi ma auiliiliga faatusatusa. O se galuega faigata lena na feagai ma le Pulega ona e lē mafai ona faia ma faamatala aseta ina ua tumaoti mai le Pulega, peitai ane ua maea ona tuulata mai le lisi ma talosia ia, ia le toe avea ma mataupu e toe laga e le suetusi i le lumanai.
18. O lo o talia pea e le Pulega se tali mai le Matagaluega mo Tupe Maua e uiga i le tagofiaina o Lafoga VAGST, e tusa ai o lana tusi ia Setema 24, 2012. O le tagofiaina o lafoga VAGST o tupe faameaalofa o lo o i teugatupe a le pulega o lo o toesea mai le aofaiga atoa o tupe meaalofa o lo o aloaia i tufatufaga o tupe maua. Ua fautuaina le Pulega ina ia talia le tali mai le Matagaluega mo Tupe Maua e uiga i le faagasologa lelei o lafoga VAGST i tupe faameaalofa, ina ia o gatasi ma manaoga faaletulafono ma tulafono o aofia ai. Ua faautagia le mataupu.
19. O lo o faaalua mai i P4 o lo o tuuina atu i le Matagaluega mo Tupe Maua ni eseese. Ua matou fautuaina le faaaogāina o le Polokalame Excel P4 mai le Matagaluega o Lafoga mo le saunia ai o pepa faatumu P4 ina ia tuu i ai po o le alofia ai o mea sese i le saunia o Pepa P4. Ua talia e le FESA le tulaga faaletonu ma ua faamauina mo le lumanai i le faaleleia ai o Pepa Faatumu P4 e tuuina atu i le MFR.

Pulega o Galuega Tinei Mu ma Faalavelave Tutupu Faafuase'i

Tausaga Faaletupe na faaiuina 30 Iuni 2012

Sailiiliga Faasuetusi

1. E le i tuulata mai le tusi lesitala o Tusi o Faamaumauga Eseese. O le tele o tusi risiti o penisini na suesueina e le o faamauina i lesitala tusitusia. O lenei itu e mafai ona leiloloa ai tusi e aunoa ma le iloa e le Pulega. E ono i ai le tulaga e le o faamauina le tele o tusi e pei ona faaalua mai i le faasologa e le'o faamauina. O lea na fai le tusi lesitala fou mo faasinomaga i le lumanai aemaise faamatalaga o Tusi mo Faamaumauga Eseese.
2. E tele teugatupe ua tuai ona teu i le faletupe. I le silasila i ai i le faasologa o teugatupe na tuai ona fai, e foliga mai o tupe a le Malo na maua e le Pulega sa faaaogāina e le aufaigaluega i se tulaga e le tusa ai ma le Tulafono, ma na mulimuli ane toe maua ifo mo le teuina o tupe. Ua faautugā le atugaluga o le suetusi mo tulaga faaleleia.
3. O le tele o pepa e totogi ai tupe e le o i ai ni pepa o talosaga mo oloa mo le faagasologa lelei o faatauga, peitai na o pepa o tau o oloa ma pepa o poloaiga o oloa o lo o faapii i pepa e totogi ai tupe. Ua talia le fautuaga a le suetusi mo le siitia o lea tulaga. O le tele o isi tupe totogi na faagaoioi e aunoa ma ni pepa e talosaga ai oloa ona o le faanatinati o mafuaaga po o faalavelave faafuasei.
4. O nisi tupe totogi na totogi i le tausaga e le i tuuina i totonu o le Polokalame MYOB. O le a faailoa ma faamauina lea mataupu e ala i auiliiliga masani o faatusatusaga o paleni o tupe.
5. O le tulaga o le aufaigaluega ua faamuta a latou auaunaga po o ua faamavae e le o iloa i totonu o faila o tagata faigaluega, ma e leai foi ni pepa aloaia talafeagai e faafaigaluega ai e amata mai le aso na amata ai pe na faamuta ai auaunaga. Ua faamauina e le Pulega mataupu na laga ma ua faamauina e le Pulega ina ia saunia pepa ma faamatalaga o le faagasologa o le faafaigaluegaina o tagata i le Pulega mai lea taimi i lea taimi.
6. Ona o le tulaga o le lē tausia lelei ma tuulata mai o faamaumauga o pepa mo aso malolo, o paleni o aso malolo ma aso e agavaa ai tagata faigaluega i luga o pepa o aso malolo ua faamauina, ua lē mafai ona atagia mai ai paleni moni o aso malolo i soo se taimi. Ua faamauina le mataupu ma ua talia e le Pule a o le a saunia faamaumauga talafeagai lelei o aso malolo mai taimi ua tuanai.
7. Sa siitia faalua le tulaga tofi o se tagata faigaluega (i tulaga tofi eseese e lua) i totonu o le 4 masina. O le mataupu e faapea o le faila galue o lea tagata faigaluega e le o i ai se faaiuga o iloilo o faatinoga tau tagata faigaluega o galuega po o so o se isi lava pepa aloaia faatagaina e lagolago ai lenei siitaga. O lenei tulaga e ono oo totogiina ai se siitaga mo se tagata faigaluega e le agavaa mo lea faamauiaga ma faateleina ai tupe alu i totogi i se tulaga e lē talafeagai. Ua talia mataupu ua laga e le FESA ma ua faamauina e ala i le faia o se auala tau faataatiaga o siitaga o tulaga o tagata faigaluega (ua toeitiiti ona maea lea) ina ia faaaogā ma fai i se tulaga aupito i sili ona manino.
8. O lo o iai ni eseese o Pepa faatumu tai masina (P4) ia e ave i le Matagaluega mo Tupe Maua mo totogi o le aufaigaluega. Ua talia ma faamauina e le FESA mea sese e tusa ai o le saunia o P4 ma ua faamauina mo le lumanai.

9. E le i tuuina atu i le Matagaluega o Lafoga auiliiliga faatusatusa (P6 &P6A) o faamatalaga tau tupe o paleni o tupe o totogi ma le aufaigaluega totogiaso. Ua talia ma faamauina e le FESA nei mataupu ma o le a faaleleia mo le lumanai.
10. Mai le iloiloga o paleni o tupe i le faletupe ma faamatalaga tau tupe agai i le tusi o faamaumauga tau tupe, na faailoa ai le tele o eseese. E lē mafai ona suesueina atili e le suetusi nei eseese ona e tele itulau o lo o misi i faamatalaga tau tupe. Ua uma ona faailoa ma utagia lenei tulaga ma o le a tuulata mai auiliiliga o faatusatusaga i se faiga masani.
11. O le teugatupe o lafoga a le FESA i le ANZ Bank e le i auiliiliga faatusatusaga i masina taitasi. Ua talia e le Pulega le mataupu ua laga ma o le a faamauina mo le agai i luma.
12. O auiliiliga o paleni o e nofo aitalafu i le Pulega mo le 2010/11 ma le 2011/12 o lo o faailoa mai ai e le o tele ni suiga o paleni taitoatasi a i latou o lo o aitalafu, o lo o tumau lava paleni a isi tagata, o loo atagia mai ai le aunoa o se galuega o faia e tuliloa ai le toe faaolaina mai o tupe mai nei tagata. Ua faautagia le fautuaga e le FESA ma o le a faaleleia ia tulaga i le lumanai.
13. E leai se auiliiliga faatusatusa o faia i teugatupe o tupe faaagaaga maua o lo o faatonutonu ai nei tupe agai i aitalafu a kamupani tau fefaatauaiga taitasi. E ono oo ai i le tulaga e eseese ai paleni o GL ma aitalafu a tagata taitoatasi i totonu o le tusi laitiiti o faamaumauga o tupe. Ua maea ona faamauina lea tulaga, ae na mafua lea itu i tausaga ua mavae o se mataupu o le a mata'itu mo feuaiga tau tupe i le lumanai.
14. O lo o i ai pea aitalafu a le Pulega e le i totogiina mai le 2009, 2010 ma le 2011 i le lisi o le faasologa o aitalafu. Ona o se mataupu e tutusa ma le isi na tulai mai i tausaga ua mavae, o le a faaleleia ma faamauina i le faagasologa o tupe i le lumanai.
15. E na o aseta fou na faatau mai talu ai nei o lo o faanumeraina ma faamauina peitai o le tele o isi na maua mai le tausaga faaletupe ua tuanai e le o faanumeraina ma faailoga lelei mo le faigofie ai ona iloa. E ono tulai mai ai le itu o le lē manino o tau aogā po o le i lalo ifo o tau aogā o aseta. Ua matou taliaina le fautuaga ma faailoa atu o le a tuulata mai le Tusi Lesitala o Aseta Tumau ma tausia lelei mo feuaiga tau tupe i le lumanai.
16. E le o i ai se faagasologa i le taimi nei e mulimulitaia pe afai e faalēaogāina ni aseta ua tuai ma faaleagaina. E lē gata i lea, e le o i ai foi ni pepa faatumu e auiliili ai le faalēaogāina o aseta faatasi ai ma le tagata ofisa e faatagaina le faia o lea tulaga aemaise le ituaiga faamatuu atu e faia pe a faalēaogāina. Ua talia ma faamauina le mataupu e le Pulega, o le a faagasolo i tualumaga masani le faalēaogāina ma le faamatuu ese atu o aseta.
17. E le i mafai e le suetusi ona maua nisi o aseta o loo faamauina i le tusi lesitala o aseta. Ua faamauina e le Pulega le taua o le mataupu aemaise ai le tuulata mai o le tusi lesitala.
18. E le i iloilo ina vaegatupe mo aitalafu e lē mautinoa ona totogiina mai. Ua talia ma faautagia le mataupu ma ua tuuina ma faamaonia e le Komiti Faatonu le tusi esea o nei aitalafu.
19. O lo o faailoa mai i le Fuafuaga Autasi a le Pulega le faavaeina o se Komiti o Suetusi. E oo mai nei e le i faia lea tulaga. Ua faamauina foi ma talia e le Pulega mo fuafuaga i le lumanai.
20. E le i failaina ni lafoga VAGST i le Matagaluega mo Tupe Maua mo le tausaga na faaiuina i le 2012. Ua talia foi ma faamauina ma ua maea ona faia ma faatoai atu i le Matagaluega mo Tupe Maua (Lafoga) VAGST o le 2012.

21. E le o i ai se nofoaga saogalemu mo le teu maluina o faamaumauga i taimi o faalavelave faafuasei mo le Pulega. Ua talia ma faautagia foi lenei mataupu ma o le a faamauina mo fuafuaga o le lumanai.

Pulega o Felauaiga i le Laueleele

Tausaga Faaletupe na faaiuina 30 Iuni 2012

Sailiiliga Faasuetusi

1. E le o i ai se faamaoniga na faia ni iloiloga e le Pulega i auiliiliga o faatusatusaga o tupe teu i le faletupe e faailoa ai le maualuga o le tulaga faatuatuaina o le tagata e faaaogāina auunaga i le faiga ua faaaogāina e auiliili ai mai le MYOB. Ua matou fautuaina, e tatau i le Pulega ona faafoe siaki ma auiliiliga o tupe i luga o lea polokalame e faamautinoa ai o lo o paleni lelei tupe i luga o lea polokalame ma faamatalaga tau tupe. O lo o ua sainia nei auiliiliga o faatusatusaga o tupe i le maea ai ona iloiloia e avea ma faamatalaga molimau o galuega o lo o faatinoina.
2. E le o saina tagata ofisa faakonekarate uma i le api saina, ma e le o i ai se faiga faavae e lagolago ai lea tuusaunoaga. Ua fautuaina o tagata faigaluega uma vagana ai le Ofisa Sili o le Pulega e tatau ona saina e mata'itu ai lo latou auai ma le toesea mai galuega i taimi faigaluega faatulagaina. O lea ua saina uma i le taimi nei tagata ofisa konekarate ma le aufaigaluega atoa i le api saina.
3. E \$100,396.33 le aofaiga o le tupe na totogi atu i tinoitupe i tagata faigaluega o le pulega ma lana Fono Faatonu o le LTA i le aso 6 o Tesema 2011 e avea ma ponesi o le Kerisimasi. Na faavae le faatatauina o nei tupe i totogi o le lua vaiaso mo tagata faigaluega taitoatasi ma le tai \$5000 mo faatonu taitoatasi. E le i toesea ni tupe faaletulafono (lafoga, NPF, ACC) ina ua totogiina nei tupe. O lena talosaga ua sainia ma faamaonia e le Minisita o ia foi lea e i ai lana aia feteenai aua o ia o se tasi o Faatonu e agavaa i le ponesi. Ua fautuaina malosi le tuuina atu o se talosaga mo le faamaoniga a le Kapeneta ona e tutoatasi i latou i le faia ai o le faaiuga mausali i mataupu faapea, ona o le Faatonu lea e i ai lana aia feteenai. E lē gata i lea, ia taua mai le aiaiga i lalo o tulafono talafeagai e mafai ai ona tuusaunoa ia ponesi mai tupe toese faaletulafono. Ua amanaia le fautuaga, ma ua faamautinoa nei so o se faaiuga o itu tau i ponesi o le a taasisia ai Iugafono a le Kapeneta e aunoa ma se aia feteenai e toe faaaogāina. E faapena foi i tupe e toesea mai faaletulafono i le lumanai.
4. O le faafaigaluegaina o le toatele o tagata faigaluega e lē o ogatasi ma le faagasologa o lea tulaga e tusa ai ma le Taiala a le Vaega o Punaoa Tau Tagata Faigaluega. O le toatele o nei tagata faigaluega fou o lo o i ai ata o a latou tusi faailoa ai faailoga aloaia i faila galue ae leai nisi faamatalaga e pei o ni tusi talosaga/tusi ma isi faamaoniga e ala i filifiliga a ni laulau a fono na faatalanoaina. Na fautuaina le failaina o pepa aloaia manino e mafai ona tali atu i ia faatinoga ma gaoioiga na faia. O le taua o le i ai ma le faatagaga a le Vaega o e Feagai ma tagata faigaluega o le faamalamalamaina lea ma mautinoa le usitaia o faiga faavae ma taualumaga faamaonia. O lea faatoa faamaonia ma faamamaluina le Taiala fou o faiga faavae a le Vaega o e Feagai ma tagata faigaluega (e aofia ai le Faafaigaluegaina ma le Filifilia ai o Tagata Faigaluega).
5. E toatele ni tagata faigaluega na tofia sa'o i tulaga tofi sinia fou. E le i faasalalauina faalauaitele nei avanoa. Ua fautuaina le taasisia o nei taualumaga ma faamauina aloaia lea faiga mo pulega manino ma le mafai ona tali atu. O le taua o lea tulaga o le usitaia ai lea o faiga faavae talafeagai ma taualumaga faamaonia. I lalo o le Taiala o Faiga Faavae a le Vaega o e Feagai ma tagata faigaluega o i ai nei, o filifiliga tuusao e faamaonia e le Ofisa Sili o Pulega.
6. E le o i ai se faiga aupito sili ona lelei o faaaogāina e le Pulega e faafoe lelei ai le faagasologa o oloa. O le sueina o oloa ma meatotino o lo o faatino i le faaiuga o masina taitasi, peitai ane

e le o fesootai lelei le lipoti o le suega o oloa ma oloa na faatau mai, faatau atu ma faapena foi i le paleni o tupe maua mai i nei oloa i le faaiuga o le masina. E tele oloa e le o atoa ona i ai i le tele o masina ona ua maua le sese ona faitauina po o, ua faitau faalua i nisi o oloa i tausaga ua mavae. Sa faaalua foi e le Pulega i le Suetusi e faapea, e i ai se pusa o apa o numera o taavale e le i faitauina i le suega oloa o le faaiuga o le tausaga, ua faamaonia ai le lē faatuatua o le faiga po o le auala o lo o faafoe ai le sueina o oloa. E lē gata foi i lena, e leai se siaki na lelei faatino ona e le o i ai se iloilogaga na faia i lipoti o le sueina o oloa na tuuina mai. O lena tulaga na manino mai ai le leaga tele o le mata'ituina ma auiliiliga faatusatusa o faamatalaga tau tupe o paleni o tupe. Ua fautuaina malosi le faamautinoa o le faatinoina o se faiga aupito sili ona lelei e mautinoa ai o lo o faamauiina lelei oloa ma meatotino uma, faapea foi ma le fegasoloi o oloa ia mata'ituina lelei ma auiliili faatusatusaga. Ua faatino le auiliiliga faatusatusa o oloa tau apa o numera o taavale ma faitau lelei le aofai i faiga tai masina. O le faagasologa fou lena ua atagia ai se faasiliga i oloa ona o le pailate atoa lena e tasi o apa o numera o taavale na misi ona faitauina i le sueina o oloa i le faaiuga o le tausaga.

7. E le o tulaga lelei le taualumaga mo pepa o taavale (sticker) e le i faaogaina. O lo o faapena foi le tulaga i le Ofisa i Savaii. E ui lava ina faapea e lē toe aogā pepa pipii nei pe a maea ai masina taitasi, e i ai le tulaga lē mautinoa, e mafai lava ona tuuina atu nei pepa pipii i se faiga lē faatagaina. Ua fautuaina e le Suetusi ina ia toe faafoi uma atu nei pepa o taavale i le Ofisa Autu mo le auiliiliga faatusatusa o oloa ma faamaonia ai lipoti ua maea ona tuuina atu o oloa na faatau atu. E mafai foi e le Pulega ona sailia mai le faamaoniga a le Komiti Faatonu i le faalēaogaina o ia pepa e alofia ai le tuuina atu i se tulaga lē faatagaina. E aloia pepa pipii o taavale mo le vaitaumi e 12 masina ma o lo o teuina i le Ofisa i Savaii seia oo ina ua toe faafoi mai i le Ofisa Autu i Apia. Ua faautagia lelei le fautuaga.
8. E le o maeaea lelei le auiliiliga o le Tusi Lesitala o Aseta Tumau (FAR). O lo o maua ai i totonu aseta e lē tatau ona i ai ma nisi faamatalaga taua o aseta e le o ia. Ua fautuaina malosi foi le faamautinoa o auiliiliga uma o aseta ina ia faamauiina i lalo. O so o se aseta e feaveai e tatau foi ona faamauiina lelei i le FAR ma tuulata mai faamaumauga. Ua maea ona tuulata mai le tusi lesitala o aseta tumau ma ua tuulata mai e faailoa ai suiga fou ma le feaveaiga o aseta.
9. O lo o i ai aseta ua faamaui i numera o faasinomaga MWTI e faaopoopo atu i aseta e aunoa ma ni fuainumera faamauiina. O fuainumera faamauiina/numera o faasinomaga o se auala e iloa gofie ai le umia ma le i ai lea i le LTA o le pule o aseta ae lē tatau ona i ai se numera faamauiina a se isi faalapotopotoga. Ua fautuaina e le suetusi le faia o se suega oloa o aseta uma a le Pulega ma le toe faamauiina/toe faanumeraina o nei aseta uma i lalo o faasinomaga a le LTA. Ua maea nei ona tuulata mai le Tusi o Lesitala o Aseta e iloa gofie ai suiga ma fegaioiga o aseta tumau.
10. E le o tuulata mai le Tusi o Lesitala o Aseta Tumau ona o lo o i ai aseta e tatau ona faamauiina i le FAR mo le Ofisa i Savaii. Ua fautuaina malosi foi le faamautinoa o le tuulata mai o faamatalaga uma o aseta ma auiliili lelei faatusatusaga o aseta uma aemaise ai le toe iloilogaga. Ua maea nei ona tuulata mai le Tusi o Lesitala o Aseta e iloa gofie ai suiga ma fegaioiga o aseta tumau.
11. E ui lava ina faapea o lo o ese le faila mo le faamaumauga o feuiaga tau tupe, e le o i ai ni pepa aloia e lagolagoina ai nei faamaumauga o faapii ai. E le o i ai foi se iloilogaga o faafoega aupito sili ona manaomia i faamaumauga o feuiaga tau tupe ua tusia ona sa faatinoina lea vaega e le Pule o le Vaega o Tupe. Ua fautuaina e le Suetusi se faagasologa ina ia mata'itu lelei ai ma mautinoa le lagolagoina lelei ai o nei faamaumauga e pepa aloia talafeagai, ma le saunia lelei, siakiina ma faamaonia e se tagata ofisa faatuatua. E taua tele foi le faamautinoa o lo o tuueseeseina o tiute tauave. Ua faautagia fautuaga.

12. E le o manino lelei i igoa o tupe alu taitasi le ituaiga tupe faaalu na tuuina ma tusia ai e pei ona faaalua mai i lalo. Ua fautuaina malosi le toe iloiloaina o nei tupe ma faamautinoa le tuuina ma le tusia ai o tupe faaalu sa'o i le faamatalaga sa'o o tupe. E lua teugatupe eseese peitai o tupe alu e tutusa lava le faagaoioiga: O Faasalalauga Faatosina ma Siitaga o Tulaga Tofi (Taumafataga Mamafa ma le Taumafataga Mamā). O Faasalalauga Faatosina (Taumafataga Mamafa) ma le Tuuina atu o Mea Taumafa ma Auaunaga ma Mea ma Nofoaga Totogi faalisi, o nei teugatupe uma e lua e tutusa lelei. Mo le teugatupe o tupe alu i le Tulaga Soifua Maloloina ma le Saogalemu, sa faia ai se togiga elei a le aufaigaluega. O lenei teugatupe e tatau ona aofia ai na o toniga ma meafaigaluega mo le saogalemu o lo o faaaogāina e Tagata Ofisa, e pei o toniga a le Vaega o Leoleo ma tali pupuni i taimi o faalavelave. O le togiga lautele a le aufaigaluega e tatau ona faailoa eseese mai mo le tulaga manino ma manaomia ai foi le faiga faavae lea e manaomia ai le Pulega ina ia tuuina atu togiga elei mo ana tagata faigaluega. O le teugatupe o tulaga faasui auai ma totogifuapauina o auaunaga a nisi o fale faamalositino ma nusipepa. Ua uma ona toe iloilo le siata o Teugatupe ma ua faatino uma suiga na fautuaina.
13. O le atulaga a le Suetusi po o iai se faiga faavae e uiga i tupe faameaalofa ma ona itu faatapulaaina, ona e faalagolago le Pulega i lagolago mai le tala o le tupe a le Malo mo ana galuega, ma o le tele o tupe faameaalofa e totogi atu e sili atu i le aofai mauuluga o tupe faameaalofa e tusa ai ma aiaiga masani a le Malo. Ua maea ona faamaonia e le Komiti Faatonu le faiga faavae mo tupe faameaalofa.
14. Ua faateleina siaki tupe ma lea tulaga e tatau ona mata'ituina ona e siitia ai le tulaga e lamatia ai i le sese ona faaaogāina tupe po o le faamauiina i faamatala tau tupe. Ua fautuaina malosi e le suetusi le faaaogāina o siaki i tupe totogi uma ma e tatau ona totogi atu i le igoa o se Tagata Tumaoti po o se Kamupani e mautinoa ai ua faatino lelei ma tuuina i totonu i se faiga sa'o ma mafai ona malamalama. Mo alauni, ua fautuaina le iloiloaina o faagasologa e pei o tupe faamatuu atu e manaomia auiliiliga o le faaaogāina o lo o tusia i lalo o le igoa o le Pule Sili, mo le tulaga malupuipua ma, mo le lipotia ma le faamauiina faatausi tusi. I le taimi nei, e le o toe faaaogāina ni tinoitupe/siaki tupe o totogiina e pei ona fautuaina.
15. O Tusi o Faamaumaga Eeseese ua maea ona faatumuina ma le faaaogaina mo le Ofisa i Savaii i tausaga ua mavae o lo o i Savaii pea i le taimi nei. Ua fautuaina e le Suetusi o Tusi o Faamaumaga uma ua maea e tatau ona faafoi atu i le Ofisa Autu mo sueusega talafeagai faatausi tusi, ma faamaonia ai foi lipoti na tuuina atu. Ua faautagia ma faatino fautuaga.
16. E le o faaalua mai i noataga a le Pulega faamanuiaga tau aso malolo o tagata faigaluega i le Tusi o Faamaumaga o Tupe i masina taitasi. Mo se faatinoga lelei, ua fautuaina le auiliiliga faatusatusa o faamatalaga tau tupe o paleni o aso malolo i totonu o le Tusi o Faamaumaga o Tupe Eeseese, ona e mafai ona fesoasoani ai i le Pulega e mata'itu ai a latou noataga i so o se taimi, e alofia ai le tele o fetuunaiga e faia i le faaiuga o le tausaga. Ua talia le fautuaga. Ua maea ona tuulata mai aso malolo e agavaa i ai le aufaigaluega, faatasi ai ma iloiloiga faatusatusa i aso taitasi.

Auaunaga Faa-Soifua Maloloina

Tausaga Faaletupe na faaiuina 30 Iuni 2011

Sailiiliga Faasuetusi

Sa i ai ni tulaga maoae o le lē atoatoa i Faamatalaga Tau Tupe ua talafeagai ma se manatu suetusi e lē atoatoa lona lelei. E ese mai ai i se tulaga agavaa sa fuafuaina mo le faamatalaga tau tupe 2010, ua faapea foi ona matou fautuaina le tagai ai o le pulega i le tuuina i ai o tulaga maoae e faaleleia ai le lipoti o le tausiga o tusi ma lipoti tau tupe.

1. Ua lē mafai e le Vaega Tausi Tusi ona tuuina mai pepa aloaia e lagolago ai nisi o aofaiga o tupe totogi. Ua fautuaina ai e faapea o pepa uma o tupe totogi e tatau ona faila lelei mo faasinomaga i le lumanai ma faamoemoega o le sueina o tusi. Ua faatino e le Vaega Tausi Tusi le galuega e faamautinoa ai le failaina lelei o pepa o tupe totogi.
2. O tagata e le o toe i ai i le Auaunaga Faa-Soifua Maloloina sa maua o lo o i ai pea i luga o le lisi o maliega sainia. Ua matou fautuaina ai e faapea e manaomia le faamamaluina o nei suiga i se taimi vave lava e talafeagai ai. Ua fesootai atu le Pulega o Tausi Tusi i faletupe ma faia gaoioiga.
3. E leai ni lisi mo aseta na faameaalofa mai paaga ma ni aseta faaopoopo na faatauina i le vaitaimi o loo sueina e tusa ai ma le Tusi o Faamaumaga o le Tuufaatasiga o Faamatalaga Tau Tupe, Lisi o Paleni o Tupe Totogi Mai ma Aitalafu ma Faamatalaga Tau Tupe. Ua faapea foi ona matou matauina o paleni o aseta tumau i totonu o Faamatalaga Tau Tupe, Lisi o Paleni o Tupe Totogi Mai ma Aitalafu ma le Tusi o Faamaumaga o le Tuufaatasiga o Faamatalaga Tau Tupe e feteenai ma le Tusi Lesitala o Aseta Tumau. O Faiga Faavae a Tagata e faaogaina auaunaga mo Meatotino Faamatuu atu o Masini ma Meafaigaluega e le o mulimulitaia ona e leai se lafoaiga o aseta po o tulaga faaleagaina o faaalua i le faamatalaga tau tupe. Ua matou fautuaina ai e faapea ia tagai le pulega i le mataupu ma faia ni faasaoga e talafeagai ai ma tulaga e faaleleia ai. Ua faamaonia e le Komiti Faatonu le faaogaina lē tumau o se kamupani tausī tusi e fesoasoani i le Vaega o Aseta a le NHS e toe faatulaga aseta tumau i se tulaga e mafai ona taliaina ai le sao atoatoa ma le talafeagai ai. Ua galue foi le Pule Autu o Aseta i luga o aseta tumau ua faaleagaina ma faamatuu atu ma o le a faatulaga fetuunaiga i le tuanai ai o le faataunuuna o le toe faatulagaga ua fuafuaina.
4. E pei ona masani ai ona manaomia, e tatau ona faapipii risiti autu aloaia i se tusi risiti lagolago pe afai e faarisitiina tupe i le risiti autu. Sa matauina i le sueina o tusi e faapea o se aofaiga o risiti autu aloaia e le o aveesea mai le tusi risiti autu ma faapipii atu i le tusi risiti lagolago.
5. E tasi le tusi risiti o lo o misi.
6. O lo o i ai se aofaiga o tupe pa'ū o tupe maua na aoina ina ua faapaleni aofaiga o risiti lagolago i le aofaiga o risiti autu i le Vaega e Vaai ai Tagata Mamai o Auaunaga Faa-Soifua Maloloina ma Vaega o Fa'i Nifo mo le masina o Iulai 2009.
7. E tusa ai ma le polokalame (Nofoaga o Faatauga (POS)) mo le aoina o tupe maua, na matou matauina foi nisi o aofaiga o tupe sa aoina ma risiti autu e aunoa ma ni pepa aloaia e lagolago ai mo nei aofaiga e tusa ai o lo latou faamoemoe.
8. O nisi o risiti mai auaunaga (POS) e lei faarisitiina autu e tusa ai ma manaoga masani.

9. E lē i faaaogāina e le Matagaluega o pepa kaponi i nisi o mataupu pe a oo ina faatumuina le Pepa Faatumu e talosaga ai oloa Faalotoifale.
10. E faatoa faamauina lava Pepa e talosaga ai Oloa Faalotoifale ma Pepa e Faaoo atu ai oloa pe afai e tuuina atu i le vaega e talosagaina, ae le o le taimi na maua mai ai mai lē na tuuina mai oloa. E faaopoopo atu i ai, o nisi pepa faatumu talafeagai sa tuuina atu e le i lesitalaina.
11. E tutusa numera o siaki sa faaaogāina mo siaki e totogi ai tagata eseese e toalua na aumai ai oloa. O lo o i ai foi numera o siaki o lo o misi i luga o le polokalame (system) e faapea foi ona misi mai le faila lea o lo o teuina ai ata o siaki na totogiina. Sa matauina i le sueina o tusi le i ai pea o numera o siaki o lo o misi ma siaki numera tutusa ua tuuina atu mai le polokalame (system) o lo o faamauina.
12. O nisi totogi o le aufaigaluega e toese sao ma totogi i faletupe e le o tutusa ma lipoti o totogi.
13. O le iloiloga o le faiga o totogi a le aufaigaluega i le taimi nei mo le tausaga faaletupe na faaiuina i le aso 30 Iuni 2010, ua faaalua ai vaivaiga nei:
 - O faasilasilaga o suiga i faamatalaga o tagata faigaluega e le o lipotia i lea lava taimi i faatinoga o faamatalaga tau tupe o Totogi ma faamauina i totonu o se tusi o faamaumauga o totogi.
 - E leai se tusi lesitala o totogi a le aufaigaluega na tuuina atu e le tagata e faaaogāina le auaunaga ua iloiloaina, faatusatusaga o paleni ina ia faatonutonu ai aofaiga e se tagata talafeagai.
 - O le aofaiga o siaki o Totogi ma / po o tupe teu tuusao i faletupe e le o tutusa ma faamaumauga ma tusi lesitala o totogi a le aufaigaluega/lipoti.
 - O tupe teu i teugatupe o totogi i faletupe e le o faatusatusaina ma tusi lesitala o Totogi a le aufaigaluega.
 - E leai se faatusatusaga ua faia e le pulega o lisi o totogi o tagata faigaluega o i ai nei ma totogi talu ai, mo se suesuega ma faamaumauga aloaia o ni eseese.
 - E leai se iloiloga lautele faavaitaimi ua faia e tagata faigaluega o le pulega o tusi lesitala o totogi.
 - E leai se iloiloga na faia e tagata faigaluega o le pulega o tupe faatupulaia tai masina mo tulaga atoatoa ma talafeagai.
 - E leai ni siaki poo ni faatusatusaga na faatino mo lesitala o lisi o totogi ma ni Tusi o Faamaumauga o le Tuufaatasiga o Faamatalaga Tau Tupe i Paleni o aofaiga atoa o totogi ma tupe mamā maoti i pepa o lafoga.
 - E leai se auiliiliga faatusatusa o totogi aso atoa i le faaiuga o le tausaga, i le Tusi o Faamaumauga o le Tuufaatasiga o Faamatalaga Tau Tupe ma totogi aso ua totogiina i totonu o le tusi lesitala o totogi ua maea ona totogiina.
 - E leai se iloiloga na faia e tagata faigaluega o le pulega e uiga i faatusatusaga o paleni o tusi lesitala o totogi ma teugatupe e faatonutonu ai le tusi o le tuufaatasiga o faamatalaga tau tupe.
 - E le o i ai ni tupe faatupulaia mo faamanuiaga o faamauina mo e faamuta pe faamavae mai le Auaunaga poo e o le a faamalolo litaea.
 - E leai se faila Autu na saunia e le Ofisa Autu o Pulega mo TY15s o Auaunaga Faa-Soifua Maloloina na tuuina atu mo le tausaga 2009/2010, e na o uluai pepa i le Vaega o Totogi ma ata o lo o i totonu o faila e patino i le tagata lava ia.
 - E leai ni Lisi Autu o Totogi na saunia mo totogi taitasi ma aofaiga faatupulaia o Totogi Atoa & Tupe Mamā Maoti o totogi & tupe toesea faaletausaga ma faapea foi ma pepa o totogi taitasi.

- E leai ni faamaumauga poo se auala mo le siakiina i le polokalame mo le faiga o totogi a le auaigaluega.
14. E leai se auiliiliga faatusatusa o faamatalaga tau tupe o paleni ua saunia mo tagata nofo aitalafu.
 15. E le i tuuina i totonu Tusi o tau o oloa ma auaunaga uma a le Vaega e Vaai ai Gasegase (OPD) i le Tusi o Faamaumauga o le Tuufaatasiga o Faamatalaga.
 16. E leai se aiaiga tau tupe mo aitalafu lē mautinoa po o se tulaga e faalēaogāina ai aitalafu mo le vaitaimi faaletupe ua sueina 2009/10, o atagia i totonu o le faamatalaga tau tupe.
 17. E leai se maliega na faia mo ni vaega tupe na totogi muamua i se Pamu Penisini ma le Kamupani Penisini e oo atu le aofaiga i le \$15,000 i le tausaga, lea sa faatatauina e avea o tupe maua mai mo le tausaga faaletupe e faaiiina i le aso 30 Iuni 2010.
 18. O Tusi o tau o oloa ma auaunaga uma o Auaunaga mo Tagata Mama'i i totonu o le falemai e le i faamauiina i le Tusi o Faamaumauga o le Tuufaatasiga o Faamatalaga Tau Tupe.
 19. O lo o misi se aofaiga o tusi o tau o oloa ma auaunaga.
 20. O le iloiloga o Meatotino po o le faiga o le Faamauiina o Aseta Tumau ua faaalua ai vaivaiga nei:
 - O pepa faatumu o le maua mai o meatotino ma le lafoaia e le i faamaonia e le pulega.
 - E leai ni Faiga Faavae tusinga o Tau i Tupe ma taualumaga mo Meatotino/Aseta sa saunia e le pulega.
 - E leai ni auiliiliga faatusatusa o faamaumauga auiliili o asetā tumau ma teugatupe e faatonutonu ai le tuufaatasiga o faamatalaga tau tupe na saunia e le pulega.
 21. O le iloiloga o le faiga e Totogi ai Tupe ua faaalua ai vaivaiga nei:
 - E le o tuueseeseina galuega tauave o le talosagaina, faatau, ma le taliaina o oloa faatau mai mai atunuu i fafo e pei o faiga o loo faatautaia ai le faatauina o oloa i totonu o Samoa.
 - E leai se taimi faatapulaa mo oloa faatau mai i le faaiuga o masina.
 - E leai se faatusatusaga faavaitaimi o Tupe Faaalu Moni i Tupe Faaalu Faatatauina e le pulega ma tulituliloa ai ni eseese taua.
 - E leai ni faatusatusaga o paleni faale-masina mo faamatalaga tau tupe a le tagata e faatau mai ai oloa ma le Paleni o Tupe Maua Mai ma Tupe Aitalafu i Teugatupe e Totogi ai Tupe na faatinoina.
 - E leai se Faamatalaga Faatonutonu mo tagata o fai i ai aitalafu ua na o faamaumauga o faamatalaga faaopoopo mo paleni a tagata o fai i ai aitalafu, o lona uiga e leai se auiliiliga faatusatusa o paleni.
 22. E le i saunia se Faamatalaga o le faaogāina o Tinoitupe mo Mealaiti. E le o maea auiliiliga o pepa o oloa mo tinoitupe o aso taitasi. E leai ni numera o pepa o oloa sa siakiina ma faamaonia e ala i saina. E leai ni pepa aloaia e lagolago ai nisi pepa o oloa o tinoitupe o aso taitasi, e pei o risiti ma e le o i ai ni saina a tagata e totogiina i ai tupe mai lea vaega tupe.
 23. I le itu i le Umukuka, o se aofaiga o pepa o oloa o tupe totogi e le o atoatoa ona lagolagoina e pei ona manaomia ai e faamaonia ai tupe totogi. Ua manaomia ni faiga e faaleleia ai le faafoega o le umukuka.

24. Sa matauina faafitauli i faamaumauga o oloa faatasi ma lisi o oloa o vailaau o lo o tuuina mai i le ofisa autu faapea foi i tua i nisi o lala.

Faalapotopotoga Faavae Tau Fatuga’o

Tausaga Faaletupe na faaiuina 30 Iuni 2012

Sailiiliga Faasuetusi

1. O nisi pepa o oloa o tupe totogi e le i sainia e le Pule Sili. Ua fautuaina ai e faapea o pepa o oloa o tupe totogi uma ua faia, e tatau ona siaki lelei ma faamaonia e le tagata faigaluega talafeagai e tusa ai o le faiga masani o le tausiga o tusi ma taualumaga o faafoega tau faalotoifale. Ua faautagia le fautuaga.
2. O lo o i ai nisi o tupe totogi e i luga atu o le \$5,000 e aunoa ma ni tau talafeagai tuuina mai i ni tagata se toatolu. Ua fautuaina malosi ai e faapea o taualumaga, lea e manaomia ai tau fuafuaina tustusia e 3 mo le galuega mai ni tagata eseese e tuuina mai auaunaga mo le faatauina mai o aseta e i luga atu o le \$5,000, e tatau ona usitaia, ma o lenei tulaga e faamautinoa ai le maua e le Faalapotopotoga o le auaunaga e manaomia i se tau talafeagai. Ua faautagia le fautuaga.
3. E pei ona laga mai i le lipoti o le tausaga talu ai, sa i ai se aofaiga o siaki na tuuina atu e avea ma siaki o tinoitupe e mafai ona tala e so o se tasi. O nei tupe totogi o siaki o tinoitupe e faasino i gaoioiga eseese, aemaise lava e faasino i le toe faaolaina o tinoitupe mo mealaiti ma alauni o fonotaga a sui o le komiti faatonu. Ua faapea foi ona matou matauina mai a matou suesuega e faapea o nisi o nei tinoitupe totogi atu e le o i ai ni itu e molimauina ai le lagolagoina lelei ai. E tatau i le pulega ona matua tagai totoa i le faavaeina o faiga talafeagai e faatonutonu ai le faaogaina o nei siaki o tinoitupe. E mulimulitaia ai i faiga masani e sili ua faia e le tele o kamupani tetele ma le Malo, ua tuuina atu ai nei siaki o tinoitupe i lalo o le igoa o se tagata faigaluega sinia o le pulega ina ia faapea ona o latou mafai ona tali atu mo ia tupe totogi. Ua faautagia le fautuaga.
4. O le fuafuaga faale-masina mo le initaneti e \$999.01 e oo atu i le \$11,988.12 mo le tausaga atoa. O le aofaiga o tupe faaalu i le Initaneti mo le tausaga faaletupe 2011 – 2012 e \$18,761.21. O le aofaiga faasili na faaalu i le inianeti e \$6,773.09 e tusa ma le 56% ua sili atu ai. E tatau i le pulega ona iloilo ma fuafua faiga e faatonutonu ai ina ia mata'itu ai le faaogaina o le initaneti po o le toe iloilo o le fuafuaga tau initaneti. E manaomia e tausi Soifua, o le afaigaluega o Potu Oloa ma Galuega Faafomai, le fesiitaiga o faamatalaga mo sailiiliga, o mea faatino e faaogā mo aoaoga, māi lea taimi i lea taimi, ina ia tausia tuulata mai ai ma atinae fou i auaunaga tau fatuga’o, e faapea foi vaega ua le o toe faaogaina i galuega faafomai e fesootai i ai ma faiga faatekonolosi. E ui i lea, ua faautagia le fautuaga.
5. E le o i ai se Fuafuaga Toe Faaleleia o Faalavelave Tutupu Matuia, IT, e pei ona laga mai i le lipoti o le tausaga talu ai. E le o i ai ni faamaumauga aloaia e avanoa, e uiga i le faafoega lelei e tagata o faaogaina, i le tulaga o se faalavelave matuia e ono tupu mai. I le aunoa ai ma le faamauina aloaia ma le suesuega atoatoa o pisinisi ma fuafuaga Toe Faaleleia o Faalavelave Tutupu Matuia IT, o lo o i ai se tulaga lamatia o le Faalapotopotoga ona o le lē mafai ona faaleleia o gaoioiga tāua tau pisinisi ma le polokalame a IT i se taimi talafeagai ma/po o se faiga e atoatoa, i le tulaga o se faalavelave ogaoga faafuasei e tupu mai (e pei o afa, mafuie, ma isi faapena). I le ma lea, o le faaauau pea ona leai se faamauina aloaia ma le suesuega atoatoa o pisinisi ma fuafuaga toe faaleleia o faalavelave matuia a IT, ua tulai mai ai se tulaga maua luga ma le lē talafeagai e faalagolago ai i luga o le atamai o ni tagata autu taitoatasi ma le afaigaluega a le IT ina ia faamautinoa ai ua mafai ona toe faaleleia atoatoa polokalame a le NKF. Ua matou fautuaina ai e faapea ua tauaveina e le pulega se tulaga faaletonu ua faatulaga mai ma le iloilo o aafiaga tau pisinisi e faailoagofie ai ituaiga o faaletonu o feagai ma pisinisi

ma polokalame a IT ma tulaga o tutusa ai ma le aafiaga o nei tulaga faaletonu ua tulimataia. Ua faamauina le fautuaga mo le iloiloga.

6. E le o i ai pea se Faiga Faavae Tau Puipuia a le IT ua faamaonia, e pei ona laga mai i le Lipoti o le tausaga talu ai. E ui lava o lo o i ai nei se ata o se Faiga Faavae Tau Puipuiga o le IT, e le o faamaonia e le pulega ma o lea tulaga ua mafua ai ona lē mafai ona faatinoina po o le lē faataunuuina. I le leai ai o ni faiga faavae tau puipuiga talafeagai, ua siitia ai le tulaga faaletonu o le faatinoina lē talafeagai ma le lē atoatoa o faiga e faatonutonu ai puipuiga tau komipiuta. E tatau i se Faiga Faavae Tau IT ona faatulaga ma faamau aloaia ai le faatulagaga mo le faatinoina o puipuiga tau faamatalaga i se faalapotopotoga atoa. E tatau foi i lenei faiga faavae ona faamamafa ai le tāua o puipuiga tau faamatalaga i totonu o le faalapotopotoga, o faamatala ai tulaga faataatitia tau puipuiga o le IT ma tausisia manaoga ma faatulagaga aloaia o matafaioi mo le pulega tau puipuiga o faamatalaga. Ua matou fautuaina ai le faia o se Faiga Faavae Aloaia Tau Puipuiga a le IT, e faamaonia e le pulega ma tufatufa atu i le aufaigaluega uma ma faapea ona faia faavaitaimi ni fonotaga faaleaoaoga e faalauiloa ai puipuiga, ina ia mautinoa ai ua nofo sauni i manaoga tau puipuiga a le IT i totonu o le Faalapotopotoga Faavae Tau Fatugao a Samoa. Ua faamauina le fautuaga mo le iloiloga.
7. E leai se Taiala Tau IT ua faamauina aloaia ma faamaonia mo le Vaega o IT i totonu o le Faalapotopotoga Faavae Tau Fatugao a Samoa. E le o i ai i le Vaega o le IT se faasinomaga manino, o lona uiga o le tulaga faaletonu o le faasinomaga o le IT ma sini o le Faalapotopotoga e mafai ona lē ogatasi. Ua matou fautuaina ai le Faalapotopotoga Faavae Tau Fatugao a Samoa e faia se fuafuaga o Taiala Tau IT e faamautinoa ai ua faataunuuina i galuega tauave a le IT ia manaoga o le pisinisi. Ua faautagia fautuaga mo le faatinoga.
8. E le o faamalositia tagata e faaogaina komipiuta e suia a latou upu faalilolilo (Windows Passwords) a itiiti mai e tai 90 aso ma sui. O faiga masani e sili ona lelei mo le faatulagaina o faamatalaga e tatala ai komipiuta i faiga tau pisinisi i nei aso, ua talia faalauaitetele e tusa a itiiti mai e tai 8 mataitusi le umi ma e manaomia le faavaeina o faamatalaga e fesootai e faamautinoina ai le i ai i faamatalaga e tatala ai komipiuta se fesootaiga o fuainumera, o mataitusi ma faailoga faapitoa. I lenei tulaga, o lo o i ai le siitia o tulaga faaletonu o faamatalaga e tatala ai, e faigofie ona manatua ma mateia po o le toe maua mai o faamatalaga e faaogaina ai polokalame o faamatalaga i komipiuta e avanoa saoloto mai i luga o initaneti. Sa laga mai foi lenei tulaga i le Lipoti o le tausaga talu ai. Ua faautagia fautuaga ma e mafai ona faasili atu i le 6 masina o suiga na i loo le 90 aso.
9. Ua matauina mai le faatalanoaga ma le Ofisa Autu mo le IT e faapea e le o tausia ni ata o faamatalaga i se isi nofoaga faaleoleo e ese mai nofoaga o le pisinisi. I se tulaga e faapea ona tupu se faalavelave matuia i le nofoaga o i ai nei le masini o lo o faasoasoina polokalame faakomipiuta ma isi Masini o le IT, e faapea ona siitia ai le tulaga faaletonu e lē mafai ai e le faalapotopotoga ona toe maua mai faamaumauga. E nao le tasi lava le faamatalaga faaleoleo o lo o tuuina faatasi ma le masini o lo o faasoasoina polokalame faakomipiuta. Ua matou fautuaina ai ni ata o faamatalaga i se isi nofoaga ina ia faavaeina. O le faiga masani e sili ona lelei ia le itiiti mai ma le 5 km le mamao mai le masini autu e faagasoloina polokalame. Ua faautagia fautuaga mo gaoioiga.

Faalapotopotoga Faavae Tau Fatuga’o

Suega Faavaitemi: 1 Iulai 2012 – 31 Mati 2013

Sailiiliga Faasuetusi

1. O tulaga e agavaa ai i aso malolo mo nisi o sui o le aufaigaluega e le o tuulata mai i le tulaga e tataua ona i ai i totonu o le api saina. O lo o i ai foi pepa faatumu e talosaga ai aso malolo e le o i ai mo nisi o le aufaigaluega, ma ua le mafai ona faamaonia i le sueina o tusi, pe na tuuina atu e nei tagata faigaluega ni pepa faatumu o aso malolo mo le faamaoniga. Ua faautagia le naunautaiga ma le fautuaga.
2. O nisi pepa aloaia o oloa e totogi ai tupe e le o atoatoa ma e faatatau lea i pepa aloaia e lagolago ai. Ua faautagia le atugaluga ma le fautuaga.
3. E le o i ai se tauaalumaga mo le faalēaogāina o nisi aseta, ma se faamaoniga e faapea ua faamatuuese atu nei aseta ma ua maea foi ona suia. O faamatalaga tau tupe a le NKF mo ia tau e tusa ai o tupe faaalu (tupe faaalu i taavale), e le o avea o ni aseta tumau, ua faailoa ia le latou faatatauina e avea o ni vaega e sui ai vaega na leaga o taavale ma e le sili atu ma le tausaga lona aogā e tusa ai o tulaga faaleagaina mai lona faaogāina ai. E ui i lea mafuaaga, e le o manaomia ai ni pepa faatumu e lagolago ai le suia o nei vaega e toe faaleleia ai le taavale, talu ai o le aseta tumau lava ia (taavale GM) e le o faalēaogāina. Ua faia tauaalumaga ma ua faaogāina nei pepa faatumu e faalēaogāina ai mo le faamaoniga ma faamaumaga aloaia o le faalēaogāina o aseta.
4. O aseta tumau na faatauina mai i totonu o le vaitaimi faaletupe e le i lesitalaina. Ua faamauiina e le NKF o aseta tumau fou uma ua faatau mai i totonu o le tausaga faaletupe e faamauiina i le lesitala o aseta ina ua faia la matou faitauga o aseta tumau ia Iuni i le faaiuga o tausaga faaletupe taitasi. Ua faautagia fautuaga.
5. O nisi pepa aloaia o oloa o tupe totogi mo tupe faaalu i penisini ma le tausiga o taavale e le o faamaonia e le Pule Sili. O tupe totogi uma ua maea ona siaki lelei e le Pule o le Vaega o Tupe ma faamaonia mulimuli ane e le Pule Sili. O itu e lua e pei ona faailoa mai e le vaega suetusi, e faapea sa faamaonia e le Pule Sili tupe totogi, e ala i le saina i luga o le siaki, ae galo ai ona saina i luga o pepa aloaia oloa e totogi ai tupe.

Iunivesite Aoao o Samoa

Tausaga Faaletupe na faaiuina 30 Iuni 2012

Sailiiliga Faasuetusi

1. O le faafaigaluegaina o nisi o le aufaigaluega fou e le o mulimuli i taualumaga a le Iunivesite i le faafaigaluegaina o tagata. I totonu o le tusi taiala o faiga faavae ma taualumaga a le aufaigaluega fuaiupu 2.6.7 ua taua ai e faapea "ina ua maea le faamaoniga o le tofiga, o le a tuuina atu ai e le vaega o Tagata Faigaluega le konekarate mo le sainia i le aso e amata ai ina ia siania i lea lava taimi e le sui o le aufaigaluega ma le Pule Sili po o sē ua filifilia". I nisi tulaga o le mataupu, e le o i ai se tusi o talosaga, e leai se konekarate na sainia ma sa faatuai le sainia o le konekarate ina ua maea le 13 masina. O le a faamautinoa e le Iunivesite Aoao o Samoa ua foia lenei tulaga i le agai atu i luma.
2. Sa matauina i le sueina o tusi se feteenaiga o aia ma se tasi o tagata ofisa i vaega o tagata faigaluega o lo o patino i ai le tuulataina mai o aso malolo o le aufaigaluega mo le vaega a le IOT. O le tagata o le aufaigaluega e faaipoipo ma le faiaoga o le vaega a le IOT. E leai se taualumaga e mata'ituina pe iloiloaina ai le faafoega e faamautinoaina ai ua maea ona tululataina mai talosaga mo aso malolo agai i pepa faamauina aso malolo. O le a faia faafoega talafeagai e foia ai lenei mataupu.
3. E le i sainia tusi o faamaumauga o tupe teu i le faletupe e ui o se tasi lenei o taualumaga a le Iunivesite e tataua ona sainia ma siakiina le tusi o faamaumauga o tupe teu i le faletupe pe a maea ona teuina i le faletupe. O le faiga masani e siakiina e le tasi tusi sinia ma saina le tusi o faamaumauga o tupe teu i le faletupe e iloa ai ua maea ona siakiina le tupe teu i le faletupe. Ua faautagia e le Iunivesite le fautuaga mo le faaleleia i le lumanai.
4. E leai ni puipuiga talafeagai mo le tuuina atu o risiti o tinoitupe mai le faleoloa o tusi agai i le talitupe. O risiti o tinoitupe ma masini e ta ai faatau ua tuuina atu i le talitupe e aunoa ma se pepa faatumu e faatusatusa ai paleni o risiti o tinoitupe ma le masini e ta ai faatau ma faailoa ai sa faatinoina le siakiina o tupe ma risiti. Ua tali mai le Iunivesite o le a fuafuaina se pepa faatumu o faatusatusaga o paleni ma tuuina atu i le vaega o faleoloa o tusi mo faafoega talafeagai o le umiaina ma le taimi e tuuina atu ai risiti o tinoitupe mai le faleoloa o tusi i le talitupe.
5. E leai se tulaga o le tuueseeseina o le faarisitiina o faatauga a le faleoloa o tusi, faatauina atu ma le umiaina o oloa ma le tulaga tuulata mai o le tusi lesitala o oloa. E leai seisi tagata faigaluega e mafai ona ia faamaonia gaoioiga e tusa ai o le vaavaaiga o oloa ma faatauga a le faleoloa o tusi. Ua tali mai le Iunivesite ua faautagia le faamoemoe o le suetusi.
6. E le i tuulata maia nisi o pepa o faamaumauga o aso malolo. Ua maea ona faasa'o pepa o faamaumauga o aso malolo i le taimi ao faagasolo le suega. Ua faautagia le fautuaga a le suetusi ma o le a faamautinoa e le Iunivesite ua foia lenei tulaga i le agai atu i luma.
7. O lo o i ai faaputugatupe tau atinae ua faavasegaina i lalo o noataga ae leai ni faamaumauga mo nei poloketi. O lenei mataupu sa laga muamua e le suetusi i le tausaga ua te'a. Ua talia e le Iunivesite le fautuaga ma o le a faailoa i le tagata e talafeagai, ona nofouta i le taua o le mauaina o lenei faamatalaga a o faagasolo taualumaga o le sueina o tusi.
8. E le i saunia faamatalaga toe faafoi o tupe maua mo lafoga totogi (VAGST) talu mai Iuni/Iulai 2011. E tele se taumafaiga sa faia i le tulaga tuulata mai o faamatalaga toe faafoi o tupe maua

o lafoga (VAGST) i le masina ua tuanai. O faamatalaga toe faafoi o tupe maua o lafoga (VAGST) mo masina o Setema/Oketopa 2011 e oo atu ia Me/Iuni 2012 ua faapea ona maea ona tuuina atu i le Matagaluega mo Tupe Maua.

9. E le i maua le pepa aloaia o tupe totogi mo le pili o le eletise e 54,159.53 ua le mafai ai ona faamaonia. Ua faautagia le fautuaga.
10. O lo o faaaogāina e le Iunivesite Aoao o Samoa se faiga faavae o aso malolo mo le umi o le tautua lea e agavaa i ai tagata faigaluega uma (avanoa faakonekarate ma tulaga tumau) i aso malolo mo le umi o le tautua pe a maea le 10 tausaga. O tulafono faatonutonu a le Komisi o le Aufaigaluega o Galeuga a le Malo (PSC) e faatagaina ai nao tagata faigaluega tumau e agavaa i lenei ituaiga o aso malolo ae vagana ai tagata faigaluega faakonekarate e lē agavaa i aso malolo mo le umi. O nisi Faalapotopotoga Tau Atinae a le Malo ua leva ona faaaogāina ia faiga faavae e ui lava i le tulaga e faapea e le o aafia ai foi i latou i lalo o tulafono faatonutonu a le Komisi o le Aufaigaluega o Galeuga a le Malo.

Penisione mo Sui o le Palemene

Tausaga Faaletupe na faaiuina 30 Iuni 2012

Sailiiliga Faasuetusi

1. O se suesuega faapitoa mo le Polokalame e le i faatinoina lava, ma o lenei mataupu sa faapea foi ona laga i le lipoti i le tausaga talu ai lea na mafua ai se manatu faapafala i le sueina o tusi. Sa asiasia e le konesale fou le Ofisa o le Faaputugatupe mo le Lumanai Manuia o Tagata (NPF) ia Setema 2012 e faatalanoa le ata o lana lipoti ma aoina nisi faamatalaga mai le Polokalame, ua manaomia e faamaea ai lana lipoti faapitoa. Ua manaomia e le konesale fou faamatalaga talafeagai uma mai sui uma, o lea ua umi ai le taimi talu mai le lipoti a le konesale sa i ai talu ai ma lē mafai ai ona avanoa i faila. O le iloiloga faapitoa e oo atu ia Iuni 2011 sa tuuina atu i le aso 28 Fepuari 2013. Ua faaalua ai se faasiliga e 336 i le aso 30 Iuni 2012, o se siitaga e 71% pe a faatusatusa atu i le 197 i le aso 30 Iuni 2008. O le iloiloga faapitoa mo le vaitaimi e tolu tausaga e oo atu ia Iuni 2014 o lo o faagasolo nei, ma e tataua ona maea i se taimi e le o toe mamao.
2. O le polokalame e faamaumau ai saofaga a sui auai ma tupe totogi atu (polokalame tau komipiuta o faamatalaga tau fuainumera (Excel)) ua agai ina le toe faamoemoeina ma e faapea foi ona umi le taimi e faatali ai mo le tagata ofisa o feagai ma le saunia o faamatalaga tau tupe a sui ma isi lipoti talafeagai e faatatau i teugatupe a sui auai e tusa o tulaga lavelave o le faagaoioga o le Polokalame. O le faiga fou e pei ona fuafuaina ma faamaonia e le Komiti Faatonu o Penisione mo le Palemene ia Aperila 2012 o lo o ua i lona laasaga faai i le taimi nei. Ua taua lenei faiga fou o le AS400 DB2. O le a faafoe foi i lenei faiga fou ia galuega mai lea aso i lea aso ma tuufaatasia faafoega tau fesootaiga a sui, o le faaaogāina foi o le a faailoa maoti ai se numera o lipoti mo le faaaogaina e le pulega. O lenei faiga fou ua faaaogāina nei mo le talaina i tua o teugatupe a sui auai. O lo o galue pea le Faufautua i luga o isi vaega a o le i faamaeaina atoatoa. O le taimi o le faatinoga sa fuafuaina e 8 i le 10 vaiaso, peitai ane o le faatuai e mafua i le faatuai o tali mai a isi vaega auai o aofia ai e pei o le Matagaluega o Tupe, o le faaletonu o le eletise ma nisi tulaga faapena. O lo o ua tulaga lelei nei lea faiga fou faatasi ai ma polokalame ua tuuina atu e faasino i lipoti lea na taumafai e foia. I le vaaiga aoao, o lenei faiga ua lelei ma ua tuuina atu faamatalaga i lea lava taimi mo faamoemoega.

Kamupani Vaalele o le Polenisia

Suesuega Faafuasei: 27 Mati 2013

Sailiiliga Faasuetusi

1. E sili atu ma le 50% o aitalafu e ao ona toe totogi mai ua silia ma le 90 aso e le i aoina mai lava. O le maea ai ona tuuina mai o fautuaga mai le Komiti o Tupe sa faamaonia ai le faalēaogāina o le tele o aitalafu e ao ona maua mai lea ua silia ma le 90 aso le umi ma ua manatu e lē toe mafai ona toe faaolaina mai. O lo o faaauau pea ona iloilo ina nei aitalafu ina ia faamautinoa ai le aoina mai i le taimi faatulagaina po o le tagofia i se faiga e talafeagai ai pe afai ua faatatauina e lē mafai ona toe faaolaina mai.

Ofisa o le Tausi Mavaega

Tausaga Faaletupe na faaiuina 30 Iuni 2012

Sailiiliga Faasuetusi

1. E le o i ai ni konekarate po o ni faafouga o konekarate mo le tulaga o le Tausi Mavaega. Ua matou fautuaina ai le saunia ma sainia se feagaiga faakonekarate ia faapea ona atagia ai aiaiga ma tuutuuga o i ai nei mo le ua tofia nei mo le tulaga tofi ua taua i luga. Ua saunia se ata o feagaiga faakonekarate o le faafaigaluegaina o le Tausi Mavaega, e tusa ai ma fuafuaga ua tuuina atu e le Ofisa o le Loia Sili mo le talosaga tusitusia i le fonotaga e sosoo ai a le Komiti Faatonu i le faaiuga o Mati 2013. O lo o faatali foi le ofisa i se ata o le konekarate faigaluega mo le Tausi Mavaega Lagolago mai le Ofisa o le Loia Sili.
2. E leai se tulaga o le tuueseeseina o matafaioi i le aoina o tupe ona o le tagata lava o lo o aoina ma faarisiti tupe, o lo o faapea foi ona avea tupe e teu i le faletupe ma faia le faatusatusaga o paleni o tupe i le faletupe. Ua matou fautuaina ai le tuueseeseina o le faagasologa o le faarisitiina, ina ia faaitiitia ai se tulaga lamatia o le gaioi pe afai e toatasi le tagata e fitoitonu ma tualumaga o le faarisitiina ma isi gaioiga tau tupe. Ua matou malamalama mai a matou faatalanoaga ma le Pulega e faapea o leisi mafuaaga mo lenei faiga e mafua mai i le lē lava o le aufaigaluega i le vaega o tupe. E ui i lea, ua matou fautuaina le Pulega e manatu i se faiga e faafoe lelei ai tupe faaopoopo ina ia alofia ai so o se faaogaina lē talafeagai e ono tupu mai i lea tulaga. Ua tali le Ofisa Tausi Mavaega e faapea ua iai se tasi o le aufaigaluega e faarisitiina tupe ae nafa se isi sui ma le teuina i le faletupe o vaega tupe ua taua.
3. I la matou iloiloga o tului ua faaee atu i luga o nonogatupe, e leai ni faamalumaluga na matou matauina ai o lo o i ai tului ua faaee atu i luga o nonogatupe e le o iai ni gaioiga pe ua umi se taimi e lei toe maua atu se totogi lea e le i faaliliuina atu i se teugatupe o tului o nonogatupe o taofia lē tumau. Mo faamoemoega o la matou suesuega ma auiliiliga, o nonogatupe ia e le i i ai lava se tupe toe totogi atu mo se tausaga po o le sili atu ua faavasegaina o nonogatupe e le o toe faaogaina pe toe totogiina mai. Mai la matou auiliiliga, na matou matauina ai e faapea o ia nonogatupe sa faaee atu i ai tului e ui lava latou te le i totogiina atu ni tupe i le tausaga ua te'a. Ua matou fautuaina ai e faapea o le tului ua faaee atu i luga o nei nonogatupe e ao ona faaliliu ese mai i tupe faaagaaga maua o Tului i totonu o Tupe Mamā ma Tupe Gau, i se teugatupe tau Noataga ua taua o Tului Taofia lē tumau. O lenei tulaga o le a avea ma tupe mama maoti mai paleni o tupe maua mai o nonogatupe. O lo o faatinoina e le ofisa le iloiloga o teugatupe talafeagai o nonogatupe e faapea foi isi teugatupe uma o nonogatupe e le i faatinoina ma o le a amanaia fautuaga ua taua i luga i totonu o le iloiloga.
4. E tolu taavale a le Ofisa ma o le lua o nei taavale ua sili atu ma le 10 tausaga talu ona faaogā. E faaopoopo atu i ai, e na o le toatasi le avetaavale mo taavale e lua. I se taunuuga, o le faagaioiga o taavale tuai ua siitia ai tupe alu e pei o tau mo le tausiga ma le faaleleia o taavale. Ua matou fautuaina ai le pulega ina ia faia se tuufo mo nei taavale e lua i se taimi vave lava e mafai ai a o i ai lona tau faa-maketi ma ia maua mai ai se taavale fou. I lea faiga, o le a faasaoina ai tupe mai le faagaioiga o taavale tuai ma o le a faapea ai foi ona tausisia ai faiga faavae a le Malo e uiga i le tausiga o taavale mo le vaitaimi ia le sili atu ma le 5 tausaga. Ua matauina e le ofisa le fautuaga ua taua i luga, e ui lava sa faamatalaina lea tulaga i le Komiti Faatonu lea sa i ai, e lua taavale o le a faatinoina se toe faaleleiga tele, ma faapea ai o so o se taavale fou ua faamoemoe e faatau mai - e tusa ai ma faiga faavae o i ai nei a le Malo - o se Taavale Toyota 4WD lea e manaomia e le ofisa mo asiasiga o fanua faatasi ma lona umi e mafai ona faaogā ai ma le tulaga malosi. E ui i lea, ua silafia e le Komiti Faatonu faapea foi le Matagaluega o Tupe i tulaga tau tupe a le ofisa e pei o le itu autu lea e faatatau i lenei mataupu. I se isi tulaga, o le tau o le faaleleia ma le tausiga mo nei taavale e 2 sa sili ona

maualalo e faatusatusa atu i le tau e faatau mai ai se taavale fou a le ofisa. Na o le toatasi le ave taavale sa faapea ona faafaigaluegaina e le ofisa e avea o se vaega o le toe faafouga o le faatulagaga o le ofisa o faagasolo, talu mai tausaga ua tuana'i.

Ofisa o le Tausi Mavaega

Sueina Faavaitaimi: 1 Iulai 2012 – 31 Mati 2013

Sailiiliga Faasuetusi

E na o le tasi lava le itu e maua mai ai tupe maua mo le Ofisa Tausi Mavaega. O lo o i ai faiga e faatonutonu ai ma e faatuatuaina foi faiga o faaaogāina ona o lo o i ai le tulaga o le tuueseeseina o tiute tauave e faapea fuafuaga mautu tau faafoega i luga o le umiaina o tinoitupe ma le siakiina o tupe e teuina i aso taitasi ae le i aveaina i le faletupe.

Faalapotopotoga o Mea Tau Fale a Samoa

Tausaga Faaletupe na faaiuina 30 Iuni 2012

Sailiiliga Faasuetusi

1. E leai se faiga faavae po o se tusi taiala ua faamaonia o i ai e pulea ai le Faalapotopotoga o Mea Tau Fale a Samoa i le tausiga o a latou teugatupe e le o faailoa gofieina ia ua taua o tupe toe totogi o nonogatupe ua faapea ona taliaina e aunoa ma se tulaga talafeagai e faailoa gofie ai teugatupe o nonogatupe lea e agai i ai tupe toe totogi. Ua lata ina faamaonia e le Komiti Faatonu le faiga faavae ua fuafuaina.
2. E iai isi aseta tumau e le i faamauina i le tusi lesitala mo aseta tumau. Ua maea ona lesitalaina uma aseta tumau ma ua atoatoa foi le lesitala mo aseta tumau.

Faalapotopotoga o Mea Tau Fale a Samoa

Sueina Faavaitemi: 30 Iuni 2013

Sailiiliga Faasuetusi

1. O lo o manaomia nisi tulaga e faaleleia ai le tusi lesitala o Tusi o Faamaumaga Eese. Ua faautagia naunautaiga ma fautuaga.
2. E le i lesitalaina tusi risiti mo le aoina mai o tupe mai tua atu o le ofisa. E na o le toatasi le tagata ofisa sa nafa i lea taimi mo le alu atu i tua ma le ofisa pe a afai e manaomia. O lo o faapea ona i ai pea tusi risiti ua taua.
3. E leai se tualaga e faailoa ai le fua faatatau o le lita e tasi mo pepa o tau o penisini e mafai ai ona faamaonia pe sa'o atoatoa tau aofai o penisini sa utuina. Sa fautuaina le SHC e tagai mo le faamaoniga o tau e ese mai le tau a le pamu penisini mo le faamaoniga. Ua faautagia le naunautaiga ma fautuaga.
4. Sa tausia e le SHC se tusi o auiliiliga o faamaumaga o le faaaogaina o ana taavale i aso ua tuanai ae ua lē toe faaauauina lea faiga masani. O le tusi o auiliiliga o faamaumaga ua talafeagai e mata'itu ai le faaaogaina o taavale ma le aofaiga o maila o malaga ai taavale taitasi. Ua faamalositia le toe faaaogaina o tusi o auiliiliga o faamaumaga mo taavale i aso taitasi.
5. Sa faaaogaina faafesuiai aso malolo ma'i ma aso malolo faaletausaga i nisi o taimi. Sa laga lenei mataupu i le tausaga ua mavae, ma sa faaalua e le Pulega o le a faatinoina lea fautuaga e ui o lea ua matou toe mauaina e le o faia lava. O faamaumaga feteenai e faasino i ituaiga aso malolo ua aveina, e mafai ona taunuu atu i le sese o faamaumaga o tulaga e agavaa ai i aso malolo. Ua faautagia le naunautaiga ma fautuaga.
6. E le o sa'o ona tuulata mai faamaumaga o aso malolo i faiga faaeletoroni. O lenei tulaga e mafai ona gau ai le Faalapotopotoga pe afai ua totogiina le toatasi po o tagata uma po o le faamatuu atu o tulaga e agavaa ai o aso malolo e sili atu na i loo tulaga e agavaa ai e pei ona tatau ai. Ua faavaeina pepa o aso malolo e tusia e avea o se isi faiga e lagolagoina ai faamaumaga faaeletoroni.
7. O le tusi lesitala o ootootoga ma aseta e le o tuulata mai i se tulaga lelei ma e le o atagia ai tau amata ma paleni amata faaputupu o le faaitiitiga e tusa ai ma faamatalaga tau tupe na sainia o le 2012. O auiliiliga o i le tusi lesitala mo nisi vasega o aseta e le o tuulata mai i se tulaga lelei. O nisi o meafaigaluega tau eletoroni, o lo o faaaogaina nei e isi o le aufaigaluega ae peitai, o lo o faamauina i lalo o igoa o isi o le aufaigaluega. Ua maea ona tuulata mai le tusi lesitala o ootootoga o aseta.
8. E le i saunia ma faaoo atu e le Komiti Faatonu a latou faamatalaga faaletausaga e faailoa ai e pei ona manaomia i lalo o le Tulafono o Faalapotopotoga o Mea Tau Fale a Samoa 2010, Vaega VIII, Fuaiupu 44 ma le Tulafono o le Faalapotopotoga a le Malo (Faatinoga o Galuega ma le mafai ona tali atu) 2001, Vaega 5, Fuaiupu 20. Sa laga foi lenei mataupu i le sueina o tusi talu ai. E tatau i nei faamatalaga ona faailoa ai ma ia aofia ai ae lē faatapulaina ai i tupe totogi atu ia i latou (i lo latou tulaga o Faatonu o le SHC) ma so o se nonogatupe ua tuuina atu mai le SHC. E mafai ona i ai le feteenaiga o aia, o le le faamalieina o faiga ma pulega manino o faaiuga ma ua le faia e tusa ai ma aia a tagata lautele. O faamatalaga faailoaina atu ma le faaaliga manino o aia tau tupe o lo o faagasolo faatasi ai ma le Komiti Faatonu fou ua iai nei. Ua faatinoina faaaliga manino o aia tau tupe a Faatonu e pei ona fautuaina.

Faalapotopotoga o Eleele a Samoa

Suesuega Faafuasei: 20 Fepuari 2013

Sailiiliga Faasuetusi

1. Sa faia le faitauga o tinoitupe i le maketi i Vaitele i le 9.15am i le aso 20 o Fepuari 2013. Sa talosaga le suetusi mo le faitauina o tinoitupe mo le aso na tuanai ai. Sa savali i fafo ma le potu le tagata e aoina tupe o lisi mo nai minute ma toe foi mai ma le tinoitupe e uu mai i lona lima. E ese mai ai i le tatalaina o le kapeneta lea e tataua ona i ai le tinoitupe, sa ia tuuina mai lea tinoitupe ma le mautinoa ai e le suetusi pe sa nono e se tasi pe sa teu ia te ia i le taimi o le po. O le tulaga aliae mai sa matauina ua faailoa mai ai e le i lokaina le tinoitupe i se sefe malupuipua i taimi uma ma o lea e mafai ona feaveai solo e so o se tagata ofisa i so o se taimi ae lei tuuina atu e teuina i le faletupe. O le tinoitupe moni sa faitauina e lei tutusa ma le aofaiga o risiti na tuuina atu i le aso 19 Fepuari 2013. O le eseesega (faasiliga) e \$34.50 sa faamatalaina o se tupe e patino i le taitai o le vaega. O lo o ua i ai se pusa e malupuipua ua teu ai tupe ma o le a mata'ituina e le pulega ina ia mautinoa ua lelei faafoeina o tupe a le Malo ma malupuipua i taimi uma. O le taimi nei, o lo o aoina e le vaega a tausii tusi ia tinoitupe mai isi ana galuega faatino i le afa o le fa i aso taitasi ina ia faapea ona lokaina uma tinoitupe ua maua i totonu o le sefe ua malupuipua i le Ofisa Autu.
2. Sa le i atoa le tupe e tusa ai ma le \$129.50 pe a faatusatusa atu i le aofaiga o tinoitupe sa faarisitiina i le Faleoloa o Meataalo Tapolo (Pro Shop). Sa faamatalaina le faaititiga o tupe, o se tupe o aitalafu a nisi o le aufaigaluega i le faleoloa/vaega e taumafa ai (bar). E le o i ai se faiga faavae a le SLC e uiga i nonogatupe (po o aitalafu) a le aufaigaluega, peitai i le tulaga lautele e le faatagaina e pei ona faatonuina i le FK(07) Faapitoa 03 i le aso 30 o Ianuari 2007. O se tusi e toe faamalamalama ai lea tulaga mai le Ofisa o le Loia Sili mo lenei Faatonuga a le Kapeneta e faamalosia ai lea tulaga, i le aso 27 Iulai 2011 ua taua ai e faapea o le faiga masani o le nonoina e le aufaigaluega o tupe mai a latou matagaluega ua faatatau lea o se faiga tau faasese ma faagaioi. Sa tali mai le Faalapotopotoga, sa toe totogiina nei aitalafu i lea lava aso. Sa toe tuuina atu faasilasilaga e faamalosia ai le tausisia o Faatonuga a le Kapeneta ua taua i luga. Ua nofo malamalama foi le aufaigaluega i le lē toe faatagaina o lenei faiga masani. O se mataupu e ogaoga tele ma e lē māmā i le pulega ma o le a faauuau pea ona mata'ituina mo le agai i luma. I le taimi nei, ua tuuina atu ai e le Vaega o Tausii Tusi ia Lipoti o Tulaga Faaletonu i aso taitasi e faatatau i tupe pa'ū po o tupe faasili i le taimi e faitau ai tinoitupe.
3. O tinoitupe sa aoina mai faatauga a le Faleoloa mo Meataalo Tapolo (Pro Shop) i le Aso Toonai, 9 Fepuari 13, faatoa faarisitiina lea i tusi risiti lagolago i le Aso Lua 12 Mati 2013 ona na maea le tusi risiti lagolago i le Aso Toonai ae le i maea le aso. O tinoitupe uma sa aoina mulimuli ane sa faatoa faarisitiina i le aso 12 Fepuari 2013 e ui e le o sao le faasologa o risiti, ona sa faaaogāina le tusi risiti e faamau ai risiti o le aso 9 o Fepuari ma tutusa uma ai ma aso na faarisiti ai isi tupe na maua mulimuli. Sa tali mai le Faalapotopotoga ua misi i le tagata ofisa e fitoitonu i ai ona siakiina pe i ai ni tusi faaleoleo, ma e tusa ai o se taunuuga ua faapena ai ona uma le tusi risiti sa i ai i le faaiuga o le vaiaso ma ua lē mafai ai ona maua mai se isi tusi seia oo atu i le vaiaso fou. O le a faamautinoa e le SLC e lē toe tupu lea tulaga. I le taimi nei ua faaaogāina e le Faleoloa (Pro Shop) lana polokalame fou sa faatuina o le Faiga e Faaaogā i Nofoaga e Faatau ai Oloa (POS) mo le tuuina atu o risiti i tagata e fai latou faatau. Ua teuina nei tusi risiti uma ia na faatulaga atu i le Faleoloa (Pro Shop), i totonu o le Ofisa mo le faaaogāina i le lumanai.
4. E le i totogiina e le tagata faigaluega sa i ai muamua le totogifuapauina o lana taavale tapolo (golf cart) ia Fepuari 2013. Sa faailoa lea tulaga i le vaega o suetusi e faapea sa faatinoina lenei tulaga mo se vaitaimi. O se iugafono lenei a le Komiti Faatonu e avea ai o se faamanuiaga mo

tagata faigaluega a le SLC ua iloa ona umi latou auaunaga i le Faalapotopotoga. Ua faamauina aloaia ma tausia lenei faamaoniga mo nisi iloiloga.

5. O lo o teuina tusi risiti ua maea ona faaaogāina i le ofisa i Savalalo. O lenei faiga masani o i ai na faapea, a manaomia se tusi fou ona tuuina atu lea o le tusi risiti i so o se tasi o le vaega o tupe ma e masani ona tuuina atu i le avetaavale po o le talitupe e faaooina atu i Savalalo. O le atugaluga a le suetusi o lo o taoto i le i ai o le avanoa o faiga tau faasese a le tagata ofisa e aoina tinoitupe mai nofoaga mo le teuina, ma tagata ofisa o i nofoaga e aoina ma le iloa e tagata ofisa sinia e fitoitonu i nei tinoitupe. O tusi risiti lagolago uma ua maea aoina mai i le maketi ma toe faafoi atu i le ofisa autu. O le a faaauau pea ona galue le SLC e faatatau i le faamautinoaina o lo o faaauau pea lenei tulaga mo le agai i luma. O lo o fuafua le SLC i le faatuina o se polokalame fou MYOB (System) e tuuina atu ai risiti e tagata o faaaogāina le auaunaga ma faafaigofie ai ona faia faatusatusaga o paleni o tupe ua tuai ona tototogi i le lumanai.
6. O faamaumauga o ootootoga o faatauga mo le aso 12 Fepuari 2013 sa matauina ai ni suiga tusitusia e faaopoopo ai/toese ai. Sa faamatalaina e le Tagata Lagolago Tau Faatauga e faapea ua mafua lea tulaga ona ua uma ona faia le ootootoga o faatauga i le faaiuga o le aso ae ua manaomia e tagata faatau nisi oloa mai le faleoloa, o le ala lea ua ia faaopoopo ai meataitasi i luga o tusi o pepa oloa e faamau ai faatauga i se faiga tusitusia, ona o oloa faaopoopo e lē mafai ona toe faaopoopo nisi faatauga pea maea ona lolomi e le masini le pepa o ootootoga o faatauga. E i ai foi nisi tulaga faapitoa e ioeina ai e le Tagata Lagolago lona pisi tele ma galo ai le tusia o se oloa sa faatauina ae ina ua faia le siaki i le faaiuga o galuega o le aso, ua faapea ona ia faatulaga ai pepa oloa pe o i ai ni oloa na faatauina ae le i faamauina. Ua faaaogāina nei e le Faalapotopotoga le Faiga e Faaaogā i Nofoaga e Faatau ai Oloa e faagaioi ai ma faatusatusa ai le faagaioiga o feuaiga faapisinisi i aso taitasi. O risiti uma ua lomina nei mai lenei polokalame ua faaaogā ma tuuina atu mo tagata faatau e aofia ai le Fale Taalo/ Fale Aiga ma le Faleoloa mo Meataalo Tapolo.
7. O faamaumauga o aofaiga oloa faatau e faasino i faatauga o le aso 14 Fepuari 2013 sa matauina na faia i aso eseese e lua: o le aso 14 ma le 15 o Fepuari. O lenei tulaga sa faamatalaina na mafua mai le motusia o le eletise lea na ala ai ona faaiuina le galuega ma tuuina atu ai le lolomiina mai i le masini le pepa oloa o ootootoga mo le taeao o lumanai ai, 14 Fepuari 2013, ma sa lolomia i le aso 15 Fepuari 2013. Ua faautagia e le Pulega lenei tulaga. Ua faaaogāina nei e le Faalapotopotoga le polokalame mo le faiga o faaaogāina (POS) e faagaioi ai le feuaiga o tupe i aso taitasi.
8. E toatasi se tagata faigaluega e le o faamauina i totonu o le Masini Lesitala o Tinoitupe o Faatauga i le vaega e taumafa ai (bar) ma sa ia faaaogāina faiga faakomipiuta a isi tagata faigaluega mo le faamauina o ana faatauga. Ua fautuaina lenei tagata faigaluega ina ia faaaogā le faiga faakomipiuta Numera 4 e avea ma ana numera faamauina mo lea taimi, a o taumafai e faatulaga lenei mataupu ma le tagata o vaaia le masini Lesitala o Tinoitupe o Faatauga. E le o toe faaaogāina lenei faiga ona ua faaaogāina i le taimi nei le polokalame o le POS mo faatinoga.
9. Sa lomina pepa oloa o tinoitupe mo le faagaioiga i aso taitasi ae ua tusitusia numera o pepa oloa. O nisi o nei pepa oloa e le o lelei ona faanumeraina muamua ma e le o faatulagaina lelei lo latou faasologa. O le Tinoitupe mo le faagaioiga i aso taitasi o lo o fesiligia e fitoitonu i le Malae Tapolo i Faleata ma ua faautagia ia fautuaga ua tuuina mai. Ua faamautinoa e le pulega e faapea e lē toe tupu mai lenei tulaga mo le agai atu i luma.

10. O pepa oloa o tinoitupe e faagaoioi ai tupe faaagaga mo mea laiti i aso taitasi e le i faamaonia e le pulega talafeagai. Ua faautagia le naunautaiga ma fautuaga.
11. Sa talaina siaki tupe a le aufaigaluega i le talitupe. Ua faautagia le naunautaiga ma fautuaga. Ua talosaga foi le SLC mo se faamalamalamaga o lenei mataupu ona e na o siaki patino tau le tagata lava ia o nonogatupe mai isi faalapopototoga e pei o le SLAC/NPF e faatagaina ona talaina i le talitupe i taimi faavavevave.
12. E na o le tasi le lola o pepa oloa na faaaogāina i le masini e faamau ai tinoitupe, sa faaaogāina e le SLC lea ua taofia ai le maua mai o le ata lona lua o le risiti/pepa oloa ua tuuina atu, mo auiliiliga faatusatusa o faamatalaga tau tupe o paleni, faamaoniga ma faamoemoega o le sueina o tusi. Mo le *Faleoloa (Pro Shop)*: Sa tusia muamua se risiti lagolago ma tuuina atu i le tagata faatau mo feuaiga faapisinisi taitasi o faatauga. I lea lava taimi, ua tuuina atu ai i totonu o le masini e faamau ai tinoitupe ma lomina se risiti o pepa oloa. O risiti uma o pepa oloa a tagata taitoatasi e faapipii i lipoti o le faaiuga o le sifi/aso. O le faamauiina o le feuaiga faapisinisi e tasi o le faatauga i luga o pepa faatumu o risiti eseese e lua ua o se ata lona lua lea o le galuega e tasi lea e tataua ona lava atoatoa i le faaaogāina o le risiti tusitusia. O le faaaogāina o le masini lesitala o tinoitupe e foliga mai e le o i ai se tulaga e taua tele ai i le faafaigofieina o le faagasologa o le faarisitiina po o le faafaigofie o faafoega o le umiaina o tinoitupe. O le faamatalaga o i luga o le risiti o pepa oloa ma le otootoga ua lomina i le faaiuga o galuega e le o taua ai oloa moni sa faatauina ma o latou tau taitasi. E ui i lea, o lo o matauina nei tulaga i luga o risiti tusitusia. Mo le *Faleoloa laitiiti/Vaega e taumafa ai*: E faamauiina faatauga a tagata taitoatasi uma i totonu o le masini lesitala o tinoitupe, ma tuuina atu risiti o oloa faatau i tagata faatau taitoatasi e aunoa ma se ata lona lua o le risiti e taofia i le masini tala tupe o faatauga. O le pepa oloa o otootoga e lolomiina i le faaiuga o galuega a le sifi o galuega, ae peitai e na o le aofaiga e faailoa mai ai, lea e tataua ona tutusa ma le aofaiga o tinoitupe e ao ona tuuina atu lea i le Faleoloa (Pro Shop) ina ia tusia ma faamauiina i risiti lagolago. E leai se risiti lagolago tusitusia o faaaogāina i lenei nofoaga. O le faaaogāina o le masini lesitala o tinoitupe iinei ua faapea foi ona faatatauina e leai se taua tele i le faafaigofieina o le faagasologa o le faarisitiina po o le faafaigofieina o faafoega e uiga i le umiaina o tinoitupe. O le faamatalaga o i luga o le risiti o pepa oloa ua tuuina atu ma otootoga e lolomiina i le faaiuga o le sifi e le o taua ai oloa moni na faatauina ma o latou tau taitasi. E ui lava o le suega o oloa e ao ona faatino e le talitupe o sifi taitasi ae lei sui le isi sifi, e i ai lava tulaga lamatia o le tau faasese pe a faaosoosoina ma galulue faatasi nei aufaigaluega. Ua faaaogāina nei e le Faalapopototoga le polokalame o le POS mo le mata'ituina ma le tuuina atu o risiti i tagata o lo o faaaogāina le auunaga po o faia latou faatau. O se vaega o galuega a lenei polokalame fou, o le lipoti mo le oloa tuuina mai i totonu ma oloa alu atu i fafo, lea ua sili ona lelei ma atoatoa ai ona iloa gaoioiga faapisinisi i aso taitasi ma e sili ai ona taua ona iloa ai paleni o oloa i aso taitasi faapea foi i masina taitasi.
13. O le otootoga ua saunia mo risiti o tinoitupe a nofoaga taitasi ua aoina e le talitupe mai le ofisa autu e aunoa ma ni ata o ia risiti o faapipii ina atu ai. O le faasologa/faatulagaga o nei risiti lagolago o lo o faamauiina i le otootoga, ae peitai o lo o i ai pea le tulaga lamatia o le tau faasese e ala i le faaosoosoina, aemaise lava pe afai e lē siakiina e se tagata ofisa sinia o tupe mo nei risiti i aso taitasi i se faiga e talafeagai ai ma le taimi tonu e tataua ona faatino ai. O le a faaaogāina e le SLC ata e tolu o tusi risiti lagolago e pei ona fautuaina pe a oo ina ua maea ona faaaogāina uma oloa o lo o iai i le taimi nei. O lo o i ai le Faalapopototoga i lona laasaga faaiu o le faapipiiina ma faaaogaina o le polokalame mo le faiga fou e faaaogāina mo faamaumauga tau tupe, ua faatatauina mo tupe totogi o lisi ma isi feuaiga faapisinisi i aso taitasi.

Faalapotopotoga Inisiua Tau Soifua a Samoa

Tausaga Faaletupe na faaiuina 30 Iuni 2012

Sailiiliga Faasuetusi

1. E le i saunia i se taimi talafeagai le auiliiliga faatusatusa mo teugatupe autu a le Faalapotopotoga ma paleni a le faletupe. O le faatuai o le sauniga o auiliiliga faatusatusa o faamatalaga tau tupe o Paleni a le ANZ e mafua mai lea i le fetuunaiga o le aufaigaluega e tauaveina le galuega mai lē sa faia faatusatusaga o paleni talu ai. O le a faapea ona faamautinoa e le Faalapotopotoga o Inisiua a Samoa o le a tuulata mai auiliiliga faatusatusa o faamatalaga tau tupe o paleni ma saunia i le taimi faatulagaina.

Faalapotopotoga Inisiua Tau Soifua a Samoa

Suesuega Faafuasei: 13 – 15 Mati 2013

Sailiiliga Faasuetusi

1. O le faamautinoa ma le siakiina o le faia o teuga tupe e le o faatinoina i aso taitasi. O le tele o pepa o teugatupe e siakiina ai le teuina o tupe i le faletupe e faatuai i le tasi po o le lua aso mai le taimi e teuina ai i le faletupe. E tatau ona siaki maeaea pepa aloaia mo le teuina o tupe i le faletupe, ina ia faamautinoa o le aofaiga moni lea sa aoina ma fuafua e teuina ua faapea ona teuina i totonu o le teugatupe. Ina ua maea le siakiina i aso taitasi o tupe teu i le faletupe, e saina le Tausi Tusi Lagolago i luga o le tusi risiti ma pepa e teu ai tupe a o le i teuina tupe i le faletupe i aso taitasi. O le pepa e teu ai tupe pe a maea le teuina o tupe o le a faapena ona sainia faaiu pe a oo ina maua mai faamatalaga tau tupe a le faletupe i le aso e sosoo ai i le maea ai ona siakiina tupe sa teuina i le faletupe. Afai o i ai se eseese o le aofaiga o i totonu o faamatalaga a le faletupe, ona faafesootai loa lea o le tagata faigaluega o e fitoitonu iai e faailoa ai se eseese o tupe teu i le faletupe. Ua faapea foi ona faamautinoa mai e le SLAC, o pepa uma e fai ai teugatupe i le faletupe ua siakiina i aso taitasi ma sainia faaiu i le taimi lava e uma ai ona ave e teu i le faletupe, ina ia alofia ai so o se tau faasese po o se mea sese e mafai ona tulai mai i le lē mulimulitaia o nei taualumaga.

Faaputugatupe mo le Lumanai Manuia o Tagata Samoa

Tausaga Faaletupe na faaiuina 30 Iuni 2012

Sailiiliga Faasuetusi

1. O le tele o taualumaga mo Nonogatupe Tau Aoaoga sa le i mulimulitaia, aemaise lava o le faamaoniga o nonogatupe ma le faagasologa fuafuaina. Talu ai o le faatupulaia o tulaga manaomia mai sui auai mo fesoasoani i le faatupeina o pili aoga a fanau faatasi ma nisi mafuaaga, sa faatinoina ai e le Faaputugatupe lana pule faitalia i le tele o mataupu ina ia taumafai e tuuina atu nisi ala o fesoasoani e ui lava o le tele o ia nonogatupe mo se faataitaiga, ua sili atu i pasene sa faatulagaina muamua mo nonogatupe tau aoaoga, ae ui i lea, o lo o i ai pea i le tulaga e puipuia lelei ai e ala i saofaga i le tulaga ogaoga o se faaletonu. E tūa le silafia o faiga faavae o Nonogatupe Tau Aoaoga talu mai ona toe iloilo faatasi ai ma suiga i tuutuuga ua tuufaatasia ina ia taumafai ai e toe faaleleia le tulaga manaomia mai sui auai i se auala o le a faapea ona lē alu ese ai le Faaputugatupe mai faiga masani o le faamaoniga ma le faagasologa fuafuaina, ae peitai e mafai i lea lava taimi ona faatagaina nisi gaoioiga saoloto e tuuina atu ai le fesoasoani mo ana sui fai saofaga.
2. E le i mulimulitaia nisi o taualumaga e faataua i fuafuaga o Nonogatupe Faavaitaimi. E tusa ai ma teuteuga tau faiga faavae sa faamaonia i le aso 29 Iuni 2011, pe afai e mafai e le sui fai saofaga ona faatino le tulaga gafatia o le toe totogiina o nonogatupe e maua atu i le 10% o le tuufaatasiga o a latou saofaga ae laitiiti ifo i loo le \$10,000 le tapulaa maua, aemaise lava mo i latou e i ai saofaga e itiiti ifo i loo le \$100,000, e mafai e le Ofisa Sili o Pulega ona faamaonia ia nonogatupe vagana ai e le o i ai se tulaga faaletonu e tusa ai o lona mafai ona tuuina atu o le auunaga, o lona uiga, o le faaauuina o le toe totogiina pea o le aofaiga o tupe totogi po o se aofaiga fou e toe totogi atu ina ia ausia ai. O teuteuga tau faiga faavae e pei ona faamaonia e le Komiti Faatonu ia Ianuari 2013 ua faatagaina ai nonogatupe mo le aofaiga e sili atu i le \$100,000. Ua matuā mata'ituina e le pulega le faamaonia o nonogatupe mo aofaiga eseese o nonogatupe i lalo o le pulega. Ua faaauau foi e le Pulega ona iloilo ana faiga faavae ma taualumaga ina ia taumafai ai e tuuina atu tulaga moomia mo le siitia o tulaga manaomia mo Nonogatupe Faavaitaimi e sui fai saofaga aemaise lava e faataua i aofaiga, tuutuuga o nonogatupe, vaitaimi faataga mo faaopoopoga, ma isi faapena. Mo se faataitaiga, o teuteuga tau Faiga Faavae e pei ona faamaonia e le Komiti Faatonu ia Novema 2012, ua vaai ai i le iloilo o tuutuuga mo nonogatupe faaopoopo ma tuutuuga ua lē mafai ona faamalieina. Ma ia Ianuari 2013, o le isi teuteuga tau faiga faavae e faatagaina ai nonogatupe faavaitaimi e sili atu ma le \$100,000 faatasi ai ma isi tuutuuga uma e tumau pea mo taualumaga a le pulega mo fuafuaga ma le faamaoniga.
3. E le i mulimulitaia nisi o taualumaga tau fuafuaga ma le faamaoniga o le Nonogatupe mo le Taavale e Itu Taumatau le Foeuli. Ua faautagia le fautuaga mo gaoioiga e faasao ai ia faiga e le pulega mo le agai i luma.
4. Sa i ai se eseese e \$9,288 mo paleni o nonogatupe faavaitaimi i le faaiuga o le tausaga, pe afai e faatusatusa atu i le polokalame o Faamaumaga o le Tuufaatasiga o Faamatalaga Tau Tupe i ana lisi faaopoopo. Sa tali mai le NPF o se faafitauli faifai pea leni e mafua i sese o le polokalame ma le tulaga utiuti e mafai ai ona mulimuli sao i se faiga fuafuaina o le auiliiliga faatusatusa o faamatalaga tau tupe mo risiti o tupe mai teugatupe i le faletupe, faila e le o maua, ata lona lua e tuuina i totonu a o faagasolo taualumaga, tuuina sao i totonu, risiti faalēaogāina ma isi faapena lea e agai atu ai i le faatuai o le auiliiliga faatusatusa o faamatalaga tau tupe o paleni ma ua faapena ai ona tulai mai eseese ua taua i luga. Ua galulue faatasi le IT ma le Vaega o Tupe ina ia vave foia eseese lea ua tulai mai ma o le faafitauli moni o lo o taoto lea i le taimi o faatinoga ma tulaga o le faatuai. Ua iloilo ina i le

taimi nei le polokalame ma le faamoemoe ia faamalosia ma faaleleia, ae a leai, ia suia mo le lelei faafoe mo le agai i luma.

Faaputugatupe mo le Lumanai Manuia o Tagata Samoa – Vaitele

Suesuega Faafuasei: 1 Me 2013

Sailiiliga Faasuetusi

1. E le i lesitalaina Tusi o Faamaumauga Eeseese sa tuuina i le ofisa i Vaitele mai le Ofisa autu, ma e le i teuina lelei tusi risiti ua maea ona faaogaina mo nonogatupe faavaitaimi ma nonogatupe laiti. O meataitasi uma sa maua pe ua aveeseina atu o lo o lesitalatina i le ofisa autu. Ua faautagia le naunautaiga ma fautuaga. Sa teuina lelei tusi risiti ae peitai e le i failaina lelei, ona o lea faatoa amata i le maea ai o le sueina o tusi. Ua maea ona faia faiga e faasa'o ai e le NPF i se taimi vave lava ina ua matou mauaina le lipoti tusitusia ia Me 2013. Ua fautuaina foi e le NPF le afaigaluega ina ia vaai lelei tusi risiti o lo o fesiligia ona e lē masani ona teuina nei tusi o pepa faatumu i Vaitele ae e tueina i le ofisa autu.
2. Sa tuuina mai le tinoitupe i le vaega o suetusi e le tagata ofisa o Nonogatupe, e aunoa ma se pusa e lokaina ai ina ia malu puipuia ai tupe a o faagasolo itula faigaluega. Sa matauina sa teuina lea vaegatupe i totonu o le kesi a le tagata ofisa ma e masani ona matala i le tele o taimi. Ua faautagia le naunautaiga ma fautuaga mo se gaoioiga vave.

Tupe Faaalu o le Faagaoioiga o le Fale o Faaputugatupe mo le Lumanai Manuia o Tagata

Tausaga Faaletupe na faaiuina 30 Iuni 2012

Sailiiliga Faasuetusi

1. O le aofaiga atoa o tupe faaalu mo le fale ua tuuina atu i ana paaga lisi ua siitia i le 2012 pe a faatusatusa atu i le 2011, o le tau maualuga lava o le eletise. Sa tali mai le NPF o loo latou taumafai e faatonutonu lenei tulaga ae peitai o tau faaopoopo ma le siitia o tau faaee atu o le eletise e lē aofia i latou puipuiga i le tele o taimi.
2. O le aofaiga atoa o tupe na nofo aitalafu ai tagata lisi sa faaitiitia i le 2012 pe a faatusatusa atu i le 2011. Sa galulue malosi le aufaigaluega e aoina tupe o ofisa nofo lisi i luga o se taimi faatulagaina.

Faamanuiaga mo Tagata Matutua i Faaputugatupe mo le Lumanai Manuia o Tagata

Tausaga Faaletupe na faaiuina 30 Iuni 2012

Sailiiliga Faasuetusi

E leai ni mataupu faasuetusi na laga mai mo lea suega.

Falemeli o Samoa

Tausaga Faaletupe na faaiaina 30 Iuni 2011

Sailiiliga Faasuetusi

1. I le faagasologa o le sueina o tusi, sa matauina ai i le iloiloga o paleni a Tagata nofo aitalafu i le faalapopotoga aemaise lava mo feuaiga faapisinisi tau Maliega Faava o Malo, se eseese tele o le aofaiga ua faaalia i totonu o faamatalaga tau tupe ma atagia i totonu o auiliiliga faatusatusa o faamatalaga tau tupe o paleni a le tagata o faaaogāina le auaunaga ua saunia – Tagata Nofo Aitalafu – Maliega Faava o Malo, mo le vaitaimi ua sueina faasuetusi. O le tulaga feteenai o se taunuuga tonu lea o taualumaga o i ai nei, o lo o faaaogāina e maua ai paleni a Tagata Nofo Aitalafu – Maliega Faava o Malo. E tusa ai ma se taunuuga, o le aofaiga o lo o atagia i totonu o teugatupe sa siitia mai le tulaga e tataua ona i ai, e tusa ma le \$147,000 ma ua faailoa ai le leai o se fesootaiga i le va o le Vaega Tausi Tusi ma le Ofisa Sili o Pulega e faatatau i se fuainumera faatuatuaina mo Tagata Nofo Aitalafu i Fefaatauaiga - Maliega Faava o Malo. O lenei fuainumera sa fetuunai ina ia atagia ai le tulaga o aofaiga o tagata nofo aitalafu, aepeitai sa tele se taimi o le suega na alu ai i le faasaoina o lenei tulaga. O tupe fuafuaina e faavae i luga o fuainumera o tala o tupe, sa faaaogāina e fuafua ai le Tau mo Maliega Faava o Malo ona sa lē mafai ona maua mai tau talafeagai i le faaiuga o le masina ina ua maea ma faagataina le taimi faalugaina mo lipoti. Ua faatusatusa paleni a Tagata Aitalafu tau Maliega Faavae o Malo i luga o se faiga faavae faaletausaga pe afai e maua mai faamatalaga uma tau tupe na malilie i ai e tusa ai ma taualumaga tau maliega faava o malo. Sa tuuina atu auiliiliga faatusatusa o faamatalaga tau tupe o Paleni i le Vaega o Tupe i le faaiuga o le tausaga, aepeitai e le i faatulagaina lelei le polokalame o le MYOB ma o le a faamalosia e le kamupani lenei vaega.
2. E le o i ai ni auala lelei po o se faiga o i ai e pulea ai le tuuina mai, o le i ai ma le faagasologa o oloa o umia e le Falemeli o Samoa. O le naunautaiga o le suetusi, o le natura o nei oloa o umia e le Falemeli o Samoa (faailoga tusi, teutusi, peni ma isi faapena) ua faailoa ai o le tele o nei meataitasi e faigofie ona lafoaia, faaleagaina pe faalēaogāina foi. E manaomia fafoega lelei ina ia faaititia ai tupe gau e mafua mai i le lelei o le mata'ituina o oloa taitasi. O le aofaiga tele o oloa o i ai nei sa maua mai ao i ai le kamupani i lalo o le pulega a le Samoa Tel (faailoga tusi, ma tusi ma peni), ma ua faia e le kamupani ni tulaga faapitoa e faapa'ū ai tau mai lea taimi i lea taimi e faamama ai lenei vaega o oloa tuai. Sa faautagia le fautuaga ma o le a aofia ai i totonu o le Tusi Taiala o le Tausiga o Tusi.
3. O lo o i ai se eseese o numera faalilolilo o teugatupe ua faamauina i luga o pepa aloaia o tupe totogi ma faamaumaga i luga o le MYOB. Ua faautagia foi le fautuaga ma o nei eseese i numera faalilolilo ua faaaogāina o se tulaga lea ua laaloa ai le vaai a le Samoa Post.

Falemeli o Samoa

Sueina o Tusi Faavaitaimi: 1 Iulai 2012– 31 Ianuari 2013

Sailiiliga Faasuetusi

1. O le tele o ofisa o le Fale Meli i Savaii o lo o tulai mai ai le tuai ona teuina o tupe i le faletupe. Ua avea ma atugaluga o le ofisa suetusi lenei tulaga o le 6 aso faigaluega e lē i teuina tupe i le teugatupe i le Faletupe NBS ma ua i ai le popolega i le tulaga lamatia i le moea o nei tupe e maua e oo atu le maualuga i le \$2,163.40. Sa laga lenei mataupu i le sueina o tusi i le tausaga talu ai. Sa tali mai le Faalapotopotoga e le o teuina tupe i se tulaga faavavevave ma ua avea ma lamatiaga ma le itu e ono faaaogā sese ai nei tupe. E le i teuina i aso taitasi tupe i Savaii e amata mai i le amataga o le tausaga faaletupe ona o le mafuaaga e fai si mamao o le Faletupe a le NBS mai ofisa o le Fale Meli i Savaii. Ua le o toe avea la lenei tulaga ma faafitauli ona ua avea nei le Samoa Post ma lala sooupu o le Faletupe a le National Bank talu mai Setema i le 2012 se i vagana ai Salelologa. O lea ua teuina uma tupe i aso taitasi.
2. E lei i ai se faila e ese ai mo faamaumauga o feuaiga tau pisinisi. E faapena foi ona leai ni pepa aloaia e lagolago ai pe fai ma faasinomaga i le tusia o feuaiga tau pisinisi sa faia. Sa aunoa foi ma se faamatalaga molimau mo le iloiloga ma faamaoniga o tusitusiga i le api o feuaiga tau pisinisi e faailoa ai le tuueseeseina o tiute tauave. Ua faautagia foi atugaluga ma fautuaga a le Suetusi. O tusitusiga uma e faia i le api o feuaiga tau pisinisi ua maea ona lolomiina ma failaina mo faamaumauga. O faamatalaga uma mo le fuafuaina o tupe tului ua faatupulaia ua siakiina lelei uma e le Pule o Tupe ma ua maea ona failaina lelei. Ua faamaonia foi e le kamupani e faapea o mataupu i faiga tau tupe na laga ua maea ona faailoaina faatasi ai ma le faafaigaluegaina o le Pule fou o le Vaega Tau Tupe ma le Pulega.

Pulega o Faailoga ma Tusi Pasi Tauaoloa a Samoa

Tausaga Faaletupe na faaiuina 30 Iuni 2012

Sailiiliga Faasuetusi

1. E le o lelei le mata'ituina o le api saina ma e leai ni faamatalaga o faamauina i autafa o igoa o le aufaigaluega e iloa gofie ai le ituaiga aso malolo sa faaaogaina. O le faamauina sese o tulaga e agavaa i ai le aufaigaluega e agai atu ai i le siitia o tupe totogi po o le pa'ū ifo o tupe totogi o totogi ma / po o tulaga e agavaa i ai le aufaigaluega. E tatau ona mata'ituina lelei ma tausia le Api Saina e le tagata faigaluega e fitoitonu i ai. Ua faautagia le fautuaga. Ua galulue le Vaega tau Faafoega a le Pulega i le faamautuina o taualumaga mo le mata'ituina o le api saina e faamautinoa ai ua faapea ona mata'ituina lelei le api saina.

Pulega o Faailoga ma Tusi Pasi Tauaoloa a Samoa

Sueina o Tusi Faavaaitaimi: 1 Iulai 2012– 31 Mati 2013

Sailiiliga Faasuetusi

1. Na matauina vaivaiga e faasino i le auiliiliga faatusatusa o faamatalaga tau tupe o paleni o tupe e aofia ai
 - a. E le i ai se faamatalaga molimau o se iloiloga na faafoeina e le pule e fitoitonu ma le Pulega e iloa ai le mafai ona faalagolago pea i faatusatusaga o paleni o tupe e faatino mai le polokalame a le MYOB.
 - e. E le i failaina auiliiliga faatusatusa o tupe i le faletupe mo Tesema ma sa tatau foi ona i ai se ata ua sainia o le auiliiliga o paleni o tupe e failaina mo faasinomaga.
 - i. E le o i ai foi se molimau tusitusia e faapea ua faamaonia ma ua maea ona silasila i ai le pule e gafa ma lea tulaga i faatusatusaga o paleni o tupe.

Ua faautagia fautuaga a le suetusi e le Pulega mo le faaleleia ina ia sainia e le Sui Ofisa Sili o Pulega o le Vaega o Auaunaga Lautele auiliiliga o faatusatusa o paleni o tupe i le faletupe.
2. E le i totogiina le lisi o le faaaogaina o le ofisa i le Matagaluega o Tupe. I le aso na faafoe ai le sueina o tusi, o le aofai atoa o le lisi ua faatupulaia e \$152,160. E le o i ai se maliega ua faamauina na sainia i le va o le Faalapotopotoga ma le Matagaluega o Tupe. I le amanaia ai o le tulaga o lo o faatupeina le Pulega mai tupe faameaalofa a le Malo faatasi ai ma le tulaga ua lata mai le faaiuga o le tausaga faaletupe, e tatau i le Pulega ona faia fuafuaga uma ma faamanino tupe faaputupu uma mai i le tala o tupe o lenei tausaga faaletupe. Ua faavasegaina e avea ma aitalafu ma faaalai i le tala o tupe mo lenei vaitaimi lenei aitalafu o totogi o le lisi. Ua maea ona foia lenei tulaga a o le i oo i le faaiuga o le tausaga faaletupe ina ua faamautuina le maliega ma le Matagaluega o Tupe.
3. E le o i ai ni auala tau puipuiga lelei mo le afaigaluega sinia e faamaonia faamaumauga o feuaiga o tupe ae le i tuuina atu ma tusia e le tagata ofisa e nafa ma le faia o ia faamaumauga. E ui lava ina faapea e faia le iloiloga ma faamaonia e le Pule Lagolago o Auaunaga Lautele nei faamaumauga, e le o i ai se faamaoniga aloaia na faia e mautinoa ai ua tuueseeseina tiute tauave. Na fautuaina le Tusi Tusi Autu ina ia faia ni ata i pepa mo le sainia e lagolagoina ai faamatalaga faaeletoroni ma mafai ona faamaonia ai ua maea iloilo ma faamaonia e ala i le sainia o nei faamaumauga.
4. O nisi o aseta ua leiloloa mai o latou nofoaga sa i ai. E le o i ai foi se faamaoniga po o se lipoti atoatoa o nei aseta ua faalēaogāina ma e le i tuuina mai foi se lipoti ua leiloloa i le pulega mo ni gaoioiga talafeagai e faia i ai. O lo o ua faamaeaina nei e le Vaega o Auaunaga Lautele ia Lipoti o Tulaga Faaletonu mo nei aseta.
5. E le i tuulataina mai ma faafoeina lelei foi le tusi lesitala o aseta tumau. O le tele o nisi aseta ua leiloloa ina ua faatino le faitauga mo aseta tumau, ae peitai e le o faamauina i totonu o le tusi lesitala. Ua faautagia atugaluga ma fautuaga a le suetusi. Ua faapea ona faamalosia taualumaga e faasino i aseta tumau leiloloa ma sese ona teuina i tagata faigaluega uma, ma ia saunia lipoti o tulaga faaletonu i le taimi lava lea mo so o se aseta ua faailoa mai ua leiloloa, ma faia se gaoioiga e tuulata mai ai i se faiga masani. O se tasi o aseta na faailoa mai ua leiloloa o le komipiuta feaveai (laptop) na faaleagaina i le afa o Eveni mai se tasi o maota o le afaigaluega lea na lipoti atu i le pulega, peitai ua lape le SQA i le faia o se Lipoti o Tulaga Faaletonu (IR) i le taimi o le suega.

Oloa Tau Vilimaa a Samoa

Mo le 10 masina na faaiuina i le aso 30 Iuni 2012

Sailiiliga Faasuetusi

Sa lipotia:

1. Sa i ai nisi tupe sa faatuai ona ave e teu i le Faletupe. E tatau ona siakiina teugatupe e ave i le faletupe i aso taitasi e le tagata faigaluega e fitoiofnu i ai, ina ia faapea ona faamauina lelei ma atoatoa tupe uma.
2. Sa i ai nisi risiti sa tusia i totonu o Faamaumaga mo le tuufaatasiga o faamatalaga tau tupe e le o tutusa ma teugatupe o aso taitasi.
3. E leai se tulaga e faailoa ai po o se saina e faamaonia ai o i luga o le faatusatusaga auiliili o paleni o tupe a le faletupe e faaalua ai sa iloiloaina e se tagata faigaluega talafeagai nei faamaumaga.
4. Sa i ai pea ni siaki e le i tuuina atu i le faletupe ua sili atu ma le ono masina o aofia ai i auiliiliga faatusatusa o faamatalaga tau tupe o paleni i le faletupe.
5. O faailo mo le faamauina o tupe totogi i le Faamaumaga o le Tuufaatasia o Faamatalaga o Tupe e le o atagia i luga o le pepa o tupe totogi atu.
6. E le o faaogaina pepa e talosagaina mai ai oloa i totonu o le faagasologa o tupe totogi mo tupe faaalu uma, sei vagana ai penisini mo taavale a le ofisa. O nei faamaumaga aloaia e manaomia ona faila ma teuina lelei e lagolago ai tupe ua totogi atu.
7. E le o tuueseeseina tiute tauave mo le faagaioiga o totogi a le aufaigaluega o lo o saunia ma siakiina e le Tausi Tusi Autu ae le i tuuina i le Pule mo le faamaoniga.
8. E le o iai faaalua se tulaga o se faamaoniga e le Pule o pepa faagaioiga o taimi faigaluega ma totogi a le aufaigaluega.
9. E le o maea ona faatumuina ma totogiina atu tupe toese faaletulafono mo le SNPF ma le MOR (PAYE) e le SQSP.
10. E le o lelei ona faamauina ma iloa gofie siaki o lo o faaogaina e le SQSP mo le faagaioiga o totogi a le aufaigaluega i luga o le lesitala mo totogi a le aufaigaluega.
11. E le i maua le feagaiga - faakonekarate sa sainia mo le faafaigaluegaina o le Pule o le SQSP.
12. E lua loli (Isuzu) ma se masini lau uta (Komatsu) o lo o lisiina mai le Pulega o Felauaiga i le Laueleele. O nei aseta e tatau ona fai i ai ni tauofoga a le atunuu pe afai ua lē toe faaogaina e le LTA.

Faalapotopotoga o Vaa a Samoa

Tausaga Faaletupe na faaiaina 30 Iuni 2011

Sailiiliga Faasuetusi

1. Sa faamaonia e le Komiti Faatonu faamanuiaga o le faaiaina o le vaitaimi galue e \$5,000 mo le Taitaifono ma le \$3,000 mo sui taitasi. O lo o i ai se tulaga manino o aia feteenai ona o nei tupe totogi ua tuusao lava mo le Komiti Faatonu. Sa tatau ona tuuina atu i le Kapeneta mo se faamaoniga nei tupe totogi.
2. E le i maea atoatoa le Taiala o le Tausiga o Tusi sa tuuina atu mo le iloiloga o le sueina o tusi.
3. O lo o siitia le aofaiga o aitalafu tuua a tagata nofo aitalafu ua sili atu i le 90 aso pe a faatusatusa atu i le tausaga faaletupe talu ai. E tatau ona faamalosia le tuliloaina o nei aitalafu. Ua faapea foi ona siitia le paleni mo tupe toe totogi o tiute a le ofisa o tiute pe a faatusatusa atu i le tausaga faaletupe talu ai. O nei tupe e le i totogiina mai e le Matagaluega mo Tupe Maua e tatau ona tulituliloa ina ia fesoasoani i galuega faatino a le kamupani.
4. E le i faanumeraina aseta uma sa faatauina i totonu o le tausaga faaletupe o lo o sueina nei ina ia iloa gofie ai.
5. Sa tuuina atu tusi fou o faamaumaga ae le i maea ona faaaogaina isi tusi o loo faaaogaina. E tatau ona toe faafoi tusi ua maea ona faaaogaina i le ofisa mo le teuina e faamautinoa ai lona faaaogaina tatau.
6. I totonu o le tusi lesitala o faamanuiaga e ave fua ai ni oloa, ua faapea ona tapunia nisi tusi e aunoa ma auiliiliga o le taimi na tuuina atu ai ma po o ai foi na tuuina atu i ai nei faamanuiaga.
7. Sa i ai nisi vaega o tinoitupe sa aoina ma faarisitiina ae sa faatuai ona teuina i le faletupe. E tatau ona teuina uma vaega tupe i le faletupe ma i luga o se faiga faavae i aso taitasi e alofia ai le leiloa po o tulaga o le faaaoga seseina o vaegatupe.
8. E leai ni pepa aloaia e lagolago ai risiti ua matauina . Ua tuuina atu fautuaga mo le pulega ina ia mautinoa ua faapea ona faapipii atu pepa aloaia e lagolago ai ina ia atoatoa faamaumaga mo le tausiga lelei o faamaumaga e faapea foi faamoemoega o le sueina o tusi.
9. Sa i ai ni suiga tuistusia na faia i le tusi risiti autu i le faasologa o fuainumera o faatulaga ai meataitasi, e pei ona matauina e mafua mai i faafitauli i le taimi sa lolomiina ai nei tusi.
10. E le i lelei ma atoatoa ona siakiina e tagata o lo o nafa ma le sauniga po o le siakiina o lipoti o faatauga o aso taitasi.
11. Sa faaaogaina le Talosaga mo Pepa o Feagaiga e faarisiti ai faatauga o le aso 13 o Aukuso, ma le tusi Risiti Lagolago a le Vaa (Rock the Boat Sub Receipt Book) sa faaaogaina mo faatauga o le aso 16 Aukuso 2010.
12. O faatauga a le faleoloa (Lady Samoa III) sa matauina ai le faatuai o le faarisitiina ma le teuina i le faletupe i lona aofaiga atoa e \$4,345.50.

13. Ua matauina se tupe toe faaola mai mo tupe faaagaga mo mea laiti ua sili atu i lo le \$500 ma le o gatasi ai ma faiga faavae a le SSC. E foliga mai o tupe maua o aso taitasi sa faaogaina e le SSC e faatupe ai nei tupe faaalu e tusa ai ona molimauiina mai pepa o faatauga sa iloiloia.
14. Sa maua nisi pepa o tupe totogi o faatauga e leai ni pepa faapoloaiga o le faatauina mai o oloa, risiti ma / po o pepa aloaia e lagolagoia ai ma faamaonia ai nei tupe totogi.
15. E le i toesea le 10% o lafoga mai tupe totogi sa tuuina atu mo auunaga mai kamupani sa faaogaina ina ia tausisia ai ma le Tulafono o Lafoga o Tupe Maua 1974.
16. Sa i ai se fuainumera o siaki o le aofaiga e \$796,458.54 lea sa totogi atu i le SSC sa matauina i totonu o le tusi lesitala o tupe totogi. E tatau ona filifilia lelei tagata ofisa e taliaina tupe ma siaki ina ia mafai ona latou tali atu mo nei vaegatupe a le Malo. O vaega tele o tinoitupe o tupe totogi atu mai tupe ua aoina i aso taitasi po o pepa siaki ua tusia e totogi ai tupe i le SSC / o siaki o tinoitupe, ua tatau ona taofia.
17. O aso malolo sa aveina e nisi tagata faigaluega sa faamauiina i le api saina ae peitai e le i tusiaina i faamaumaga o pepa o aso malolo.
18. Sa matauina mo nisi o le afaigaluega ia eseesea i itula faigaluega i totonu o le api saina ma pepa o faamaumaga o taimi faigaluega.
19. E le o i ai ni konekarate tau galuega mo tagata ofisa faakonekarate, aemaise lava Ofisa Sili Lagolago o Pulega.
20. Sa i ai nisi faila a tagata faigaluega e le i tuulaina maia.
21. Sa le mafai ona maua pepa faatumu TY15 a nisi tagata faigaluega ina ia faamaonia ai fua faatatau faatagaina o a latou totogi.
22. Sa i ai nisi pepa o faamaumaga o taimi faigaluega e le i siakiina ma faamaonia e le tagata faigaluega e fitoitonu i ai.
23. Sa i ai nisi pepa o faamaumaga o taimi faigaluega na matauina o lo o misi.
24. E leai se ata o se maliega ma le Faletupe (Westpac Bank) e faatatau i tuutuuga ma aiaiga o le pepa e tala faaaitalafu ai oloa a le SSC.
25. E le o i ai se faiga faavae e mataitu ai le faaogaina o le pepa e tala ai oloa.
26. Sa i ai nisi tupe totogi o atagia i totonu o faamatalaga tau tupe mai le faletupe, sa faia mai le pepa e totogi ai oloa, e aunoa ma ni risiti po o ni pepa aloaia e lagolago ai.
27. O tupe totogi o inisiua mo faalavelave tutupu tau i le tagata lava ia/o lona ola ua faapea ona tuuina atu mo tagata faigaluega uma a le faalapotopotoga. Ua fautuaina le tuuina atu o tupe totogi o inisiua mo na o sui o le auvaa ona e maua le tulaga lamatia o a latou galuega.

Auaunaga i Luga o Vaa a Samoa

Tausaga Faaletupe na faaiuina 30 Iuni 2010

Sailiiliga Faasuetusi

1. Sa i ai ni tulaga faaletonu i teugatupe mo le Joint Venture (JV). Sa tuuina atu se lisi o faamatalaga o feuiaiga e faasao i le SSS. Sa faautagia le fautuaga.

Auaunaga i Luga o Vaa a Samoa

Tausaga Faaletupe na faaiiina 30 Iuni 2011

Sailiiliga Faasuetusi

1. O nisi o paleni o i luga o faamatalaga tau tupe e lē ogatasi ma le Faamaumauga o le Tuufaatasiga o Faamatalaga Tau Tupe / Paleni o tupe aitalafu ma tupe totogi mai. Sa maua mulimuli ane ua fetuunai i luga o faamaumauga tusitusia ae le i tuuina i le MYOB. E tusa ai o le tulaga lē mautinoa o faamatalaga tau tupe a le FSII Joint Venture (JV), e tele faamatalaga fetuunai sa faapea ona toe faia. E tusa ai o se faaiuga, sa manatu ai le pulega e taofia le tuuina atu i totonu o le MYOB seia vagana ai ua faamautuina faamatalaga sao e faasao ai tusi a le JV ma le SSS. O faamatalaga o aso taitasi mulimuli ane sa maua e suetusi e faasao ai tusi a le SSS ma feliiu ai nisi o faamatalaga talu ai, ua faapea ona tuuina i totonu o faamatalaga o tupe o Faamaumauga o le Tuufaatasiga o Faamatalaga Tau Tupe a le SSS i luga o le MYOB.
2. Sa i ai se eseese o le aofaiga ua taua i totonu o faamatalaga i le tau a le vaega o auaunaga ma le aofaiga atoa o totogi o le auvaa e tusa ai ma le faiga e tuuina ai faamaumauga o totogi. E le i saunia ma faaooina atu tusi faamaonia o lafoga (P4) mo le tausaga atoa mo le auvaa MSC ma mo le auvaa FSII mo nisi masina. O le fesuiaga o totogi o le auvaa e mafua tonu lava i le: (i) faale-kuata ona tuuina i totonu o Faamaumauga o le Tuufaatasiga o Faamatalaga Tau Tupe, o le aofaiga fuafuaina o totogi faale-masina lea sa lē lelei ona tuulata mai a o faagasolo le faapaleniina o faamatalaga o tupe, (ii) o le NPF a le auvaa MSC sa faatatauina i luga o tulaga e le faamalosi ma sa toesea mai le aofaiga atoa o totogi o le auvaa a le MSC na tuuina mai, mai le MYOB ma (iii) le toe fuafuaina o totogi o le auvaa e ala i le fua faatatau tumau o le fesuiaga o tupe a atunuu i fafo. So o se eseese e faatulai mai e mafua i fua faatatau o faafesuiaga o tupe a atunuu i fafo. Sa saunia i lea lava taimi le P4 mo le PAYE a le auvaa ae peitai e le i faaooina atu i le Vaega o Tupe Maua ona e le i saunia i lea taimi ia tupe e totogi atu. Ua nofouta foi le kamupani i le tuai ona totogi o PAYE faale-masina a le auvaa e pogai i tulaga o le lē lava o tupe fesoloai a le kamupani. Ua malamalama foi le pulega e faapea o le i ai o le lagolago a le Malo, o le a foia ai i le tulaga atoatoa i se taimi mulimuli ane ai mo le PAYE a le auvaa.
3. Sa i ai nai tulaga sese i faamatalaga tau tupe a le Joint Venture (JV). Sa tuuina atu i le SSS se lisi o faamatalaga e faasao ai feuiaga. Sa i ai foi se faamatalaga o tupe faaalu e ese ai na faamauina i le faamatalaga o tupe a le JV 2011 mo totogifuapauina a faatonu o le JV/SSS, e tusa ma le \$6,667 USD. Sa faautagia le fautuaga. O le auiliiliga faatusatusa o faamatalaga tau tupe o tau a le SSS & PFL ua faaogaina i luga o gaoioiga a le FSII JV, ua faapea ona faia i luga o se faiga faavae faale-masina.
4. E le i totogiina lafoga PAYE a le auvaa a le MSC i le Matagaluega mo Tupe Maua talu mai Novema 2009; o totogi a le FSII e le i faia talu mai Setema 2010. O le aofaiga atoa e le i totogiina o le PAYE e \$1,033,125.14. Sa faautagia le fautuaga. Ua feagai le SSS ma tulaga o le lē lava o tinoitupe fesoloai, e tusa ai o ona noataga tau tupe mo le FSII JV. Ua nofouta foi le pulega i aafiaga e ese ai i luga o gaoioiga a le SSS, ae peitai o lo o talia fuafuaga uma e toe faaola ai aitalafu seia vagana ai ua maea tulaga faaiu o le faagasologa o le faatauga o le FSII.
5. E le i tuuina atu faamatalaga toe faafoi o le VAGST mo le vaitaimi Iuni 2010 - Iulai 2011 ae le i oo i le taimi faatulagaina. O lo o i ai foi se feteenaiga o paleni tauave ua faaoo atu i totonu o pepa faatumu o faamatalaga toe faafoi, e tusa ai o se taunuuga o le faaooina atu i totonu o faamatalaga toe faafoi talu ai. Ua faautagia fautuaga. O lo o faia nei feutanaiga e faatusatusa ai paleni o lo o tauaveina, ma tuulata mai le faaooina atu o faamatalaga toe faafoi o VAGST i

le taimi tatau. O le eseesea i paleni e pogai tonu mai tupe totogi e le faatagaina lea sa lē nofouta i ai le SSS i le tuanai ai o le suesuega o le MOR.

6. O le paleni tuua o lo o taofia lē tumau a le NPF e \$36,362.80 e pogai mai i paleni sa tauaveina mai tausaga faaletupe na muamua atu. Sa faautagia fautuaga. O paleni tuua e faasino i masina talu ai ua avea o se taunuuga o le tuai ona mauaina o faamaumauga o faamatalaga tau tupe mai vaa eseese e tusa e 45 a le MSC i atunuu i fafo.

Auaunaga i Luga o Vaa a Samoa

Suesuega Faafuasei o Tusi: 20 Mati 2013

Sailiiliga Faasuetusi

1. E le o i ai se tusi lesitala mo Faamaumaga Eseese, aemaise lava tusi risiti ma tusi e patino i galuega faaseila. Ua faautagia atugaluga o le suetusi.
2. O vaivaiga nei sa maua i le sueina o tupe faagaga mo mea laiti:
 - E silia i le \$200 tupe totogi i pepa e totogi ai tupe ma siaki tupe mo le toe faaolaina mai o tupe faagaga mo mea laiti, ua sili atu i loo le aofai faatapulaaina o Tupe Faaagaga mo Mea Laiti.
 - Sa faaaogāina tinoitupe laiti e aunoa ma se faamaoniga ma
 - Pepa totogi na faaaogāina e le i muamua faafuainumeraina.
 O le a faapea ona faatino taualumaga talafeagai.
3. Na matauina e le i faia ni siaki muamua o teugatupe mo le teuina o tupe i aso taitasi. Na faailoa lenei tulaga i risiti na teu ai tupe mo le teugatupe ia Ianuari 24, 2013 ma le aso 30 o Ianuari 2013, lea e aunoa se pepa na teuina ai tupe e faamaonia ai sa teuina moni lea tupe. E lē gata i lea o risiti o tupe teu ia Ianuari 29, 2013 e matua ese le aso o le 28 o Ianuari 2013. E tāua tele le siaki uma o teugatupe e mautinoa ai na teuina moni tupe ona faatoa maua mulimuli ane ai faamatalaga tau tupe i le tuanai ai o le faaiuga o le masina. O nei auala laiti e tuuitiitia ai le tulaga lamatia o le faaletonu o le tagofiaina o tupe. O le taualumaga masani lea peitai o le a faamautinoa e le Faalapotopotoga o Vaa le amanaia ma le faautagia o nei fautuaga mo le siitia ai o le tulaga o auaunaga.
4. O le aofai o risiti atoa o tupe maua na aoina mai i le aso 27 o Tesema 2012 e le o o gatasi ma le aofaiga atoa o tupe na teuina ona o le \$15 o lenei aofaiga na faaaogāina e totogi ai se totogifuapauina o le toe faatauina mai o se tusi siaki. Na tatau ona totogiina lea tupe mai tinoitupe laiti faaagaaga. Ua faatulaga taualumaga ma o le a tuuina atu e le pulega lenei mataupu i le aufaigaluega e fitoitonu ma lea tulaga.

Pulega o Fale ma Malae Taalo a Samoa

Tausaga Faaletupe na faaiaina 30 Iuni 2012

Sailiiliga Faasuetusi

1. Sa faatino i le sueina o tusi se auiliiliga o tulaga tau tupe mo le Pulega mo le tausaga faaletupe na faaiaina i le aso 30 Iuni 2012. Sa matauina ai le faaauau ai pea ona pā'ū aseta tumau, aofaiga atoa o aseta ma le aofaiga o tupe faavae. Ua fautuaina le Pulega ina ia i ai se fuafuaga tau suiga o aseta, ina ia tuuina atu ai tulaga manaomia e le na o le tausiga o ona malae ma fale ma isi aseta ae ia faapea foi ona amanaia le taimi e tatau ai ona suia ia aseta, ina ia faamautinoa ai le faagasologa lelei o gaoioiga a le Pulega ma le fuafuaina lelei o tupe fetafea'i.
2. O se itu e faafiafiaina ai ona ua matauina o lo o faaauau pea tulaga faaleleia a le SSFA, i le mauaina mai o tupe fetafea'i. Ae peitai, o tinoitupe fetafea'i mai gaoioiga ua pā'ū pe a faatusatusa atu i le 2011.
3. O le isi naunautaiga mo le agai i luma e pei ona atagia i nisi o mataupu o i totonu o lenei lipoti, o le iai atoatoa, le umiaina, ma le tau fuafuaina o aseta tele i totonu o le pepa o Paleni a le SSFA, po o le Faamatalaga o tulaga Tau Tupe lea ua taua o meatotino, o masini ma meafaigaluega. E manaomia le SSFA ina ia vave faaleleia nei tulaga ina ia faamautinoa ai o lo o faapea ona faaauau le tuuina mai o faamatalaga tau tupe e sao ma talafeagai ma puipuia ai ina ia maua se manatu le tautaulia mo le sueina o tusi.
4. E ui lava sa faamauina lelei Tusi o Faamaumaga Eeseese, ae sa faapea lava ona lē maea le tusi lesitala, ona sa i ai ni auiliiliga sa misi, e pei o aso na tuuina atu ai nei tusi ma toe faafoi mai ma ua faapea foi ona lē faamauina le tagata ofisa na tuuina atu i ai. Ua fautuaina le Pulega ina ia faamautinoaina o auiliiliga uma e faatatau i le faatauina mai, tuuina atu ma le toe faafoi mai o tusi o faamaumaga eeseese, ua faamauina lelei ma tuulata mai i totonu o le tusi lesitala, mo le faafaigofie ona mulimuli ai i le faagasologa o nei tusi ua faamauina e faailoa gofie ai tusi ua faaogaina ma tusi e le i faaogaina ma le mata'ituina o tusi uma. O le i ai o se faiga lelei e faatonutonu ai o le tasi lea itu mo le tautaisia o faiga lelei e faatonutonu ai lea itu; ae peitai, o le lē tautaisia o le a lē aogā ai ia faiga e faatonutonu ai. Ua faautagia le fautuaga mo le tulaga faaleleia.
5. O tulaga e agavaa i ai mo faamanuiaga i le tulaga i telefoni mo le Pulega Sinia e manaomia le tulaga aloaia faatulafonoina. O tulaga uma e agavaa i ai ma faamanuiaga mo le pulega sinia e aofia ai telefoni ma le faaogaina e tatau ona faatulaga i totonu o a latou feagaiga faakonekarate faigaluega. Ua faautagia le fautuaga.
6. Sa i ai se tulaga siitia i tau soifua lelei ma le malupuipuia o le aufaigaluega na faatupeina mai le tala faatatau o tupe. Ua fautuaina le pulega ina ia mata'itu lelei le faaogaina o nei tupe faaalu. Sa faautagia fautuaga mo tulaga faaleleia.
7. Sa matauina le leai o ni pepa faatumu e faalēaogaina ai po o ni lipoti e faamaonia ai meataitasi aemaise lava o aseta tumau ua faatauina mai e sui ai meataitasi ua faalēaogaina. Ua faautagia le fautuaga mo le faaleleia ma o le a faaogā foi faatinoga talafeagai.
8. Sa lipotia le tatau ona iai o se faiga faavae e faatatau i tupe faameaalofa ma ona tapulaa e pei ona faalagolago i ai le Pulega i le lagolago mai o le tala o tupe mo lona faagaoioiga ma tupe totogiina atu faameaalofa, ua sili atu i lo le aofaiga aupito maua o tupe faameaalofa i lalo

o faiga faavae a le Malo. O le vaai a le Pulega i tupe faamealaofa ua taua i luga, ua le na o se tupe faamealaofa e tuuina atu foi le lagolago tau tupe i so o se sailiga tupe ua faia e so o se faalapotopotoga tau taaloga e avea o se faamalosiā i taaloga ina ia tulaga aupito maua luga ai le faaogāina o malae ma fale taalo e sui o le atunuu. Ua faapea foi ona faatonutonu e le pulega lenei vaega o tupe faaalu.

9. E le i faatuina e le SSFA, se laupapa tele mo tulaga faalauiloa i le Apia Park e tusa ai ma se maliega ua sainia, ma o lo o faapea lava ona pili le kamupani mo auunaga, lea sa teena mai e le kamupani ma taunuu ai i se pa'ū o tupe mo le Pulega. Ua matou fautuaina ai le pulega ina ia faia ni faiga talafeagai e faamautinoa ai le tausisia o maliega ua sainia. E lē tatau foi i le Pulega ona tapa ni tupe mai ni tagata e faaogāina ni auuanga e le i tuuina atu, ona o lenei tulaga o le a tauleagaina ai le igoa o le Pulega ma taofiofia ai fuafuaga alualu mamao tau maketiina o a latou malae ma fale taalo. Ua faautagia le fautuaga ma o le a lagolago i ai.
10. E toatele tagata faigaluega na mauaina totogi ovataimi ma mafua ai le faasili mo totogi faatatau mo le tausaga. Ua fesiligia se fuafuaga alualu mamao a le pulega i le faafoeina o lenei mataupu e pei ona atagia mai i ovataimi ua faapea ona i ai se tulaga o le lē lava o tagata faigaluega e tauaveina galuega manaomia mo faatinoga a le Pulega. Ua matou fautuaina le pulega e faatulaga ni tulaga talafeagai e faaleleia ai lea tulaga. Ua faautagia fautuaga mo le faaleleia.
11. O lo o tusitusia pepa mo faamaumauga o totogi a le aufaigaluega ae le i tuuina atu i totonu o le polokalame o le MYOB. Ua matou fautuaina le Pulega ina ia utagia le tuuina mai o faavasegaga o totogi ma sauniuniga mai le MYOB e faaititia/faatapulaa ai tulaga lamatia i mea sese e tuuina i totonu e ala i faagasologa tusitusia o loo faia. Ua i ai nei le SSFA i le faagasologa o le mauaina mai o se faatulagaga tuulata mai o polokalame faakomipiuta tau Faamatalaga o tupe a le MYOB ma le faatulagaga o Totogi a le MYOB mai lana polokalame autu. Ua fuafuaina e faapea o le tulaga siitia ma faatulagaga fou o Totogi a le MYOB o le a tatau ona i ai ao le i faaiuina le Tausaga Faaletupe 30 Iuni 2013.
12. E le o i ai ni faila talafeagai o auiliiliga faatusatusa o faamatalaga tau tupe o paleni i le faletupe o faaogāina mo le faagasologa o le mata'ituina o paleni i le faletupe. O le tele lava o auiliiliga faatusatusa o faamatalaga tau tupe o paleni ua faia i luga o le MYOB ma e leai se faamatalaga molimau e uiga i so o se siakiina po o se iloilogia na faatinoina i luga o auiliiliga faatusatusa o faamatalaga tau tupe o paleni faale-masina na saunia. Ua fautuaina le tulaga tatau o le i ai o se faila a le faletupe e mata'itu ai, pe afai o auiliiliga faatusatusa o faamatalaga tau tupe o paleni i le faletupe ma ona pepa aloaia e lagolago ai e pei o faamatalaga tau tupe mai le faletupe ma lomiga mai le MYOB ua teuina mo faamatalaga molimau i le lumanai ma faapea foi mo le mata'ituina o tinoitupe fetafea'i a le Pulega. Ua faautagia le fautuaga ma o le a faapea ona mulimulitaia.
13. O le tele o pepa o tupe totogi e le o i ai ni pepa o poloaiga faalotoifale e totogi ai tupe; lipoti a lē ua mauaina; o risiti e pei ona manaomia pe a oo ina faatauina mai se oloa po o se auunaga. Ua matou fautuaina le tulaga mautinoa o le tausisia o le faatinoina o faiga e faatonutonu ai i totonu o lenei vaega. Ua faautagia le fautuaga ma o le a faapea ona mulimulitaia.
14. Sa i ai ni paleni a e o loo nonofo aitalafu i le Pulega na matauina e le o i ai se gaoioiga i totonu o le tausaga faaletupe. Ua fautuaina le pulega ina ia mata'itu nei vaegatupe ma tuliloaina paleni tuua uma. Ua faautagia le fautuaga ma o le a faapea ona mulimulitaia.

15. Sa i ai paleni tuua na tauave mai tausaga talu ai ua tatau ona toe totogi. Sa matauina e le SSFA e faapea o tupe tuua a tagata e totogi i ai tupe sa faia e tusa ai ma le manaomia vave e le Pulega o a latou auaunaga ae foia mulimuli ane ai isi tupe tuua a tagata e totogi i ai tupe e tusa ai o tupe o avanoa i le tala faatatau o tupe. Ua taliaina i se tulaga lautele fautuaga a le suetusi ma o le a faia gaoioiga talafeagai ina ia mata'itu lelei ai le mataupu ua taua i luga.
16. Ua manaomia le tuulata mai o le tusi lesitala o aseta tumau, ina ia faailoa gofie ai tulaga ma tau o aseta uma o i ai nei. O lenei mataupu sa faapea foi ona laga i le sueina o tusi talu ai peitai e leai se galuega o faia i ai. Ua fautuaina le Pulega e faia se suega oloa e 100% o aseta uma ma tuulata mai lana tusi lesitala o aseta tumau a o lumanai ai le tuufaatasiga o le faamatalaga tau tupe o le 2013. O lo o ua faatinoina nei le suega oloa o aseta tumau uma ma o le a tatau ona i ai i lea taimi se tusi lesitala tuulata mai o aseta tumau, mo le tuufaatasiga o le faamatalaga tau tupe o le 2013.
17. Sa matauina i le sueina o tusi e le o faaigoaina ma faamauina lelei aseta tumau. O aseta uma na faatau mai ma maua mai i le tausaga faaletupe o loo sueina, na faamauina/faailogaina i se numera poo se faailoga e tasi, mo se faaitaiga: o aseta na maua i le vaitaimi o sueina nei ua faamauina uma e pei o le SSFA 11/12. E leai se suega oloa na faia e faamautinoa ai o lo o faapea lava ona i ai aseta uma na maua mai i tausaga talu ai. O lo o i ai foi aseta ua maua ua fesiitai atu mai le isi nofoaga i le isi nofoaga, ae le o maua se faamaoniga ona e leai se faamaumauga tusitusia mo le feaveaiga o aseta. Ua fautuaina le pulega ina ia faia se suega oloa e 100% o aseta uma ma tuulata mai le tusi lesitala o aseta tumau a o lumanai ai le tuufaatasiga o le faamatalaga tau tupe o le 2013. O lenei suega oloa o aseta tumau o lo o ua faatinoina nei ma o le a tatau ona i ai i lea taimi se tusi lesitala tuulata mai o aseta tumau mo le tuufaatasiga o le faamatalaga tau tupe o le 2013. O le a faapea foi ona faamautinoaina ua faailoga lelei aseta tumau uma.
18. E leai se faamatalaga molimau o se suega oloa sa faia e le Pulega i luga o meataalo e faaogā i taaloga, ona o le tele o nei meataalo o lo o teuina e faalapotopotoga tau taaloga. Ua fautuaina le pulega ina ia faia se suega oloa e 100% o aseta uma ma tuulata mai tusi lesitala o aseta tumau a o lumanai ai le tuufaatasiga o le faamatalaga tau tupe o le 2013. Ua faautagia le fautuaga ma o le a faapea ona mulimulitaia.
19. Ua matauina i le sueina o tusi, e leai se faamaumauga o aseta ua faalēaogāina e faamaonia ai pe faapefea ona faamatuu atu ia aseta ua faalēaogāina. Ua matou fautuaina le i ai o ni pepa faatumu o oloa ua faalēaogāina e faamau ai aseta ua faalēaogāina ma ia faamautinoa ai ua faamauina lelei lo latou faamatuuina. Ua faautagia le fautuaga ma o le a faapea ona mulimulitaia.
20. Sa matauina i le sueina o tusi o lo o faapea ona i ai meataitasi i totonu o Aseta Tumau ua le toe i ai e pei o Aoaoga Tau le Gataifale i Toloa ma le vai loloto mo Aoaoga i Taumeasina. O le a faia gaoioiga talafeagai e faaleleia ai lenei mataupu.
21. Sa matauina i le sueina o tusi o lo o faapea ona aofia ai i aseta tumau ia tau o auala i Faletaalo ma e faapena foi le faaleleia ma le tausiga o auala i le Apia Park ma le Royal Samoa Country Club, atoa ai ma le Auala i Aganoa. O le a faamautinoaina ua tagofia mataupu ua taua i luga i se tulaga tatau ma o le a faia gaoioiga talafeagai e toe faasao ai lenei mataupu.
22. E leai se faamatalaga molimau e faamaonia ai o feuaiga faapisinisi sa faamaonia lelei ma lagolagoina e pepa aloaia talafeagai. Ua matou fautuaina ina ia faamautinoa ua maea ona faia feuaiga faapisinisi, ia iai pepa aloaia talafeagai e lagolago ai ma ua maea ona faamaonia lelei. Ua faautagia le fautuaga ma o le a faapea ona mulimulitaia.

23. E tatau i le Pulega ona faaoo atu faamatalaga toe faafoi o tupe o le VAGST mo tupe tapaina o le VAGST e ala i ana tupe maua ua aoina ma tupe totogi ua faia. O lo o i ai foi nisi tupe maua mai le VAGST o lo o taua i le faamatalaga tau tupe ae le o i ai se faamatalaga toe faafoi o tupe ua faaoo atu e faamaonia ai lea aofaiga. Ua matou fautuaina le fesootai atu i le Matagaluega mo Tupe Maua ina ia faamaonia ai le aofaiga o tupe ua tapaina o le VAGST ma ia faapea foi ona faaoo atu faamatalaga toe faafoi o le VAGST. Ua faautagia le fautuaga ma o le a faapea ona usitaia.
24. Sa matauina i le sueina o tusi e na o le taavale a le Ofisa Sili o Pulega, SSFA 01 o lo o inisiua, ae lē o inisiuaina le SSFA 03, 04, 05, 06. Sa laga foi lenei mataupu i le sueina o tusi talu ai. Ua matou fautuaina le Pulega ina ia inisiua uma taavale e malu puipuia ai ia aseta. Ua faautagia le fautuaga ma o le a faapea ona mulimulitaia.
25. Sa matauina foi i le sueina o tusi e faapea o fanua o lo o i ai malae ma faletaalo, o lo o faapea lava ona umia e le Faalapotopotoga o Eleele a Samoa. E le o i ai se faamaumauga o se maliega po o le lisiina o nei fanua. Ua faatauaina ina ia iai uma faamaumauga aloaia mo le umia o nei fanua o lo o faaogaina i Malae ma Faletaalo mo le tausiga lelei i totonu o le faamatalaga tau tupe. Ua faapea foi ona fautuaina le sauniunia o nisi maliega aloaia ma ia faailoa atu ia tulaga e ala i faamatalaga e faailoa ai i totonu o faamatalaga tau tupe. Ua faautagia le fautuaga ma o le a faapea ona mulimulitaia.

Pulega o Fale ma Malae Taalo a Samoa

Sueina o Tusi Faavaitaimi: 1 Iulai 2012– 28 Fepuari 2013

Sailiiliga Faasuetusi

1. E ui lava ina tele le suiga mai le tausaga ua mavae, o lo o i ai pea tagata aitalafu e tuai ona totogiina mai a latou aitalafu. Ua faautagia atugaluga o le Suetusi.
2. E iai pepa e totogi ai tupe o lo o leiloloa ma e lē i tuuina mai i le taimi o le iloiloga. O lo o galulue nei le pulega e faamaonia po o ese le mea o tuu ai nei faamaumauga.
3. O nisi pepa e totogi ai tupe e le o maeaea lelei ona i ai pepa aloaia e lagolago ai. Ua faapea foi ona faautagia atugaluga o le suetusi.
4. E le i maua ni pepa faatumu po o lipoti e faamaonia ai o aseta tumau sa faatauina mai e suia ai aseta ua faalēaogāina. Sa tali mai le faalapopotoga e lē manaomia ni pepa faatumu mo aseta ua faalēaogāina. O lo o ua i ai nei pepa faatumu tau lotoifale e faatau ai ma talosaga meataitasi o lo o manaomia.
5. E le o faamauina uma e le Pulega numera faigaluega mo le aufaigaluega i totonu o a latou faila e patino i tagata faigaluega. Ua faautagia lena atugaluga o le suetusi.
6. Sa maua e le suetusi le lē faatuatuaina o le mata'ituina ma le makaina o le api saina mo le vaega o lo o i le Malae Taalo i Apia Park. Sa faailoga i le peni uliuli le api saina mo le aufaigaluega o lo o aveina aso malolo, aso malolo e aunoa ma totogi, faapea foi ma isi. Ua amanaia foi atugaluga o le suetusi.
7. E le i tuulataina mai faamaumauga o aso malolo mo le vaega galulue i le Malae Taalo i Apia. Ua faautagia atugaluga o le suetusi.

Ofisa o le Sports Lotto a Samoa

Tausaga Faaletupe na faaiuina 30 Iuni 2011

Sailiiliga Faasuetusi

1. Sa i ai aseta tumau mai le tusi lesitala e le o tuufaatasia i totonu o faamatalaga tau tupe. Ua matauina i le fautuaga e faapea e ao ona tuulata mai le tusi lesitala o aseta tumau o lo o i ai ina ia faailoa uma ai aseta o i ai nei, ma ia aveese aseta ua faapena ona lē toe faaaogāina. O lenei tulaga ua faafaigofie ai le mata'ituina o aseta uma a le ofisa ma faamautinoa ai lo latou saogalemu lelei ma le faaaogāina e pei ona fuafuaina.
2. O nisi aseta o loo i totonu o le tusi lesitala o aseta tumau e le o faatulagaina ai ni faailoga/numera. E i ai nisi aseta e le o faapipiina i ai se igoa e iloa ai. Sa faautagia le fautuaga mo le tusi lesitala ina ia tuulata mai ma tausia lelei e se tagata ua tofia ma e ao ona iloiloaina e pei ona masani ai e le pulega.
3. Sa laititi tupe na totogi mo tupe toesea o lafoga PAYE mo le aufaigaluega. Na taunuu lenei tulaga i se fetuunaiga o lafoga i lona aofaiga e \$21,570 i totonu o faamatalaga o tupe mo le Tausaga Faaletupe 2010-2011. E le i siakiina lelei ma faamaonia le galueaina o tulaga o lafoga ma aofaiga ae le i tuuina atu tupe totogi i le Matagaluega o Tupe Maua. Sa matauina le tuai ona totogi atu o tupe toesea faaletulafono e pei o saofaga a le NPF, ACC ma le lafoga PAYE. Ua matauina fautuaga mo le pulega ina ia siaki ma tuulata mai lea tulaga, pe o nei tupe toesea faaletulafono ua totogi atu i le taimi fuafuaina e alofia ai faasalaga mo le tuai ona totogi atu.
4. E le o iai ni faamaumauga lelei mo le faamaoniga o tupe totogi mo tupe foai ma meaalofoa. E le o saina le tagata sa tuuina atu i ai le tupe i le pepa totogi ma sa faaaoga siaki o tinoitupe e maua ai le tulaga lamatia i lea faiga. E le o i ai se faiga faavae e limataitaia ai ma faafoe ai le tulaga o nei tupe totogi ma faamaumauga aloaia.

Pulega o Tagata Tafafao Maimoa mai Fafo

Tausaga Faaletupe ua Sueina: 1 Iulai 2011 – 30 Iuni 2012

Sailiiliga Faasuetusi

1. Sa foia uma mataupu na laga i le taimi o le sueina o tusi.

Pulega o Tagata Tafafao Maimoa mai Fafo

Suega Faafuasei: 27 Mati 2013

Sailiiliga Faasuetusi

1. E iai tusi risiti ua leiloloa. O le taimi muamua lenei ua leiloa ai se tusi risiti po o se tusi o faamaumauga i totonu o le ofisa. Ua faaogaina nei metotia e faamalosia ai le siakiina lelei o tusi o faamaumauga e ofisa sinia o le vaega tau tupe i aso taitasi ma teuina lelei i se nofoaga malupuipua.
2. Na o tusi risiti o lo o faamauina i se lesitala. O isi tusi o faamaumauga e pei o tusi siaki, tusi o faamaumauga o tupe teu ma pepa o penisini e le i lesitalaina. O le i ai o se tusi lesitala e faigofie ai ona sailia so o se tusi o faamaumauga ma iloa ai ni tusi ua leiloloa. Ua i ai le lesitala mo tusi o faamaumauga eseese uma e faailoa ai feuaiga o nei tusi.
3. E le i faanumeraina muamua pepa totogi o tupe faaagaga mo mea laiti. O lenei tulaga e mafai ona tulai mai ai le lē maea ona atoatoa faamaumauga o tupe totogi ma avea ma faafitauli e mata'ituina ai nei tupe faaalu e faamautinoa ai o lo o faamauina ma atoatoa. Ua i ai nei pepa faatumu fou mo tupe faaagaga mo mea laiti a le Pulega faatasi ai ma fuainumera ma le lesitala mo pepa faatumu uma. E na o se vaega faapitoa o pepa e totogi ai tupe/pepa faatumu e mafai ona lolomiina na o se vaitaimi faapitoa pe a uma ona faanumeraina. E faatoa mafai ona toe lolomiina pepa totogi o tupe faaagaga mo mea laiti i lalo o le faamaoniga a le Pule o le Vaega o Tupe ma Auaunaga Lautele ma le Tausi Tusi.
4. O le tele o paleni tuua a e o loo nononfo aitalafu i le Pulega sa matauina le leai o ni fesuiaga. O le aitalafu aupito sili ona maua o ni aitalafu na tauaveina mai le lua i le fa tausaga faaletupe ua tuanai ma e le o i ai se faamoemoe e toe totogiina mai e ui lava ina ua maea ona faia gaoioiga e tulituliloa ai e le Pulega. O le tele o nei tagata nofo aitalafu o le a faasee atu i le Komiti Faatonu e lagolagoina e le Pulega mo le tusi esea mai tusi a le Pulega, a o sauniuni atu mo le isi tausaga faaletupe. O lo o faaauau pea ona tulituliloa e le Vaega o Tupe aitalafu uma.

Faalapotopotoga o Esetete Tausi o Samoa

Tausaga Faaletupe na faaiuina 30 Iuni 2011

Sailiiliga Faasuetusi

1. E laititi tupe na totogi mo tupe toesea o lafoga PAYE mo le afaigaluega. Na taunuu lenei tulaga i se fetuunaiga o lafoga e tusa ma le \$21,570 le aofaga i totonu o faamatalaga o tupe mo le Tausaga Faaletupe 2010-2011. E foliga mai e lei siakiina lelei pe iai foi ni faamaoniga o le galueaina o tulaga o lafoga ma aofaiga ae le i totogiina atu i le MOR. Ua matou faautagia atoatoa le fautuaga a le suetusi ma ua faatinoina nei e le STEC lea tulaga e ala i le siakiina i luga o pepa o faamaumauga o totogi a le afaigaluega i le tailua vaiaso.
2. Sa matauina e i ai nisi tinoitupe sa faatuai ona teuina i le faletupe. Ua matou faautagia atoatoa le fautuaga a le suetusi. O tulaga faatuai e mafua i le lē lelei o tinoitupe fetafea'i i lea taimi. Sa fuafua le Pulega e faaogā tupe na aoina mai mo le utuina o penisini o taavale, ma isi tupe faaalu i le faagaoioiga, ma i lea lava taimi sa feutagai ai le Pulega ma se tasi o faletupe e faatatau i nisi o ana teugatupe. O mafuaaga autu nei na ala ai ona tapunia teugatupe a le Faalapotopotoga i lea faletupe, ae siitia atu i se isi faletupe. Ua faia nei teugatupe i le faletupe i aso taitasi.

Pulega o le Suavai

Tausaga Faaletupe na faaiuina 30 June 2012

Sailiiliga Faasuetusi

1. Ao faatinoina taualumaga masani o le sueina o oloa, sa logoina ai suetusi e uiga i se gaioi lea sa tupu mai i le fale teuoloa a le Pulega o le Suavai i Vaitele. I luga o suesuega mo lea lava mataupu, sa sailia ai e suetusi se lipoti o oloa sa gaioina ina ia tuu esea mai le lisi o oloa, ona e mafai ona aafia ai le paleni o oloa i luga o Faamatalaga tau tupe. Sa tali mai le Pulega sa tuuina atu lenei mataupu mo iloilogaga a le Matagaluega o Leoleo ma o lo o tau faamaea le iloiloaina o le lisi mo meatotino na gaioia.
2. E faavae i luga o se ata o faamatalaga tau tupe ua faatulagaina, o le paleni o faamatalaga o tupe maua mai aitalafu (AR) e \$9.25 miliona ma o le paleni faaleoleo mo aitalafu le mautinoa e \$350,000. E tusa lea ma le 4% o aofaiga o le paleni o tagata nofo aitalafu (AR). E tusa ai o le lipoti mo aitalafu ua silia i le 90 aso e leai ni totogi tuuina mai, sa tuuina mai ai i lenei faatulagaga le \$4.8 miliona o le paleni o tagata nofo aitalafu, ma e tusa lea ma le 52% o le aofaiga o paleni o tagata nofo aitalafu. Sa tali mai le Pulega o Suavai e auai foi i le manatu o le suetusi ae ona o le maoae o le tulaga faalēaogāina e faasaga i aiaiga a o faagasolo le tausaga faaletupe o lo o iloiloaina nei, ua manatu ai e tuuina atu nao le \$1.5 miliona mo le tausaga lenei. E ui i lea, ua faapea lava ona siitia aiaiga e pei ona fuafuaina.
3. Ua amata nei ona suia e le Pulega o le Suavai le umi o le faaaogāina o masini tetele mo le faamamaina o suavai lafoai mai le 20 tausaga e oo atu i le 50 tausaga. Sa tuuina atu se fesootaiga tau imeli e le Pule (Technical Manager) lea e lagolago ai le suiga o le umi e faaaogāina ai, e faavae i luga o le fausiaina o ia aseta. O le tau aogā talafeagai o aseta i le polokalame a le SWA e le o faatinoina atoatoa ma o le tulaga lea ua manaomia ai le fuafuaina o tau i se faiga faifaiepea tutoatasi e ao ona faatinoina e se tagata faapitoa talafeagai e fuafuaina tau aogā. O lo o i ai se numera o auala e fuafuaina ai tau aogā lea e mafai e le tagata faapitoa e fuafuaina tau aogā ona faaaogāina. O se toe fuafuaina o tau aogā o aseta uma a le Pulega e se tagata faapitoa tutoatasi o lo o ua i totonu o fuafuaga ma ua avanoa foi i ai i faamaumauga aloaia e pei ona faatinoina e le Faufautua tau Faafuaga o Aseta a o faagasolo le tausaga faaletupe o faagasolo nei.
4. I la matou iloilogaga o faamatalaga toe faafoi tau tupe o lafoga sa matauina ai o le faamatalaga toe faafoi tau tupe mo Iuni - Iulai 2012 e le o o gatasi ma polokalame o faamaumauga o le tuufaatasiga o faamatalaga tau tupe. O lenei tulaga ua mafua i le lē sao o paleni tauave ua faamauina i faamatalaga toe faafoi tau tupe mai le polokalame o faamaumauga o le tuufaatasiga o faamatalaga tau tupe. Sa aofia ai le paleni amata i totonu o faamatalaga toe faafoi tau tupe. E ui i lea, a o faagasolo le suesuega a le Matagaluega mo Tupe Maua, sa fautuaina ai e pau le tulaga o mananao i ai, o le aofaiga lea i le vaitaimi o i ai nei, ina ia faaalua i luga o faamatalaga toe faafoi tau tupe ma ia alofia ai nisi feeseeseaiga seia oo ina foia mataupu tau faamatalaga. Sa mulimulitaia le fautuaga a le MOR, e ese mai i aofaiga o lo o i totonu o le polokalame o Faamaumauga o le Tuufaatasiga o Faamatalaga Tau Tupe. Sa faapea mai foi le Pulega o le mataupu ua uma ona soalaupule ma atagia i totonu o le tausaga faaletupe 2014.
5. Sa faapea ona matauina o le paleni o le tupe o lafoga (VAGST) i le Matagaluega mo Tupe Maua e 1,443,460.67, lea e tataua ona totogi atu e le Pulega o le Suavai i le Matagaluega. Ae peitai e tusa ai ma faamatalaga tau tupe a le Pulega o le Suavai, o lo o nofo aitalafu le Matagaluega i le Pulega i le aofaiga e \$3,826,197. Sa lē manuia taumafaiga e foia ai lenei feeseeseaiga i taimi ua mavae e mafua i le tuua o galuega e le aufaigaluega a le Matagaluega

o Tupe Maua aemaise ai o la latou vaega tau le tulafono, e ui i lea ua fautuaina nei e le Pulega o le Suavai o lea ua feutagai le Pulega ma le Matagaluega ma ua fuafuaina ai le taunuu i se maliega a o faagasolo le tausaga faaletupe o faagasolo nei. Na toe tali mai le Pulega ua maea ona saolaupule lea tulaga ia Tesema 2013 ma o loo atagia i le tausaga faaletupe 2014.

Pulega o le Suavai

Suega faafuasei: 1 Me 2013

Sailiiliga Faasuetusi

1. E le o faamauina i le lesitala mo risiti nisi o tusi risiti ua maea ona faaaogāina ma tusi risiti o lo o faaaogāina i le taimi o le sueina o tusi. E le o maua foi faamatalaga e pei o aso na tuuina atu ai, ofisa/nofoaga sa faaaoga ai, igoa o le tagata ofisa na tuuina atu ai tusi risiti ma le aso na toe faafoi atu ai. Sa tali mai le Matagaluega o le taimi o le pisi pe a laina tagata e talia auaunaga, e ave muamua tusi risiti e talitupe ma le faamoemoe e faamauina mulimuli ae uma ane galo ona faia pe a maea se aso pisi. Ua faautagia lea atugaluga ma ua tuulata mai le lesitala.
2. E tele ni mataupu e aafia ai mita o vai ua tagofia faa-le-tulafonoina i Upolu ma Savaii i le tausaga faaletupe lenei e tau mai ia Mati 30, 2013. E i ai i latou na faia lenei tulaga ae o lo o faaauau pea le maua o le suavai. Ua faapea foi ona faailoa mai i faamaumauga tau tupe o le toatele o i latou ua tagofia faa-le-tulafonoina a latou mita e le i totogiina ni tupe i a latou pili vai. O lenei tulaga na lē usitaia ai faiga masani a le Pulega o le Suavai mo le tipiina o vai mai ia i latou uma o lo o i ai aitalafu o pili vai ua leva ona i ai aemaise i latou na tagofia faa-le-tulafono mita vai a le Pulega. O i latou nei e masani ona faatalanoa taitoatasi ma o le toatele o i latou e le i toe faaolaina a latou paipa ma le toe i ai nisi pili fou, peitai e tataua foi ona fuafua le Pulega ona o le aafia o soifua pe a aunoa ma le suavai ma ave le faautaga tataua i le faamuamua o soifua o tagata, aemaise lava i latou e maualalo tupe maua ma aiga e i ai matua taus. O le mafuaaga lenei na faia ai faatulagaga mo le togitogiina o pili tuua a o le i toe faaolaina suavai.
3. Na fai se asiasiga faafuasei mo taavale afi i Vaitele ma Sogi ma o le tele o taavale e lei i ai i le fale taavale i le taimi lea. E lua taavale sa faatagaina e le Pule Sili e faaaogā pe a maea taimi faigaluega (e sauniuni i so o se taimi e manaomia ai) e pei ona faamaonia i pepa o talosaga faamaonia o felauaiga na tuuina atu i le vaega suetusi. E sefulutasi taavale e lei i ai i le fale taavale i nofoaga uma nei e lua. Sa tali mai le Pulega o le Suavai o le lima o nei taavale na maua mulimuli ane o lo o galulue i le mata'ituina o suavai i le maea o taimi faigaluega, o isi o lo o auauna i le viliina o vai ma tufatufa atu i nofoaga i tua ma isi o lo o galulue mo vai ma suavai lafoai aemaise le vai i Falelauniu mo le Vaega Tau Tomai. O nei tulaga uma na faatagaina e le Pule Sili. O le taavale laisene apa SWA27 lea o lo o faatuina i Vaitele ua fuafuaina e faalēaogāina.

Faalapotopotoga o Suesuega Faasaïenisi a Samoa

Tausaga Faaletupe na faaiuina 30 Iuni 2011

Sailiiliga Faasuetusi

1. Sa faaauau pea le faia o tulaga lelei i le tele o vaega ma faaleleia atili le vaega tau pulega e tusa ai o le i ai o oototoga lelei o minute mo fonotaga a le pulega ma le Komiti Faatonu. O le naunautaiga maua luga mo le SROS e pei ona atagia i lenei lipoti a le pulega o lo o i ai lea i ana tusi o faamaumaga eseese, faamauina o feuaiga faapisinisi, taulumaga i le faaiuga o le tausaga e faamuta ai, siata o faamatalaga tau tupe, polokalame o faamaumaga o le tuufaatasiga o faamatalaga tau tupe, polokalame mo le tusia o igoa o oloa ma le tusi lesitala o aseta tumau. Ua manaomia le SROS ina ia foia nei faafitauli i se taimi vave, ina ia faamautinoa ai ua faapea ona faaauau le tuuina atu o faamatalaga tau tupe e sao ma talafeagai ma maua ai se manatu le tautaulia mai le sueina o tusi.
2. O lo o i ai eseese o faamatalaga tau tupe ma le polokalame o Faamaumaga o le Tuufaatasiga o Faamatalaga Tau Tupe (GL). E ui i lea, e le o atagia i Paleni o Tupe alu ma tupe totogi mai le numera faalilolilo o faamatalaga tau tupe a le polokalame e pei ona i ai i le Siata o Faamatalaga o tupe. E i ai mafuaaga ua mafua ai lenei tulaga, e fai ma faataitaiga: sa toe tatalaina le polokalame mo le vaitaimi faaletupe ua faamutaina ma o feuaiga faapisinisi sa faagasolo i le maea ai o le faamatalaga tau tupe, sa saunia ma faamautuina; e le i fetuunaia le polokalame e tusa ai o fuainumera autu o faamatalaga molimau i totonu o le faamatalaga tau tupe; ma o lo o i ai ni tulaga e le o sao ua tuuina i totonu ma ua fautuaina ai le SROS ina ia faia ni tulaga talafeagai e faaleleia ai ma e mafia ona faaaogaina se fesoasoani faapitoa mai se Kamupani Tausitusi lea e i ai le poto masani i luga o le Siata o Faamatalaga tau tupe ma polokalame o Faamaumaga o le Tuufaatasiga o Faamatalaga Tau Tupe a le SROS. Ua matauina ma ua faamaonia le faaaogāina e le SROS o se tasi o kamupani Tausi Tusi e iloiloia le Siata o Faamatalaga tau tupe ma le polokalame o Faamaumaga o le Tuufaatasiga o Faamatalaga Tau Tupe, e faapea foi le faatinoina o le aoaoina o le aufaigaluega ina ia faaleleia tomai faapitoa tau le tausiga o tusi a le Vaega o Tupe.
3. E le o i ai se faagasologa lelei o le faamauina aloaia o aseta tumau, faatauina mai, taimi e tuuina mai ai, taimi o fesiitaiga, ma isi faapena. Ua fautuaina malosi le i ai o se faagasologa lelei mo aseta tumau ua faamauina aloaia, ina ia faapea ona faatino lelei ai tulaga e faatonutonu ai ma tausia i luga o pepa e faatau mai ai aseta tumau, maua mai, teuina, faaaogāina ma le fesiitaiga ma faamatalaga tau tupe mo aseta tumau, ina ia faapea ona faaaogā lelei aseta tumau mo nao faamoemoega aloaia ma ia faamautinoa ua faamauina tau aogā sao o aseta tumau ma ua faapea ona faamatalaina. Ua faautagia e le Faalapopototoga fautuaga mo le faatinoga.
4. Sa faapea ona matauina i le sueina o tusi e faatatau i le tuuina i totonu o faamaumaga eseese tau tupe, e le o i ai se faagasologa lelei o le faatagaina o ia faamaumaga. E le o i ai foi ni pepa aloaia e lagolago ai. Ua fautuaina le i ai o se faagasologa o le faatagaina pe afai o faamaumaga eseese tau tupe ua faatagaina lelei e faamautinoa ai ua faapea ona tuuina sao i totonu faamaumaga tau tupe ma ua faatatauina ma lagolagoina e pepa aloaia faatuatuaia ua teuina lelei. Ua faautagia e le Faalapopototoga fautuaga mo le faatinoga.
5. Ua faapea ona matauina i le sueina o tusi le lē mafai e le polokalame o faamatalaga tau tupe o poloketi a le SROS, ona tuuina mai i se faiga fuafuaina le tau ma tupe maua o poloketi taitasi. O poloketi taitoatasi e le o faatulagaina i totonu o le polokalame o faamaumaga o le

tuufaatasiga o faamatalaga tau tupe, ma e leai se eseese i le va o aseta ua faatagaina atoatoa mai se Poloketi ma le galuega o faagasolo i le faagaoioiga o se poloketi. Ua fautuaina le SROS ina ia faaaogā le fesoasoani faapitoa a se kamupani Tausi Tusi ina ia faatulaga faamatalaga talafeagai o tupe tau le poloketi, i totonu o lana polokalame o Faamaumaga o le Tuufaatasiga o Faamatalaga Tau Tupe, o faamauina ai a o faagasolo le faagaoioiga o le poloketi, o tau ma tupe maua e faapea foi galuega o faagasolo ma aseta ua maea faaaogā pe a oo ina faatagaina po o ua maea. Ua matauina fautuaga mo le faatinoga o iloiloga i le i ai o se maliega a le SROS e taulai ai i le atinae o suesuega faasaienisi. O le faalauiloaina faapisinisi o taunuuga tau suesuega o le poloketi a le SROS, ua fuafuaina lea mo vaega tumaoti ina ia manino lelei taunuuga ma siitia tulaga mo le faalauiloaina ma faamoemoega tau fefaatauaiga. Ua faapea foi ona taua le silafia o lipoti tau poloketi ua maea, ua faapea lava ona tuuina atu pea ia latou paaga na foai mai/fesoasoani mai, e aofia ai se tulaga faamaonia o auililiga o vaega tupe tau atinae sa faaaluina.

Pulega o Petipetiga

Tausaga Faaletupe na faaiuina 30 Iuni 2011

Sailiiliga Faasuetusi

1. Ua maea ona foia mataupu na laga i le taimi o le sueina o tusi.

Pulega o Petipetiga

Tausaga Faaletupe na faaiuina 30 Iuni 2012

Sailiiliga Faasuetusi

1. Ua maea ona foia mataupu na laga i le taimi o le sueina o tusi.

Faaputugatupe Teufaafaigaluega o Mavaega Tausi a Samoa

Tausaga Faaletupe na faaiuina 30 Iuni 2012

Sailiiliga Faasuetusi

1. E le i lesitalaina tusi siaki a le Faalapotopotoga. O le tulaga sa i ai muamua, sa masani lava ona faailogaina ma faamaumau e le UTOS a latou tusi siaki ma teu malu i se nofoaga e saogalemu ai mo faasinomaga i le lumanai. Ua loo tausia e le UTOS se tusi lesitala mo tusi siaki, faapea foi isi faamaumauga aloaia talafeagai.
2. Sa faapea ona matauina i pepa faapoloaiga o oloa faatau mai e lei tuuina mai i le polokalame o faaogaina mo le tuufaatasia o faamatalaga tau tupe ma e le i faanumeraina muamua foi nei pepa.
3. E le o atagia noataga a le faalapotopotoga mo tulaga e agavaa ai le aufaigaluega i aso malolo, i totonu o le polokalame mo faamaumauga o le tuufaatasiga o faamatalaga tau tupe, i luga o se faiga faale-masina.
4. E leai se faiga faavae faamaonia po o se tusi taiala o i ai e faafae ai le Faalapotopotoga i le tausiga o tupe totogi sao e nisi o sui i le faletupe e aunoa ma le iloa o ni auiliiliga o tagata e umiaina nei tupe.

Faaputugatupe Teufaafaigaluega o Mavaega Tausi o Samoa

Sueina Faavaitaimi o Tusi: 1 Iulai 2012– 31 Mati 2013

Sailiiliga Faasuetusi

1. E le o faamauina tusi siaki ma tusi o faamaumauga o tupe teu i le faletupe i le lesitala mo tusi o Tusi o Faamaumauga Eseese. Sa laga lenei mataupu i le sueina o tusi i le tausaga ua mavae.
2. E le o atagia i le polokalame o faamaumauga mo le saunia o faamatalaga tau tupe aso malolo e agavaa i ai le aufaigaluega i vaitaimi tai masina. Na faapea foi ona faatonuina lenei itu i le sueina o tusi talu ai. E le i faia foi se auiliiliga faatusatusa mo aso malolo e agavaa i ai le aufaigaluega. O lo o i ai le atugaluga o le suetusi i le sao atoatoa o faamatalaga i soo se taimi ma le tele o fetuunaiga e ono tupu i le maea ai o le tausaga faaletupe.
3. E le o i ai se faiga faavae faamaonia po o se taiala e faafoeina ai tinoitupe e le mailoa e teuina ua maua mai e aunoa ma se tulaga e iloagofie ai po o auiliiliga o i latou o lo o umia iunite. Sa laga foi lenei mataupu i le tausaga ua mavae atu.

Faalapotopotoga o Malosiaga Faa-Eletise ADB Atinae o le Faalauteleina o le Malosiaga Faa-Eletise

Tausaga Faaletupe: 1 Iulai 2011 – 30 Iuni 2012

Lala Sooupu na faatinoina: Malosiaga Faa-Eletise

Sailiiliga Faasuetusi

1. Na faaalua se atugaluga i le sauni atu o le EPC e fetaiai ma le faatuputupulaia o aitalafu tuua aemaise ai lava le faamutaina ole vaitaimi tuusaoloto ma e ono totogiina nei aitalafu i faaputuga tupe o tupe fetafeai a le EPC ma o le a laititi pe leai foi se tupe faaalu mo isi fuafuaga. Na tali le EPC o le a faia gaioiga e faaititia ai aafiaga o fesuaiga o fua faatatau i luga o tupe o loo totogina ai aitalafu aemaise ai le totogina o tupe tului.
2. Na fa'aalia se atugaluga i le lē sa'o o le vaevaeina ma le seāseā totogiina atu o tupe tului i le Matagaluega o Tupe. Na tali mautinoa le EPC o le a faia gaioiga e fa'aleleia ai nei faiga le tonu o lo'o tutupu pea.
3. Na fa'aalia atugaluga i le le o gatusa o faiga fa'avae mo le faamauina o tupe maua ma tupe alu pea (exchange gains and losses) faaliliuina tupe o loo faaogaina mo le poloketi o le PSEP. Ua faautagia e le EPC fautuaga e faatinoina mo le agai i luma.

Faalapotopotoga o le Malosiaga Faa-Eletise 400KWP Solar Project

Tausaga Faaletupe ua Sueina: 1 Iulai 2011 – 30 Iuni 2012

Lala Sooupu o Faatinoina: EPC

Sailiiliga Faasuetusi

1. O le Poloketi o lo o i ai itu o lo o tuai ai lona faagaoioiga. I le taimi o le sueina o tusi, ua atoa le 18 masina talu ona maea ona sainia le maliega o le faatupeina, peitai e le i sainia lava le konekarate autu. O le faatuai ona amata, na mafua mai i le suiga o le Pule Sili o le EPC. O le tulaga foi lenei na mafua ai ona tuai ona tofia se Taiulu o le Vaega o le Poloketi o Malosiaga mai le la, ma mulimuli ane ai le faatuai o le sauniga o le faagasologa o le tauofoga autu mo le ata faataatia, fausaga ma le faatinoga.

Poloketi a le Vaega o Aoga Laasaga II

Tausaga Faaletupe na Sueina: 1 Iulai 2011 – 30 Iuni 2012

Lala Sooupu o lo o Faatinoina: Matagaluega o Aoga, Taaloga ma Aganuu

Sailiiliga Faasuetusi

1. E le i faatinoina se iloiloga o faatusatusaga tai masina i le va o tusi o faamaumauga tau tupe a le poloketi ma tusi o faamaumauga a le Matagaluega o Tupe (Finance One). O lo o auiliiliina faatusatusaga tupe o saofaga i vaitaimi tai tausaga pe a maua mai faatulaga atoatoa o galuega mai le MOF. Na faaalua e le MESC e seasea faia lea tulaga ona e leai se latou avanoa i le Polokalame Tau Tupe Faakomepiuta. Na faailoa mai e le Matagaluega o Tupe e faapea o ata lomua o le tusi o faamaumauga o saofaga o le a tuuina atu i lea Vaega e latou te faia le iloiloga o le faatusatusaga o le teugatupe o saofaga i masina tai tasi.
2. E na o le tasi le tusi lesitala mo tupe totogi mo le MESC ESP II Poloketi ma le Poloketi o le School Net. O le a tausia foi tusi lesitala e ese ai mo le School Net ma le ESPII e amata mai le tausaga faaletupe 2012/13.
3. O le tusi lesitala o tagata o lo o nofo aitalafu ai le Matagaluega ma le iloiloga o faatusatusaga na saunia e le MESC e le o talafeagai ma faamaumauga o lo o i le Matagaluega o Tupe. E i ai tusi o faamaumauga a le poloketi i tagata o lo o nofo aitalafu ai. Peitai ane, o le eseese i le va o le MESC ma le MOF o se taunuuga o fua faatatau sa faaogaina.
4. . E lei sueina muamua e le Ofisa Suetusi ia tupe faaalu sa faaogaina mai i le teugatupe a le SPA o loo i lalo o le CBS(#06443). Na faamauina le aofaiga e \$13,082,497.26 o tupe faaalu o lenei Poloketi e lei sueina ma siakina muamua e le Ofisa Suetusi talu mai le 2002.

Gaoioiga Faataatitia o le Poloketi o le Pulega o Vailaau Faava o Malo (SAICM)

Tausaga Faaletupe na Sueina: 1 Tesema 2008– 31 Tesema 2011

Lala Sooupu e Faatinoina: Matagaluega o Punaoa Faalenatura ma Siosiomaga

Sailiiliga Faasuetusi

1. Ua uma ona soalaupule mataupu sa lagā i le taimi na faatino ma faama’ea ai le sueina o tusi.

Fesootaiga i le Va o Tagata Ofisa Faaletulafono o Atumotu o le Pasefika

Tausaga Faaletupe na Sueina: 1 Mati 2011 – 31 Tesema 2011

Sailiiliga Faasuetusi

1. E le i faaigoaina aseta tumau. Ua faautagia fautuaga a le Suetusi mo le alualu i luma.

Polokalame Lagolago o le Sosaiete Tau le Va o Tagata

Tausaga Faaletupe na Sueina: 1 Iulai 2010 – 31 Tesema 2011

Sailiiliga Faasuetusi

1. Na i ai tupe na faaolaina mai le teugatupe a le EU i le AusAID na faaogaina e faatupe ai galuega, a le EU, peitai e le i ai se maliega e faatupe e le AusAID ia galuega. Mo se faataitaiga e \$151,124 na toe faaolaina mai i totonu o le ono masina . E lē gata i lena, sa i ai foi ma se siaki tupe e \$500 mai le teugatupe a le AusAID e amataina ai le teugatupe a le EU. Ua faautagia le fautuaga a le Suetusi.
2. E i ai nisi o pepa mo tau o oloa mai kamupani na tuuina mai auaunaga e le o i ai ni numera. Ua faapea foi ona faautagia fautuaga a le Suetusi ma o le a fautuaina i latou e tuuina mai auaunaga e tusa ai ma lea tulaga.
3. E le'o lelei le faamauina i lalo o tupe faaalu. , E tatau ona i ai le faaeteetega ina ia faamauina i se tulaga lelei ma sao atoatoa tupe alu. O le sese ona faamauina o tupe alu e mafai ona oo ai i le tulaga e faaopoopoina ai le taimi e faia ai auiliiliga o le faatusatusaga o tupe i teugatupe i le masina ma le faaiuga o tausaga taitasi. O le faamauina sao o tupe alu uma e matua tūa tele mo faamatalaga sao atoatoa. Ua faapea ona faautagia fautuaga a le Suetusi.
4. O aofaiga o tupe na faaalu i nei poloketi e sili mamao atu i tupe na faamaonia i le fuafuaga faaletupe e pei ona taua i totonu o le maliega. Ua faautagia fautuaga a le Suetusi.
5. E i ai nisi pepa aloaia e totogi ai tupe e le o faapipii ai ni lisiti a i latou e ona oloa. Ua faautagia fautuaga, e ui lava e i ai nisi tagata na latou sainia pepa aloaia nei e totogi ai tupe.
6. O lo o i ai pepa e totogi ai tupe e le o i ai ni pepa aloaia e lagolagoina ai le faaaluina o nei tupe. Ua faautagia fautuaga a le Suetusi.
7. E lē maea ona saunia le tusi lesitala o aseta tumau. Sa tatau ona vaevaeina le numera o le aseta mo se seti atoa o komepiuta i le A (Monitor), B (CPU) ma le C (Keyboard). Mo se faataitaiga, o le numera o le aseta PCD01-A e tatau ona faasino i le monitor o le seti; ma e le o taua i luga o le tusi lesitala le nofoaga o i ai e faafaigofie ai ona faamaonia. Ua faautagia fautuaga a le Suetusi ma o le a tuulata mai le tusi lesitala o aseta tumau e tusa ai ma nei fautuaga.
8. E le o sainia oototoga o mataupu o fonotaga e le taitaifono e silasila ai faamaumauga sao o taualumaga. Ua faautagia fautuaga a le Suetusi.
9. E le i sainia e tagata faigaluega o loo nafa ma le faia o Lipoti (e pei o lipoti tau tupe)ia lipoti na tuuina atu i le Komiti Faafae mo le vaitaimi o lo o iloiloaina nei. Ua faautagia fautuaga a le Suetusi.

Polokalame o le Toe Faaleleia ina ua Maea le Tsunami 2012

Tausaga Faaletupe na Sueina: 1 Iulai 2011– 30 Iuni 2012

Lala Sooupu: Matagaluega o Tupe

Sailiiliga Faasuetusi

1. E tasi se faamaumauga o feuaiga (journal entry) sa faatinoina ma e \$38,008.19 le aofaiga sa aafia ai, ae peitai e le i sainia e le pulega e faamaonia ai. Ua faautagia le atugaluga o le suetusi.

Vaega o Tulafono ma Faamasinoga

Tausaga Faaletupe na Sueina: 1 Fepuari 2009 – 29 Fepuari 2012

Sailiiliga Faasuetusi

1. E le'i maua se lipoti mai le Matagaluega o Tupe e uiga i Tulaga Faaletonu e faatatau i se fa'alavelave tau taavale e aafia ai le taavale a le Ofisa Tutotonu.

Toe faaleleia o fesootaiga i aoga o Samoa(Samoa School Net) ma Avanoa o le Atunuu

Tausaga Faaletupe ua Sueina: 1 Iulai 2011– 30 Iuni 2012

Matagaluega o Faatinoina: Matagaluega o Aoga, Taaloga ma Aganuu

Sailiiliga Faasuetusi

1. E le i saunia ni auiliiliga o faatusatusaga o tupe a le MESC ia latou tusi o faamaumauga tau tupe ma le Matagaluega o Tupe mai le Polokalame Tau Tupe Faakomepiuta. O le Poloketi o le School Net e tutusa ma le ESP II. E le i mafai ona faaogaina le Polokalame Tau Tupe Faakomepiuta e le MESC ma o le a feutagai le MESC ma le MOF i le auala e maua ai ata lomua mai le Polokalame Tau Tupe Faakomepiuta mo auiliiliga o faatusatusaga tau tupe i masina taitasi.
2. E na o le tasi le tusi lesitala mo tupe totogi na saunia e le MESC e i ai uma le MESC ESP II (Poloketi) ma le Poloketi o le School Net. E le o tausia se tusi lesitala mo le Poloketi o le School Net. O le a saunia ma tausia se tusi lesitala ese mo le tausaga faaletupe 2013/14.
3. E le i faaooina mai le tusi lesitala o aseta tumau mo le vaitaimi 2008. Na tuuina mai le tusi lesitala o aseta tumau mo le tausaga faaletupe 2011-2012.
4. O le tele o aseta tumau na faamauina i tau atoatoa na i lo le faamauina i tau o meatotino taitasi. Ua faautagia atugaluga o le suetusi.
5. O nisi o aseta na faatau mai a o faagasolo le tausaga e le i faamauina i le tusi lesitala o aseta tumau. E aofia ai polokalame faakomepiuta. O nei polokalame faaogaina ua maea ona tuuina i totonu o le masini komepiuta autu (main server) mo le faasoasoina atu i masini komepiuta a aoga pe a oo ina faagasolo le poloketi.
6. E le i faia ni ata(copy) o le tele o nisi tupe ua maea ona totogi na faatino e le Vaega o Auaunaga Lautele o lo o teuina e le Ofisa o le Poloketi o le Samoa School Net.
7. O le aofaiga o tupe alu mo Tau Faasaofaga o le Poloketi o le School Net ua sili atu i Tupe Faatatauina mo le tausaga faaletupe 2011/2012. Ua faautagia atugaluga o le Suetusi ma o le a mataituina lelei tupe faaalu i le lumanai.

Laasaga II (SIAM) o le Pulega o Aseta Eese a Samoa

Tausaga Faaletupe na Sueina: 1 Iulai 2011– 30 Iuni 2012

Matagaluega o Faatinoina: Matagaluega o Punaoa Faalenatura ma le Siosiomaga

Sailiiliga Faasuetusi

1. E le o i ai se konekarate tau galuega mo le Pule o le Poloketi. E le i ai lava se konekarate tau galuega a le Pule o le Poloketi talu mai na amata ona faigaluega i le Matagaluega. Ua faautagia atugaluga ma o le a laga lenei mataupu i le Ofisa Sili o Pulega e ala i se tusi aloaia.
2. E le o maeaea le tusi lesitala o asetā tumau ona e le o faamauina ai numera faasolo sao o asetā uma na faamauina. Ua faautagia atugaluga o le suetusi mo le faaleleia o lea tulaga i tausaga o totoe o le poloketi.
3. O asetā uma na sueina e le i faaigoaina. Ua talia atugaluga o le suetusi ma o lea faaleleia lea tulaga.
4. Na matauina nisi o asetā ua faaleagaina. Ua faautagia foi lea vaega ma taumafai ai ia tele se suiga i le lumanai.
5. E i ai asetā sa tatau ona i le fale o le MWTI e tusa ai ma le Tusi Lesitala o Asetā Tumau, peitai e le i mafai ona vaaia pe maua nei asetā a o faagasolo le sueina o tusi. Masalo o asetā nei sa faatauina mai mo le Pule o le Vaega i le MWTI i le amataga o le poloketi. Ua faautagia le atugaluga ma o le a sailia se auala e faaleleia ai lea tulaga mo tausaga o totoe mo le poloketi.

Polokalame Tau Aoaoga i Totonu o Samoa

Tausaga Faaletupe na Sueina: 1 Iulai 2011– 30 Iuni 2012

Matagaluega na Faatinoina: Iunivesite Aoao o Samoa

Sailiiliga Faasuetusi

1. E le i toesea mai Lafoga taofiofi mai auaunaga faapisinis sa tuuina atu. E le o sainia foi pe faamaonia pepa ma faamatalaga i se tulaga talafeagai. E i ai foi nisi konekarate e le i sainia e vaega uma e lua e mautinoa ai le aloaia o le konekarate. E tasi le pepa o tupe totogi e le i sainia e le Matagaluega o Tupe. O le a toesea e le pulega le 10% o lafoga taofiofi mo so o se auaunaga o totogi faalisi a le SICTP i le agai atu i luma ina ia mautinoa ai le usitaia ma tausisia o manaoga o le Matagaluega mo Tupe Maua-IRD. O le a faamautinoa foi e le Pulega le sainia uma ai e vaega e lua o konekarate a i latou e faia aoaoga, e mautinoa ai le mautu ma atoatoa o pepa aloaia o faamatalaga. E faapena foi ona mautinoa le sainia e le Matagaluega o Tupe o pepa e totogi ai tupe.
2. E le i tausia ma teuina e le ICTP ata o konekarate o Galuega a isi tagata faigaluega e toalua. E tãua tele i le Polokalame ona teuina ma tausia faila o konekarate o galuega ona o lo o totogi nei tagata i tupe o le Poloketi, e tataua la ona teuina faamaumauga o tuutuuga ma aiaiga o a latou galuega. Ua talia fautuaga ma ua faatino nei le failaina o konekarate o galuega ua maea ona sainia, faatasi ai ma tautoga o tulaga faalilolilo ua tuuina i totonu o faila talafeagai a le aufaigaluega.

Poloketi Lautele a le Vaega o le Soifua Maloloina

Tausaga Faaletupe na Sueina: 1 Iulai 2011– 30 Iuni 2012

Matagaluega na Faatinoina: Matagaluega o le Soifua Maloloina

Sailiiliga Faasuetusi

1. E le i sainia otootoga o mataupu o fonotaga a le (SWAP) Komiti Fauautua a le Soifua Maloloina e le failautusi ma le Taitaifono i le aso 22 o Iuni 2012. Na o le tasi le fonotaga ua tuuina atu otootoga o ona mataupu ae sa le tatau ona i lalo ifo o le fa fonotaga e tuuina mai ona minute e pei ona faamaoti mai i le Faamatalaga 2 o le Maliega Tau Tupe a le IDA. E na o le lua fonotaga a le HAC na faia i totonu o le tausaga faaletupe lea ua maea ona sueina, e tasi ia Novema 2011, ma le isi ia Iuni 2012 ona o le faaavanoaina o le taimi mo le vaega e galulue ai i le toe atiaeina o le polokalame. Ua maea ona tuuina mai otootoga o mataupu o nei fonotaga. Ua faautagia e le Vaega a le SWAP fautuaga nei ina ia sainia uma otootoga o mataupu o fonotaga e le Taitaifono ma le failautusi i le lumanai.
2. E le i sueina muamua e le Ofisa Suetusi tupe totogi uma mo le Polokalame e USD\$3,468,389.64, o se faiga ua lē usitaia ai le Tulafono o le Pulega o Tupe 2001. O le faiga masani lava lenei mo Teugatupe mo Faamoemoega Faapitoa i le Faletupe Tutotonu o Samoa. Talu ai ona o le tele o tupe nei e totogi ai konekarate, e muamua ona iloilo e i latou o lo o tuuina mai meaalofo faatoa totogi ai.
3. E le i tuuina mai lipoti o aoaoga i fafo sa auai atu i ai nisi o le aufaigaluega e tusa ai ma Faamaoniga a le Kapeneta. O lo o ua faataatia nei se faagasologa e mataitu ma tuliloa ai lipoti o aoaoga ma o le tasi lenei o matafaioi a le Aufaigaluega (Lagolago o le Vaega). Ua maea ona faamanatu i le aufaigaluega lenei tulaga peitai e le o taasisia lava.
4. E le o faailoaina mai i le tusi lesitala le faamatuina atu o aseta, ma le isi itu, e le i tuuina mai ni pepa faatumu e faalēaogāina ai a o faagasolo le sueina o tusi. Ua fuafua nei e le tasi tusi o le SWAP e toe fai ni suiga mo le faaleleia atili o le lesitala mo le isi tausaga faaletupe o sosoo ai.
5. O le tele o aseta tumau e le o faamauina i le Tusi Lesitala o Aseta Tumau ma e le i silasila i ai i le suesuega. Ua toe fai suiga i le tusi lesitala o aseta tumau e tusa ai ma lea tulaga ina ia aofia ai aseta ua taua i luga.
6. E leai se api saina a le Ofisa o le SWAP mo le vaitaimi o lo o suesueina mo 1 o Iulai 2011 - 30 Iuni 2012 na tuuina atu mo le faamaoniga a le suesuega a le suetusi, o aso na galulue ai ma aso malolo ua aveina o tagata faigaluega. Na o pepa o aso malolo ua uma ona tuulata mai na tuuina mai. Ua faamauina e le Vaega a le SWAP manatu na laga e le au suetusi. Ua leiloa le api saina.

Polokalame a Talavou

Tausaga Faaletupe na Sueina: 31 Tesema 2012

Matagaluega na Faatinoina: Matagaluega o Tina ma Tamaitai, Atinae o Nuu ma Afioaga ma Agafesootai

Sailiiliga Faasuetusi

1. O lo o i ai lape i le taimi ma le faamaeaina o auiliiliga o faatusatusaga o tupe i pepa faatumu a le Poloketi o le FACE ma faamaumauga a le Matagaluega o Tupe. O lenei faaletonu na iu ai ina lipotia sese ai tupe alu o le 2011 i le lipoti o le 2012.
2. E lē taliaina Pepa Faatumu o le Poloketi o le FACE, o le mea lea ua faailoga fesili ai lona taliaina po o le teena foi e le faalapopototoga o lo o tuuina mai ai tupe faameaalofa.

Polokalame Fa'aleleia o Auaunaga o le Vaega a le Malo

Tausaga Faaletupe na Sueina: 30 Iuni 2012

Matagaluega na Faatinoina: Matagaluega o Palemia ma le Kapeneta

Sailiiliga Faasuetusi

1. E lē mafai ona faamaonia e le Suetusi aso malolo ua ave ina e le Ofisa Autu(Principal Program Officer-PPO) o le Polokalame ona e le o i ai ni faamaumauga o pepa o aso malolo o lo o tausia e le FMU. O lo o tele aso e le o saini ai le PPO i le api saini peitai o lo o maua uma lona totogi atoa. O lo o i ai se pepa o ona aso malolo ma o lo o tausia e le Vaega o Auaunaga Lautele e nafa ma le tuulataina mai o aso malolo uma e aveina. O lo o ua sagai atu nei le Vaega o Tupe/Pulega a le FMU e auiliili faatusatusaga o pepa o aso malolo uma i vaiaso tai lua ma toe siaki ai ma faatusatusa ma faamaumauga o lo o i le Vaega o Auaunaga Lautele. Ua faapea foi ona faatulaga e lea lava Vaega siaki tai vaiaso o le api saini ma ua i ai le faamoemoe e faia o se faatusatusaga ma ia tuulata mai aso malolo uma e agavaa i ai le aufaigaluega.
2. E le o tausia se Tusi o Faamaumauga Lautele o Tupe. E le o iloa e le PSIF lea manaoga. O le a faatulaga le nafa ai o le Vaega o Tupe/Ofisa Tau Pulega ma le saunia o se Tusi o Faamaumauga Lautele o Tupe e pei ona fautuaina. Ua tausia nei e le FMU se Tusi o Faamaumauga Lautele o Tupe e pei ona fautuaina i le lipoti a le Suetusi. O lo o fai ma siaki agai i le Tusi Faamaumauga o lo o tausia e Matagaluega o Tupe i le faaiuga o masina.

Nofoaga ma Fale o Auaunaga Lagolago a le Vaega Tumaoti

Tausaga Faaletupe: 30 Iuni 2012

Lala Sooupu: Matagaluega o Tupe

Sailiiliga Faasuetusi

1. E le i faailoaina mai i le Lipoti o Tupe a le Malo faaletausaga vaegatupe o le polokalame. O lo o ua sailia nei se auala e le vaega o lo o gafa ma le vaaiga o tupe a le Malo ina ia tofu uma poloketi ma latou lava ia teugatupe i le Polokalame Tau Tupe Faakomepiuta. Seiloga ua faia lea tulaga ma faamaea ona faatoa tuuina lea o le PSSF i lalo Lipoti o Tupe a le Malo i tausaga taitasi.
2. E le i toesea lafoga mai alauni o fonotaga ma alauni e momoe ai le aufaigaluega i tua mo le tausaga faaletupe atoa. E le o saunia foi ni faamatalaga o tupe maua faaletausaga mai lafoga. O le taimi muamua lenei ua laga ai lenei mataupu ma ua fautuaina i le totogina o tupe i le lumanai.
3. E lua poloketi (PSSF ma le TTRP) o lo o faagaoioi mai i se teugatupe e tasi i le faletupe. E tele le aafiaga o lenei tulaga i le sueina o tusi ona na iloiloaina e suetusi na o feuiaga tau tupe a le PSSF ae le o le TTRP. E lē mafai ona faamaonia e le suetusi feuiaga tau tupe uma i le teugatupe i le faletupe ona e le o aofia ai le TTRP i le lio o lo o sueina faasuetusi. Na laga foi lenei itu i le sueina o tusi talu ai nei. Ua maea nei le TTRP ma o le a talosagaina le sueina o tusi i masina o i luma.

Pulega o Taulaga a Samoa

Tausaga Faaletupe na Sueina: 1 Iulai 2011 – 30 Iuni 2012

Vaaga Aoao

O Aukuso 2012 na taliaina ai se talosaga mai le Afioga i le Minisita o Galuega, Felauaiga ma Atinae Tetele ina ia faatinoina se suega faasuetusi mo nisi o galuega faatino e le Pulega o Taulaga a Samoa. O itu nei na tulaia i ai le vaai a le matou galuega faatino Le faaaogaina ma le lipotiina o tupe e le Vaega o Tupe

- Faaaogaina ma lipotiina o vaegatupe e le Vaega o Tupe
- Tupe Faatagaina Faaaitalafu a le SPA ma ana Aitalafu Faavaitaimi (ANZ)
- Aseta i Upolu ma Savaii
- Faafaigaluegaina o Tagata Fou
- Isi mataupu na aliai mai i le suega

1. O le faatauina mai o meatotino mai fafo o lo o maua i le atunuu

Na faatauina mai meatotino e pei o oloa tau pepa mai atunuu i fafo ae o loo maua i totonu o le atunuu. Matou te fautuaina le faaaogaina o tagata o lo o tuuina atu auaunaga i le atunuu mo le faatauina mai o oloa, pe afai e talafeagai ai, ina ia faapea ona mafai ona tatou maua ni tulaga lelei e pei o puipuiga malu pe afai ae faaleagaina pe faaletonu se oloa. *Ua faamauina lea mataupu ma o le a faapea foi ona faia se faataufofo talafeagai. O meatotino nei na matou talosagaina mai atunuu i fafo ona e le o maua i totonu o le atunuu aemaise ia totoga faaleoleo o masini la'u uta mamafa faapea ma vali faapitoa e faaaogā mo le sami e faatino ai galuega mo auala e savavali ai i luga o vaa.*

2. O tupe faaalu ua faamaumauina i se tulaga sa'o atoatoa

Na matou maitauina mai le iloiloga o tupe ua totogiina, e faapea o nisi o nei tupe ua totogiina ua faapea ona teuina i totonu o ni teugatupe e sese o latou numera, lea ua le mafai ai ona iloa le fefaatauaiga na faia. O se ata e faapupula ai, o lo o faailoa ai ia tupe ua totogiina lea e le o sa'o le numera faapitoa o le teugatupe o faamauina ai. Ua matou fautuaina le Pulega ina ia tuuina i totonu faamaumauga o lo o tuufaatasia ai faamatalaga tau tupe ina ia tusa ai ma siata o faamaumauga e uiga i pepa o tupe totogi pe afai ua pasia lepepa mo le tau o oloa e avea o se tupe ua totogiina. O le tuuina i totonu o pepa o tupe totogi i se faiga sa'o atoatoa, o le a faapea ona faaitiitia ai le taimi e manaomia e la matou aufaigaluega e toe iloilo ma faasa'o ai faamatalaga ua tuuina i totonu o faamatalaga autu, a o faagasolo le suega o tusi. O se taunuuga e sili atu ona atoatoa ai faamatalaga mo fuafuaga tau pulega ma faaitiitia ai le taimi e alu i le suega o tusi. *Ua faamauina le fautuaga ma ua maea ona soalaupule le mataupu ma le Vaega o Tupe aua lona faaleleia. O le tagata tausi tusi faatasi ai ma lona soatau o i laua ia o lo o galulue nei i le tusia o numera faapitoa o pepa mo le tau o oloa uma ua taunuu mai e tataua ona totogiina a o le i faagasolo le taimi e tuuina ai i totonu. I le tuanai ai o le tuuina i totonu o ia vaega i le faiga faakomepiuta o lo o teu ai faamatalaga, ia faia se ata lolomi e faamaonia ai le sa'o atoatoa o faamatalaga ua tuuina i totonu a o le i toe tuulata mai faamatalaga uma i le faiga faakomepiuta. O leisi fofo i le faafitauli, o le toe faapaleni lea o Faamaumauga Tau Tupe uma o lo o i ai, i masina taitasi.*

3. E le o atoatoa po o e le o i ai ni pepa aloaia e faamaonia ai

Mai la matou iloiloga o tupe ua totogiina, na maitauina ai e faapea, na i ai ni pepa faamaonia o tupe ua totogiina e le o atoatoa lelei, po o e le o i ai ni pepa aloaia e faamaonia ai. Mo le tausiga o tusi i se tulaga talafeagai lelei, e fautuaina le faapipii faatasi o pepa aloaia uma ma pepa faamaonia o tupe totogi. *O se faiga masani le faamautinoaina lea ua faamaonia tupe ua faapea ona totogiina. Petai, e i ai lava lape i le taimi e faagasolo ai le totogiina o tupe. O nei*

faaletonu faale-tagata ua faapea ona faaoo atu i le Matagaluega o Tupe mo se tulaga vave e faaleleia ai ma faafaigofie le faasoasoina o tupe i se tulaga talafeagai mo fefaatauaiga. O le faiga e pei ona masani ai, e leai se tupe e totogiina e faamatuu atu seia vagana ai ua atoatoa uma pepa aloaia talafeagai e faamaonia ai.

4. E le o i ai se faiga faavae ua faamanino mai mo nisi o tupe ua faaaluina

Na faaaluina e le Pulega ni tupe e totogiina ai pisupo mo le aufaigaluega, faatasi ai ma ni ponesi, lea e le o māua i totonu o faiga faavae. E faavae tupe totogi mo le ponesi i faatinoga na faia ae le o le faameaalofa atu ona o le Kirisimasi ma le tausaga ua faaiu. E faaopoopo atu ai, sa i ai se tupe na totogiina mo le togiga a le aufaigaluega, lea e le o i ai ni faiga faavae mo ia ituaiga tupe totogi. O le isi tupe faaalu o faiga faameaalofa i faalapopototoga, lea e le o i ai foi sona faiga faavae. Ua matou fautuaina le Pulega ina ia iloiloia, pe tatau ona faatinoina pea ia ituaiga faiga ona e le o i ai se faiga faavae mo ia tulaga. O se faataitaiga, e mafai ona faatupeina mai le faaputuga tupe a le aufaigaluega (social fund), le togiga e pei ona faia i totonu o Galuega a le Malo. Matou te talitonu e ui lava i se tulaga faapea, o lo o mafai e le Pulega ona faamatuu atu togiga mo le saogalemu i tulaga e pei o le faatinoga -o latou galuega, peitai e ao foi ona silasila pe ua lē tatau loa ona taofia le tuuina mai o togiga a le aufaigaluega, ona ua silafia lelei le tulaga o lo o i ai le fesoloaiga o a latou tupe. E tutusa lelei lenei tulaga ma tupe o lo o totogi atu faa ponesi, ona e le i faatulagaina lava ma faataatia lelei se faiga e suesueina ai faatinoga o galuega a le tagata faigaluega (appraisal system). *Sa faia nei faatinoga e tusa ai ma faatonuga mai le pulega maua luga.*

5. Fiafia a le Aufaigaluega i le Faaiuga o le Tausaga.

Mai i iloiloga na faia e uiga i tupe totogi, na maitauina ai se aofaiga maoae na faaaluina e le Pulega aua le faatupeina o le fiafia sa faia i le faaiuga o le tausaga/pati o le Kerisimasi. O se tupe na fuafuaina e sili atu i lo le \$10,000 na faaaluina mo lea fiafia. Ua matou fautuaina e faapea, e tatau ona faatupeina nei fiafia/pati mai le Faaputuga Tupe a le Aufaigaluega ae le o le faatupeina uma mai i le Teugatupe mo Faatinoga o Galuega a le Pulega. *O tupe totogi uma nei sa faapea ona faamaonia e le Komiti Faatino i lea taimi.*

6. O faiga faavae a le Malo mo Taavale afi

Mai i iloiloga o meatotino, masini faapea ma meafaigaluega, na maitauina ai e faapea o nisi o taavale afi ua faa-lanu uliuli ona tioata faapea ai ma se isi foi taavale ua faapipii i ai se numera faamauiina o le laisene o se taavale tumaoti, ae ua le o le igoa o le SPA i luga o le apa. Ina ia o gatasi ma le Faaiuga a le Kapeneta (06) 22 ma le Pepa Faatamilo a le Matagaluega o Tupe 2007/02 (sa faalauiloa i le aso 17 Ianuari 2007), ua fautuaina le faaaogaina o taavale uma a le Malo ina ia o gatasi ma faiga faavae aemaise ai le faia o faaopoopoga teuteu tai pei o mea faapipii i pa'u taavale, tai pei o le taavale a le SPA lea e iai tioata ua faa lanu uliuli faapea ai ma se laisene tumaoti ae leai se laisene a le SPA o faaaogaina. *Ua maea nei ona aveesea tioata lanu uliuli mai le taavale SPA01 ae o le taavale SPA 1007 ua faapea ona faapipii i le apa o le numera o le laisene SPA14.*

7. Ia faaleleia puipuiga mo meafaitino ua totoe o lo o faatauina atu i se paū o lo o faagasolo

E mafai ona maua mai tupe mai faatauina ua faia i toega o meafaitino ma e tatau ona faafoe lelei ina ia mautinoa ua faamauiina i se faiga talafeagai. I le nofoaga o i ai le Taulaga i Apia, e le i ai se faamaumaga ua saunia i le taimi na laueseina ai. Talu ai ona e le i ai se fuafuaga ua faia mo le taimi e laueseina ai toega o meafaitino, o le a lē mafai ai ona māua se lipoti o tupe mai le faatauina i se tulaga pa'ū o toega o meafaitino po o le a lē talafeagai foi tupe maua. Ua matou fautuaina le pulega faafoe ina ia tagai lelei i lenei tulaga, o se faiga e fuafua ai le faatauina o toega o meafaitino i so o se nofoaga lea e aofia ai se faamaumaga mo ia meafaitino ua totoe. O lenei faiga o le a talafeagai ai le auina atu o se tagata faigaluega ma se taavale faapitoa mo meafaitino totoe i le nofoaga o lo o fuaina ai. E tatau foi ona maua mai ai

ma ni faamaumauga e faamatalaga ai le telē o le uta. E mafai ona faaaogāina e le aufaigaluega tausi tusi lenei faamaumauga e toe faapaleni ai tupe maua mai e o lo o faafoeina le aveesea o toega mai meafaitino. *O lo o faatonutonuina e le Vaega o Tupe faagasologa o toega o oloa ma faamautinoa ua faapea ona faamauina tupe maua e ala i le tuuina atu o pepa o lisiti o tupe. O toega uma o meafaitino ua faapea ona tausia i se tulaga talafeagai ma faaliliti i lalo o le Teuga Tupe SPA ma o le faamatuuina atu ua noatia lea ma le fai fuafua i le totogiina mumua o tupe.*

8. O alauni o fonotaga ma totogifuapauina o le Komiti Faatonu

Mai la matou iloiloga na faia o tupe faaalu a le komiti, na maitauina ai e faapea, o lo o i ai tupe totogi o alauni o fonotaga na totogiina atu i faatonu a e le i oo se latou fonotaga. O lenei tulaga, i nisi o taimi, mo se faataitaiga, e mo i latou ua auai atu i se semina mo faatonu ma ia agavaa i alauni o fonotaga. Ae sa i ai foi se fetusiaiga i le va o le Pulega ma le Matagaluega o Tupe e faatatau lea i le tagofiaina ma le faaaogāina o ia ituaiga tupe totogi, lea ua faapea mai le Matagaluega, e na o fonotaga a le Komiti Faatino e totogi atu i ai alauni nei. Mo le tausia o tusi i se tulaga talafeagai, matou te fautuaina le Pulega ina ia faaaogāina le tusi mai le Matagaluega o Tupe, mo tupe totogi atu o alauni o fonotaga i le komiti faatino o faatonu, lea e na'o fonotaga e totogi atu ai. *Ua faamauina le fautuaga.*

9. O le Lesitalaina o Vaega Auai e Fesootai i ai ma ana Gaoioiga Faapisinisi

I lalo o aiaiga i le tausiga o tusi faava o malo ma tulaga faataatitia o le sueina o tusi, i vaega auai e fesootai i ai, o lo o ua i ai nei se manaoga mo le Pulega ina ia faise faamaumauga o vaega auai e fesootai i ai ma/po o ana gaoioiga faapisinisi.

Matou te fia faamamafaina le taua tele o le mataituina o lea vaega auai e fesootai i ai ma ia faapea foi ona resitaina gaoioiga faapisinisi a ia vaega auai ina ia faailoa ma ia faaali atu. Matou te talitonu o se manaoga o le pulega faafoe o le faavaeina lea o se tusi lesitala tau vaega auai e fesootai i ai ina ia i ai i totonu faamatalaga o le a taua:

Pe sa i ai ni gaoioiga faapisinisi na faia i le va o le Pulega ma vaega auai o le komiti faatino, pulega, aufaigaluega ma ana paaga, aiga ma latou te fesootai i luga o galuega. Pe o paaga faapisinisi a le Pulega, tagata o lo o faaaogāina le auaunaga, faioloa, paaga a tagata faigaluega i faletupe ma tagata o lo o feagai ma tulaga tau tupe, aiga ma e fesootai i luga o galuega, pulega faafoe po o le pulega a le Pulega o Taulaga o Samoa.

O le a fesoasoani tele lea ia i matou i le tausisia o faiga faataatitia faava o malo.

Ua faamauina lea mataupu, ma ua maea ona faailoaina i totonu o tala o le tupe, ma o le a silasila totoa i ai le pulega faafoe e pei ona fautuaina ai.

10. Ia faavaeina se Faiga Faavae o Aia Feteenai.

Na maitauina e le o i ai se faiga faavae o aia feteenai a le pulega.

Ua matou talitonu e faapea, o se manaoga i le pulega faafoe, o le faavaeina lea o se faiga faavae tusitusia aloaia i amioga lē talafeagai po o gaoioiga faapisinisi ma sootaga e ono lagalagā ai ni tulaga e pei o aia feteenai. E faaopoopo atu ai i nisi o mataupu, e ao i le faiga faavae ua saunia ona iai tulaga o le a taua:

- E tatau i le aufaigaluega ona aloese mai i tulaga e feteenai ai a latou aia tatau faale-tagata ma aia tatau a le Pulega.
- le faaaogāina o meatotino a le faalapotopotoga mo se faamoemoega faasolitulafono po o ua lē talafeagai, e matua faasaina lava.

- E lē faatagaina le faaaogāina o se aseta e le i faailoaina po o e le i faamauina i so o se faamoemoe lava.
- E leai ni faamaumauga sesē e tusia i api i so o se mafuaaga lava, ma e lē taliaina foi le auai atu so o se tagata faigaluega i so o se tulaga lava o le a faapea ona taunuu i taunuuga e fesootai ma lea gaoioiga faasaina.
- E leai ni tupe totogi e faamaonia pe faia ma le faamoemoe e faaaogāina sona vaega mo so o se faamoemoe lava e ese mai i lo lea ua faapea ona faamatalaina i totonu o pepa aloaia e faamaonia ai.
- So o se tagata faigaluega lava, o ia lea ua ia silafiaina so o se aseta e le o faamauina po o so o se gaoioiga faasaina ua faatinoina, e ao ona lipotia loa lea tulaga i le vaega faafoe ua faamaoti mai, po o le vaegao le pulega.
- O le matafaioi a pule o vaega taitasi o le faamalositia lea o faiga faavae.

E tatau ona i ai faatasi ma faiga faavae se fa'amatalaga faaletausaga mai le pulega autu ma tagata faigaluega o lo o i ai i ni tulaga maaleale (faataitaiga, faatauina mai) ua faamaonia ai lo latou taasisia o faiga faavae. O nei faamatalaga tau tupe e tatau ona iloiloaina e i latou o lo o umia tofiga maua luga o le pulega atoa ai ma le Komiti Faatino o Faatonu.

Ua matou maitauina lea mataupu ma ua lagolagoina foi le fautuaga na tuuinamai. O le Vaega Faasuetusi a le Pulega, o i latou ia ua aofia i lenei vaega o ana fuafuaga tau galuega i lenei tala o le tupe faaletausaga.

Matagaluega o Punaoa Faalenatura & Siosiomaga - Ofisa Tau Faafoega o Faalavelave Tutupu Faafuasei Matuia – Lipoti o le Tufatufaga o Fesoasoani o le Afā o Eveni

Tausaga Faaletupe na Sueina: 1 Iulai 2011 -30 Iuni 2012

Talaaga

O lenei lipoti ua faapitoa lea mai tulaga na mataituina ma faamaonia e le suega i le nofoaga o le NEOC ma le Fale Teuolua (Gym) Tuanaimato, lea na taulimaina ma tufatufaina atu ai fesoasoani.

Faiga satufatufaina ai fesoasoani ma le Matafaioi a le Ofisa Suetusi

MATAUPU

E ui lava i se tulaga e faapea sa lelei tulaga uma na tufatufa atu ai fesoasoani faamamaavega na matou maituina ma faamauina nisi o mataupu e manaomia le faaleleia mo tulaga aliae mai i le lumanai. O le a mulimuli mai se oototoga o nei tulaga ma e ono le o aafia uma ai ni vaivaiga sa faapea ona i ai.

Tulaga o le matafaioi a le Au Suetusi

Mai se tulaga na matou mataituina, na iloa ai se tulaga e faapea, a le o le lē malamalama po o le lē amanaia e vaega o lo o aafia ai le galuega faasuetusi i ona faagasologa, i le maea ai o nisi polokalame (de-briefing) lea na matou taumafai ai e faamamafa atu e faapea, e le o se tiute o le Ofisa Suetusi ma (e lē tali atu) le tufatufaina atu o fesoasoani faamama avega, ae o le mataituina ma faamaonia fesoasoani ua taulimaina , pe na maua mai i oloa faatauina (tupe a le Malo) po o e mai fesoasoani (i totonu o le atunuu ma atunuu i fafo) faapea ma meataitasi ua fesoasoina mo fale eseese, nuu ma tagata taitoatasi.

E ui sa vaaia se suiga i le tulaga ua faaleleia ai a o faasolosolo ina maea le tufatufaga/tapunia, o lo o tumau pea ona fautuaina le faamanino lea i vaega auai atu o aafia ai e uiga i galuega tauave ma le tulaga faasuetusi ina ia aloese mai se tulaga lē mautonu ma faalavelaveina ai e ono tulai mai. Ua faapea foi ona fautuaina le matou vaega suetusi ina ia silafia i se faiga talafeagai o faamatalaga uma e faatatau i lea faatinoga.

O le lē lava o tagata e fitoitonu ma le tufatufaina o fesoasoani faamama avega i le nofoaga autu, a o faagasolo taualumaga o le tufatufaina atu o fesoasoani

I uluai aso e lua, na matou faitauina i se tulaga maeaea, la'uina ma utaina meataitasi i luga o taavale (e le o se mea sa tatau ona matou faatinoina) ona o le toagaogao o tagata faigaluega e fitoitonu ma lea matata i le nofoaga autu, aemaise ai o le lē femalamalamaai o i latou sa faapea ona i ai i lea taimi. Ua matou malamalama, sa lē tatau o na matou aafia i ia faagasologa e pei ona matou faia, peitai, ua matou manatu o se aga ua lē talafeagai tele lo matou faatalitali i nisi o tagata latou te faagasoloina le tufatufaga, ae o lo o toatele tagata o lo o manaomia fesoasoani nei. O le latalata i le faaiuga o le galuega, na faatoa malamalama ai tagata ia sa i ai i le faagasologa, aemaise o matafaioi tonu e patino ia i latou.

Ua fautuaina nei le Matagaluega ma vaega uma e aafia ai ina ia tautuana ma i latou, aua e peiseai o latou tonu lava e gafa ma ia tulaga, ma e tatau foi ona i ai i le nofoaga autu, aua faagasologa, ae tuu pea le ausuetusi e faatino a latou tiute tauave. O le fesopoai i matafaioi o le a lē faamalieleina ai manaoga o le tali atu atoa ma le manino ma o le a avea lea ma aafiaga i le tutoatasi ma le faamaoni o le galuega faasuetusi.

O le leai o se faiga talafeagai i tulaga o lo o tufatufa atu ai fesoasoani faamama avega (tausia o faamaumauga/suega o oloa)

O le taimi na faatoa faatinoina ai la matou galuega, na maitauina ai le leai o se faiga talafeagai ua faatinoina mo le tausaiaina o faamaumauga ma faafoe ai le faagasologa. O le faalavelave faalenatura e i ai le afā o Eveni, e le o se faalavelave faalenatura muamua lea ua aafia ai lo tatou atunuu, aemaise ai foi o le Tsunami o le tausaga 2009, e pei ona mavae atu, peitai, e le i fuafuaina lelei lava ma saunia se faiga e tausai ma suesueina ai faamaumauga ina ia faaogāina. Atonu e mafai ona faatinoina i se tulaga lelei faagasologa e aunoa ma pepa aloaia talafeagai, peitai, e lē mafai ona matou faatinoina le galuega e aunoa ma le tapā o lipoti ona e tataua pea ona amanaia faiga e tali atu ai atoā ai ma faiga sao ma manino faapea ma le silafia ai e tagata lautele.

Ua fautuaina le Matagaluega e fitoitonu i ai, ina ia faamautinoa se faiga e sili atu lona atoatoa ma lelei e fausia ma fuafuaina faapitoa, mo le faagasologa o le tufatufaga o fesoasoani faamama avega i le lumanai.

O talosaga a aiga taitasi

Mai la matou faatalatalanoaga ma nisi o tagata ofisa autu o le DMO (NEOC), sa taliaina talosaga a tagata taitoatasi i luga o se faavae e faapea, o le a asiasia o latou maota a o le i faamatuū atu so o se fesoasoani talafeagai. Peitai, ua mataituina ma faamauiina e faapea, e le i atoatoa ona lelei le asiasiga na faatinoina ma e le i laugatasia tagata taitoatasi na talosaga mai i ni fesoasoani faamama avega, ma o lea na o ane ai i le Fale Taalo 1 (Gym1) (o nisi na o ane i le ofisa o le NEOC ma le Fale Taalo o lo o teu ai oloa a le Malo) e faatagisia ni fesoasoani.

Ua matou talitonu e faapea, o tagata uma taitoatasi, aemaise lava o Upolu, na aafia uma i le tulaga e faapea ua faaleagaina uma ma tafefea a latou mea toto ma meataumafa (fai, ulu ma faatoaga) peitai o le faamoemoe sa i ai, ina ia ave le faamuamua ia i latou ua leai ni fale ma ni apitaga e nonofo ai. Ona o lea tulaga, na faapea ona tele ma anoanoai faitioga na tulai mai, ma o nisi ua o o atu lava ina ia faapea ona lomua faasalalau a latou faitioga i luga o Nusipepa.

E faaopoopo atu ai i lea, ua amata ona matou faalogoina le faigata o le tufatufaina o fesoasoani faamama aveaga ina ua amata ona faasoasoa fesoasoani i talosaga a tagata taitoatasi. Na tulai mai lea lagona ina ua o matou taumafai e la'uina ma faamaonia meataitasi o lo o tuuina mai i pepa aloaia o lo o aumai ai, i le taumafaiga e faatusatusa atu i meataitasi ua faapea ona taulimaina ma i ai ina ia atagia mai i pepa aloaia na tuuina mai mea taitasi sa faapea ona aumai ai. I se taumafaiga e faamautinoa ua fetau vaega nei e lua, e umi se taimi ona mafai lea ona toe sui ma faasa'o le pepa aloaia na tuuina mai ai meataitasi po o le toe faafoi o ia mea i le nofoaga o lo o faagaoioi ai ina ia faia faasaoga. E tele foi le taimi e alu ai ma e le o se faiga e atoatoa, peitai o le manaoga mo nei mea taitasi ua faanatinati. Ia maitauina, sa isi foi feeseeseaiga i upu ma ni feteenaiga ona o le lē malamalama lava, faapea ai ma le faatuai o le la'uina o meataitasi, ma ua fesopoai ai matafaioi ma le lē tausisia ai o le tulaga e laugatasia ai tagata uma na talosaga mai i fesoasoani na tuuina atu i ai.

Matou te fautuaina e faapea, o le iloiloga o talosaga ai tagata uma / so o se tagata e toatasi e tataua ona faatino lelei ma ia faatutusa uma. E faapea foi i le mataupu o se faiga talafeagai lea e le o i ai, matou te fautuaina ina ia silasila i se faiga aupito i atoatoa le lelei (masalo o se masini e suesueina ai faamaumauga faaeletoroni) lea e talafeagai lelei ma manaoga e faatatau i le tufatufaina atu o fesoasoani faamama avega i taimi o mafatiaga i Samoa.

Faailoagofieina o le afaigaluega faatagaina ma taavale e aafia i le tufatufaina o fesoasoani faamama avega

E maitauina le tele o tagata ofisa mai faalapotopotoga eseese ma lala sooupu na aafia i le tufatufaina atu o fesoasoani ma sa faapea foi i taavale (taavale a le Malo ma taavale a tagata taitoatasi) na faaogaina, peitai matou te le i mafai ona maitauina uma.

Peitai mo mafuaaga e pei o le malupuipua o alaoa e i ai tagata, mataituina o le faagasologa ina ia faamautinoa e leai ni meataitasi e mafai ona ave faagaoi pe ua faaogā faalē-tatau, faaogaina i se tulaga talafeagai o meatotino a tagata lautele e aafia ai taavale, ma mea faapena, matou te fautuaina lava ina ia silasila totoa i se faiga e faailoagofie ai i totonu o se pepa faatumu.

O tagata lautele ma avanoa saoloto i fale teuolua lea e teuina ai meataitasi ma tufatufaina mai ai

E faasino i le mataupu ua taua i luga, na matou maitauina ai se tulaga e faapea, e le o iloga ona matua faasaina tagata lautele mai le tuvae i lea nofoaga e ui lava o lo o faagasolo i ai le tiute a leoleo i le 24 itula faapea ma le fesoasoani i ai a sikulati mai le SSFA. O nisi o tagata na oo mai ina ia faatoai a latou talosaga, o nisi na oo mai mo le aveeseina atu o meataitasi o le fesoasoani, o nisi na oo mai ona o ni mataupu e patino ia i latou. Ona o le fale teuolua o se fale Samoa e aunoa ma ni puipui, e maua lava le tulaga e ono osofaia ai e le augaoi. I se faiga e faamautinoa ai o le a leai ni oloa e leiloloa, o lea sa faatinoina ai se faitauga atoa o oloa o lo o faapea ona i ai, i le maea ai o le aso faapea ai ma le taeao o le isi aso e sosoo ai. Peitai, e le i iloga foi ona atoatoa ma lelei le faiga, ona o tulaga na aliae mai i lea taimi. O se faataitaiga, e o o atu i le taimi o le a faitauina ai oloa uma o lo o faapea ona i ai ae ua toatele le afaigaluega e gafa ma lea matafaioi ua tuua le fale faigaluega, ae totoe ai na o se toatasi 1 pe 2 foi, faatasi ai ma le afaigaluega suetusi latou te faatinoina lea tulaga. O nisi o taimi, na o le afaigaluega suetusi ua totoe latou te faatinoina le galuega, o se tulaga matou te manatu ua lē talafeagai lea. O lea matou te fautuaina ai tulaga o le a taua:

- a. E tatau ona fuafuaina se faiga ina ia faapipii ai ni meapueata pe afai/ i so o se vaega e talafeagai ai aua o nisi foi o taimi e ono faia ai ni taupulepulega faa-alatua a nisi mo le faia o tulaga faasolitulafono.
- e. Mo se fale e avanoa e leai ni puipui e foliga tutusa ma le Fale Taalo, o se tulaga lelei le lokaina lea o meataitasi i totonu o pusa teuolua tetele ma ia teuina i le fale teuolua pe ua fuafuaina ina ia loka, po o le teuina i fale e mausali lona malupuipua.
- i. Mo so o se taimi e faitauina atoa ai oloa o lo o faapea ona teuina, e tatau ona faatinoina e le tagata o le afaigaluega (Matagaluega) o ia lea e gafa ma tali atu faapitoa mo lea vaega, faatasi ai ma ni sui mai le Ofisa o le Suetusi mo le faamaoniaina o mea ua faitauina.

O lenei faiga ua mafua ona o se naunautaiga lava ina ia leai se tagata e maua ai se faamanuiaga e patino mo ia lava mai nei oloa mo tagata lautele ma ia puipua ai mai le aveeseina e aunoa ma se faatagaga o nei oloa. I le ma le isi, o le fealuaia (i totonu ma fafo) o oloa o se tulaga ua tatau ona i ai se faiga e mafai ona faamaumauina ai.

Oloa na totoe mai le tufatufaina o fesoasoani faamama aveaga talu ai

Na faapea foi ona maitauina le tulaga e faapea, sa i ai meataitasi na teuina i pusa teuolua tetele, lea na faamatalaina e faapea o ni oloa na totoe mai fesoasoani faamama avega i le taimi o le Tsunami 2009. O tapoleni, seevae ma lavalava mo le saogalemu, ofu faatimu ma ofuvae, ma mea faapena, peitai, e leai se faasologa o ia meataitasi ua teuina ma e le i mafai ona matou faamaonia po o a tonu meataitasi na faapea ona i ai i le taimi lea, pe a faatusatusa i meataitasi na taulimaina, o fesoasoani faamama avega o le sunami i le taimi na tapunia ai. E le i talafeagai le faitauina o oloa na faamatu atu ona o le tulaga faanatinati na manaomia ai le vave ona tufatufa atu, aemaise isi tulaga na aliae mai i lea taimi. E le i tuuina mai se faamatalaga manino po o a taualumaga ma puipuga ua faataatitia o

tulaga e malupuipua ai, mataituina ai ma tali atu ai mo nei meataitasi e totoe. Na matou maitauina le tele o meataitasi ua faapea ona maea le taimi e aogā ai ma ua faaleagaina foi, atonu ai o le umi o le taimi na teuina ai i totonu o pusa teuolua tetele ona o ia pusa sa taatitia i fafo ma ua faapea ona aafia i timuga ma le vela o le la i aso uma.

O nisi foi o nei meataitasi ua faamatuu atu ina ia faaaogāina e le afaigaluega ma i latou uma e aafia ai i le faagasologa o le tufatufaga ua faavaeina i se tulaga e tufatufa fua e aunoa ma ni faamaumauga aloaia. Na faapea foi ona i ai ni tapoleni na faamatuu atu ona o talosaga na tuuina mai, lea sa faaaogāina ai pepa aloaia na tuuina mai ai e tufatufa ai mo le afa o Eveni.

O le masani lava mo meataitasi nei ua tuuina mai faameaalofa mo le fesoasoani i taimi o mafatiaga o le atunuu, e ui lava o meataitasi na totoe pe ua maea le taimi e aogā ai, ae sa tumau pea ona avea ma oloa a tagata lautele e aia i ai tagata uma, ma e manaomia faiga sa'o e tali atu ai ma le manino. O lea, matou te fautuaina ai tulaga o le a taua mo ia meataitasi ua totoe mai i le tufatufaina o fesoasoani faamama avega:

- Ia faatinoina se faiga talafeagai e faitauina ai oloa uma ua taulimaina ma faailoagofie meataitasi i le taimi e tapunia aloaia ai le tufatufaina o fesoasoani faamama avega ma ia teuina ia faamaumauga.
- Ia faamautinoa ua malupuipua le lokaina ma le teuina i se faiga e fesoasoani ai i le faaititia lea o le vave ona muta lo latou aogā.
- Ia i ai se tagata faapitoa e taofia ma teuina ki o pusa oloa tetele ma potu teuolua.
- Ia i ai se pepa aloaia talafeagai o lo o tuuina mai ai oloa po o se faamaoniga a se tagata faigaluega talafeagai pe a tuuina atu o se mea e tasi mai oloa, ma ia tuulata mai faamatalaga o lisi o oloa.
- Ia faatinoina se suesuga faafuasei e faamautinoa ai o le a lē aveesea i se faiga faasolitulafono nei oloa.
- Ia faapaleni oloa o lo o i ai ma le faagasologa ua faia i so o se nofoaga ma le taimi e manaomia ai.

UPU FAAIU MA SE FAAFETAI E FAAMAUINA

E faaiu atu sa matou faamatalaga e faapea, e leai se itu tāua tele (mai le nofoaga sa o matou galulue ai – NEOC & Fale Teuolua) e ono aafia pe i ai sona aafiaga i le faagasologa lelei o le tufatufaga o fesoasoani i tagata i taimi faanatinati mai ia faalavelave faalenatura na tutupu faafuasei.

Matou te fiafia foi e faailoa atu le lagolago malosi mai faapea fesoasoani na tuuina mai e nisi o vaega, sui ma tagata taitoatasi sa faapea ona aafia i le taimi atoa na faagasolo ai le tufatufaina o fesoasoani lea sa faapea ona avea ma faamama avega, i la matou galuega pe a fua atu i le mamafa o ia galuega i taimi o faalavelave faafuasei.

Lipoti o le iloiloga o tupe totogi mo le konekarate na fuafuaina ma vaaia le faafoega o le Polokalame o Vai Tumaoti e Valu (8)

Talaaga

O le faatagisia ai o le totogiina o tupe mo le Consults Ltd sa faapea ona faaoo atu a o le i faatinoina le suega (Ofisa o le Suetusi) e pei ona manaomia ai i lalo o le Tulafono. O le pepa aloaia e totogi ai tupe ua fuafuaina lona tau i le \$88,356.29 (ua i ai ma le VAGST) po o le \$80,673.13 pe a toesea lafoga mai tupe maua. O lenei pepa aloaia e totogiina ai tupe o se tulaga lea na faatagisia i lalo o le vaega 7, ma o lo o aofia ai se fetuunaiga na faia i se konekarate e faasino i auaunaga faaufautua na tuuina atu e le faufautua a le Matagaluega o Tina ma Tamaitai, Atinae o Nuu ma Afioaga ma Agafesootai mo le Vai Tumaoti (IWS).

Mai ni uluai suesuega, e foliga mai o le Fetuunaiga lea sa faatinoina, e le i faamaonia e le Komiti Faatino o Tauofoga. O se mataupu ua manaomia sona faamalamalama sa faapea ona faaoo atu i le Matagaluega o Tina ma Tamaitai, Atinae o Nuu ma Afioaga ma Agafesootai ina ia tuuina atu se faatagaga mai le Komiti Faatino o Tauofoga. Peitai, ina ia tusa ai ma se faamaoniga na tuufoga mai e le Matagaluega, e le o i ai se faatagaga mai le komiti faatino o Tauofoga o lo o i ai i Fetuunaiga na faia.

Sailiiliga Faasuetusi

1. O le leai o se malamalamaaga i le Faamatalaga B4

E lē malamalama le Pule o le Poloketi a le Matagaluega o Tina ma Tamaitai, Atinae o Nuu ma Afioaga ma Agafesootai i le Faamatalaga B4 ma ona manaoga, lea na mafua ai ona faataunuaina loa e le Matagaluega Fesuaiga o le Konekarate e aunoa ma le sailia lea o se faamaoniga mai le Komiti Faatino o Tauofoga.

Fautuaga

Sa fautuaina le Matagaluega ina ia faamasani i le Faamatalaga B4.

2. O le lē usitaia o le Faamatalaga B4

O le leai o se malamalamaaga i le Faamatalaga B4, o le mafuaaga tonu lea na faataunuaina ai e le Matagaluega o Fesuaiga faakonekarate e aunoa ma le sailia o se faamaoniga mai le Komiti Faatino o Tauofoga. E pei ona manaomia ai i lalo o le Faamatalaga B4, o galuega uma faakonekarate e i le va o le \$200,000 i le \$500,000 e manaomia le Faamaoniga A Le Komiti Faatino o Tauofoga. O aofaiga e sili atu i lo le \$500,000 e manaomia le Faamaoniga mai i le Kapeneta. (I le noatia ma le fai fuafua i le Faamaoniga A le Komiti Faatino o Tauofoga)

O le Konekarate Faavae sa faapea ona faamaonia lea e le Komiti Faatino o Tauofoga, peitai, e le i faaseeina atu Fesuaiga tau Konekarate i le Komiti Faatino o Tauofoga. E faaopoopo atu ai, talu ai ona ua sili atu i le \$500,000 e pei ona manaomia ai, le Tau Fou o le Konekarate, o lea ua tatau ai ona sailia se faamaoniga mai le Kapeneta.

Fautuaga

Talu ai ona o le Pulega a le Komiti Faatino o Tauofoga na latou faamaonia le Konekarate Faavae, o lea ua fautuaina ai Fesuaiga uma ua faia ina faapea ona faasee atu i le Komiti Faatino o Tauofoga ina ia faamaonia. O le isi foi mafuaaga e faapea, ona ua sili atu ma le \$500,000 le Tau Aoga Faakonekarate, ua faapea foi ona fautuaina ina ia sailia le faamaoniga mai le Kapeneta.

3. O lape i galuega mataitu

O se lape i galuega mataitu o le Matagaluega o Tina ma Tamaitai, Atinae o Nu'u ma Afioaga ma Agafesootai, Matagaluega o Tupe ma le Ofisa Suetusi, o le a faapea ona leiloloa ai ni tupe ua totogiina atu mo Fesuiaga mai le Faiga o lo'o teuina ai faamaumauga ma ua faamaonia ma faapea ona maea ona totogiina atu, peitai e le i faamaonia e le Komiti Faatino o Tauofoga.

Fautuaga

O se fautuaga mo nei Matagaluega, ina ia faapea ona iloilo ina le faiga o lo'o mataitu ai galuega ina ia foia ai le leiloloa o ia tupe ua totogiina.

Lipoti e Faatatau i le Tagofiaina o Tupe Lautele ua Taulimaina e le Vaega o le Ofisa o Femalagaaiga

Otootoga a le Pulega Faatonu

A o faagasolo ai le sueina o tusi faaletausaga a le Matagaluega o le Palemia ma le Kapeneta (MPMC) mo le vaitaimiti mai le aso 1 Iulai 2009 - 30 Iuni 2011, na lagā mai ai se mataupu mai le pulega faafoe, ona o nisi o atugaluga e faasino lea i le tagofiaina o lisiti ma tupe ua taulimaina e le Vaega a le Ofisa o Femalagaaiga. O ia atugaluga e aofia ai - le i ai lea o ni lisiti ua faalua ona faamauina i totonu o masini komepiuta e lua o lo o faaaogāina e le Vaega o le Ofisa o Femalagaaiga.

O la matou suesuega, e pei ona faatonuina ai e le Pule ma le Suetusi Sili, o le vaavaai auilili lea o nei lisiti ua faalua ona faamauina, ma ia malamalama i lona faapogai, maualuga ma lona aafiaga aoao i le mafai gafatia o lea Vaega e faamaumau ma tali atu i tupe ua faapea ona taulimaina mai a latou galuega masani.

E lua faiga faakomepiuta eseese o lo o faaaogāina e le Ofisa o Femalagaaiga a Samoa, ina ia faagasolo lelei ai faagasologa masani o talosaga o lo o taulimaina e le ofisa, a le mo pemitā, o Tusi Folau. O nei faiga faakomepiuta na fuafuaina ina ia faamauina ai numera o lisiti ma tupe ua taulimaina mai le mamalu o le atunuu.

A o faagasolo la matou suesuega o pepa aloaia ma faamaumauga faakomepitua, na matou mauaina ni lisiti ua faalua ona faamauina i sona aofaiga, e tusa lea ma le 581 i totonu o Faiga o lo o faamaumau ai Tusi Folau ma Pemitā, faatasi ai ma se aofaiga ua leai sona faamalamalamaga, lea a itiiti mai lona tau aogā e \$153,000. O lisiti taitasi nei ua faalua ona faamauina, o lo o faaali mai ai se faatinoga po o se gaoioiga faasolitulafono. O lona uiga, o numera o uluai lisiti na tusia lea sa faaaogā e faagasolo ai talosaga o Pemitā Malaga, lea foi ua faaaogāina e faagasolo ai se talosaga mo tusi folau e ese mai ma leai sona sootaga i le Pemitā (po o se isi foi itu). O nei lisiti ua faalua ona faamauina, e 8 tausaga o faamauina pea mai le aso 14 Iulai 2004 seia oo i le aso 22 Iuni 2012.

O la matou iloiloga, na faapea ai foi ona maitauina le vaivai tele faapea ai ma le maualalo ifo i lo le tulaga e tataua ona ausia o le aotelega o lo o i ai le vaavaaiga a le pulega, lea e fesootai ma le tagofiaina o tupe lautele. O puipuiga amata tau faafoega ma galuega mataitu tutoatasi o tulaga ia sa faapea ona vaaia o lo o lape ai. O lenei tulaga ua faapea ona faapogai mai ona o se tupe ua masani ai i le leai lea o se agaga finafinai o le pulega faafoe latou te foia ai mataupu/vaivaiga ua faapea ona iloa o le faiga o lo o faagaoioia ai.

I lona aotelega, o a matou fautuaga autu o lo o faavasegaina i tulaga o le a taua:

- Ina ia tuuina atu se faasologa o suafa o tagata faigaluega a le Malo o lo o aafia ma nisi o gaoioiga ua faia faasolitulafono i le Matagaluega o Leoleo ma Falepuipui (MPP) mo nisi o galuega tau suesuega i tulaga faasolitulafono; ma
- Ina ia iloiloia e le MPMC le tulaga o lo o i ai le atoatoa o ana fuafuaga ma faatinoga o ana puipuiga i totonu o le matagaluega, faiga faavae ma taualumaga e faasino tonu lea i galuega a le Tagata o lo o Totogi i ai Tupe faapea ai ma le faaaogāina o faiga faakomepiuta e lua (Faiga o lo o faamauina ai Pemitā ma Tusi Folau). E manaomia le faatinoina o ia tulaga ina ia faaitiitia ai le tulaga lamatia o faiga taufaasese ma nisi faiga lea o lo o faapea ona leiloloa ai tupe a le Matagaluega.

Sa tusi le Pule Sili o le MPMC i le Ofisa o le Loia Sili i le aso 21 Tesema 2015 e sãilia se ta'iala fa'aletulafono ma fautuaga i ala aga'i luma i le faiga o suesuega i tulaga faasolitulafono o lea matãupu tula'i mai. O le tali mai a le Ofisa o le Loia Sili e faapea ua faailoaina lea mataupu i le Ofisa o Moliaga o mo gaioiga tonu ma talafeagai. Ua galulue vãvã lalata le Matagaluega a le Palemia ma le Kapeneta, ma le Ofisa o Moliaga ina ia faagasolo suesuega e ono mafai ona faatino i lea mataupu. Ua iai le tagata sa faigaluega i le Matagaluega sa aafia i fegaoioiga ua molia mai le iloiloga o molimau a le Ofisa o Moliaga. Ua faaauau le suesuega i se lipoti o suega faapitoa o lo o taitaina e le Ofisa o Moliaga o lo o galulue faatasi ma le Matagaluega o Leoleo. Matagaluega o Tupe. Matagaluega a le Palemia ma le Kapeneta faapea ma le Ofisa Suetusi.

Ua faamauina e le Matagaluega le mataupu ua lagã e faasino tonu i ana puipuiga i totonu o le matagaluega, faiga faavae ma tulafono i galuega faatino a le Tagata o lo o totogi i ai tupe ma faiga faakomepiuta (Faiga o lo o faamauina ai Pemita ma Tusi Folau), ma faaoga gaioiga talafeagai o lo o soso'o mai.

Ua tuuina i totonu le talosaga i le Merit Technologies e mulimulita'i ai i le latou asiasiga talu ai i le tu'ulataina ma le tu'ufaatasia o faiga faakomepiuta e lua a le Matagaluega o lo o faaoga mo faamoemoe tau femalagaaiga (Faiga o lo o faamauina ai Pemita ma Tusi Folau). Na fuafuaina ia faiga ia faagaioi eseese ma le eseese i faiga faavae ma manaoga faaletulafono mo le talosagaina mo tusi folau ma pemita. Peitai, ua faailoa mai e le Matagaluega e ala i lana iloiloga luitau i tulaga tau faalisitiina ma le mafai ona tali atu. O le tuufaatasiga o faiga ua faatatau o le a mafai ai e le Matagaluega ona faatino siaki ma faatusatusa a latou tupe maua mai tusi folau ma pemita. I le taimi nei, ua faalateleina puipuiga faalotoifale a le Matagaluega e ala i le matua mataituina o gaioiga o tupe maua.

E lua tusi lisiti eseese o tupe maua ua faaogaina nei mo tusi folau talosaga ma pemita ma tau tagatanuu. O lea ua mafai ai e le Matagaluega ona faafaigofie atu ona faatinoina latou faatusatusaga auiliili ma ia faailoa ai so o se matãupu masalomia o lisiti ata tai lua.

O le faagasologa o le iai o ata karaponi o lisiti o tupe totogi mai mo talosaga uma ia faapipii mo le tagata ofisa faatagaina ia faamaonia lisiti faapea na tuuina atu i se tulaga lelei. O lea ia mafai ai e le tagata ofisa faatagaina ona lagolagoina le faagasologa o faiga lisiti o tupe maua mai.

Ua faatinoina e le Matagaluega faatusatusaga auiliili i aso taitasi o lisiti faatasi ma lipoti tautupe a le Tagata o lo o tototgi ai tupe na tuuina atu totonu le Pule Sili Lagolago o Femalagaiga i aso taitasi mo le siakiina ma nisi suesuega a le Vaega Tausi Tusi o Auaunaga Lautele.

O lo o taumafai le Matagaluega ia faaleleia faiga ma faagasologa i le faataunuuina o tiute tau tupe ma matãfaioi e pei ona manaomia e le tulafono.

Lipoti e Uiga i Tupe Totogi mo Aso Malolo ona o le Umi ona Galue

O le faamatalaina o le faaupuga, o Aso Malolo i le Umi na Galue, e faapea, o Aso e Malolo ai se tagata faigaluega, ae maua pea lona totogi lea e agavaa i ai o ia, i le maea ai ona faaiuina lelei se vaitaimi ua faamaotiina na galue ai o ia, po o le galue mo se galuega faapitoa, e pei o le tulaga lenei, o le Malo o Samoa. O le faamoemoe lava o lenei Aso Malolo e pei ona faamanino mai i le tusitala i Tuutuuga ma Agavaa i Galuega a le PSC (tusi taiala a le PSC WC&E), e tauia ai le aufaigaluega mo le latou tautua matavela i Galuega a le Malo o Samoa.

O se otootoga mai le nofoaga tutotonu o faamatalaga a le Vaega o le Polokalame Tau Tupe Faakomepiuta, na faailoa mai ai e faapea e sili atu ma le \$5 miliona na totogiina atu e le Malo o Samoa mo faamanuiaga tau aso malolo i le umi ona galulue o tagata faigaluega a le Malo mo le tausaga faaletupe 2009 i le 2012. Ona o le maoae tele o lenei aofaiga ua totogi atu mo aso malolo o le umi ona galue, e le o se mea fou i le Komisi o le Aufaigaluega o Galuega a le Malo le faaauau ai pea o suiga i le faafoeina o aso malolo ona o le umi ona galue. O ia suiga ua aafia ai nisi o mataupu o le a taua:

- Aiaiga ma Tuutuuga e tatau ona faamalieina e le tagata faigaluega ina ia agavaa ai i le faamanuiaga.
- Suiga mo fua faatulagaina o lo o faavae ai faamanuiaga; ma
- le aafia ai o le PSC ona o ia o se tasi e faamaonia aloaia faaletulafonoina Tupe Totogi uma o Faamanuiaga mo Aso Malolo ona o le Umi ona Galue.

O nei teuteuga na faia ina ia lē na o se taumafaiga mo le sagatonu ma faatutusa o mataupu ua lagā mai e faatatau i manaoga i totonu o Galuega a le Malo, ae faapea foi le faamautinoaina lea o lo o faatumauiina pea le lelei o faiga faavae i ona tulaga tau tamaoiga.

O lenei suesuega/sailiiliga faapitoa na tauaveina ma lona sini autu na i ai, o le iloiloaina lea o le maua luga o lo o i ai le tulaga o lo o taasisia ai e Galuega a le Malo aiaiga ma tuutuuga ua faatulagaina mai e faiga faavae o lo o mulimulita'i ai ma tulafono mo le faagasologa o Tupe Totogi Ona o le Umi ona Galue.

E faapitoa lava, sa faapea ona iloiloaina i le suesuega/sailiiliga faapitoa tulaga nei:

1. O le taasisia o tupe totogi o lo o totogi ai aso malolo ona o le umi na galue ma faiga faavae faapea manaoga faaletulafono e fesootai ma tagata faigaluega a le Malo, lea ua faapea ona faamaeaina le vaitaimi faapitoa o la latou auaunaga, ma muta ai ona avefa ma tagata faigaluega tumau;
2. O le taasisia o tupe totogi mo aso malolo ona o le umi ona galue ma faiga faavae faapea manaoga tau tulafono e fesootai i tagata faigaluega a le Malo o i latou ia ua maea le vaitaimi faatulagaina o auaunaga faaauau ae o lo o galulue pea.

O le taasisia e Galuega a le Malo o taualumaga ma aiaiga ua faamaonia i faagasologa o Tupe totogi mo Aso Malolo Ona o le Umi ona Galue e auala mai ona o auaunaga ua faamutaina.

E faavae i luga o galuega suetusi, na maitauina e faapea o tupe totogi mo aso malolo i le umi o le tautua lea sa suesueina, o lo'o o gatasi ma taualumaga ua faamaonia ma aiaiga o lo o i faagasologa o Tupe Totogi mo le umi ona Galue ona o se tautua ua faamutaina.

O le lē taasisia o le faatatauina ua faia i Faamanuiaga mo Aso Malolo Ona o le umi ona Galue.

O le toe faatinoga o le faatatauina o tupe ua fuafuaina mo Faamanuiaga e tuuina atu mo Aso Malolo ona o le umi ona Galue, na faailoa ai le lē ogatasi o tulaga na maua i ni totogi e lua na faia o faamanuiaga mo aso Aso Malolo i le umi ona Galue. Ua faamalieina le PSC ma ua ofo mai ina toe faia teuteuga.

O se Suesuega Faapitoa o le Iunivesite Faafomai i le Pasefika (OUM)

O se suesuega faasuetusi faapitoa lenei na faatinoina e le Ofisa Tausi Tusi o Lesa ma Penn, e avea ai lea ofisa ma sui o le Ofisa Suetusi a Samoa. Na mafua lea tulaga ona o se taumafaiga ina ia iloiloia le tulaga o lo o tausia ai tusi ma naunautaiga faasuetusi ma manaoga o lea ofisa (OUM) a o faagasolo lona toe faatulagaina.

O le tausisia ai e le OUM o ana faiga faavae ma ata faataatia o ana tulafono e tusa ai ma lipoti, e foliga mai ua fai si mauualalo mai le tulaga sa tatau ona i ai. O le tulaga o lo o faagaoioia ai le faalapotopotoga ua faatumulia i vaivaiga ma lape e faasino lea i ana pulega. E ui lava ina faapea o faafoega tau lotoifale faigofie ua foliga mai o lo o faatinoina, peitai o lona atoaga e manaomia ai lava se vaega suetusi tau tupe e lava lo latou poto masani i totonu o lo latou lava lotoifale.

E ao lava i a latou pulega ona mulimulitaia tulafono a le OUM ma e ao foi ona faamamafaina le manaoga ina ia tausisia pea le faatulagaga o lo o faafoe ai ma/ po o matafaioi e oo lava i le faatulagaga o faiga e mafai ona tali atu ai ma le manino, lea e amata mai i tulafono ona agai atu ai lea i le Minisita, sosoo atu ai ma le Fono, Pulega ma le Auaigaluega a le OUM.

Ua lelei sa maua e le suetusi tofia le faamauina o aitalafu a le OUM ae ui i lea sa faaalua atugaluga i le lē faamauina o fesuaiga o aitalafu o tiute faa fomai. Sa tatau ona iai se faagasologa faatausi tusi e patino i le faamauina o fesuaiga o aitalafu o tiute faa fomai.

O le tausia o tusi i Samoa lava ia, o se tulaga e tatau ona faigofie lona tuufaatasia e pei ona molimauina i le tala o le tupe ua saunia mo le 2002 i le 2009. O se itu na mafua ai ona faigata ona malamalama pe aisea ua lē sueina ai le tala o le tupe. Atonu ai ana faatinoina lea tulaga, semanu ua talafeagai lelei se tulaga ua see ai le OUM, i le taumafaiga lea mo le faaleleia o tulaga pagatia ua i ai tupe i le taimi na sueina ai tusi.

E ao lava ona faamautinoaina e le OUM ma le Malo o Samoa, e na o le pau lea o tulaga e noatia ai, o galuega, maliega ma konekarate ua faamaonia e le Malo o Samoa ma e faapea foi ma le uia o ala talafeagai i feagaiga aloaia tau pulega/auala e pei o le ui atu o le Pulega i le Fono ma le Fono agai i le Afioga i le Minisita ma le Kapeneta, aemaise lava pe afai ua i ai se tulaga lea o le a faapea ona tuuese atoatoa ai mai tupe ia o lo o tuuina mai Paaga mai fafo ma faatupeina atoatoa ai e le Malo mai lana Tala o le Tupe Faaleoleo po o e ala atu i se faalapotopotoga poo se tagata fesoasoani mo le faatupeina o se poloketi.

Pe a fua i se vaaiga lautele faaletupe, ua faaalua e le Suetusi tofia atugaluga e uiga i le avega o le a tauaveina e le OUM i le itu tau tupe. Ua faapea foi ona tutusa atugaluga o la matou ofisa ma le Suetusi, peitai ua faailoa mai le taua o le faaauau ai pea ona i ai o le OUM e faamautinoa ai le faatumauina ma le faaauau pea le maua o Fomai.

O itu na oo i ai le suesuega a le Suetusi i tulaga o le tausisia ma le faatinoga o galuega, ae le o faatapulaaina i itu nei:

- Faatulagaga o le faalapotopotoga
- O ata faataatitia o ana faiga faavae ma tulafono auā le faatumauina pea ona i ai le OUM
- O faamaumauga o faila
- Pulega – po o faatinoina, atoatoa, ma i ai ni ona taunuuga lelei
- Faafoega Faalotoifale –po o lelei, fuafuaina o tau aogā, ma atoatoa lelei
- Lipotia o le Tausiga o Tusi ma tulaga tau tupe – po o faatinoina, po o atoatoa, ma po o lelei taunuuga
- O aseta a le OUM – po o i ai, tau aogā ma po o atoatoa

- Aitalafu a le OUM – po o i ai, tau aogā ma le maeaea
- Sagatonu ma le lē faaitu’au o le Malo – po o faatinoina, o lona taua ma le maeaea.
- Tupe, tau e faagaoioia ai, tupe faasili ma fesoloaiga o tupe a le vaega mo faatinoga a le OUM Samoa – mafai ona totogiina o aitalafu, tulaga gafatia mo le totogiina o aitalafu, mafai ona maua tupe faasili.

Ua fuafuaina ina ia tausisia ma faatino tulaga uma o le Iunivesite e faatatau i faiga faavae, ata faataatitia o tulafono, faatulagaga ma faiga e tali atu ai le faalapotopotoga.